





11

11

11





C. 31. g.

~~Handwritten scribble~~

~~Handwritten scribble~~

C. 37

12-24-21

PHILOSOPHIA PER ARGVMENTA

BREVITER EXPLICATA,

AD VSVM, ET EXEMPLVM.

huius scientiæ studio vacantium.

Auctore P. GUILLELMO CHABRONO
è Societate IESV.

TOMVS. SECVNDVS.

PRIMA PARS PHYSICÆ.





PARISIIS,

Apud GASPARYM METVRAS, paren &
filium, viâ Iacobæâ, sub signo SS. Trinitatis,
prope Mathurinenses.

M. DC. LXIV.

CVM PRIVILEGIO REGIS.





INDEX

DISPUTATIONVM; ET SECTIONVM, quæ in hoc secundo Tomo continentur.

TRACTATUS I.

De principijs rerum naturalium. 3

DISPUTATIO I.

*De principijs rerum naturalium generatim
sumptis.* 4

SECTIO VNICA. Quid sint, & in quo nu-
mero? 4

DISPUTATIO II.

*De principijs rerum naturalium in parti-
culari.*

SECTIO I. An, & quid sit materia prima? 15

SECTIO II. An, & quomodo materia sit po-
tentia? 22

SECTIO III. Quomodo se habeat materia ad
2. ij

INDEX DISPUTATIONVM,	
<i>formas substantiales.</i>	32
SECTIO IV. <i>Quomodo se habeat materia ad formas accidentales?</i>	47
SECTIO V. <i>Quanam, & quando privatio sit principium generationis?</i>	57
SECTIO VI. <i>An, & quid sit forma substantialis?</i>	66
SECTIO VII. <i>An, quid, & quotuplex sit unio inter materiam, & formam ex qua fit compositum physicum?</i>	72
SECTIO VIII. <i>Quomodo totum physicum includat partes, & ab illis distinguatur?</i>	83

TRACTATUS II.

De Causis.

DISPUTATIO I.

De Natura.

SECTIO VNICA. <i>Quid sit Natura, & quibus conveniat eius definitio?</i>	93
--	----

DISPUTATIO II.

De Causis in communi.

SECTIO I. <i>Quid sit causa, ratio causarum, & causalitas?</i>	103
SECTIO II. <i>Quotuplex sit causa, & an eadem res possit exercere omnia causarum genera?</i>	108
SECTIO III. <i>An, & quomodo causa sit prior</i>	

ET SECTIONVM.

suo effectu?

112

SECTIO IV. *An possint esse plures causa eiusdem effectus?*

118

SECTIO V. *An idem sit causa contrariorum?*

129

SECTIO VI. *An causa sint sibi mutuo causa?*

133

DISPVATIO III.

De Causa materiali & formali.

SECTIO I. *Quid sit causa materialis, & quam formarum materialium?*

139

SECTIO II. *Quanam sit causa materialis formarum accidentalium?*

153

DISPVATIO IV.

De Causa efficiente.

SECTIO I. *Quid sit, & an, & quare res creata sint effectiva?*

167

SECTIO II. *De efficientia causa prima, an, & quomodo Deus concurras cum causa secunda, & quis sit eius concursus?*

182

SECTIO III. *De Causalitate causa efficientis.*

216

SECTIO IV. *De Conservatione.*

223

SECTIO V. *De Creatione.*

226

DISPVATIO V.

De Causa exemplari.

SECTIO VNICA. *Quid sit, qualis causa, & quae eius causalitas?*

235

a. iiij

INDEX DISPUTATIONVM.

DISPUTATIO VI.

De Causa finali.

SECTIO VNICA. *Quanam sit eius ratio cau-*
sandi, causalitas, & quinam effectus? 243

TRACTATUS III.

De affectionibus rerum naturalium.

DISPUTATIO I.

De Motu.

SECTIO I. *Quid sit mutatio, & motus, quis hu-*
ius terminus, & quamam inter utrumque di-
stinctio? 260

SECTIO II. *De successione, continuitate, speci-*
ficatione, & contrarietate motus. 271

DISPUTATIO II.

De Loco.

SECTIO I. *Quid sit locus.* 284

SECTIO II. *De ubi.* 287

SECTIO III. *De spatijs imaginarijs.* 301

SECTIO IV. *An plura possint esse in eodẽ loco?* 309

SECT. V. *An idem possit esse in pluribus locis?* 316

SECTIO VI. *Qua accidentia habeant subiectum*
positum in pluribus locis? 327

DISPUTATIO III.

De Vacuo.

SECTIO I. *An, & quid sit vacuum?* 338

ET SECTIONVM.

SECTIO II. *An possit esse motus in vacuo?* 346

DISPVATIO IV.

De Tempore.

SECTIO I. *Quid, & quotuplex sit duratio?* 357

SECTIO II. *Quid sit tempus, & an ad præteritum detur potentia?* 373

SECTIO III. *Quomodo res incipiant, & desinane?* 381

DISPVATIO V.

De Continuo.

SECTIO I. *De quantitate, & eius proprietatibus.* 384

SECTIO II. *An sint partes in continuo, & quales?* 394

DISPVATIO VI.

De Infinito.

SECTIO VNICA. *An detur, aut dari possit infinitum?* 422

TRACTATVS IV.

De Mundo, & Cælo.

DISPVATIO I.

De Mundo. 448

SECTIO I. *Quid sit mundus, quàm perfectus, & quotuplex?* 449

INDEX DISPV.T. ET SECT.

SECTIO II. *An mundus productus sit ab aeterno, aut posuerit produci, & an sit aeternum duraturus?* 454

DISPV.TATIO II.

De natura Cœli, eiusque proprietatibus.

SECTIO I. *An cœlum sit corpus simplex vel compositum?* 478

SECTIO II. *De numero, ordine, & figura cœlorum, & astrorum.* 492

SECTIO III. *De motu cœlorum, & astrorum.* 496

SECTIO IV. *De lumine syderum, & eclipsibus.* 499

SECTIO VLTIMA. *An cœli habeant aliqua accidentia rerum sublunarium, & an influant in hac inferiora?* 501

DISPV.TATIO III.

De Elementis, ut sunt partes mundi, & corpora gravia, & levia.

SECTIO I. *De natura, ordine, numero, & figura elementorum.* 514

SECTIO II. *De magnitudine elementorum* 543

SECTIO III. *De virtutibus, & principiis motibus elementorum, gravitate scilicet, & lenitate, deque motu naturali gravium, & levium.* 545

TRA-



IN
TRACTATUS
PHYSICOS

P R Æ F A T I O.



PHYSCA iucundissima totius Philosophiæ pars, quàm non iniuria scientiæ sibi nomen vendicet, variæ, quas in ea instituemus demonstrationes de existentia materiæ primæ, & formæ substantialis, de efficientia causæ primæ, & causarum creatarum, aliorumque huiusmodi planissimum facient.

Practicam eam esse saltem ex parte contendunt ex iis aliqui, qui Medicinam, iudicio omnium maximè practitam ad eam reuocant; verùm cùm illius vna pars naturam, & proprietates her-

barum consideret : altera remedia curandis morbis præscribat, & sola prima, quæ nullo modo sui obiecti factibilis est Physica sit, non est cur eam totam, & integram speculatiuam non fateamur.

De obiecto eius definire res est facilis, quæ enim in decursu disputabimus, tum de corpore naturali in communi, tum de varijs eius speciebus in particulari, plus quàm satis probabunt, & corpus naturale in genere, & secundùm varias suas species sumptum ab ea considerari. Quæ de eo differemus in varios partiemur Tractatus. Primus erit de principijs rerum naturalium ; secundus de causis earumdem ; tertius de varijs ipsarum affectionibus ; quartus de mundo, & cælo ; quintus de generatione & corruptione ; & sextus tandem de corpore animato.






TRACTATUS I.

DE PRINCIPIIS RERUM *Naturalium.*

PRINCIPIVM in genere definiunt Philosophi ex Aristotele, Id primum, vnde aliquid est, aut fit, aut cognoscitur. Hoc est, quod est prius eo, respectu cuius dicitur principium, & cum eo habet connexionem. Particulæ, *est*, aut *fit*, explicant eius diuisionem in intrinsecum, seu quod est pars principii, & extrinsecum quod nihil est illius. Istud nos in præsentia non curamus, de solis enim agimus in hoc tractatu principijs intrinsecis rerum naturalium: quæ cum spectari possint, vel secundum ea quæ illis conueniunt in genere, vel secundum illa, quæ ipsorum in particulari sunt propria, & per quæ ab inuicem distinguuntur, duas de illis instituemus disputationes. In prima explicabimus quæ illis communia sunt, & in secunda examinabimus quæ sunt propria unicuique illorum.



DISPUTATIO I.

De Principijs rerum naturalium generatim sumptis.

SECTIO VNICA.

Quid sint, & in quo numero.

PRIMA CONCLUSIO:

Principia intrinseca rerum naturalium, rectè dicuntur ab Aristotele non fieri ex se, nec ex alijs, sed ex ipsis omnia.



ILLA non fiunt ex se, nec ex alijs, sed ex ipsis omnia, quæ non habent nec se inuicem, nec alia pro partibus in eo genere principij, in quo sunt principia: & ipsa sunt partes aliorum in suo genere principiandi; atqui principia intrinseca rerum naturalium, non habent nec se inuicem, nec alia pro partibus in eo genere, in quo principiant, & ipsa sunt partes aliorum in suo genere principiandi: ergo rectè dicuntur ab Aristotele non fieri ex se, nec ex alijs, sed ex ipsis omnia.

Prima & secunda pars minoris probatur.

Principia intrinseca rerum naturalium de qui-

bus Aristoteles, & Philosophi, sunt omnium prima; atqui principia intrinseca omnium prima non habent se inuicem, nec alia pro partibus in genere, in quo sunt principia: ergo principia intrinseca rerum naturalium non habent se inuicem, nec alia pro partibus in eo genere, in quo principiant.

Minor pr. Quod habet aliud se prius non est primum; atqui quod habet aliud pro parte in genere, in quo principiat, habet aliud se prius: ergo principia omnium prima non habent, nec se inuicem, nec alia pro partibus.

Minor pr. Quod habet principium eiusdem generis secum, habet aliud se prius; atqui quod habet aliud pro parte in genere, in quo principiat, habet principium eiusdem generis secum: ergo & aliud se prius.

Minor pr. Pars alterius est eius principium, & pars in genere, in quo illud principiat est principium eiusdem generis secum: ergo quod habet aliud pro parte in genere, in quo principiat, habet principium eiusdem generis secum.

Tertia pars minoris, scilicet, esse partes aliorum in suo genere principiandi, pr.

Illa alia sunt composita naturalia; atqui sunt partes compositorum naturalium: ergo sunt partes aliorum in suo genere principiandi.

Maior pr. Illa alia sunt ea, quæ fiunt, seu absolutè fieri dicuntur; atqui sola composita naturalia fieri absolutè dicuntur: ergo illa alia sunt composita naturalia.

Obijcies. Principia intrinseca rerum naturalium fiunt ex se inuicem: ergo non benè asseruntur ab

6 TRACT. I. PHYS. DISP. I.

Aristotele ea esse, quæ nec ex se, nec ex aliis, sed ex ipsis omnia fiunt.

Antecedens pr. Principia intrinseca rerum naturalium sunt materia, forma, & priuatio; atqui materia, forma, & priuatio fiunt ex se inuicem: ergo & principia intrinseca rerum naturalium.

Minor pr. Illa fiunt ex se inuicem, quorum vnum fit ex alio; atqui forma fit ex materia: ergo fiunt ex se inuicem.

Solutio: Atqui *forma fit ex materia tanquam parte*, Nego. *tanquam aliquo extrinseco*, Concedo. ergo *principia intrinseca fiunt ex se inuicem tanquam partibus*, Nego. *tanquam aliquo extrinseco*, Concedo.

Contrà. Priuatio fit ex materia tanquam parte: ergo principia fiunt ex se inuicem tanquam partibus.

Solutio: *Priuatio fit ex materia tanquam parte, in quo genere ipsa est principium*, Nego. *Ipsa enim principiat, ut terminus à quo: materia autem non est aliquid ipsius, ut terminus à quo.* In alio genere, Concedo. ergo *principia fiunt ex se inuicem tanquam partibus in eo genere, in quo sunt principia*, Nego. *in alio genere*, Concedo.

Contrà. Non magis repugnat principia fieri ex se inuicem tanquam partibus, in eo genere, in quo sunt principia, quam idem ex se ipso; atqui vnum ex illis fit ex seipso tanquam parte in eodem genere, in quo principiat: ergo principia fiunt ex se inuicem, in eo genere, in quo principiant.

Minor pr. Materia est vnum ex ipsis; atqui materia fit ex seipso tanquam parte, in eo genere, in quo principiat: ergo vnum ex principijs fit ex se

ipso tanquam parte, in eo genere, in quo principiat.

Minor pr. Quod fit ex suis partibus, fit ex seipso; atqui materia fit ex suis partibus in eo genere, in quo principiat: ergo fit ex seipsa tanquam parte, in eo genere, in quo principiat.

Minor pr. Materia fit ex suis partibus tanquam alia materia; atqui principiat in genere materiæ: ergo fit ex suis partibus in eo genere, in quo principiat.

Solutio: *Materia fit ex suis partibus tanquam alia materia, hoc est, tanquam subiecto, Nego.* una enim pars materia non est subiectum alterius: tanquam aliquo eiusdem rationis, cum alia comparie, ex qua simul, & ipsa constituitur, Concedo. atqui principiat in genere materia, hoc est, tanquam subiectum alterius comparis, forma scilicet substantialis, Concedo. tanquam eiusdem cum illa rationis, Nego. Ex quo patet; cum forma non fiat ex alia forma, sicut nec privatio ex alia privatione, aut materia ex alia materia, seu subiecto, verissimum esse principia intrinseca non fieri ex se invicem, nec ex aliis in eo genere, in quo sunt principia. Ad hoc autem ut ex ipsis omnia fiant sufficit, ut nullum sit compositum naturale, quod non constitutatur ex illis omnibus, aut saltem aliquibus ex ipsis.

CONCLUSIO SECUNDA:

*Tria sunt principia fieri rerum naturalium,
quod est vera mutatio.*

M A T E R I A, forma, & priuatio sunt principia intrinseca illius fieri: ergo tria sunt principia intrinseca fieri rerum naturalium, quod est vera mutatio.

Antecedens pr. Fieri illud est mutatio substantialis; atqui materia, forma, & priuatio sūt principia mutationis substantialis: ergo & illius fieri.

Minor pr. Mutatio substantialis, est materia habens formam, qua antea carebat; atqui eius, quod est materiam habere formam, qua antea carebat: materia, forma, & priuatio sunt principia intrinseca: ergo & mutationis substantialis.

Minor pr. Illa sunt principia intrinseca eius, quod est materiā habere formā, qua antea carebat, quæ sūt partes illius; atqui materia, forma, & priuatio sunt partes illius: ergo & principia.

Minor pr. Illud est pars alterius, quo sublato, remanentibus licet reliquis omnibus per possibile, vel impossibile illud non remanet; atqui sublata materia, forma, aut priuatione non manet id, quod est materiam habere formam, qua antea carebat: ergo materia, forma, & priuatio sunt partes illius.

Obijciat. Tot sunt principia fieri rerum naturalium, quod est vera mutatio, quot sunt generationis illarum; atqui non sunt tātū tria principia generationis illarum: ergo nec fieri rerū natu-

ralium, quod est vera mutatio.

Minor pr. Materia, forma, priuatio, & causa efficiens sunt principia generationis rerū naturalium: ergo nō sunt tantum tria illius principia.

Respondeo *Antecedens esse verum quoad tres primas partes; falsum verò quoad quartam, & ultimam.*

Contrà Illud est principium generationis rerū naturalium, ad quod illa dicit essentialē ordinem; atqui dicit essentialē ordinem ad causam efficientem: ergo causa efficiens est principium generationis rerum naturalium.

Solutio: Illud est principium generationis rerum naturalium, ad quod illa dicit essentialē ordinem, tanquam ad aliquid intrinsecum, Concedo. tanquam ad aliquid extrinsecum, Nego. h c enim agimus tantum de principis intrinsecis, quale non est, ut patet, causa efficiens, qua adquatè distinguī debet, tam ab actione, quàm ab effectu. Distinctio applicanda est vice versa minori, qua etiam permixta maiori animigratia, alio modo distinguī potest; atqui generatio dicit essentialē ordinem, ad causam efficientem ut est actio, Concedo. ut est passiva mutatio, Nego. ergo causa efficiens est principium generationis rerum naturalium, ut hac generatio est actio, Concedo. ut est passiva mutatio, Nego. De ea autem hic agitur tantum, ut est passiva mutatio.

Contrà. Non minùs generatio, ut est passiva mutatio, dicit essentialē ordinem ad causā efficientem, quàm ad alia à tribus primis; atqui ut est passiva mutatio, dicit essentialē ordinē ad alia à tribus primis: ergo & ad causam efficiētē;

10 TRACT. I. PHYS. DISP. I.

Minor pr. Actio per quam fit ignis ex ligno est generatio, ut est passiva mutatio; atqui illa dicit essentialem ordinem ad alia à tribus primis: ergo & generatio, ut est passiva mutatio.

Minor pr. Forma ligni est aliud à tribus primis: atqui dicit essentialem ordinem ad formam ligni: ergo & ad aliud à tribus primis.

Minor pr. Dicit ordinem essentialem ad terminum à quo; atqui forma ligni est terminus à quo istius generationis: ergo dicit essentialem ordinem ad formam ligni.

Solutio: *Dicit essentialem ordinem ad terminum à quo necessarium, Concedo. non necessarium, Nego.* atqui forma ligni est terminus à quo non necessarius, Concedo. *necessarius, Nego.*

Contrà Priuatio est terminus à quo non necessarius; atqui dicit ordinem ad priuationem: ergo & ad terminum à quo non necessarium.

Maior pr. Quod se habet per accidens ad generationem est terminus à quo non necessarius illius; atqui priuatio ex Aristotele habet se per accidens ad generationem: ergo est terminus à quo non necessarius illius.

Solutio: Atqui priuatio habet se per accidens ad generationem secundum se sumptam, Concedo. *ut est mutatio, Nego.* ergo priuatio est terminus à quo non necessarius generationis secundum se sumpta, Concedo. *ut est mutatio, Nego.* Certum est generationem esse posse & verè fuisse in prima productione terra v. g. sine priuatione, seu absentia forma prævia in subiecto, in quo illam producebat, non tamen ut est mutatio, de cuius ratione est, ut subiectum careat forma, quam per illam acquirit.

CONCLUSIO TERTIA:

Duo sunt tantum principia rerum naturalium in facto esse, & fieri ipsarum, quod non est vera mutatio.

RES naturales in facto esse, aut fieri ipsarum, quod non est vera mutatio, sunt tantum materia habens formam; atqui eius, quod est materiam habere formam duo sunt tantum principia: ergo & rerum naturalium in facto esse, & fieri ipsarum, quod non est vera mutatio.

Minor pr. Materia, & forma sunt tantum eius principia: ergo sunt tantum duo principia eius, quod est materiam habere formam.

Antecedens pr. Illa sunt tantum principia intrinseca alterius, quæ sunt eius partes: atqui materia, & forma sunt tantum partes eius, quod est materiam habere formam: ergo & eius principia.

Minor pr. Illud est pars alterius, quo sublato remanentibus licet cæteris omnibus per possibile, vel impossibile illud non manet; atqui sublata materia, & forma remanentibus licet reliquis omnibus per possibile, vel impossibile non manet id, quod est materiam habere formam: ergo materia, & forma sunt tantum partes eius, quod est materiam habere formam.

Obiicies primò contra primam partem conclusionis.

Materia, forma, unio, & subsistentia sunt principia intrinseca rerum naturalium in facto esse: ergo quatuor sunt principia illarum, & non tantum duo.

12 TRACT. I. PHYS. DISP. I.

Antecedens pr. Materia, forma, unio, & substantia sunt partes rerum naturalium in facto esse: ergo & illarum principia intrinseca.

Solutio: Unio, & substantia sunt partes rerum naturalium in facto esse, ut quo, Concedo. ut quod, Nego. ergo & illarum principia ut quo, Concedo. ut quod, Nego. Hic autem agimus tantum de principiis ut quod.

Contrà. Quod est aliquid rerum naturalium in facto esse, est verè pars illarum ut quod; atqui unio est aliquid rerum naturalium in facto esse: ergo est pars ut quod illarum.

Solutio: Quod est aliquid rerum naturalium in facto esse, si non sit ratio principiandi alteri est verè pars ut quod, Concedo. si sit ratio principiandi alteri est pars ut quod, Nego. atqui unio est aliquid rerum naturalium, & non est ratio principiandi in qua unit, Nego. & est ratio principiandi, seu id, per quod principiant, Concedo.

Contrà. Quod est aliquid rerum naturalium, & non est ratio alteri principiandi est verè pars ut quod ex cōcessis; atqui substantia est aliquid rerum naturalium, & non est ratio alteri principiandi: ergo est verè pars ut quod illarum.

Solutio: Quod est aliquid rerum naturalium, & non est ratio principiandi, nec complementum principiorum ut quod, est verè pars ut quod, Concedo. quod est complementum principiorum ut quod, est verè pars ut quod, Nego. Substantia autem est complementum principiorum ut quod, & complet enim ultimò materiam, & formam in suo esse substantiali.

Obiicies secundo contra secundam partem con-

clutionis, scilicet duo esse tantum principia fieri rerum naturalium, quod non est vera mutatio.

Materia, forma, & priuatio sunt principia fieri rerum naturalium, quod non est vera mutatio: ergo tria sunt principia illius, & non tantum duo.

Dua prima partes minoris patent, tertia verò pr.

Fieri rerum naturalium, quod non est vera mutatio est transitus formæ de non esse ad esse ex præsupposita materia; atqui priuatio est principium huiusmodi transitus: ergo & fieri rerum naturalium, quod non est vera mutatio.

Minor pr. Non esse formæ est principium transitus illius; atqui priuatio est illud non esse formæ: ergo & principium huiusmodi transitus.

Minor pr. Priuatio est absentia formæ in materia; atqui illud non esse formæ est illa absentia: ergo priuatio est illud non esse formæ.

Solutio: Priuatio est absentia forma in materia præsupposita tempore, Concedo. tantum natura, Nego. atqui illud non esse forma est illa absentia in materia præsupposita tempore, Concedo. præsupposita tantum natura, Nego.

Contrà. Non esse formæ in materia præsupposita tantum natura est verè illa absentia: ergo nulla solutio.

Antecedens pr. Non existentia formæ in aliquo instanti, in quo sit materia, est verè illa absentia; atqui non esse formæ in materia præsupposita natura est verè non existentia formæ, in aliquo instanti, in quo sit materia: ergo non esse formæ in materia præsupposita tantum natura est verè illa absentia.

Minor pr. Est non esse formæ in illo priori

74 TRACT. I. PHYS. DISPT. II.

naturæ; atqui prius illud naturæ est aliquod
instans : ergo est non existentia formæ in ali-
quo instanti, in quo sit materia.

Solutio : *Est non existentia forma in aliquo
instanti temporis, Nego. causalitatis, Concedo.* Verum quidem est materiam esse priorem na-
tura formæ, hoc est dare illi esse, seu esse illius
causam; at falsum est illam esse in aliquo instanti
temporis, in quo non fuerit forma: hac enim fuit
simul cum illa producta, & iam ad minorem;
atqui prius illud naturæ est aliquod instans tem-
poris, Nego. causalitatis, Concedo.

Ex dictis hac disputatione : Inferes primò in
eo differre Principia extrinseca, & intrinseca,
quòd illa nihil sint eorum respectu quorum di-
cuntur principia, hæc verò sint aliquid ipsorum,
& inadæquatè tantum ab ipsis distinguantur.

Secundò, Cum de ratione primi principij
alicuius rei sit, ut nihil habeat in eo, quod prin-
cipiat prius in suo genere principiandi : Ideo
materiam, formam & priuationem dici prima
principia rerum naturalium; quia in istis nihil
est in genere subiecti, actus ipsius, aut huius
absentiæ prius materia, forma, aut priuatione.

Tertiò, fieri rerum naturalium dici muta-
tionem, quando materia præcedit tempore for-
mam. Quando verò illa non præcedit tempore
istam, non esse propriam mutationem quæ ne-
cessariò requirit, ut materia de nō habente for-
mam (quod non potest esse verum quando illa
non antecedit tempore istam) fiat illam habēs.

Quartò, eodem modo cum proportionem phi-
losophandum esse de Principiis Compositi acci-

accidentalis, ac totius substantialis: Illiusque fieri cum est mutatio, habere tria principia, & cum non est mutatio duo tantum.



DISPUTATIO II.

De Principijs rerum naturalium in particulari.



IXIMVS præcedenti disputatione, materiam, formam, & priuationem esse principia intrinseca mutationis substantialis; ista de iisdem inquirenda sunt duo: primò, an sint? & secundò, quid sint tum essentialiter, tum accidentaliter. Quia verò materia est quasi basis & fundamentum aliorum, æquum est, ut de ea primùm agamus.

SECTIO PRIMA.

An & quid sit materia prima.

PRIMA CONCLUSIO:

Datur materia prima in rebus naturalibus.

IGNIS, aqua, homo &c. de nouo producta sunt res naturales; atqui in igne, aqua, homi-

16 TRACT. I. PHYS. DISP. II.

ne &c. de nouo productis datur materia prima: ergo & in rebus naturalibus.

Minor pr. In igne de nouo producto, ex ligno v. g. datur aliquid, quod antea erat in ligno; atqui illud est materia prima: ergo datur in igne de nouo producto materia prima.

Maior pr. Ignis de nouo productus nihil habens ex iis, quæ erant in ligno fit totus, & totaliter de nouo, & lignum totaliter destruitur; atqui ignis non producit totaliter de nouo, neq; lignum totaliter destruitur: ergo in igne de nouo producto ex ligno datur aliquid, quod antea erat in ligno.

Minor pr. Ignis productus de nouo totaliter, seu secundum se totum creatur; atqui ignis, qui de nouo producit ex ligno non creatur: ergo ignis non producit totaliter de nouo.

Minor pr. Quod producit ab agentibus naturalibus non creatur; atqui ignis productus de nouo ex ligno producit ab agentibus naturalibus: ergo non creatur.

Maior pr. Quod producit ab illis, quæ non habent vim producendi ex nihilo suos effectus, non creatur; atqui agentia naturalia non habent vim producendi ex nihilo suos effectus: ergo quod producit ad agentibus naturalibus non creatur.

Minor pr. Quod prærequirit subiectum vt agat, non habet vim producendi ex nihilo, seu ex non subiecto; sed agentia naturalia, vt agant prærequirunt subiectum: ergo non habent vim producendi ex nihilo suos effectus.

Minor pr. Ignis, aqua &c. sunt agentia natura-

lia; atqui, vt agant prærequirunt subiectum: ergo agentia naturalia, vt agant prærequirunt subiectum.

Respondent *Aduersarij distinguendo*, atqui vt agant prærequirunt subiectum ex quo agant. Negant. quod destruant per suam actionem. Concedunt. & eandem distinctionem applicans consequenti.

Contrà. Ratio, cur dicatur ab ipsis lignum debere destitui, vt producat ignis, est, quia alioquin daretur penetratio; atqui hæc ratio nulla est: ergo ignis non prærequirit lignum tanquam aliquid, quod debeat destruere, sed tanquam subiectum.

Minor pr. Ex eo quod perftet simul lignum cum igne, non aliud debet sequi, quam aliqua condensatio; atqui hæc condensatio non est penetratio: ergo non sequitur penetratio ex eo quod perftet simul lignum cum igne.

CONCLUSIO SECVNDA:

Materia prima est substantia incompleta.

QVOD est primum subiectum, & pars essentialis compositi naturalis est substantia incompleta; sed materia prima est primum subiectum, & pars essentialis compositi naturalis: ergo est substantia incompleta.

Prima pars minoris probatur.

Quod nullum præsupponit subiectum, est primum subiectum; atqui materia prima nullum

præsupponit subiectum; ergo est primum subiectum.

Minor pr. Quod est basis, & fundamentum illorum, quæ sunt in corpore naturali, nullum præsupponit subiectum; atqui materia prima est basis, & fundamentum eorum, quæ sunt in corpore naturali: ergo nullum præsupponit subiectum.

Secunda pars minoris, quod sit pars probatur.

Quod constituit aliud est pars illius; atqui materia prima constituit compositum naturale: ergo est pars illius.

Minor pr. Compositum naturale est totum physicum; atqui materia simul cum forma, & unione constituit totum physicum: ergo & compositum naturale.

CONCLUSIO TERTIA:

Materia est eiusdem speciei in omnibus compositis sublunaribus.

MATERIÆ omnes sublunares sunt eiusdē speciei: ergo materia est eiusdem speciei in omnibus compositis sublunaribus.

Antecedens pr. Illæ materiæ sunt eiusdem speciei, quæ sunt susceptivæ earundem formarum; atqui materia quæcunque sublunaris est susceptiva earundem formarum: ergo materiæ omnes sublunares sunt eiusdem speciei.

Minor pr. Formæ sublunares sunt elementares, vel mixtæ; atqui quælibet materia sublunaris recipit formas elementares, & mixtas: ergo ma-

teria quæcunque sublunaris est susceptiua earundem formarum.

Minor pr. Forma ignis, aëris, aquæ, & terræ sunt elementares, & formæ herbarum, florum, hominis, leonis &c. sunt formæ mixtorum; atqui quælibet materia illas recipit: ergo & elementares, & mixtas.

Minor pr. Materia recipit formas compositorum, in quæ illud, in quo est, conuertitur mediâtè, aut immediâtè; atqui composita conuertuntur mediâtè, aut immediâtè in alia quælibet composita, vt probabimus in tractatu de Elementis: ergo quælibet materia recipit illorum formas.

CONCLUSIO QUARTA:

Materia est ingenerabilis, & incorruptibilis.

I L L V D est ingenerabile, & incorruptibile; quod non producitur ex subiecto, nec destruitur remanente subiecto; atqui materia prima non producitur ex subiecto, nec destruitur remanente subiecto: ergo materia prima est ingenerabilis, & incorruptibilis.

Minor pr. Quod nullum habet subiectum non producitur ex subiecto, nec destruitur eo remanente; atqui materia prima nullum habet subiectum: ergo non producitur ex subiecto, nec destruitur remanente subiecto.

Minor pr. Quod est primum subiectum nullum habet subiectum; atqui materia prima est pri-

20. TRACT. I. PHYS. DISP. II.

num subiectum : ergo materia prima nullum habet subiectum.

Obijcies. Quod est subiectum generationis est generabile ; atqui materia prima est subiectum generationis : ergo est generabilis.

Major pr. Quod est subiectum generationis dicitur generabile : ergo quod est subiectum generationis est generabile.

Antecedens pr. Quod est subiectum generationis accipit ab illa aliquam denominationem ; atqui non accipit aliam potiori ratione, quam generabilis : ergo accipit denominationem generabilis.

Respondeo , *Accipere aliam denominationem, scilicet, passæ generationem.*

Contrà. Materia prima hominis est verè subiectum generationis ; atqui ab illa accipit denominationem generabilis : ergo subiectum generationis accipit ab illa denominationem generabilis.

Minor pr. Materia prima hominis, seu corpus hominis accipit à corruptione denominationem corruptibilis : ergo & à generatione denominationem generabilis.

Antecedens pr. Corpus hominis est corruptibile : ergo accipit à corruptione denominationem corruptibilis.

Antecedens pr. Debet esse corruptibile, vel incorruptibile ; atqui non est incorruptibile : ergo est corruptibile.

Minor pr. Anima hominis est incorruptibilis : ergo corpus eius non est incorruptibile.

Consequentia pr. Anima hominis, vel eius

corpus sunt corruptibilia; sed anima non est corruptibilis ex concessis: ergo corpus est corruptibile.

Mayor pr. Homo est corruptibilis: ergo anima eius, vel corpus sunt corruptibilia.

Consequentia pr. Totum corruptibile habet aliquam partem corruptibilem; sed homo est corruptibilis ex concessis, & partes eius sunt corpus & anima rationalis: ergo anima eius vel corpus sunt corruptibilia.

Solutio: Totum corruptibile debet habere aliquam partem corruptibilem, vel separabilem ab alia, Concedo. corruptibilem tantum, Nego. & concessa minori: ergo anima eius, aut corpus sunt corruptibilia, vel separabilia, Concedo. corruptibilia tantum, Nego. Ad destructionem totius sufficit desitio partis, vel vinculi partium. Hoc enim ad permanentiam in esse, & conservationem totius tam essentialiter requiritur, ac partes.

CONCLUSIO QUINTA:

Materia prima non est infimum ens.

ILLUD non est infimum ens, quod non est omnium ignobilissimum; sed materia prima non est ens omnium ignobilissimum: ergo nec infimum.

Minor pr. Illud non est ens omnium ignobilissimum, quod est nobilius multis aliis; atqui materia prima est nobilior multis entibus: ergo non est ens omnium ignobilissimum.

Minor pr. Calor, frigus, nigredo, albedo &c.



12 TRACT. I. PHYS. DISP. II.

Sunt multa entia ; atqui materia est nobilior illis : ergo est nobilior multis entibus.

Maior pr. Substantia est nobilior accidente saltem naturali ; atqui materia est substantia, nigredo verò, albedo &c. sunt accidentia naturalia : ergo materia est nobilior illis.

Ex dictis facile est inferre, materiam rectè dici substantiam simplicem, incompletam constitutivam compositi per modum subiecti. Primæ particulæ explicant eius convenientiam cum forma substantiali : reliquæ verò illam distinguunt & ab ipsa forma, & ab omnibus alijs. Nihil enim aliud est præter materiam, quod sit pars subiectiva totius naturalis.

SECTIO II.

An, & quomodo materia sit potentia.

CONCLUSIO PRIMA:

Materia non est pura potentia obiectiva, seu logica.

ILLUD non est pura potentia obiectiva, quod est simul actus respondens huic potentia; atqui materia prima ita est potentia obiectiva, ut sit etiam actus respondens huic potentia: ergo non est pura potentia obiectiva.

Minor pr. Actus respondens huic potentia

est actus entitativus; atqui materia prima est actus entitativus: ergo est actus respondens potentiae obiectivae.

Minor probatur. Illud est actus entitativus, quod de facto existit; atqui materia prima de facto existit: ergo est actus entitativus.

Respondent aduersarij: *Illud est actus entitativus, quod de facto existit existentia propria*, Concedunt. *existentia aliena*, Negant. atqui *materia prima de facto existit existentia aliena*, Concedunt. *propria*, Negant.

Contrà. Materia non existit per existentiam formæ: ergo existit existentia propria.

Antecedens pr. Existentia formæ non est existentia materiæ: ergo materia non existit per existentiam formæ.

Antecedens probatur. Existentia formæ producitur ab agentibus naturalibus; atqui existentia materiæ non producitur ab agentibus naturalibus: ergo existentia formæ non est existentia materiæ.

Minor probatur. Quod agentia naturalia producere non possunt, non producitur ab agentibus naturalibus; atqui agentia naturalia producere non possunt existentiam materiæ: ergo non producitur ab illis.

Minor pr. Agentia naturalia non possunt producere id, quod est impenetrabile, & incorruptibile ex superiori sectione; sed materiæ primæ existentia est impenetrabilis, & incorruptibilis: ergo agentia naturalia non possunt illam producere.

Minor pr. Existentia materiæ primæ est idem

24 TRACT. I. PHYS. DISP. II.

cum ipsa; atqui ipsa est ingenerabilis; ergo & eius existentia.

Obiicies. Illud est pura potentia obiectiua, quod non est actus entitativus; sed materia prima non est actus entitativus: ergo est pura potentia obiectiua.

Minor pr. Materia prima non existit: ergo non est actus entitativus.

Antecedens probatur. Materia prima non habet propriam existentiam: ergo non existit.

Antecedens probatur. Materia prima existit tantum per existentiam formæ: ergo non habet propriam existentiam.

Antecedens pr. Materia existit tantum per existentiam eius, à quo est omnis existentia; atqui omnis existentia est à forma: ergo existit tantum per existentiam formæ.

Minor pr. Esse, & existentia sunt idem; atqui omne esse est à forma: ergo & omnis existentia est ab eadem.

Solutio: Atqui omne esse completum compositorum est à forma, tanquam ab ultimo complente. Concedo. omne esse incompletum est à forma. Nego. ergo omnis existentia est à forma, omnis existentia completa, Concedo. incompleta, Nego Existentia autem materia, sicut & eius entitas est incompleta, ac proinde nec illa, nec hac debent esse à forma, sed independenter ab ipsa habere suum esse, & existentiam. Quod autem à forma dicatur esse, omne esse, inde factum est, quod forma sit principia pars compositi, & ad constitutionem ipsius ultimo adueniens. Quod autem est principium in aliquare, & ultimo illam perficit, censetur sapere illi

illi tōri, & integra dedisse esse, quamvis alia ad illud ei dandum concurrerint.

CONCLUSIO SECUNDA:

Materia non est pura potentia metaphysica.

ILLUD non est pura potentia metaphysica, quod est simul actus metaphysicus; atqui materia prima ita est potentia metaphysica, ut sit etiam actus metaphysicus: ergo non est pura potentia metaphysica.

Minor pr. Illud est actus metaphysicus, quod est differentia specifica, & individualis; atqui materia prima est differentia sua specifica, & individualis: ergo est actus metaphysicus.

Minor pr. Quod distinguitur specie, & numero ab aliis est sua differentia specifica, & individualis; atqui materia prima distinguitur specie, & numero ab aliis: ergo est sua differentia specifica, & individualis.

Minor pr. Nihil est, quod non distinguatur (si sit creatum) specie, & numero ab aliis: ergo materia distinguitur specie, & numero ab aliis.

Obijcies. Materia prima est actus metaphysicus: ergo est pura potentia metaphysica.

Antecedens probatur. Quod est totum potentia metaphysica, non est actus metaphysicus; atqui materia prima est tota, & integra potentia metaphysica: ergo materia prima non est actus metaphysicus.

26 TRACT. I. PHYS. DISP. II.

Maior pr. Nihil potest esse secundum se totum potentia, & actus: ergo quod est secundum se totum potentia metaphysica non est secundum se totum actus metaphysicus.

Solutio: Nihil potest esse secundum se totum potentia, & actus sub eadem ratione, Concedo. sub diuersa, Nego. Materia, ut repræsentatur conueniens cum alijs substantiis dicitur potentia: eadem verò, ut repræsentatur ab alijs distincta, dicitur actus metaphysicus, seu differentia.

Contrà. Materia ut repræsentatur ab alijs distincta non potest esse actus: ergo nulla solutio.

Antecedens pr. Quod est vltimum subiectum non potest dici actus etiam, ut repræsentatur ab alijs distinctum; atqui materia prima est vltimum subiectum: ergo non potest dici actus etiam, ut repræsentatur ab alijs distincta.

Solutio: Quod est vltimum subiectum non potest dici actus physicus, Concedo. metaphysicus, vel obiectiuus, Nego. & concessa minori: ergo non potest dici actus physicus, Concedo. metaphysicus, vel obiectiuus, Nego. Actus physicus aduenit realiter alteri præsupsito, quale nullum habet materia; metaphysicus verò tantum per mentem, seu ratione diuersorum conceptuum de eadem planè re, quorum unus est amplior, & alter restrictior, ut explicuimus in Logica sectione de differentia.

TERTIA CONCLUSIO:

Materia prima est pura potentia physica.

ILLUD est pura potentia physica, quod non est actus physicus; atqui materia prima non est actus physicus: ergo est pura potentia physica.

Minor pr. Actus physicus est forma substantialis, vel accidentalis; atqui materia prima non est neque forma substantialis, neque accidentalis: ergo non est actus physicus.

Minor pr. Illud non est forma substantialis, neque accidentalis, quod non aduenit alteri realiter; atqui materia prima non aduenit alteri realiter: ergo non est forma substantialis, neque accidentalis.

Minor pr. Illud non aduenit alteri realiter, quod nihil aliud realiter præsupponit, in quo sit; atqui materia prima nihil aliud realiter præsupponit, in quo sit: ergo non aduenit alteri realiter.

Minor pr. Illud nihil aliud præsupponit realiter, in quo sit, quod est primum subiectum; atqui materia prima est primum subiectum: ergo nihil aliud realiter præsupponit.

CONCLUSIO, QUARTA:

Materia prima est potentia immediatè receptiva formarum substantialium.

ILLUD est potentia immediatè receptiva formarum substantialium, quod immediatè illa recipit; atqui materia prima immediatè recipit formas substantiales: ergo est potentia immediatè receptiva illarum.

Minor pr. Illud immediatè recipit formas substantiales, quod præsupponitur illis, & immediatè illis vnitur; atqui materia prima immediatè illis vnitur, & præsupponitur ab illis: ergo ipsas immediatè recipit.

Prima pars minoris probatur.

Materia prima vnitur formis substantialibus nullo mediante: ergo immediatè.

Antecedens pr. Medium illud non potest esse nisi accidens vel substantia: atqui neutrum est: ergo materia vnitur formis substantialibus nullo mediante.

Prima pars minoris, medium illud non esse accidens probatur.

Illud accidens, vel recipit formam substantialem, vel non; atqui neutrum dici potest: ergo non est accidens.

Prima pars minoris probatur.

Accidens non potest recipere substantiam; sed forma substantialis est verè substantia: ergo accidens non potest illam recipere.

Secunda pars minoris, quòd dici non possit quòd illum non recipiat, probatur.

Illud non potest dici mediū receptionis formæ substantialis in materia, quod illam non recipit: atqui accidens ex concessis illam non recipit: ergo non est medium, per quod materia recipiat formam. substantialem.

Minor quarti argumenti præcedentis, medium illud, quo materia dicitur recipere formam non esse substantiam, probatur.

Illa substantia vñiri deberet immediatè materiæ; atqui non potest ei vñiri: ergo non est substantia.

Minor pr. Substantia illa non magis vñiri potest materiæ immediatè, quàm forma substantialis; atqui forma substantialis per aduersarios vñiri non potest ei immediatè: ergo neque illa substantia.

Maior pr. Substantia illa est forma substantialis: ergo non magis vñiri potest materiæ, quàm forma substantialis.

Antecedens pr. Illa substantia est forma substantialis, quæ præsupponit materiam, & illi vñitur; atqui illa substantia præsupponit per aduersarios materiam, & illi vñitur: ergo est forma substantialis.

Obiicies Materia non recipit formas substantiales per seipsā: ergo non recipit illas immediatè.

Antecedens pr. Recipit illas per potentiam à se distinctam: ergo non recipit illas per seipsam.

Antecedens pr. Illa distinguuntur, quibus conueniunt prædicata contradictoria; atqui materiæ primæ, & potentiæ eius receptiæ conueniunt prædicata contradictoria: ergo recipit formas per potentiam à se distinctam.

30 TRACT. I. PHYS. DISP. II.

Minor pr. Suscipere magis, & minus, & non suscipere sunt prædicata contradictoria; atqui potentia conuenit suscipere magis, & minus, & materia non suscipere: ergo ipsi & eius potentia conueniunt prædicata contradictoria.

Prima pars minoris probatur.

Illud suscipit magis, & minus, quod modò est maius, modò minus; atqui potentia materiae est modò maior, modò minor: ergo potentia materiae suscipit magis, & minus.

Minor pr. Illa potentia est modò maior, modò minor, quæ potest modò plures formas recipere, modò pauciores; atqui potentia materiae modò potest plures formas recipere, modò pauciores: ergo est modò maior, modò minor.

Minor pr. Illa potentia, quæ non potest modò recipere formam aliquam, quam antea poterat, potest modò plures formas recipere, modò pauciores; atqui potentia materiae non potest modò recipere aliquam formam, quam antea poterat: ergo potentia materiae modò potest plures formas recipere, modò pauciores.

Minor pr. Potentia materiae non potest modò recipere formam, quam antea poterat, ad quam materia modò non habet potentiam, cum antea haberet; atqui materia ad formam, quæ actu habet non habet potentiam, cum antea haberet: ergo potentia materiae non potest modò recipere formam aliquam, quam antea poterat.

Minor pr. Materia non habet potentiam ad illam formam, ad quam non est in potentia; atqui ad formam, quam actu habet, non est in potentia: ergo non habet potentiam ad formam, quam actu habet.

Solutio : Ad illam formam materia non habet potentiam non redactam ad actum, ad quam est in potentia, Concedo. non habet potentiam redactam ad actum Nego. & concessa minori : ergo non habet potentiam non redactam ad actum ad formam, quam actu habet, Concedo. redactam ad actum, Nego. Sensus distinctionis est, materiam habere potentiam ad illam formam, non quidem separatam ab actu illi correspondente actuali, scilicet receptione forma, sed cum illo coniunctam.

Contrà. Materia nullam habet potentiam ad illam formam : ergo nulla solutio.

Antecedens pr. Materia nullam habet potentiam ad formas corruptas : ergo neque ad illam.

Solutio : Materia nullam habet potentiam ad formas corruptas secundum id, quod illa potentia dicit in recto, Nego. secundum id, quod illa potentia dicit in obliquo, Concedo. Potentia materia in recto ad formas corruptas est ipsius entitas, qua semper est eadem, in obliquo vero est potentia productiva illarum, qua non est semper eadem, tunc scilicet cum fuerunt destructa, neque enim res semel destructa potest naturaliter reproduci.

Contrà. Potentia materiae secundum id, quod dicit in recto est potentia passiva; atqui potentia passiva distinguitur à materia : ergo potentia materiae secundum id, quod dicit in recto distinguitur ab illa.

Minor pr. Potentia activa distinguitur à suo subiecto : ergo & passiva.

Antecedens pr. Nihil dicitur habere seipsum; atqui subiectum dicitur habere potentiam acti-

nam : ergo potentia actiua distinguitur à suo subiecto.

Solutio : Negatur maior. Iustitia enim v. g. in Deo est ipsemet Deus, & tamen Deus dicitur illam habere : verè enim, & propriè dicitur iustus. Ratio verò est, quia verum habere non significat semper id, quod dicit inesse subiecto, seu habenti esse in illo per veram unionem realem, qualis est inter duo realiter distincta ; sed vel per illam, vel per aliam quamcunque, vel etiam per identitatem, ut facile videre est in multis propositionibus usu receptis. Qualis est, Deus est iustus, misericors, seu habens iustitiam, misericordiam, & Petrus habet viginti annos, &c.

SECTIO III.

Quomodo habeat se materia ad formas substantiales.

CONCLUSIO PRIMA:

Materia prima nullam habet formam substantialem sibi coeuvam, & inseparabiliter unitam.

NULLA est alia forma, quæ dicatur esse coeua materiz, & ab ea inseparabilis, quâ forma corporeitatis : atqui materia prima non habet formam corporeitatis : ergo nullam.

habet formam substantialem sibi coæuam, & inseparabiliter vnitam.

Minor pr. Nulla est necessitas admittendi formam corporeitatis in materia: ergo materia non habet formam corporeitatis.

Antecedens pr. Necessitas formæ corporeitatis est per aduersarios, vt compositum naturale constituatur corpus; atqui nulla est necessitas formæ corporeitatis, vt constituatur corpus: ergo nulla est necessitas admittendi formam corporeitatis.

Minor pr. Compositum naturale verè, & propriè est corpus sine illa forma corporeitatis: ergo nulla est necessitas illam admittendi.

Antecedens pr. Illud verè est corpus, quod est corporeum, & materiale; atqui compositum naturale sine forma corporeitatis est verè corporeum, & materiale: ergo sine forma corporeitatis compositum naturale verè, & propriè est corpus.

Minor pr. Illud compositum est verè corporeum, & materiale, quod habet aliquam suæ partem materialem; atqui sine forma corporeitatis compositum naturale habet aliquam sui partem materialem: ergo sine forma corporeitatis est verè corporeum.

Minor pr. Materia est maximè materialis: atqui sine forma corporeitatis compositum naturale habet materiam: ergo sine forma corporeitatis habet aliquam sui partem materialem.

Obijcies. Materia habet formam corporeitatis; atqui illa est coæua materiæ, & ei inseparabiliter vnitæ: ergo materia habet aliquam for-

34 TRACT. I. PHYS. DIST. II.

nam substantialem sibi coæquam, & inseparabiliter unitam.

Maiores pr. Materia hominis habet formam corporeitatis : ergo materia illam habet.

Antecedens probatur Materia hominis habet formam necessariam, ut homo constitutur corpus ; atqui illa est forma corporeitatis : ergo materia hominis habet formam corporeitatis.

Minor pr. Illa forma est necessaria, ut homo constitutur corpus, sine qua non potest constitui corpus ; seu corporeus ; atqui sine forma corporeitatis non potest constitui corpus, seu corporeus : ergo est necessaria, ut homo constitutur corpus.

Minor pr. Homo non potest constitui corpus nisi per animam rationalem, vel per formam corporeitatis ; atqui non constituitur corpus per animam rationalem : ergo constituitur corpus per formam corporeitatis.

Maiores probatur. Homo constituitur corpus per aliquam formam ; atqui non est alia forma in homine, quam forma corporeitatis, aut anima rationalis : ergo homo constituitur corpus per animam rationalem, aut per formam corporeitatis.

Maiores probatur. Homo constituitur corpus per formam, vel per materiam ; atqui non constituitur corpus per materiam : ergo constituitur corpus per aliquam formam.

Minor probatur. Tota ratio, quare homo dici possit constitui corpus per materiam, est quia materia est eius pars ; atqui hæc ratio non suffi-

est : ergo non constituitur corpus per materiam.

Minor pr. Pars materialis non potest constituere suum totum corpus : ergo hæc ratio non sufficit.

Antecedens pr. Pars spiritalis non potest constituere suum totum spiritale : ergo neque materialis suum totum materiale.

Consequentia pr. Non est maior ratio, cur hoc possit pars materialis, quàm spiritalis; atqui spiritalis non potest : ergo neque materialis.

Solutio : *Negatur maior.* Ratio autem quare materialis hoc possit, & non possit spiritalis, est, quia totum spiritale est illud, quod nullam habet partem materialem. Ad quod non sufficit habere tantum unam. Materiale verò totum dicitur illud, quod habet aliquam partem materialem, quod de illo verè, & propriè verificatur, quando eius una pars est materialis. Ratio autem ulterior, quare totum spiritale nullam debeat habere partem materialem, est, quia spiritale est predicatum negatiuum, quod omnino negat, quod alterum, materialem scilicet ipsi oppositum importat; negatio enim est malignantiæ naturæ.

CONCLUSIO SECUNDA:

Materia non potest esse naturaliter sine vlla forma substantiali.

M A T E R I A non potest esse sine eo, quod necessariò cum ipsa est coniunctum; atqui forma substantialis aliqua necessariò est coniuncta cū

materia: ergo materia esse non potest sine forma substantiali.

Minor pr. Materia prima cum illo necessario est coniuncta, quod habuit ab initio, habet, & est habitura; atqui materia prima habuit ab initio formam substantialem, habet illam iam, & est habitura in posterum: ergo forma aliqua substantialis est necessario coniuncta cum materia.

Prima pars minoris probatur.

Formæ cœlorum, & terræ sunt veræ formæ substantiales; sed materia illas habuit ab initio: ergo materia habuit ab initio formam substantialem.

Minor pr. Materia habuit ab initio illas formas, quibus ab initio fuit vnita; atqui ab initio fuit vnita formis cœlorum, & terræ: ergo habuit ab initio formas cœlorum, & terræ.

Minor pr. Materia illis formis ab initio fuit vnita, cum quibus constituit cœlum, & terram; atqui ab initio constituit cœlum & terram: ergo ab initio fuit vnita formis cœlorum, & terræ.

Minor pr. Materia statim ac exiit constituit cœlum, & terram: ergo ab initio constituit cœlum, & terram.

Antecedens pr. Non est producta antequam constitueret cœlum, & terram: ergo statim ac exiit constituit cœlum, & terram.

Antecedens pr. Non est producta ante cœlum, & terram: ergo non est producta antequam constitueret cœlum, & terram.

Antecedens pr. Materia non est producta antea, quæ in principio, seu primo producta

sunt; atqui cœlum, & terra in principio producta sunt, ex eapite primo Gen. ergo non est producta ante cœlum, & terram.

Prima. & tertia pars minoris secundi argumenti superioris, materiam habere iam, & habituram in posterum formam aliquam, pr.

Materiam habere iam, & esse habituram formam, est, nunquam spoliari vna, quin acquirat aliam; atqui nunquam spoliatur vna, quin acquirat aliam: ergo materia habet iam, & est habitura semper formam aliquam.

Minor pr. Materia non spoliatur vna forma, nisi introducantur dispositiones illi contrariæ; atqui cum introducuntur dispositiones illi contrariæ, acquirit aliam: ergo materia cum spoliatur vna acquirit aliam.

Minor pr. Materia acquirit illam, quæ introducitur, cum introducuntur dispositiones contrariæ formæ præcedenti; atqui introducitur alia, cum introducuntur dispositiones contrariæ formæ præcedenti: ergo cum introducuntur dispositiones illi contrariæ, acquirit aliam.

Minor pr. Introducitur illa, quam exigunt dispositiones illæ contrariæ; atqui exigunt aliam: ergo introducitur alia, cum introducuntur dispositiones contrariæ formæ præcedenti.

Minor pr. Exigunt aliquam; atqui non exigunt præcedentem: ergo exigunt aliam.

Obijcies. Materia potest esse sine eo, à quo non dependet; atqui non dependet à forma substantiali: ergo potest esse sine forma substantiali.

Solutio: Materia potest esse sine eo, à quo non dependet, neque à priori, neque à posteriori. Con-

38 TRACT. I. PHYS. DISP. II.

cedo. à priori tantum, Nego. atqui non dependet à forma substantiali à priori, Concedo. à posteriori, Nego.

Contrà. Materiam dependere à forma à posteriori, est, depēdere ab illa tanquam à complemento; atqui materia potest esse sine illo complemento: ergo materia potest esse sine eo, à quo dependet à posteriori.

Minor pr. Non minùs materia potest esse sine suo complemento, quàm forma; sed forma potest esse sine suo complemento: ergo & materia..

Maior pr. Idèò materia non potest esse sine suo complemento, quia illud exigit; atqui forma nō minùs exigit suum complementum: ergo non minùs materia potest esse sine suo complemento, quàm forma..

Solutio.: Idèò materia non potest esse sine suo complemento, quia illud exigit præcisè, *Nego.* quia illud exigit, & quia parata sunt agentia naturalia ad illud illi dandum, *Concedo.* atqui forma etiam illud exigit, & parata sunt agentia naturalia ad illud ei dandum, *Nego.* & non sunt parata, *Concedo.*

Contrà. Agens vniuersale est agens naturale; atqui illud paratum est ad dandum formæ suum complementum: ergo parata sunt agentia naturalia ad dandum formæ suum complementum.

Minor pr. Agens vniuersale est paratū ad dandum formæ, quod exigit; atqui illa exigit suum complementum: ergo paratum est ad dandum illi suum complementum.

Maior pr. Agens vniuersale est paratum ad dandum rebus naturalibus, quod exigunt; at-

qui forma substantialis est res naturalis: ergo agens vniuersale est paratum ad dandum formæ quod exigit.

Solutio : *Agens vniuersale est paratum ad dandum formæ, quod exigit, si nihil aliud obstat, & se opponat illi exigentia*, Concedo. *si aliud obstat*, Nego. ergo agens vniuersale est paratum ad dandum formæ, quod exigit. *si nihil est, quod impediatur, & opponatur se illi exigentia*, Concedo. *si aliquid impediatur, & opponatur se illi exigentia*, Nego. Illud quod obstat, ne agens vniuersale, seu causa prima det formæ, anima v. g. rationalis suum complementum scilicet alteram materiam, cum ex priori expellitur, est quia, & ea quam deserit, & alia occupantur ab aliis formis, cum quibus ipsa non potest esse in illis.

Contrà. Illud, quod obstat ex concessis, ne agens vniuersale det animæ rationali, quæ separatur à corpore id, quod exigit, est, quod alie materiæ occupentur ab aliis formis cum quibus ipsa non potest esse in illis; atqui non occupantur ab vlla forma, cum qua ipsa non possit esse: ergo nihil obstat quominus agens vniuersale det illi, quod exigit.

Minor pr. Quo tempore anima rationalis, Petri v. g. separatur à suo corpore, introducuntur sæpè dispositiones in materiam embryonis destruentes illius formam, & disponentes ad animam rationalē; atqui tunc illa materia embryonis non occupatur à forma, cum qua non possit esse anima Petri, separata à suo corpore: ergo materia non occupatur à forma, cum qua non possit esse anima rationalis, quæ separatur à corpore.

40 TRACT. I. PHYS. DISP. II.

Minor pr. Forma, à qua occupari debet illa materia, est aliqua anima rationalis; atqui anima rationalis Petri non modò non est incompossibilis cum aliqua anima rationali, sed habet identitatem cum illa, & est verè aliqua anima rationalis: ergo tunc illa materia embryonis non occupatur à forma, cum qua non possit esse anima Petri, separata à suo corpore.

Solutio: *Forma, à qua occupari debet illa materia, est aliqua anima rationalis præexistens.* Nego. *de nouo producta.* Concedo. atqui *anima rationalis præexistens, non est incompossibilis in eadem materia, cum anima rationali de nouo producta,* Nego. *cum præexistente,* Concedo.

Contrà. Non est potior ratio, cur anima rationalis, occupans illam materiam sit aliqua de nouo producta, quàm præexistens: ergo forma, à qua occupatur illa materia est anima rationalis præexistens.

Solutio: *Negatur antecedens.* Ratio enim cur forma occupans illam materiam debeat esse producta de nouo, potius quàm præexistens, est secundum disas materia capacis plurium huiusmodi formarum, & pulchritudo vniuersi, qua sine dubio augetur multiplicitate indiuiduorum.

CONCLUSIO TERTIA:

Materia prima potest esse diuinitus sine forma substantiali.

Non implicat materiam esse sine vlla forma substantiali: ergo potest esse diuinitus, sine vlla forma substantiali.

Antecedens pr. Illud non implicat, quod non inuoluit esse, & non esse eiusdem rei; atqui materiam esse sine vlla forma substantiali non inuoluit esse, & non esse vllius eiusdem rei: ergo non implicat materiam esse sine vlla forma substantiali.

Minor pr. Inuoluit tantum materiam esse, & non esse formam: ergo non inuoluit esse, & non esse eiusdem rei.

Consequentia pr. Materia, & forma, non sunt eadem res: ergo materiam esse, & non esse formam non inuoluit esse, & non esse eiusdem rei.

Antecedens pr. Potentia, & actus physicus non sunt eadem res; atqui materia est potentia, & forma eius actus physicus: ergo materia, & forma non sunt eadem res.

Obijtes. Tam implicat materiam esse sine forma substantiali, quam sine accidentali; atqui implicat esse sine accidentali, ergo & sine substantiali.

Maior pr. Materia non magis dependet à forma accidentali, quam à substantiali: ergo tam implicat materiam esse sine forma substantiali, quam sine accidentali.

Solutio: Materia non magis dependet à forma accidentali, quam à substantiali à priori, seu tanquam à causa. Concedo. à posteriori, seu tanquam ab quo, cum quo debeat esse necessarium connexum, Nego.

Contrà. Materia non magis dependet à posteriori ab vno suo effectui, quam ab alio, sed forma accidentalis est effectus materię æquè, ac substantialis: ergo non magis dependet etiam à po-

72 TRACT. I. PHYS. DISP. II.

steriori à forma accidentali, quàm à substantiali.

Maior pr. Materia dependere non potest à posteriori ab ullo suo effectu: ergo non magis dependet ab vno suo effectu, quàm ab alio.

Antecedens pr. Materiam dependere à posteriori ab aliquo suo effectu, est effectum esse quid requisitum, vt ipsa sit; atqui effectus materiæ non est quid requisitum, vt ipsa sit: ergo materia non dependet à posteriori ab ullo suo effectu.

Minor pr. Illud non est quid requisitum, vt materia sit, quod non requiritur ad eius existentiam; atqui effectus materiæ non requiritur ad existentiam materiæ: ergo effectus materiæ non est quid requisitum, vt ipsa sit.

Minor pr. Posterius non requiritur ad existentiam prioris; atqui materia est prior, & eius effectus posterior ipsa: ergo effectus materiæ requiritur ad existentiam materiæ.

Solutio: Posterius non requiritur ad existentiam prioris tempore, Concedo. prioris tantum natura, Nego. atqui materia est prior, & eius effectus posterior ipsa, tempore, Nego. natura, Concedo.

Contrà. Nihil requiritur ad existentiam eius, quod præsupponit habere suum esse; atqui posterius præsupponit id, quod est prius natura habere suum esse: ergo posterius non requiritur ad existentiam prioris natura.

Solutio: Nihil requiritur ad existentiam eius, quod præsupponit habere suum esse præsuppositum tempore, Concedo. præsuppositum natura tantum. Nego. atqui posterius præsupponit id, quod est prius

natura habere suum esse presuppositum tempore, Nego. presuppositum tantum natura, Concedo. Sensus responsionis est, id, quod presupponit aliud tempore prius, nullomodo requiri ad eius existentiam. Bene verò aliquando id, quod presupponit aliud, tantum prius natura; quia cum prioritas natura nihil aliud sit, quam quod una res sit independens ab alia, & ista ab ipsa dependens; rectè intelligi potest dependentem constituere independentem in hoc tempore, vel loco potius, quam in alio, & consequenter cum hoc requisitum sit, ut independens sit. Neque enim esse potest, quin sit in loco, & tempore. Dependentem, qua hoc ei dat requiri ad eius existentiam, seu ut sit non absoluta, sed hoc, aut illo modo: Cum quorum aliquo debet semper esse, ut probabitur scđ. sequenti.

CONCLUSIO QUARTA:

Materia conservaretur eodem influxu sine forma, quo cum forma.

Actio, per quam conservaretur materia sine forma, est eadem cum illa, per quam conservatur simul cum forma; atqui actio illa est influxus: ergo conservaretur eodem influxu sine forma, quo cum forma.

Maiores pr. Actio est eadem; quamdiu eius causæ, & effectus per illam productus sunt eadem; atqui causæ productivæ istius actionis sunt eadem, terminus etiam productus idem: ergo actio, per quā conservaretur materia sine forma,

44 TRACT. I. PHYS. DISP. II.

est eadem cum illa, per quam conseruatur simul cum forma.

Minor probatur. Causa productiua istius actionis est Deus, & terminus per illam productus materia prima; atqui Deus est idem, sicut & materia prima: ergo causæ sunt eadem, terminus etiam productus idem.

Respondent *Aduersarij distinguendo*: Causa productiua est Deus solus, Negant. Deus simul cum forma substantiali, Concedunt. atqui Deus est idem, Concedunt. forma, qua simul cum ipso concurrat, Negant.

Contrà. Forma non concurrat ad productionem eius, cuius non est causa; atqui forma non est causa materiæ: ergo non concurrat ad eius productionem.

Minor pr. Forma non est causa eius, à quo causatur, aut quod præsupponit; atqui forma causatur à materia, aut illam præsupponit: ergo forma non est causa materiæ.

Maiores pr. Formam esse causam eius, à quo causatur, aut quod præsupponit, est dari mutuam causalitatem; atqui non datur mutua causalitas ex dicendis disputatione de causa efficiente: ergo forma non est causa eius, à quo causatur.

Obijcies. Influxus est idem cum actione; atqui actio, qua conseruaretur materia sine forma est diuersa ab illa, qua conseruatur cum illa: ergo influxus, per quem conseruaretur materia sine forma, non est idem cum illo, per quem conseruatur simul cum forma.

Minor pr. Actio naturalis est diuersa, ab actione supernaturali; atqui actio, qua conserua-

tur materia cum forma est naturalis; & illa, qua
conseruatur sine forma est supernaturalis: ergo
actio, qua conseruatur materia sine forma est di-
uerfa ab alia, qua conseruatur cum forma.

Solutio: *Actio naturalis est diuerfa ab actione
supernaturali quoad substantiam*, Concedo. *su-
pernaturali tantum quoad modum*, Nego. atqui
*actio, qua conseruatur materia sine forma, est su-
pernaturalis quoad substantiam*, Nego. *quoad
modum*, Concedo.

Contrà. *Actio supernaturalis quoad modum
est etiam supernaturalis quoad substantiam*; at-
qui ex concessis illa actio est supernaturalis
quoad modum: ergo est quoque supernaturalis
quoad substantiam.

Mayor pr. Modus ille, secundum quem illa
actio est supernaturalis non distinguitur ab ipsa-
met actione; atqui ille modus est supernaturalis
in substantia: ergo etiam & ipsa actio.

Mayor pr. Ille modus non potest esse aliud dis-
tinctum ab illa actione, quam voluntas Dei, de
conseruanda materia sine forma; atqui non est
illa voluntas Dei: ergo non est quid distinctum
ab illa actione.

Minor pr. Modus ille est supernaturalis in
substantia ex concessis; atqui voluntas illa non
est supernaturalis in substantia: ergo non est illa
voluntas.

Minor pr. Voluntas illa est merè naturalis:
ergo non est supernaturalis in substantia.

Antecedens pr. Illa voluntas Dei est merè na-
turalis, per quam Deus vult prius ea, quæ sunt
priora, & posterius, quæ sunt posteriora; atqui

voluntas Dei de conseruanda materia sine forma vult prius ea, quæ sunt priora, & posterius quæ sunt posteriora: ergo voluntas illa est merè naturalis.

Solutio: *Illā voluntas est merè naturalis, per quam Deus vult prius ea, quæ sunt priora, & posterius quæ sunt posteriora. si posteriora non sint finis, & complementum priorum, Concedo. si sint finis, & complementum priorum, Nego.* atqui voluntas Dei de conseruanda materia sine forma, vult prius ea, quæ sunt priora, & posterius quæ sunt posteriora, & ista posteriora non sunt finis, & complementum priorum, Nego. & sunt finis, & complementum priorum, Concedo. Explicatur responsio. Materia est quidem prior forma, unde quando Deus vult illam conseruare sine forma, vult prius ea, quæ sunt priora. Forma tamen ita est posterior materia, ut sit finis, & complementum illius, ac proinde si Deus velit conseruare materiam, sine ipsa vult conseruare illam, sine suo complemento. Voluntas autem non dandi rei suum complementum, non potest dici naturalis. Res enim illud naturaliter exigit.

Contrà. Proprietas est complementum eius, à quo oritur, frigus v. g. aquæ; atqui voluntas Dei non dandi aquæ, cum calefit suum frigus ut octo, est naturalis: ergo voluntas Dei non dandi rei suum complementum est naturalis.

Solutio: Atqui voluntas Dei non dandi aquæ, cum calefit frigus ut octo, est naturalis, propterea quod sit contraria exigentia prænatiens exigentia aquæ, illa, scilicet, quam habet ignis producendi in illa calorem, Concedo. si nulla esset contraria

exigentia praualeus, Nego. ergo voluntas Dei non dandi rei suum complementum est naturalis, si sit contraria exigentia praualeus, Concedo. si non sit, Nego. Quod Deus facit consequenter ad exigentiam rerum naturalium, facit naturaliter. Quod verò contra illam, aut sine illa, supernaturaliter.

SECTIO V.

Quomodo habeat se materia ad formas accidentales.

CONCLUSIO PRIMA:

Materia etiam diuinitus non potest existere, sine forma accidentali aliqua.

VBI, & duratio sunt formæ accidentales; atqui materia prima existere non potest sine vbi, & duratione: ergo non potest existere sine forma accidentali aliqua.

Prima pars minoris probatur.

- Nullum ens creatum mobile existere potest sine vbi; atqui materia prima est ens creatum mobile: ergo materia existere non potest sine vbi.

Maior pr. Nullum ens creatum mobile existere potest, quin sit alicubi; atqui non potest esse alicubi sine vbi: ergo nullum ens creatum mobile existere potest sine vbi.

Maior pr. Nullum ens creatum existere po-

48 TRACT. I. PHYS. DISP. II.

test; quin coexistat Dei immensitati; atqui isti coexistere non potest, quin sit alicubi: ergo nullum ens creatum mobile existere potest, quia sit alicubi.

Maiores pr. Illud coexistit Dei immensitati, cui Dei immensitas est præsens; atqui nullum eius creatum existere potest, cui immensitas Dei non sit præsens: ergo nullum ens creatum existere potest, quin coexistat Dei immensitati.

Minor pr. De ratione diuinæ immensitatis est; ut sit præsens omni ei, quod existit, & magis præsens quam ipsum sibi: ergo nullum ens creatum existere potest, cui immensitas Dei non sit præsens.

Antecedens pr. Deus inest omni ei, quod existit non tantum potentia illud producendo, & conseruando, & cognitione illud, & quæcumque sunt in ipso repræsentiando; sed etiam præsencia illud sua substantia in immensum diffusa quasi vestiendo, permeando, & penetrando: ergo de ratione immensitatis est, ut sit præsens omni ei, quod existit, & magis præsens quam ipsum sibi.

Dua prima partes antecedentis certa sunt, & tertia probatur.

Deo conuenit quidquid est melius, & perfectius; atqui melius est, & perfectius Deum diffusionem suam substantiam, esse præsentem omni ei, quod existit, & illud quasi vestire, penetrare, & permeare: ergo Deus inest omni ei, quod existit, & sua præsencia in infinitum diffusa illud quasi vestit, permeat, & penetrat.

Minor pr. Illud est perfectius, quod nullam habet

abet admixtam imperfectionem; atqui Deum
ſe præſentem diffuſione ſuæ ſubſtantię omni
i, quod exiſtit, nullam inuoluit imperfe-
tionem: ergo melius eſt, & perfectius Deum
iffuſione ſuæ ſubſtantię eſſe præſentem omni
i, quod exiſtit, & illud quaſi veſtire, penetra-
e, & permeare.

*Minor probata eſt in Metaphyſicæ diſp. 3. de
Deo ſect. 2. & altera minor ſuperioris argumenti,
quod ens creatum coëxiſtere non poſſit partialiter
Dei immenſitati quin ſit alicubi, probatur.*

Ens creatum coëxiſtens Dei immenſitati
coëxiſtit ei partialiter; atqui ei coëxiſtere non
poſſet partialiter, quin ſit alicubi: ergo ens
creatum non poſſet coëxiſtere Dei immenſita-
ti, quia ſit alicubi.

Minor pr. Ens creatum coëxiſtens tantum
partialiter Dei immenſitati debet eſſe tale, vt
aliud ens ſimul cum ipſo productum, aut poſt,
non debeat ei neceſſariò coëxiſtere, ſeu eſſe ab
ipſo indiftans; atqui quod eſt tale, vt aliud ens
ſimul cum ipſo productum, aut poſt, non debeat
ei neceſſariò coëxiſtere, ſeu eſſe indiftans, eſt
neceſſariò alicubi: ergo coëxiſtere non poſſet
partialiter Dei immenſitati, quin ſit alicubi.

Minor pr. Illud eſt neceſſariò alicubi, quod
habet certum, & determinatum vbi; atqui quod
eſt tale, vt aliud ens ſimul cum ipſo productum,
aut poſt non debeat ei neceſſariò coëxiſtere,
habet certum, & determinatum vbi: ergo eſt
neceſſariò alicubi.

Minor pr. Quod eſt tale, vt aliud ens ſimul
cum ipſo productum, aut poſt, ei non coëxiſtat

non coexistit alicui, quod coexistit eidem, cui ipsum coexistit; atqui quod non coexistit alteri coexistenti eidem, cui ipsum coexistit, habet vbi certum, & determinatum: ergo quod est tale, vt aliud ens simul cum ipso productum, aut pòst, non debeat ei necessariò coexistere, seu esse ab ipso indistans, est necessariò alicubi.

Minor pr. Debet, habere aliquid, ratione cuius ei non coexistat: atqui illud est vbi certum, & determinatum: ergo habere debet vbi certum, & determinatum.

Minor pr. Illud, per quod ei non coexistit est aliquid ab ipso realiter distinctum: atqui illud distinctum realiter est vbi certum, & determinatum: ergo illud ratione cuius non coexistit est vbi certum, & determinatum.

Maior pr. Illud, per quod ei non coexistit, non est nuda ipsius entitas: ergo est aliquid realiter ab ipso distinctum.

Respondent aduersarij: *Non est nuda ipsius entitas sumpta sine alterius entitate, cui non coexistit, Concedunt. (sumpta simul cum ea, Negant.*

Contrà. Non coexistentia illa vtriusque, non est vtriusque entitas simul existēs: ergo nulla solutio.

Antecedens pr. Illa non sunt idem, quorum vno existente, non existit aliud: atqui existentibus simul illis duabus entitatibus, non existit necessariò earum non coexistentia: ergo non coexistentia illa vtriusque, nō est vtriusque entitas.

Minor pr. Existente duarum illarum entitatum coexistentia, non existit earum non coexistentia: atqui existentibus simul illis duabus entitatibus existere pòtest earum coexistentia:

ergo existentibus illis duabus entitatibus, non existit necessariò earum non coëxistentia.

Minor pr. Sibi coëxistere possunt : ergo existere potest earum coëxistentia.

Antecedens pr. Non debent sibi necessariò non coëxistere, ex concessis supra : ergo possunt sibi coëxistere.

Obijcies Materia potest esse sine eo, sine quo produci potest ; atqui produci potest sine vlla forma accidentali : ergo existere potest sine vlla forma accidentali.

Minor pr. Formæ accidentales, sine quibus produci non potest materia sunt vbi, & duratio ; atqui Deus producere potest materiam sine vbi, & duratione : ergo materia produci potest sine vlla forma accidentali.

Minor pr. Sine eo potest Deus producere materiam, quod liberè producit cum illam producit ; atqui cum Deus producit materiam producit liberè eius vbi, & durationem : ergo producere potest materiam sine vbi, & duratione.
- *Solutio :* Atqui cum Deus producit materiam, producit liberè eius vbi determinatè sumptum, Concedo. indeterminatè sumptum, Nego.

Contrà. Deus producit liberè vbi materiam, etiam indeterminatè sumptum : ergo nulla solutio.

Antecedens pr. Deus producit liberè quidquid producit ad extra ; atqui vbi etiam indeterminatè sumptum est aliquid extra Deum : ergo Deus illud liberè producit.

Solutio : Quod Deus producit ad extra producit liberè absolue, Concedo. ex suppositione ali-

52 TRACT. I. PHYS. DISP. II.

qua, Nego. & concessa minori: ergo producit illud ubi liberè, absoluiè Concedo. ex suppositione quòd velit materiam producere, Nego.

Contrà Illud Deus producit liberè, ad cuius productionem non necessitatur; atqui non necessitatur ad productionem illius ubi, etiam posito, quòd velit materiam producere: ergo producit liberè illud ubi, etiam ex suppositione, quòd velit materiam producere.

Minor 17. Ex duobus entibus distinctis, & quorum unum est causa alterius, Deus producto illo, quod est causa, non necessitatur ad producendum aliud, quod est effectus; atqui materia, & ubi distinguuntur, & materia est causa ubi: ergo Deus non necessitatur ad productionem ubi illius, etiam posito, quòd velit materiam producere.

Solutio: Ex duobus entibus distinctis, & quorum unum est causa alterius, Deus producto illo, quod est causa, non necessitatur ad producendum aliud quod est effectus, si ex non productione istius, non sequatur illud prius non esse, Concedo. si sequatur illud prius non esse, Nego. Atqui materia, & ubi distinguuntur, & materia est causa ubi, & ex non productione istius, hoc est, ubi non sequitur illud prius, seu materiam non esse, Nego. & sequitur eam non esse, Concedo. sequitur enim nulli esse, ut ostensum est in probatione conclusionis. Nulli autem esse est non esse.

CONCLUSIO SECUNDA:

Quantitas est proprietas materiae.

ILLUD est proprietas materiae, quod tanquam actus conuenit omnibus eius indiuiduis solis, & semper; atqui quantitas tanquam actus conuenit omnibus indiuiduis materiae solis, & semper: ergo est proprietas materiae.

Prima pars minoris probatur.

Illi conuenit quantitas tanquam actus, quod est eius subiectum, & necessariò habet partes extra partes; atqui omnis materia est subiectum quantitatis, & necessariò habet partes extra partes: ergo quantitas conuenit tanquam actus, omnibus indiuiduis materiae.

Secunda pars minoris probatur.

Non conuenit aliis à materia: ergo conuenit solis indiuiduis materiae.

Antecedens pr. Non est aliud, de cuius existentia non ambigatur, cui dici possit quantitas conuenire tanquam actus, quam forma substantialis, & accidentia aliorum prædicamentorum; atqui non conuenit illis tanquam actus: ergo non conuenit aliis à materia tanquam actus.

Minor pr. Illis quantitas non conuenit tanquam actus, quæ non sunt ipsius subiectum; atqui nec forma substantialis, nec accidentia aliorum prædicamentorum sunt eius subiectum: ergo quantitas non conuenit illis tanquam actus.

Minor pr. Illud non est subiectum quantitatis, quo pereunte ipsa non perit; atqui pereunte

forma substantiali, & aliis accidentibus aliorum prædicamentorum non perit quantitas: ergo nec forma substantialis, nec accidentia aliorum prædicamentorum sunt ipsius subiectum.

Distinguunt aduersarij: *Illud non est subiectum quantitatis, quo pereunte, & non substituto alio in eius locum, & ad subiectandam quantitatem non perit quantitas*, Concedo. *substituto alio in eius locum*, Nego. atqui pereunte forma substantiali, & substituta alia in eius locum, ad subiectandam quantitatem non perit quantitas, Concedo. *si non substitueretur alia*, Nego.

Contra. Forma embrionis est vera forma substantialis; atqui cum perit non substituitur alia forma in eius locum ab subiectandam quantitatem: ergo pereunte forma substantiali, non substituitur alia in eius locum ad subiectandam quantitatem.

Minor pr. Non potest dici alia substitui formam, quam anima rationalis; sed anima rationalis non substituitur ad subiectandam quantitatem: ergo formæ embrionis non substituitur alia ad subiectandam quantitatem.

Minor pr. Illa forma non substituitur ab subiectandam quantitatem, quæ est inepta ad subiectandam quantitatem; atqui anima rationalis est inepta ad illam subiectandam: ergo anima rationalis non substituitur ad subiectandam quantitatem.

Minor pr. Illa forma est inepta ad subiectandam quantitatem, quæ nullas habet partes; atqui anima rationalis nullas habet partes: ergo est inepta ad subiectandam quantitatem.

Maior pr. Illa forma est inepta ad subiectandam quantitatem, cui communicari non potest præcipuus eius effectus; atqui præcipuus effectus quantitatis non potest communicari formæ, quæ nullas habet partes: ergo forma quæ nullas habet partes est inepta ad sustentationem quantitatis.

Minor pr. Præcipuus effectus quantitatis est efficere, ut subiectum habeat partes extra partes; atqui hoc communicari non potest formæ, quæ nullas habet partes: ergo præcipuus effectus quantitatis communicari non potest formæ, quæ nullas habet partes.

Obijcies. Proprietas producitur actiue ab eo, cuius est proprietas; atqui quantitas non producitur actiue à materia: ergo non est proprietas materiæ.

Minor pr. Quantitas non producitur ab eo, quod non est actiuum; atqui materia non est actiua: ergo quantitas non producitur à materia.

Solutio: Atqui *materia non est actiua actione transeunte*, Concedo. *actione, qua est emanatio*, Nego. ergo *quantitas non producitur à materia actione transeunte*, Concedo. *actione, qua est emanatio*, Nego.

Contrà. Quod est pura potentia non est actiuum etiam actione, quæ est emanatio; atqui materia est pura potentia: ergo non est actiua etiam actione, quæ est emanatio.

Solutio: Quod est pura potentia receptiua, non est actiuum etiam actione, qua est emanatio, Concedo. quod non est pura potentia receptiua, Ne-

56 TRACT. I. PHYS. DISP. II.

go. atqui *materia est pura potentia receptiva*,
Nego. *non est pura potentia receptiva*, Concedo.

Contrà. Materia non potest dici non esse pura
potentia receptiva nisi ratione quantitatis,
quam producat; atqui illam non producit: ergo
falsum est non esse puram potentiam recepti-
uam.

Minor pr. Vel illam producit iam, vel ab
initio, quo fuit; atqui neutrum dici potest: ergo
illam non producit.

Minor pr. Quantitas producta iam, & ab
initio à materia est illi coæva; atqui quantitas
non est coæva materiæ: ergo quantitas non
est producta iam, & ab initio à materia.

Minor pr. Non potest quantitas esse coæva
materiæ, quin compositum per accidens sit
prius composito per se, & materia maiorem
habeat connexionem cum accidente, quam
cum substantia; atqui utrumque hoc falsum
est: ergo quantitas non est coæva materiæ.

Solutio: *Non potest quantitas esse coæva ma-*
teria, quin compositum per accidens, sit prius or-
dine intentionis composito per se, Nego. *sit*
prius ordine executionis, Concedo. & *materia*
habeat maiorem connexionem cum accidente,
hoc est, tenaciorem, Concedo. *maiorem con-*
nexionem, hoc est nobiliorem, Nego. atqui
compositum per se est prius composito per accidens
ordine intentionis, Concedo. *ordine executionis,*
Nego. & *materia habet nobiliorem connexio-*
nem cum accidente, Concedo. *tenaciorem,*
Nego.

S E C T I O VI.

Quenam, & quando priuatio sit principium generationis.

PR I V A T I O, seu absentia formæ in subiecto apto, duplex est; vna in subiecto proximè apto, & dicitur priuatio proxima; altera in subiecto remotè tantum apto, & dicitur priuatio remota.

P R I M A C O N C L U S I O :

Priuatio proxima est principium generationis, quæ fit modo naturali.

IL L A priuatio est principium generationis, quæ fit modo naturali, quæ est illius pars; sed sola priuatio proxima est illius pars: ergo sola priuatio proxima est principium generationis, quæ fit modo naturali.

Minor pr. Illa priuatio est pars generationis, quæ est terminus à quo illius; atqui sola priuatio proxima est terminus à quo illius: ergo sola priuatio proxima est illius pars.

Minor pr. Illa priuatio est terminus à quo generationis, quæ derelinquitur cum acquiritur forma; atqui sola priuatio proxima derelinquitur cum acquiritur forma: ergo sola priuatio proxima est terminus à quo illius.

Minor pr. Illa sola priuatio derelinquitur, quæ

immediatè antecedit introductionē formæ; atqui sola priuatio proxima immediatè antecedit formam, quæ introducitur: ergo sola priuatio proxima derelinquitur, cūm acquiritur forma.

Minor pr. Illa priuatio immediatè antecedit introductionem formæ, quæ est immediatè antequam forma introducatur; atqui sola priuatio proxima est immediatè antequam forma introducatur: ergo sola immediatè antecedit formam, quæ introducitur.

Minor pr. Priuatio proxima est absentia formæ in materia habente dispositiones ad recipiendam formam; atqui forma non introducitur, nisi sint illæ dispositiones in materia: ergo sola priuatio proxima est immediatè antequam forma introducatur.

CONCLUSIO SECUNDA:

Priuatio est principium immediatè ante introductionem formæ.

Tunc priuatio est principium generationis, cūm est principium mutationis substantialis; atqui priuatio immediatè ante introductionem formæ, est principium mutationis substantialis: ergo immediatè ante productionem formæ, est principium generationis substantialis.

Minor pr. Tunc priuatio est principium mutationis substantialis, cūm est illius pars; atqui est pars mutationis substantialis immediatè antequam introducatur forma: ergo immediatè ante introductionem formæ, est principium mutationis substantialis.

Minor pr. Tunc est pars mutationis substantialis, cum est ipsius esse inadæquatè, & dimidiatum; atqui immediatè ante introductionem formæ, est ipsius esse inadæquatè, & dimidiatum: ergo immediatè antequam introducatur forma est eius pars.

Minor pr. Mutatio substantialis est ista duo sibi succedentia in materia, absentia formæ, & unio formæ; atqui priuatio est alterum ex istis immediatè antequam forma introducatur: ergo & eius esse inadæquatè, & dimidiatum.

Minor pr. Priuatio, vel est alterum ex illis cum introducitur forma, vel postquam est introducta, vel antequam introducatur; atqui non est duo prima: ergo est ultimum.

Minor pr. Priuatio non est alterum ex illis, cum est forma, aut iam ab aliquo tempore fuit; atqui cum sunt duo prima, est, aut fuit forma: ergo non est duo prima.

Obijcies in penultimam conclusionem.

Generatio ignis est vera mutatio substantialis; atqui priuatio non est principium generationis ignis: ergo non est principium mutationis substantialis.

Minor pr. Non ens non potest esse principium entis positiui; atqui priuatio est non ens, & generatio ignis est ens positium: ergo priuatio non est principium generationis ignis.

Solutio: *Non ens non potest esse principium entis omnino positiui*, Concedo. *partim positiui, & partim negatiui*, Nego. atqui priuatio est non ens, Concedo illam partem, & generatio ignis est ens omnino positium, Nego. *partim positiui*.

num. & partim negativum, Concedo.

Contrà. Generatio ignis est adæquatè positiua : ergo nulla solutio.

Antecedens pr. Generatio ignis est actio, per quam producitur forma ignis ; atqui illa actio est adæquatè positiua : ergo generatio ignis est adæquatè positiua.

Solutio : *Generatio ignis est actio, per quam producitur forma ignis*, Concedo maiorem. atqui : *illa actio est adæquatè positiua prout est mutatio*, Nego. *prout non est mutatio*, Concedo. ergo *generatio ignis est adæquatè positiua, prout est mutatio*, Nego. *prout non est mutatio*, Concedo.

Contrà. Priuatio proxima non est principium illius actionis, etiam prout est mutatio : ergo nulla solutio.

Antecedens pr. Priuatio proxima, vel est principium illius actionis, antequam fit forma, vel cum est forma, vel postquam fuit forma ; atqui nullum horum dici potest : ergo non est principium illius actionis, etiam prout est mutatio.

Respondco *esse principium antequam fit forma*.

Contrà. Priuatio non est principium cum non est ; atqui antequam fit forma priuatio non est : ergo non est principium antequam fit forma.

Minor pr. Priuatio proxima est absentia formæ, in materia proximè apta ad habendam formam ; sed materia non est proximè apta ad habendam formam antequam fit forma : ergo antequam fit forma priuatio non est.

Minor pr. Materia non est proximè apta ad habendam formam, nisi cum habet dispositiones

completas ad illam habendam; atqui materia non habet illas dispositiones completas antequam sit forma: ergo non est proximè apta ad habendam formam antequam sit forma.

Maior pr. Materia vel est proximè apta, cum non habet dispositiones omnino completas, vel cum habet illas completas; atqui non est proximè apta cum illas non habet omninò completas: ergo tantum cum illas habet completas.

Solutio: Atqui non est proximè apta cum illas non habet omnino completas, hoc est, sufficientes ad recipiendam formam, seu non praevalentes dispositionibus formæ veteris, Concedo. hoc est, non quidem omnino integras, sed sufficientes ad formam nouam, & superantes valde dispositiones formæ veteris, Nego..

Contrà Cum sunt dispositiones superantes valde dispositiones formæ veteris, materia non est proximè apta ad formam nouam: ergo nulla solutio.

Antecedens pr. Tunc materia non est proximè apta, cum nō est in ipsa priuatio proxima; atqui cum sunt dispositiones superantes valde dispositiones formæ veteris, priuatio proxima nō est in materia: ergo cum sunt dispositiones superantes valde dispositiones formæ veteris, materia non est proximè apta ad formam nouam.

Minor pr. Cum priuatio proxima est in materia principiat generationē; atqui cum sunt dispositiones superantes valde dispositiones formæ veteris in materia, priuatio non principiat: ergo cum sunt dispositiones superantes valde dispositiones formæ veteris, priuatio proxima non est in materia.

62 TRACT. I. PHYS. DISP. II.

Minor pr. Cum sunt dispositiones superantes valde dispositiones formæ veteris, vel est forma noua, vel non est; atqui priuatio proxima non principiat, neque quando est forma, neque quando non est: ergo cum sunt dispositiones superantes valde dispositiones formæ veteris priuatio non principiat.

Respondco. *principiare quando non est forma, immediatè tamen post est exitura.*

Contrà. Quod principiat tantum vt terminus à quo, non principiat quando non est forma, licet immediatè post sit exitura; atqui priuatio principiat tantum vt terminus à quo: ergo priuatio non principiat quando non est forma, licet immediatè post sit exitura.

Maior pr. Quod principiat tantum vt terminus à quo, principiat tantum cum deferitur; atqui terminus à quo non deferitur quando non est forma: ergo quod principiat tantum vt terminus à quo, non principiat quando non est forma, licet immediatè post sit exitura.

Maior pr. Quod principiat tantum vt terminus à quo principiat tantum cum verè est terminus à quo; atqui est tantum terminus à quo cum deferitur: ergo quod principiat tantum vt terminus à quo, principiat tantum cum deferitur.

Solutio: *Quod principiat tantum vt terminus à quo, principiat tantum cum verè est terminus à quo, secundum id, quod terminus à quo dicit pro materiali & in recto. Concedo. secundum id, quod dicit pro formali & in obliquo, Nego. Terminus à quo dicit pro materiali & in recto illud, quod deferitur, aut desinit: pro formali verò, & in obliquo de reli-*

tionem ipsam, aut desitionem. Iam ad minorem, at-
qui est tantum terminus à quo, cum describitur, hoc
est, existit tantum illud termini à quo, quod dicit
pro formali, Concedo. quod dicit pro materiali.
Nego. Importat si quid illud, quod describitur, &
cuius incipit esse desitio, cum qua, ut per se patet,
consistere non potest; ac proinde clarum est verè
dici posse esse terminum à quo. etiam quando non
describitur, seu est eius derelictio, licet non secun-
dum se totum, sed secundum partem illam se-
cundum quam condistinguitur à derelictione al-
tera sui parte, ratione cuius habet, ut dicatur
terminus à quo. Derelictio enim, seu quod idem
est, successio immediata termini oppositi habet se
cum proportionem, respectu eius, quod derelinquitur
in toto successiva, ac unio in permanente; sicut
enim hæc est ratio, qua facit. & id quo mediante
forma, & subiectum constituunt totum, & di-
cuntur partes, illa informans, ista subiectiva; ita
derelictio, & successio immediata facit ut id, quod
derelinquitur dicatur terminus à quo, & id quod
acquiritur, terminus ad quem; licet ipsa ven-
trum ex illis sit, sed tantum quid requisitum, ut
illa sortiantur huiusmodi denominationem.

Contrà. Quod principiat tantum ut termi-
nus à quo, principiat tantum cum est terminus
à quo secundum id, quod hic dicit pro formali:
ergo nulla solutio.

Antecedens pr. Quod principiat tantum ut
terminus à quo, principiat tantum, cum est eius
principiatum; atqui eius principiatum est tan-
tum, cum ipse est secundum id, quod dicit pro for-
mali; ergo quod principiat tantum ut terminus à

64 TRACT. I. PHYS. DISP. II.

quo principiat tantum, cum est terminus à quo secundum id, quod hic dicit pro formali.

Solutio : Quod principiat tantum ut terminus à quo principiat tantum cum est eius principiatum adaequatè sumptum, aut secundum partem per quam completur, Nego. inadaequatè sumptum, aut secundum partem, à qua incipit, Concedo. atqui eius principiatum est tantum, cum est terminus à quo secundum id, quod hic dicit pro formali, adaequatè sumptum, aut secundum partem, per quam completur eius esse, Concedo. inadaequatè sumptum, aut secundum partem, à qua incipit, Nego. secundum enim hanc partem est, cum non est derelictio, cum qua componi non potest. Hoc tamen non impedit, quin ex ipso, & derelictione resultet concretum appellatum communiter terminus à quo: habemus enim multa concreta similia constituta ex partibus simul impossibilibus, v. g. futurum possibile, antiquum &c. qua dicunt unum pro uno tempore, & alterum per idem nomen importatum pro diverso. Primum, scilicet, futurum negat coexistentiam cum instanti praesenti, affirmat verò illam pro futuro. Idem applicandum est aliis cum proportionem. Ita etiam terminus à quo, importat pro uno tempore existentiam rei, & sequenti eius non existentiam, & quidem illam in recto; hanc verò in obliquo, quo ostenditur facile de illa dici posse, etiam antequam sit terminus ad quem, modo immediate post hic sit futurus, quod sit terminus à quo. Ad veritatem enim propositionis accidentalis sufficit, ut quod dicit predicatum in re, sit idem cum eo, quod dicit subiectum etiam in recto, quod totum verum est de

privatione, cui immediate succedit forma, ac proinde generationis, seu mutationis ex ipsis constituta, amba verò dicuntur principium, illa ut terminus à quo, & cum nondum est completa, sed tantum incipit, ista verò cum est completa & perficitur.

Contrà. Quod principiat tantum ut terminus à quo, non principiat cum est suum principiatum inadæquatè sumptum, & secundum partem secundum quā incipit: ergo quod principiat ut terminus à quo, non principiat cum est eius principiatum etiam inadæquatè sumptum.

Antecedens pr. Quod principiat tantum ut terminus à quo, non principiat, cum id, quod dicitur principiare non est; atqui cum ipsius principiatum est tantum inadæquatè sumptum, non est: ergo quod principiat tantum ut terminus à quo, non principiat, cum ipsius principiarum est tantum inadæquatè sumptum.

Solutio: Quod principiat tantum ut terminus à quo, non principiat cum id, quod dicitur principiare non est neque adæquatè, neque inadæquatè, Concedo. adæquatè tantum, Nego. atqui cum ipsius principiatum est tantum inadæquatè sumptum, non est adæquatè sumptum, Concedo. non est inadæquatè sumptum, Nego.

In hoc differt res successiva à permanente, quòd esse istius, seu partes eius omnes sint totæ simul: illius verò esse, seu quæ illud constituunt non sibi coexistent, sed vnum antecedit aliud, & cum istud ponitur aliud debeat desinere, quò fit ut nunquam sit ipsius esse nisi vna pars, quæ fit illa, quæ desinit dicitur terminus à quo: fit

66 TRACT. I. PHYS. DISP. II.

verò sit illa, quæ incipit habere esse, vocatur terminus ad quem. Per primam dicitur incipere esse, & esse inadæquatè, & per secundam consummari eius esse, & per illam esse adæquatè, per illud *adæquatè* intelligendo non similitudinem omnium suarum partium, & earundem coexistentiam, utpote impossibilem, sed aduentum, & positionem ultimæ post quam non superfit alia addenda.

Ex dictis inferes, priuationem esse alteram speciem negationis in genere, seu in communi sumptæ. Cum hæc enim sit non existentia formæ in subiecto præsciendando ab eo, quod sit in eo aptitudo ad illam recipiendam, vel non sit huiusmodi capacitas, non existentia formæ in subiecto importans illam aptitudinem constituit vnā speciem, quæ vocatur priuatio, & illa, quæ non importat huiusmodi aptitudinem dicitur negatio strictè sumpta.

SECTIO VII.

An, & quid sit forma substantialis.

CONCLUSIO PRIMA:

Datur forma substantialis in omnibus compositis physicis sublunaribus.

AQUA, ignis, homo, &c. sunt composita naturalia, sed in illis datur forma substantialis: ergo datur forma substantialis in omnibus

compositis physicis sublunaribus.

Minor pr. Debet dari causa aliqua effectuum, qui oriuntur ab aqua, igne, homine &c. atqui illa non potest esse alia, quam forma substantialis illorum: ergo in illis datur forma substantialis.

Minor probatur de aqua.

Reparatio frigoris deperditi remoto agente extrinseco est effectus aquæ; atqui reparationis illius non est alia causa, quam forma substantialis: ergo causa effectuum, qui oriuntur ab aqua non est alia causa: quam forma substantialis.

Minor pr. Alia quæ dici possunt causa illius reparationis frigoris, sunt vel intra aquam, vel extrâ; atqui nihil ex illis, quæ sunt extra aquam vel intra, excepta forma substantiali, potest dici causa illius reparationis frigoris: ergo non est alia causa reparationis frigoris in aqua, quam forma substantialis.

Secundæ pars minoris probatur primò.

Quæ possunt dici intra aquam esse causa illius reparationis frigoris, sunt materia aquæ, eius humiditas, frigus remanens; & qualitas occulta; atqui illa non sunt causa illius reparationis frigoris: ergo nihil ex illis quæ sunt intra aquam potest dici causa illius reparationis.

Duæ primæ partes minoris probantur.

Illæ non debent dici causa frigoris, quæ non expellunt calorem: atqui neque materia, neque humiditas expellunt calorem: ergo dici non possunt causa reparationis frigoris.

Minor pr. Quæ sunt indifferentia ad calorem, & frigus non expellunt calorem, ut introducant.

68 TRACT. I. PHYS. DIST. II.

frigus; atqui materia prima, & humiditas sunt indifferentia ad calorem, & frigus: ergo non expellunt calorem.

Minor pr. Illa, quæ naturaliter, & sine violentia coniunguntur modò cum calore, modò cum frigore, sunt indifferentia ad calorem, & frigus; atqui materia prima, & humiditas coniunguntur naturaliter, & sine violentia modò cum calore, & modò cum frigore: ergo sunt indifferentia ad calorem, & frigus.

Minor pr. Materia prima, & humiditas coniunguntur naturaliter in aqua cum frigore, & in aëre cum calore: ergo & modò cum frigore, & modò cum calore.

Tertia pars minoris argumenti superioris, scilicet frigus remanens non esse causam illius reparationis frigoris, probatur.

Frigus intra aquam, quod potest dici causa reparationis illius debet esse, vel remissum illud, quod manet in omnibus partibus, vel intensum valdè manens in aliqua eius particula; atqui non est neque primum, neque secundum: ergo non est frigus remanens intra aquam.

Secunda pars minoris probatur.

Quod non est dici non potest causa reparationis frigoris; atqui nullum est frigus intensum in aqua: ergo frigus intensum remanens in aliqua eius particula non est causa illius reparationis.

Minor pr. Frigus intensum esse non potest in aqua, simul cum calore intenso; atqui in tota aqua, & in omnibus eius partibus est calor intensus: ergo nullum est frigus intensum in aqua.

Minor pr. In illis omnibus partibus aquæ est calor intensus, quibus ignis fuit applicatus diutius; atqui ex suppositione ignis fuit applicatus diutius omnibus aquæ partibus; ergo in illis est calor intensus.

Prima pars minoris superioris argumenti, scilicet, neque etiam frigus remissum esse causam illius reparationis frigoris, probatur.

Illud non est causa reparationis frigoris, quod non potest expellere calorem; atqui frigus remissum non potest expellere calorem; ergo frigus remissum remanens non est causa reparationis frigoris.

Minor pr. Debilius non potest expellere fortius; atqui frigus remanens remissum, est debilius calore: ergo frigus remissum non potest expellere calorem.

Minor pr. Frigus remissum est quid debilius quàm sit calor valdè intensus; atqui calor aquæ calefactæ est valdè intensus & frigus remissum: ergo frigus eius remissum est debilius quàm sit calor, qui est in illa.

Quarta pars minoris argumenti superioris, scilicet qualitatem occultam non esse causam illius reparationis, probatur.

Causa reparationis frigoris, non est quid impossibile; atqui qualitas illa est quid impossibile: ergo non est causa reparationis frigoris.

Minor pr. Impossibile est, ut ista qualitas occulta nullum supponat sui principium, & radicem in aqua; atqui nullum supponit sui principium, & radicem in aqua: ergo est impossibile.

70 TRACT. PHYS. I. DISP. II.

Maior pr. Quod nullum supponit sui principium, & radicem in aqua, est primum in illa; atqui impossibile est, ut ista qualitas occulta sit primum in aqua: ergo impossibile est, ut nullum supponat sui principium, & radicem in aqua.

Minor pr. Quod est primum in aqua est verè substantia; atqui impossibile est, ut ista qualitas sit substantia: ergo impossibile est ut sit primum in aqua.

Minor pr. Impossibile est ut accidens sit substantia; atqui ista qualitas est accidens: ergo impossibile est, ut ista qualitas sit substantia.

Prima pars argumenti superioris, scilicet causam illius reparationis frigoris non esse aliquid, quod sit extra aquam, probatur.

Quæ dici possunt ex iis quæ sunt extra aquam causa reparationis frigoris in aqua, sunt, vas continens, aër circumstans, Deus, & cælum; atqui nullum horum dici potest causa reparationis frigoris in aqua: ergo nihil ex iis, quæ sunt extra aquam dici potest causa reparationis frigoris in aqua.

Dua prima partes minoris de vase. & aëre, probantur.

Illud non potest dici causa reparationis frigoris in aqua, quod habet remissius frigus, quàm sit illud, quod aqua recuperat; atqui vas continens, & aër circumstans habent remissius frigus illo, quod aqua recuperat: ergo vas aquam continens, aut aër circumstans non possunt dici causa reparationis illius.

Minor pr. Frigus, quod aqua recuperat est ferè summum, seu ut octo; atqui frigus vasis con-

tinens, & aëris circumstantis non est summum sed moderatum: ergo vas continens, & aër circumstans habent remissius frigus illo, quod aqua recuperat.

Tertia & quarta pars minoris argumenti superioris, scilicet neque Deum, neque cælum esse causas reparationis frigoris, probantur.

Deus & cælum sunt causæ vniuersales; atqui causæ vniuersales non sunt causa reparationis frigoris in aqua: ergo Deus, & cælum non sunt causa reparationis frigoris in aqua.

Minor pr. Causæ vniuersales non sunt causa reparationis frigoris, nec vllius alterius effectus, nisi hoc exigant particulares; atqui sublata forma substantiali particulares non exigunt illam reparationem: ergo causæ vniuersales non sunt causa reparationis frigoris.

Minor pr. Particulæres, quæ id possunt exigere, sunt materia, aut humiditas aquæ; atqui non exigunt illam reparationem: ergo sublata forma substantiali particulares non exigunt illam reparationem.

Minor pr. Particulæres causæ non exigunt id, ad quod sunt indifferentes; atqui materia, & humiditas sunt indifferentes ad frigus ex probatis antè: ergo non exigunt reparationem frigoris.

CONCLUSIO SECUNDA:

Forma substantialis est substantia simplex & incompleta per modum actus constituens totum naturale.

ILLUD constituit totum naturale per modum

72 TRACT. I. PHYS. DISP. II.

actus, quod est pars eius actuans; atqui omnis forma substantialis est pars actuans compositi naturalis: ergo constituit illud per modum actus.

Minor pr. Illa pars est actuans, quæ alteram præsupponit, & illi aduenit; sed forma substantialis præsupponit alteram partem compositi, & illi aduenit: ergo est eius pars actuans.

Minor pr. Materia est altera pars compositi naturalis; atqui forma substantialis præsupponit materiam, & illi aduenit: ergo & alteram partem compositi naturalis.

SECTIO VIII.

An, quid, & quotuplex sit unio inter materiam, & formam, ex qua fit compositum physicum,

CONCLUSIO PRIMA:

Datur unio in composito physico.

COMPOSITUM physicum verè, & propriè habet unionem: ergo in illo datur unio.

Minor pr. Illud verè, & propriè habet unionem, quod est verè vnum unitate compositionis; atqui compositum physicum est verè vnum unitate compositionis: ergo habet unionem.

Maiores pr. Illud verè habet unionem, cuius partes ita se habent, ut quo defertur vna sequi quoque debeat alia; atqui quod est vnū unitate com-

compositionis habet suas partes ita se habentes: ergo illud habet vnionem, quod est vnum vnitate compositionis.

CONCLUSIO SECVNDA:

Vnio non est intima indistantia, & dispositiones in materia ad formam recipiendam.

ILLA non sunt idem, quorum vno existente non existit aliud; atqui existente intima indistantia formæ in materia habente dispositiones non existit eius vnio: ergo vnio non est intima indistantia, & dispositiones in materia ad formam recipiendam.

Vt facilius, & clariùs probetur minor, Suppono, duos homines poni penetratiuè, Petrum v. g. & Paulum, & hoc posito sic arguenter:

In suppositione facta existit indistantia formæ Petri, à materia Pauli benè disposita: atqui non existit eius vnio cum illa: ergo existente intima indistantia formæ in materia disposita non existit eius vnio.

Minor pr. Vnio formæ Petri non existit cum ea materia, cui vnita est forma Pauli; atqui forma Pauli vnita est cum materia Pauli: ergo non existit vnio formæ Petri cum illa.

Maior probatur. Materia Pauli vniri non potest simul duabus formis: ergo vnio formæ Petri non existit cum ea materia, cui vnita est forma Pauli.

Distinguunt aduersarij: Materia Pauli vniri
Tom. II. D

non potest simul duabus formis naturaliter, & in suppositione nihil inuolvente supernaturale, Concedunt. inuolvente aliud supernaturale, quale est penetratio in presenti materia. Negant.

Contrà. Ex concessis esse non potest unio materię dispositę simul cum duabus formis in suppositione nihil inuolvente supernaturale; atqui in simili suppositione potest esse indistantia duarum formarum à materia ritè disposita: ergo indistantia formę à matēria disposita non est eius unio cum illa.

Ad certio rem probationem minoris, Suppono, Petrum incumbere supra corpus Pauli morientis, & huius animam tendere ad cælum permeando corpus Petri. & seruando similem ubicationem, & tam magnam, ac habeat in corpore Pauli aquali corpori Petri.

Suppositio facta nihil inuoluit supernaturale: atqui in illa verè est indistantia duarum formarum à materia ritè disposita: ergo in suppositione nihil inuolvente supernaturale esse potest indistantia duarum formarum à materia ritè disposita.

Minor pr Formę Petri, & Pauli sunt duę formę, & corpus Petri est materia ritè disposita respectu illarum formarum: atqui in suppositione facta est vera indistantia formę Petri, & Pauli à corpore Petri: ergo in suppositione facta est verè indistantia duarum formarum à materia ritè disposita.

Prima pars minoris est clara, & secunda pr.

Foma Pauli est indistans ab eo, quod penetrat; atqui penetrat corpus Petri vt supponimus: ergo est ab eo indistans.

CONCLUSIO TERTIA:

*Vnio distinguitur modaliter à materia,
& forma.*

ILLUD distinguitur modaliter à materia, & forma, quod est essentialiter actualis informatio materiæ, & formæ, & quid ipsis realiter superadditum; atqui vnio est essentialiter actualis informatio materiæ, & formæ, & quid ipsis realiter superadditum: ergo distinguitur modaliter à materia & forma.

Prima pars minoris probatur.

Illud est essentialiter actualis informatio alterius, quod aduenit illi, & ne diuinitus quidem esse potest sine illo; atqui vnio aduenit materiæ, & formæ, & ne diuinitus quidem esse potest sine illis: ergo est essentialiter actualis informatio materiæ, & formæ.

Prima pars minoris probatur.

Materia & forma sunt illius subiectum: ergo aduenit illis.

Probabimus infra antecedens conclusionem quintam: & iam probatur secunda pars minoris prioris argumenti, scilicet, unionem ne diuinitus quidem esse posse sine materia.

Vnio non potest esse etiam diuinitus sine illis, sine quibus desinit esse vnio; atqui non existentibus materia, & forma, & ipsa in illis, desinit esse vnio: ergo non potest esse etiam diuinitus sine materia, & forma.

Minor pr. Vnio materiæ, & formæ desinit esse earum vnio, cum eas non vnit; atqui nō existen-

76 TRACT. I. PHYS. DISP. II.
tibus materia, & forma; & ipsa in illis eas non
vnit: ergo non existentibus materia, & forma,
& ipsa in illis definit esse vnio.

Minor pr. Ea, quæ non sunt, & in quibus non est
vnio vniri nõ possunt: ergo nõ existentibus ma-
teria, & forma & vnione in illis, hæc eas nõ vnit.

Antecedens pr. Vnio est tantum eorum, quæ
sunt, & existunt, & in quibus ipsa est: ergo ea,
quæ non sunt, & in quibus non est vnio vniri
non possunt.

*Secunda pars superioris argumenti, unionem esse
quid realiter superadditum materia, & forma,
probat.*

Quod est aliquid realiter præter materiam, &
formam est illis realiter superadditum; atqui v-
nio est aliquid realiter præter materiam, & for-
mam: ergo est aliquid realiter superadditum
materiæ, & formæ.

Minor pr. Illud est aliquid præter materiam, &
formam, quod non existit existentibus materia
& forma; atqui vnio non existit existentibus ma-
teria & forma: ergo est aliquid realiter præter
materiam, & formam.

Respondent aduersarij: Atqui vnio non existit
existentibus materia & forma seorsim sumptis,
Concedunt. simul sumptis, Negant.

Contrà. Vel materiam, & formam existere
simul, est existere eodem tempore, vel eodem lo-
co; atqui neutrum dici potest: ergo vnio non
existit existentibus simul materia, & forma.

Respondent: Materiam, & formam existere si-
mul est esse eodem tempore, & loco.

Contrà. Vel materiam, & formam esse in eo-

dem tempore, & in eodē loco, importat aliquid præter entitates materiæ, & formæ, vel non; atqui neutrum dici potest: ergo materiam & formam existere simul non est tantum eas existere eodem loco, & tempore.

Respondent, *materiam, & formam esse in eodem tempore, & in eodem loco importare formam prout in materia, & deinde formam prout in materia significare, formam informare materiam, ac deum formam informare materiam, esse materiam, & formam simul sumpta.*

Contra. Forma prout in materia, forma informans materiam, materia, & forma simul sumpta, & huiusmodi alij termini vel important aliquid præter entitates materiæ, & formæ, vel nō; si primū illud aliquid vocatur à nobis unio: ergo unio est aliquid præter materiā, & formā. Si secundum: ergo existentibus materiā, & formā existit forma simul cum materia, forma informans &c. atqui hoc est falsum: ergo falsum etiam est unionem non esse aliquid præter materiam, & formam.

Minor pr. Existente anima hominis recens mortui, & eius corpore non existit eius anima simul cū materia, informans materiam, &c. ergo falsum est existentibus materia, & forma, existere formam simul cum materia, formam informantem materiam &c.

Obicies. Unio non est quid distinctum realiter à materia, & forma: ergo unio non est modus superadditus realiter materiæ, & formæ.

Antecedens probatur. Unio est id, per quod materia, & forma uniuntur; atqui illud, per quod

78 TR. ACT. I. PHYS. DISP. II.

uniuntur non est quid ab ipsis distinctum realiter : ergo unio non est quid distinctum realiter à materia, & forma.

Minor probatur. Distinctum illud realiter, per quod materia & forma uniuntur, debet ipsum ipsi materiæ, & formæ uniri; atqui eis uniri non potest : ergo illud, per quod materia, & forma uniuntur, non est quid ab ipsis distinctum realiter.

Minor probatur. Distinctum illud realiter uniri non potest materiæ, & formæ, nisi vel per aliquid aliud distinctum ab ipso realiter, vel seipso : atqui eis uniri non potest, per aliquid à se distinctum realiter, neque seipso : ergo eis uniri non potest.

Minor pr. Distinctum illud, quod dicitur unio non magis potest uniri materiæ, & formæ per seipsum, quàm possit forma materiæ per seipsam; atqui forma non potest uniri materiæ per seipsam : ergo neque ipsis illud distinctum seipso.

Solutio : *Neganda est maior.* Ratio est, quia materia, & forma possunt existere absque eo quod sint unita. Unio verò non potest existere quin uniat, & consequenter ut uniatur non indiget alio quàm seipsa.

Contrà. Tam forma unitur immediatè materiæ, quàm unio materiæ & formæ : ergo non magis unio unitur materiæ & formæ per seipsam, quàm forma materiæ.

Antecedens pr. Forma, & materia non uniuntur mediatè : ergo tam forma unitur immediatè materiæ, quàm unio materiæ & formæ.

Solutio: Forma, & materia non uniuntur immediate, hoc est, mediante aliquo distincto distinctione reali maiori, Concedo. distincto distinctione reali minori, Nego.

Contrà. Potentiâ, & actus eius primarius ex Aristotele uniuntur omnino immediate; atqui materia est potentia, & forma est actus eius primarius: ergo uniuntur nullo mediante distincto etiam distinctione reali minori.

Solutio: Potentiâ, & actus uniuntur immediate, ut quod, Concedo. ut quo, Nego. ergo uniuntur nullo mediante, ut quod, Concedo. ut quo, Nego. hoc est, nihil aliud mediat inter materiam, & formam unitas, quàm id, quod illas unit, & est ratio, cur uniantur, scilicet unio, qua proinde bene dicitur mediare inter illas, ut quo, seu tanquam id, quo uniuntur, non verò ut quod, hoc est, tanquam aliquid quod non sit ipsa unitas earum coniunctio.

CONCLUSIO QUARTA:

Vnica tantum est unio informativa.

VNICA tantum sufficit unio inter materiam & formam: ergo vnica tantum est unio informativa.

Antecedens pr. Unio non requiritur ad aliud, quàm ut materia, & forma inter se connectantur, atqui ad hoc vnica unio sufficit: ergo vnica tantum sufficit unio inter materiam, & formam.

Minor pr. Ut materia, & forma inter se coniungantur, & verè dici possint connexæ, non aliud requiritur, quàm ut, quod vna trahitur, alia debeat sequi; atqui cum est vnica unio, quod vna trahitur alia debet sequi: ergo ad hoc ut connectantur vnica unio sufficit.

D iij

30 TRACT. I. PHYS. DISP. II.

Minor pr. Cum est vinculum inter duo, quod unum trahitur, aliud debet sequi; atqui unio est vinculum materiae, & formae: ergo quod una trahitur alia debet sequi.

Obijciens. Unica unio non sufficit ad unien-
dam formam cum materia: ergo admittenda est duplex.

Antecedens pr. Unio est id, per quod refertur forma ad materiam, & vicissim materia ad formam; atqui ad hoc unica unio non sufficit: ergo unica unio non sufficit ad unien-
dam materiam cum forma.

Minor pr. Materia non potest referri ad formam per id, per quod forma refertur ad ipsam: ergo ad hoc non sufficit unica unio.

Antecedens pr. Id, per quod materia refertur ad formam distinguitur ab eo, per quod forma refertur ad materiam: ergo materia non potest referri ad formam per id, per quod forma ad ipsam refertur.

Antecedens pr. Materialisatio, & informatio realiter distinguuntur; atqui id, per quod materia refertur ad formam unita est materialisatio, & id, per quod forma unita refertur ad materiam est informatio: ergo id, per quod materia refertur ad formam distinguitur ab eo, per quod forma refertur ad materiam.

Solutio: Neganda est maior, & ratio est quia materialisatio nihil aliud est, quam unio prout recipitur in materia, & se tenet ex parte illius. Informatio vero est eadem unio, prout recepta in forma, & se tenens ex parte illius, quod nihil aliud arguit, quam distinctionem rationis, & diversitatem conceptuum diversimode unionem comparantium & representantium.

CONCLUSIO QUINTA:

*Vnio recipitur subiectiue in materia,
& forma.*

IN illis vnio recipitur subiectiue, quæ sunt ipsius subiectum; sed materia, & forma sunt subiectum vnionis: ergo vnio recipitur subiectiue in materia, & forma.

Minor pr. Illud est subiectum vnionis, quod præsupponitur ab ipsa, & cui ipsa aduenit; atqui vnio præsupponit materiam, & formam, & illis aduenit: ergo materia, & forma sunt subiectum vnionis.

Minor pr. Vnio præsupponit, & aduenit illis, quæ vnit, & quorum est vinculum; atqui vnit materiam, & formam, & est vinculum ipsarum: ergo eas præsupponit, & illis aduenit.

Obijcies. Materia, & forma non sunt subiectum vnionis: ergo vnio non recipitur subiectiue in materia, & forma.

Antecedens pr. Illud non est subiectum vnionis, quod non est illius causa; atqui materia, & forma non sunt causa vnionis: ergo non sunt illius subiectum.

Minor pr. Vnio non habet duplicem causam subiectiuam; atqui materia, & forma sunt duplex causa subiectiua: ergo materia, & forma non sunt causa vnionis.

Solutio: Vnio non habet duplicem causam subiectiuam totalem; Concedo. partialem, Nego. atqui materia & forma sunt duplex causa subiectiua totalis, Nego. partialis, Concedo.

Contra. Corpus humanum, & anima rationalis

82 TRACT. I. PHYS. DISP. II.

sunt materia & forma; atqui anima rationalis, & corpus in homine non sunt duplex causa partialis vnionis hominis: ergo materia, & forma nō sūt duplex causa subiectiua partialis vnionis.

Minor pr. Vnio, quæ habet pro causa subiectiua etiam partiali corpus, & animam rationalem est materialis simul, & spiritalis; atqui vnio hominis non est materialis simul, & spiritalis: ergo corpus, & anima rationalis, non sunt eius causa subiectiua partialis.

Respondeo esse materialem tantum.

Contrā. Illa vnio non est materialis, quæ est spiritalis; atqui vnio, quæ recipitur in corpore, & anima hominis est spiritalis: ergo non est materialis.

Minor pr. Illa vnio est spiritalis, quæ recipitur in subiecto spiritali; atqui vnio, quæ habet pro causa subiectiua corpus, & animā rationālē, recipitur in subiecto spiritali: ergo vnio quæ recipitur in corpore & anima hominis est spiritalis.

Solutio: *Illā vnio est spiritalis, quæ recipitur in subiecto adequatè spiritali.* Concedo. *in subiecto inadquatè spiritali,* Nego. atqui vnio quæ habet pro causa subiectiua corpus, & animam rationalem recipitur in subiecto adequatè spiritali, Nego. *inadquatè spiritali,* Concedo.

Contrā. Subiectum inadquatè spiritale sufficit ad hoc, vt vnio sit spiritalis: ergo nulla solutio.

Antecedens pr. Non minùs causa subiectiua partialiter spiritalis sufficit, vt eius effectus sit totus spiritalis, quàm causa efficiens partialiter supernaturalis, vt eius effectus sit supernaturalis;

atque causa efficiens ex parte tantum supernaturalis sufficit, ut totus effectus sit supernaturalis: ergo etiam causa subiectiva ex parte spiritalis, sufficit, ut eius effectus sit spiritalis.

Maiores pr. Par est ratio utriusque: ergo non minus causa subiectiva partialiter spiritalis sufficit ut eius effectus sit totus spiritalis, quam causa efficiens partialiter supernaturalis ut eius effectus sit totus supernaturalis.

Respondeo *negando antecedens*. *Disparitas est, quia effectus ille est supernaturalis, qui ut sit, requirit causam supernaturalem aliquam, per hoc enim est supra vires totius naturae. Effectus vero, ut sit spiritalis nullam debet habere dependentiam à re materiali, quod certò illi non convenit, cum habet tantum parziale suum subiectum spiritale, ratione enim alterius sui partialis subiecti materialis verum est, quòd dependeat à re materiali, & consequenter, quòd non sit spiritalis.*

SECTIO IX.

*Quomodo totum physicum includat partes
& ab illis distinguatur.*

CONCLUSIO PRIMA:

*Totum physicum includit essentialiter
materiam.*

IL L V D est de essentia totius physici, seu includitur ab eo essentialiter quod est illius pars; atque materia est pars compositi physici

ergo totum physicum includit essentialiter materiam.

Minor pr. Illud est pars alterius, quo sublato manentibus licet reliquis omnibus per possibile, vel impossibile non manet illud; atqui materia sublata remanentibus licet reliquis omnibus non manet compositum physicum: ergo materia est pars compositi physici.

Minor pr. Sublata materia manet sola forma solitariè sumpta; atqui sola forma solitariè sumpta non est totum compositum physicum: ergo materia sublata remanentibus licet reliquis omnibus non manet compositum physicum.

Minor pr. Anima est forma hominis, & homo compositum physicum; sed anima non est totus homo: ergo sola forma solitariè sumpta non est totum compositum physicum.

Obijciens. Materia non est de essentia illius, cuius essentia est posita in indivisibili; atqui essentia compositi physici est posita in indivisibili: ergo materia non est de illius essentia.

Solutio: *Materia non est de essentia illius, cuius essentia est posita in indivisibili, hoc est, cuius essentia non habet partes.* Concedo. *cuius essentia nihil addi potest, aut detrahi quin varietur.* Nego. atqui *essentia compositi physici est posita in indivisibili, hoc est, non habet partes.* Nego. *hoc est nihil ei addi potest, aut detrahi quin varietur.* Concedo.

Contrà. Partes illæ essentia compositi physici non possunt esse aliæ à materia, & forma; atqui materia non est illius pars: ergo essentia compositi physici non habet partes.

Minor pr. Homo est compositum physicum: atqui materia non est pars illius: ergo non est pars compositi physici.

Minor pr. Illud non est pars hominis, quo sublato manet homo; atqui sublata materia manet homo: ergo materia non est pars hominis.

Minor pr. Petrus est homo; atqui sublata materia Petri manet Petrus, ergo sublata materia manet homo.

Minor pr. Quotidie tollitur materia Petri ab ipso; atqui ipse nihilominus manet: ergo sublata materia Petri manet Petrus..

Solutio: Atqui *ipse manet idem physicè*, & in rigore, Nego. *manet idem aequaliter*, & moraliter, Concedo.

Contrà. Petrus talis manet, qualem eum esset censet communis sensus; atqui communis sensus dicit eum esse eundem physicè: ergo Petrus manet idem physicè.

Minor pr. Communis sensus eo modo dicit eum esse eundem, quo credit eum resurrecturum eundem; atqui credit eum resurrecturum eundem physicè: ergo dicit etiam eum esse eundem physicè.

Minor pr. Communis sensus eo modo credit eum resurrecturum eundem, quo fides docet; atqui fides docet eum resurrecturum eundem physicè: ergo credit eum resurrecturum eundem physicè.

Solutio: Atqui *fides docet eum resurrecturum eundem physicè*, secundum omnes partes, Nego. *secundum aliquas*, Concedo. ergo credit eum resurrecturum eundem physicè, secundum omnes

36 TRACT. I. PHYS. DISP. II.

partes, Nego. secundum aliquas, Concedo.

Contrà. Eo modo fides docet eum resurrecturum, qui est necessarius, ut possit dicere carnem, quam habet esse suam; atqui ut possit dicere cum resurrexerit carnem, quam habet esse suam iuxta illud Iob 19. *In carne mea videbo Deum Salvatorem meum*, debet resurgere idem secundum omnes partes: ergo fides dicit eum resurrecturum eundem secundum omnes partes.

Solutio: *Neganda est minor. Ratio est, quia ut caro Petri possit dici eadem, sufficit, ut sit eadem in rigore secundum aliquas partes, & aequivalenter secundum alias, sensim tamen, & imperceptibiliter mutatas, neque enim alia significatur identitas per illa verba Iob, ut docens passim Theologi.*

CONCLUSIO SECUNDA:

Totum distinguitur realiter inadæquatè à partibus seorsim sumptis.

Quod non est omnino idem realiter cum alio, distinguitur ab illo realiter inadæquatè; atqui totum non est omnino idem cum partibus seorsim sumptis: ergo distinguitur realiter inadæquatè à partibus seorsim sumptis.

Minor pr. Quod est quidquid aliud, & præterea aliquid amplius non est omnino idem cū illo; atqui totum est quidquid sunt partes seorsim sumptæ, & præterea aliquid aliud: ergo nō est omnino idem cum partibus seorsim sumptis..

Minor pr. Homo est totū, & partes eius seorsim

sumptæ sunt anima, & corpus; atqui homo est quidquid anima, & quidquid corpus, & præterea aliquid aliud: ergo totum est quidquid sunt partes seorsim sumptæ, & præterea aliquid aliud.

Minor pr. Quod includit animam, & præterea corpus, & unionem utriusque est quidquid anima, quidquid corpus, & præterea aliquid aliud; atqui homo includit præter animam, & corpus utriusque unionem: ergo homo est quidquid anima, & quidquid corpus, & præterea aliquid aliud.

CONCLYSIO TERTIA:

Totum non distinguitur realiter à partibus simul sumptis, & unitis.

QUOD est realiter quidquid aliud, & nihil amplius, non distinguitur realiter ab eo; atqui totum est realiter quidquid partes simul sumptæ, & unitæ, & nihil amplius: ergo totum non distinguitur à partibus simul sumptis & unitis.

Prima pars minoris est clara, & secunda probatur.

Totum nihil aliud includit præter partes, & earum unionem: ergo nihil est amplius.

Antecedens pr. Vel illud aliud, quod dicitur includere est ipsius pars, vel non; atqui neutrum dici potest: ergo totum nihil aliud includit præter partes.

Si respondeant aduersarij esse partem.

Contrà. Illud non potest esse pars totius, quod non numeratur in collectione partium ipsius; at-

qui istud ex aduersariis non numeratur in collectione partium ipsius : ergo non est pars.

Si verò respondeant *non esse partem*.

Contrà. Illud debet dici pars, quod est aliquid totius; atqui istud est aliquid totius per ipsos: ergo debet dici pars.

Antecedens pr. Esse partem alicuius, & esse aliquid ipsius esse sunt idem: ergo illud debet dici pars totius, quod est aliquid illius.

Obiicies. Effectus distinguitur realiter à sua causa; atqui totum est effectus partium simul sumptarum, & vnitarum: ergo totum distinguitur ab ipsis simul sumptis, & vnitis.

Solutio: Effectus distinguitur realiter à sua causa vera, & propria, Concedo. impropria, Nego. atqui totum est effectus partium simul sumptarum, & vnitarum, & ista eius causa propria, Nego. impropria, Concedo.

Contrà. Illud, quod nihil est alterius, & est eius causa, est eius propria causa: atqui totum nihil est partium, & est earum effectus: ergo partes sunt eius causa propria.

Prima pars minoris probatur.

Illa quibus conueniunt prædicata contradictoria, ita se habent ut vnum nihil sit alterius: atqui partibus, & toti conueniunt prædicata contradictoria: ergo totum nihil est partium.

Minor pr. Esse terminum actionis simplicis, & non esse terminum actionis simplicis, sunt prædicata contradictoria: atqui totum est terminus actionis simplicis, partes verò non: ergo partibus, & toti conueniunt prædicata contradictoria.

Prima pars minoris probatur.

Totum est terminus generationis; atqui generatio est simplex actio: ergo totum est terminus actionis simplicis.

Solutio: *Totum est terminus generationis, ut quod, Concedo. ut quo, Nego. ergo est terminus actionis simplicis, ut quod, Concedo. ut quo, Nego.*

Contrà. Terminus ut quo generationis non potest esse nisi unio, vel compositum; atqui non est unio: ergo debet esse compositum.

Minor pr. Terminus etiam ut quo generationis debet esse substantia; atqui unio non est substantia: ergo terminus ut quo non est unio.

Minor pr. Unio, vel est substantia simplex, vel composita; atqui neutrum dici potest: ergo unio non est substantia.

Minoris prima pars probatur.

Quod est terminus actionis, per quam fit compositum non est substantia simplex; atqui unio est terminus actionis, per quam fit compositum: ergo non est substantia simplex.

Solutio: *Quod est terminus ut quo actionis, per quam fit compositum, non est substantia simplex, Nego. quod est terminus ut quod, Concedo. Atqui unio est terminus ut quo huiusmodi actionis, Concedo. terminus ut quod, Nego.*

Contrà. Terminus ut quod actionis, per quam fit compositum est substantia simplex: ergo falsum est terminum actionis ut quod, per quâ fit compositum, non esse substantiam simplicem.

Antecedens pr. Quod est una substantia est substantia simplex; atqui terminus ut quod

90 TRACT. I. PHYS. DISP. II.

actionis, per quam fit compositum est una substantia : ergo & substantia simplex.

Solutio : *Quod est una substantia unitate simplicitatis est substantia simplex*, Concedo. *unitate tantum compositionis*, Nego. atqui terminus ut quod actionis, per quam fit compositum, est una substantia unitate simplicitatis, Nego. *unitate compositionis*, Concedo.

Contrà. Quod est verè una substantia, verè est una unitate simplicitatis; atqui terminus ut quod, est verè una substantia : ergo & una unitate simplicitatis.


Major pr. Quod est multæ substantiæ, non potest dici verè, & propriè una substantia; atqui substantia, quæ est tantum una unitate compositionis est multæ substantiæ : ergo quod est verè una substantia est una unitate simplicitatis.

Solutio : *Quod est multa substantia composita, non est una substantia composita*, Concedo. *quod est substantia multa simplices constituentes unam totalem*, Nego. Atqui substantia qua est tantum una unitate compositionis, est multa substantia composita, Nego. *multa substantia simplices*, Concedo.

Ex dictis inferes primò, quæ diximus de distinctione totius substantialis, esse applicanda cum proportionem aliis totis, siue accidentalibus, siue integrantibus, siue per aggregationem, siue aliis quibuscumque tandem. Hæc enim omnia distinguuntur à suis partibus seorsim sumptis, non verò ab illis simul sumptis, & coniunctis ea coniunctione, quæ est ipsis propria.

Secundò; illud esse discrimen inter partes to-

tius integrantis, & totius substantialis, seu essentialis, quod illarum aliqua sublata maneat similis substantia, & essentia, ac radix eorundem effectuum, qui censebantur proprii toti, quod constituunt. Pereunte verò vel minima ex illis, ex quibus consurgit totum essentialis, similis essentia non maneat, & pereat radix proprietatum illius compositi. In exemplo res hæc clara erit. Manus, & pes sunt partes integrantes hominis, & corpus, & anima essentialis, quia, scilicet, quacumque ex illis primis dempta homo non definit esse radix, & principium vegetandi, sentiendi, & intelligendi; quæ sunt operationes propriæ ipsius: sublata verò anima, vel corpore deest hoc ipso in illo composito, vis efficiendi operationes proprias hominis.





TRACTATUS II.

DE CAUSIS.



Es Naturales præter principia intrinsicæ, ex quibus constant, habent alia extrinsecæ, de quibus plurima agitando sunt nobis sequentibus disputationibus.



DISPUTATIO I.

De Natura.



ENOMINATIO naturalis, quæ tribuitur composito substantiali, cum peratur à natura, huius explanation non longius differenda visa est.

SECTIO VNICA:

*Quid sit Natura , & quibus conveniat
eius definitio.*

PRIMA CONCLUSIO:

*Sola Natura est principium , & causa mo-
tus , & quietis eius , in quo est primò , &
per se , & non secundum accidens.*

P R I M A pars conclusionis , quòd natura sit
pars primò constitutiva compositi natura-
lis , & principium effectuum , aut receptivum
motus eius , aut quietis faciliè intelligetur , tum
ex solutione obiectionis infra ponendæ , tum ex
iis , quæ conclusione secunda dicemus.

*Et secunda pars , quòd nihil aliud sit princi-
pium , & causa motus . &c. pr.*

Alia à natura , quæ dici possent principium , &
causa motus , & quietis eius , in quo est primò ,
& per se , & non secundum accidens , sunt pri-
uatiq; , composita substantialia , naturæ sub-
stantiales sumptæ sine subsistentia , & qualitates
aliquæ ; atqui de nullo horum hoc verè dici
potest : ergo nihil aliud à natura est principium ,
& causa motus , & quietis eius , in quo est pri-
mò , & per se , & non secundum accidens.

Minor pr. Illud non potest dici verè princi-
pium , & causa motus , & quietis eius , in quo est

94 TRACT. II. PHYS. DISP. I.

primò; & per se, & non secundum accidens; quod non est pars primò constitutiva compositi substantialis, & principium effectuum, aut receptivum motus, aut quietis ipsius; atqui privatio, composita substantialia, naturæ substantiales sumptæ sine subsistentia, & qualitates non sunt pars primò constitutiva compositi substantialis, & principium effectuum, aut receptivum ipsius motus: ergo de nullo ipsorum verè dici potest; quod sit principium, & causa motus, & quietis eius, in quo est primò, & per se, & non secundum accidens.

Minor pr. Quod est quid negativum, aut accidens, aut supponēs aliam sui partem priorem, aut totum ipsum substantiale, non est pars primò constitutiva compositi substantialis, & principium effectuum, & receptivum motus ipsius, & quietis; atqui privatio est quid negativum, qualitates sunt accidentia, naturæ substantiales sumptæ sine subsistentia habent aliam sui priorem partem, & composita substantialia sunt totum ipsum substantiale: ergo privatio, qualitates, naturæ substantiales sumptæ sine subsistentia, & composita substantialia, non sunt pars primò constitutiva compositi substantialis, & principium effectuum, aut receptivum motus ipsius, & quietis.

Tertia pars minoris de qua sola videtur posse dubitari, probatur.

Quod constituitur ex partibus, supponit, & habet priorem vnamquamque ex suis partibus; atqui naturæ substantiales constituuntur ex partibus: ergo supponunt aliam sui priorem partem.

Minor pr. Materia, & forma sunt earum partes, ergo constituuntur ex partibus.

Obiicies. Natura non est principium: & causa motus, & quietis compositi substantialis: ergo nec eius, in quo est primò, & per se, & non secundum accidens.

Antecedens pr. Natura est aliquid intrinsecum composito naturali; atqui principium motus compositi naturalis non est illi intrinsecum: ergo natura non est principium, & causa motus, & quietis eius, in quo est primò, & per se, & non secundum accidens.

Minor pr. Quod est aliud à composito naturali nō est illi intrinsecum; atqui principium motus compositi naturalis est aliud ab ipso: ergo non est illi intrinsecum.

Minor pr. Principium motus compositi naturalis est illud, à quo mouetur: sed illud, à quo mouetur est aliud ab ipso: ergo principium motus compositi naturalis est aliud ab ipso.

Minor pr. Compositum naturale est vnum ex illis, quæ mouentur; atqui omne, quod mouetur ex Aristotele mouetur ab alio: ergo illud, à quo mouetur compositum naturale est aliud ab ipso.

Solutio: Omne, quod mouetur ex Aristotele mouetur ab alio tanquam à motore uniuersali, & partiali, Concedo. tanquam à motore particulari aut totali, Nego. hoc est, Deus est principium omnis motus illius compositi naturalis; sed tanquam causa uniuersalis, & partialis, cum quo bene fiat naturam esse principium parziale illius, unde ad consequens; ergo illud, à quo tanquam

96 TRACT. II. PHYS. DISP. I.

à motore vniuersali, & partiali, mouetur cōpositum naturale est aliud ab ipso, Concedo. tanquam à motore particulari, aut totali, Nego.

Contrà. Omne quod mouetur, mouetur ab alio, vt à principio particulari: ergo nulla solutio.

Antecedens pr. Quæ mouentur sunt graua, aut non graua, & leuia: atqui & illa, & hæc mouentur ab alio, vt à principio particulari; ergo omne quod mouetur, mouetur ab alio, vt à principio particulari.

Prima pars minoris probatur.

Generans grauium, & leuium est aliud ab ipsis: atqui mouentur ab ipso ex Aristotele, vt à principio particulari: ergo graua, & leuia mouentur à principio particulari.

Solutio: Atqui mouentur ab ipso, vt à principio particulari proximè, Nego. remotè, Concedo. ergo. graua, & leuia mouentur ab alio proximè, Nego. remotè, Concedo. Sensus est, generans non mouere per se immediatè graua, & leuia: potuit enim perire cum ista mouentur, sed mediatè, quatenus scilicet dedit eis per actionem ipsorum productiuam, vim effectiuam proprii motus.

CONCLUSIO SECVNDA:

Definitio naturæ conuenit materia, & formæ substantiali.

DEFINITIO naturæ conuenit omni ei, quod est principium, & causa motus: & quietis eius, in quo est primò, & per se, & non secundum accidens;

cidens ; atqui materia , & forma sunt principium , & causa motus , & quietis eius , in quo sunt primò , & per se , & non secundùm accidens : ergo definitio naturæ conuenit materiæ , & formæ substantiali.

Minor pr Illud est principium , & causa motus , & quietis , &c. quod est pars primò constitutiuæ compositi naturalis , & principium actiuum , vel passiuum motus , & quietis ipsius ; atqui materia , & forma sunt partes primò constitutiuæ compositi naturalis , & principium actiuum , vel passiuum motus , & quietis ipsius : ergo materia , & forma sunt principium , & causa motus , & quietis eius , in quo sunt primò , & per se , & non secundùm accidens .

Prima pars minoris certa est ex dictis disputationibus precedentibus , & secunda probatur.

Quod efficit , vel recipit motum , & quietem compositi est principium actiuum , vel receptiuum motus , & quietis ipsius ; atqui materia , & forma efficiunt , vel recipiunt motum , & quietem compositi naturalis : ergo sunt principium actiuum , vel passiuum motus , & quietis ipsius.

Obiicies. Materia est natura tantùm extrinsecè ex Aristotele : ergo definitio naturæ non conuenit illi.

Solutio : *Materia ex Aristotele , est tantùm natura extrinsecè , hoc est , non est natura tam nobilis , ac forma.* Concedo. *nō est verè natura.* Nego.

Contrà. Illud non est verè natura , quod non est verè principium motus , & quietis ; atqui materia non est verè principium motus , & quietis : ergo non est verè natura.

Minor pr. Illud non est verè principium motus, & quietis, quod est tantum principium passivum illius: atqui materia est tantum principium passivum motus, & quietis: ergo materia non est verè principium motus, & quietis.

Major pr. Artificialia sunt principium passivum motus, & quietis: atqui illa ex Aristotele, non sunt verè principium motus, & quietis: ergo quod est tantum principium passivum motus, non est verè principium illius.

Solutio: *Artificialia sunt principium passivum motus, quia artificialia.* Nego. *quia lapidea, aut lignea, &c.* Concedo. atqui illa ex Aristotele, non sunt verè principium motus, quia artificialia, Concedo. *quia lapidea, lignea, &c.* Nego.

Contrà. Quod est tantum principium passivum motus, non est verè principium motus procedentis à natura: ergo nulla solutio.

Antecedens pr. Illud non potest dici principium motus procedentis à natura, cuius motus non est naturalis: atqui motus, qui est tantum à principio passivo non est naturalis: ergo quod est tantum principium passivum motus, non est verè principium motus procedentis à natura.

Minor pr. Motus caloris in aqua est à principio passivo; atqui ille motus non est naturalis: ergo motus, qui est tantum à principio passivo, non est naturalis.

Solutio: Atqui ille motus non est naturalis absolute, Concedo. secundum quid, Nego. ergo motus, qui est tantum à principio passivo, non est naturalis absolute. Concedo. secundum quid, Nego.

Contrà. Motus, qui est à natura debet esse ab-

Solutè naturalis; atqui qui est tantùm à principio passiuo ex concessis, est à natura : ergo est absolutè naturalis.

Solutio : *Motus*, qui est à natura, hoc est, secundùm inclinationem compositi est absolutè naturalis, Concedo. hoc est, qui subiectatur in altera parte compositi, & est contra inclinationem alterius partis, quæ est in illo præcipua, Nego. atqui qui est tantùm à principio passiuo est à natura, hoc est, secundùm inclinationem, seu naturam propensionem compositi, Nego. hoc est, subiectatur in altera eius parte minus præcipua, Concedo. Naturalitas motus attenditur maximè circa formam; quippe qua sit præcipua pars compositi ipsum denominans, & in ipso radix omnium, quæ sunt ipsius propria, & non conueniunt alijs : si enim haberetur ratio materie, nullus motus diceretur violentus. Materia enim secundùm se indifferens est ad omnem, & nullum planè habet repugnantem.

CONCLUSIO TERTIA :

Ars efficere potest verum aurum.

Quod potest inducere in materiam dispositiones ad formam auri, potest efficere aurum; atqui ars potest inducere dispositiones in materiam ad formam auri : ergo efficere potest aurum.

Minor pr. Non difficilior est, seclusa speciali Dei prouidentia, inducere dispositiones in materiam ad formam auri, quàm ad formam viuentium; atqui ars inducere potest dispositiones ad multas formas viuentium : ergo etiam potest in-

ducere dispositiones in materiã ad formã auri.

Minor pr. Illud potest inducere dispositiones in materiam, ad multas formas viuentium; quod de facto illas inducit; atqui ars de facto inducit dispositiones in materiam ad formas viuentium: ergo ars inducere potest dispositiones in materiam, ad multas formas viuentium.

Minor pr. Formæ pullorum, & apura sunt formæ viuentium; atqui ars inducit de facto dispositiones in materiam ad istas formas: ergo & ad formas viuentium.

Minor pr. De facto istæ formæ producuntur per artem: ergo ars de facto inducit dispositiones in materiam ad istas formas.

Antecedens pr. Pulli educuntur ex ouis temperato calore per artem illis applicato: ergo de facto istæ formæ producuntur per artem.

Obijctes. Quod nunquam factum est fieri non potest; atqui nunquam ars effecit verum aurum: ergo ars efficere non potest verum aurum.

Respondeo, *falsitatem minoris patere experientis illius chimistarum, quibus aliquid auri quidem fit, sed non tanti pretij, quanti sunt expensæ factæ.*

Contrà. Impossibile est non modò, vt magna vis auri fiat per artem, sed nec parua: ergo ars nunquam effecit verum aurum.

Antecedens pr. Ars nihil aliud est, quàm cognitio v. g. quam homo, vel Angelus habet de modo faciendi aurum; atqui impossibile est non modò vt magna vis auri fiat per illã cognitionẽ, sed nec parua: ergo impossibile est nõ modò vt magna vis auri fiat per artem, sed nec parua.

Minor pr. Cognitio quam habet homo, vel Angelus de methodo faciendi aurum est accidens spiritale, & aurum substantia materialis; atqui impossibile est, ut per accidens spiritale fiat substantia materialis: ergo impossibile est, ut fiat non modò magna vis auri per illam cognitionem, sed nec parua.

Solutio: Atqui impossibile est, ut per accidens spiritale fiat substantia materialis efficientia physica orta immediatè ab illo, & terminata ad istud, Concedo. efficientia mediata, & per virtutem alterius agentis quod applicat, Nego. ergo impossibile est, ut per illam cognitionem, vel parua vis auri fiat efficientia orta immediatè ab illa cognitione, Concedo. mediata; & procedente ab altero agente, cuius cognitio curat applicationem. Nego. Cum enim non desint agentia, quæ contineant eminenter formam auri, vel seorsim sumpta, vel simul, aut ceriè dispositiones ad istam, cognitio Angelica quæ hoc non ignorat, potest excitare volitionem consequentem, ad quam fiat applicatio illorum agentium, & illa applicatione facta producatur verum aurum.

Contrà. Dæmones quantumvis rogati à magis, quos hac ratione facile esset ditare, non faciunt applicationem huiusmodi agentium; ergo Angeli non possunt illam facere.

Solutio: Dæmones quantumvis rogati à magis, non faciunt applicationem huiusmodi agentium propter specialem Dei providentiam quæ id eis non permittit, cuius si haberent potestatem infinitas animas perderent, Concedo. si non esset specialis illa providentia, Nego.


Contrà. Nullum est fundamentum recurrenti ad specialem illam Dei providentiam: ergo dæmones non abstinēt ab applicatione huiusmodi agentium, propter specialem Dei providentiam, ne illaqueentur infinitæ animæ.

Respondco, fundamentum illud esse, quod propter similem finem Deus non permittat demonibus, quod in ipsorum esse potestate omnes concedunt, scilicet, extractos è mari, aut alijs locis, in quibus latent thesauri, illos dare magis aut alijs, qui se illis deuotunt, quos ut plurimum egestate potius, quàm diuitiis onustos fuisse, esse nouimus.

DISPUTATIO II.

De Causis in communi.



 **A**usæ habent quædam, quæ illis omnibus sunt communia, aut saltem pluribus, & alia quæ ita vnius sunt propria, vt alijs nullo modo conueniant. Prima illa communia examinabimus ista disputatione, & sequentibus, quæ sunt propria vniuscuiusque.

SECTIO PRIMA

Quid sit causa, ratio causandi, & causalitas.

DV O in omni re, quæ dicitur causa maxime attendi debent: primū est id, per quod fit potens causare, & dicitur ratio causandi; & secundum illud, per quod actu causat, & reducit suam illam potentiam ad actum. De utroque explicata causa dicemus quid sint.

CONCLUSIO PRIMA:

Causa bene definitur principium per se influens esse in aliud.

ILLUD bene definitur principium per se influens esse in aliud, quod solum dat essentiam alteri distinctam à sua; atqui omnis, & sola causa dat essentiam alteri distinctam à sua: ergo bene definitur principium per se influens esse in aliud.

Primæ pars minoris intelligitur facile ex dicendis, & secunda probatur.

Alia à causa, quæ possunt censerì dare essentiam alteri distinctam à sua, sunt priuatio, conditiones sine quibus non, & Pater in diuinis respectu Filij; atqui priuatio, & conditiones sine quibus non, non dant essentiam alteri, & Pater in diuinis nō dat essentiam distinctam à sua: ergo sola causa dat essentiam alteri distinctam à sua.

Duæ primæ partes minoris probantur, & tertia

ex solutione objectionis mox ponenda confirmabitur.

Quod nihil est, aut tantum est applicatio, aut quasi applicatio dantis essentiam, non dat essentiam alteri; atqui privatio nihil est positivum, sed tantum quid negativum, & conditiones sine quibus non, sunt tantum applicatio; aut quasi applicatio dantis essentiam: ergo non dat essentiam alteri.

Obiicit. Pater in diuinis est principium influens esse in aliud: ergo causa non bene definitur principium influens esse in aliud.

Antecedens pr. Illud est principium influens esse in aliud, quod dat esse alteri à se distincto realiter, sed Pater in diuinis dat esse Filio à se distincto realiter: ergo est principium influens esse in aliud.

Solutio: illud est principium influens esse in aliud, quod dat esse alteri à se distincto realiter, hoc est, habenti essentiam distinctam, Concedo. non habenti distinctam, Nego. atqui Pater in diuinis dat esse Filio à se realiter distincto, hoc est, habenti essentiam distinctam, Nego. non habenti distinctam, sed planè eandem, Concedo.

Contrà. Effectus non debet habere essentiam distinctam à causa: ergo nulla solutio.

Antecedens pr. Deus non habet essentiam distinctam à seipso; atqui Deus est effectus sui ipsius: ergo effectus non debet habere essentiam distinctam à causa.

Minor pr. Deus est causa sui ipsius: ergo est etiam effectus sui ipsius.

Antecedens pr. Non potest esse alia causa Dei, quàm ipsemet: ergo Deus est causa sui ipsius.

Consequentia pr. Illud est causa Dei, à quo,

Deus est; atqui Deus est à seipso: ergo est causa sui ipsius.

Maior pr. Debet esse aliqua causa Dei; sed illa non potest esse alia quàm id, à quo Deus est: ergo illud est causa Dei, à quo Deus est.

Solutio: *Neganda est maior, & ratio est, quia cum quod habet causam debeat esse productum, & Deus sit improductus, clarum est ipsum non posse habere causam.*

CONCLUSIO SECUNDA:

Ratio causandi distinguitur aliquando ab entitate causæ, aliquando non.

RATIO causandi est id, per quod causa constituitur potens causare; atqui id, per quod causa constituitur potens causare aliquando distinguitur ab ipsius entitate, aliquando non distinguitur: ergo ratio causandi distinguitur aliquando ab entitate causæ, aliquando non.

Prima pars minoris probatur.

Quod est aliquid superadditum realiter entitati causæ distinguitur ab ipsius entitate; atqui id, per quod causa constituitur potens causare, est aliquando superadditum ipsius entitati: ergo ab ea distinguitur.

Minor pr. Causa efficiens est vera causa: sed id, per quod multæ causæ efficientes constituuntur aptæ causare, est aliquid ipsis realiter superadditum: ergo & id, per quod causa constituitur potens causare.

Antecedens pr. Intellectus, & voluntas huma-

na sunt causæ efficientes actuum supernaturalium fidei, spei, & charitatis; atqui fiunt potentes causare illos actus per aliquid ipsis realiter superadditum: ergo causæ efficientes constituuntur aptæ causare per aliquid ipsis realiter superadditum.

Minor pr. Id, per quod intellectus, & voluntas humana constituuntur aptæ causare actus supernaturales fidei, spei, & charitatis, sunt habitus supernaturales; atqui illi sūt ipsis realiter superadditi: ergo, fiunt potentes causare illos actus, per aliquid ipsis realiter superadditum.

Minor pr. Supernaturale additum naturale est: illi realiter superadditum; sed intellectus, & voluntas humana sunt quid naturale, & illi habitus, quid supernaturale: ergo, isti sunt, illis realiter superadditi.

Secunda pars minoris prioris argumenti, quod ratio causandi aliquando non distinguitur, pr.

Causa per seipsam potest causare: ergo id, per quod constituitur potens causare, non distinguitur ab ipsius entitate.

Antecedens pr. Omnes causæ materiales, omnes formales, & multæ efficiētes sunt aptæ causare per seipsas: ergo causa per seipsam potest causare.

Dua prima partes minoris probantur:

Causa materialis, & causa formalis per id possunt causare, per quod prima recipere potest formam, & secunda vñiri materiæ: atqui causa materialis per seipsā recipit formam, & causa formalis per seipsam si militer vñitur materiæ, ex probatis suprà sectione de potētia receptiua ma-

teriaz : ergo omnes causæ materiales , & omnes formales sunt aptæ causare per seipsas.

Tertia pars minoris superioris argumenti , causam efficientem esse potentem causare per seipsam, probatur.

Ignis est causa efficiens caloris in se recepti; atqui fit potens causare illum calorem per seipsū: ergo causa efficiens fit potēs causare per seipsā.

Minor pr. Ignis non causat illum calorem per aliquid à se distinctum : ergo fit potens illum causare per seipsum.

CONCLUSIO TERTIA:

Causalitas distinguitur realiter ab entitate causa.

CAUSALITAS est id, quo posito causa fit actu causans; atqui id, per quod causa fit actu causans distinguitur ab ipsius entitate : ergo causalitas distinguitur realiter ab entitate causæ.

Minor pr. Existente entitate causæ , non existit, hoc quod est ipsam actu causare : ergo id, per quod fit actu causans distinguitur ab ipsius entitate.

Minor pr. Ignis Babilonicus erat vera entitas causæ ; atqui existerat non existente hoc , quod est ipsum actu causare : ergo existentē entitate causæ , non existit id, quod est ipsā actu causare.

Minor pr. Non causabat actu : ergo non existerat hoc , quod est ipsum actu causare.

Antecedens pr. Ipsius causare actu, est calefacere, & comburere; atqui non comburebat actu: ergo non causabat actu.

Minor pr. Illud non est verè principium motus, & quietis, quod est tantum principium passivum illius: atqui materia est tantum principium passivum motus, & quietis: ergo materia non est verè principium motus, & quietis.

Major pr. Artificialia sunt principium passivum motus, & quietis: atqui illa ex Aristotele, non sunt verè principium motus, & quietis: ergo quod est tantum principium passivum motus, non est verè principium illius.

Solutio: *Artificialia sunt principium passivum motus, quia artificialia.* Nego. *quia lapidea, aut lignea, &c.* Concedo. atqui illa ex Aristotele non sunt verè principium motus, quia artificialia, Concedo. *quia lapidea, lignea, &c.* Nego.

Contrà. Quod est tantum principium passivum motus, non est verè principium motus procedentis à natura: ergo nulla solutio.

Antecedens pr. Illud non potest dici principium motus procedentis à natura, cuius motus non est naturalis: atqui motus, qui est tantum à principio passivo non est naturalis: ergo quod est tantum principium passivum motus, non est verè principium motus procedentis à natura.

Minor pr. Motus caloris in aqua est à principio passivo; atqui ille motus non est naturalis: ergo motus, qui est tantum à principio passivo, non est naturalis.

Solutio: Atqui ille motus non est naturalis absolute, Concedo. secundum quid, Nego. ergo motus, qui est tantum à principio passivo, non est naturalis absolute. Concedo. secundum quid, Nego.

Contrà. Motus, qui est à natura debet esse ab-

Solutè naturalis; atqui qui est tantùm à principio passiuo ex concessis, est à natura: ergo est absolutè naturalis.

Solutio: *Motus*, qui est à natura, hoc est, secundùm inclinationem compositi est absolutè naturalis, Concedo. hoc est, qui subiectatur in altera parte compositi, & est contra inclinationem alterius partis, qua est in illo præcipua, Nego. atqui qui est tantùm à principio passiuo est à natura, hoc est, secundùm inclinationem, seu naturam propensionem compositi, Nego. hoc est, subiectatur in altera eius parte minùs præcipua, Concedo. Naturalitas motus attenditur maximè circa formam; quippe qua sit præcipua pars compositi ipsum denominans, & in ipso radix omnium, qua sunt ipsius propria, & non conueniunt alijs: si enim haberetur ratio materia, nullus motus diceretur violentus. Materia enim secundùm se indifferens est ad omnem, & nullum planè habet repugnantem.

CONCLUSIO TERTIA:

Ars efficere potest verum aurum.

QVOD potest inducere in materiam dispositiones ad formam auri, potest efficere aurum; atqui ars potest inducere dispositiones in materiam ad formam auri: ergo efficere potest aurum.

Minor pr. Non difficilius est, seclusa speciali Dei prouidentia, inducere dispositiones in materiam ad formam auri, quàm ad formam viuentium; atqui ars inducere potest dispositiones ad multas formas viuentium: ergo etiam potest in-

ducere dispositiones in materiã ad formã auri.

Minor pr. Illud potest inducere dispositiones in materiam, ad multas formas viuientium; quod de facto illas inducit; atqui ars de facto inducit dispositiones in materiam ad formas viuientium: ergo ars inducere potest dispositiones in materiam, ad multas formas viuientium.

Minor pr. Formæ pullorum, & apum sunt formæ viuientium; atqui ars inducit de facto dispositiones in materiam ad istas formas: ergo & ad formas viuientium.

Minor pr. De facto istæ formæ producuntur per artem: ergo ars de facto inducit dispositiones in materiam ad istas formas.

Antecedens pr. Pulli educuntur ex ouis temperato calore per artem illis applicato: ergo de facto istæ formæ producuntur per artem.

Obijces. Quod nunquam factum est fieri non potest; atqui nunquam ars effecit verum aurum: ergo ars efficere non potest verum aurum.

Respondeo, *falsitatem minoris patere experientis illius chimistarum, quibus aliquid auri quidem fit, sed non tanti pretij, quanti sunt expensa facta.*

Contrà. Impossibile est non modò, vt magna vis auri fiat per artem, sed nec parua: ergo ars nunquam effecit verum aurum.

Antecedens pr. Ars nihil aliud est, quàm cognitio v. g. quam homo, vel Angelus habet de modo faciendi aurum; atqui impossibile est non modò vt magna vis auri fiat per illã cognitionẽ, sed nec parua: ergo impossibile est nõ modò vt magna vis auri fiat per artem, sed nec parua.

Minor pr. Cognitio quam habet homo, vel Angelus de methodo faciendi aurum est accidens spiritale, & aurum substantia materialis; atqui impossibile est, ut per accidens spiritale fiat substantia materialis: ergo impossibile est, ut fiat non modò magna vis auri per illam cognitionem, sed nec parua.


Solutio: Atqui impossibile est, ut per accidens spiritale fiat substantia materialis efficientia physica orta immediate ab illo, & terminata ad istud, Concedo. efficientia mediata, & per virtutem alterius agentis quod applicat, Nego. ergo impossibile est, ut per illam cognitionem, vel parua vis auri fiat efficientia orta immediate ab illa cognitione, Concedo. mediata, & procedente ab altero agente, cuius cognitio curat applicationem. Nego. Cum enim non desint agentia, qua contineant eminenter formam auri, vel seorsim sumpta, vel simul, aut certè dispositiones ad illam, cognitio Angelica qua hoc non ignorat, potest excitare volitionem, consequentem, ad quam fiat applicatio illorum agentium, & illa applicatione facta producatur verum aurum.

Contrà. Dæmones quantumvis rogati à magis, quos hac ratione facile esset ditare, non faciunt applicationem huiusmodi agentium: ergo Angeli non possunt illam facere.

Solutio: Dæmones quantumvis rogati à magis, non faciunt applicationem huiusmodi agentium propter specialem Dei providentiam qua id eis non permittit, cuius si haberent potestatem infinitas animas perderent, Concedo. si non esset specialis illa providentia, Nego.

Contrà. Nullum est fundamentum recurrenti ad specialem illam Dei prouidentiam: ergo dæmones non abstinēt ab applicatione huiusmodi agentium, propter specialem Dei prouidentiam, ne illaqueentur infinitæ animæ.

Respondeo, fundamentum illud esse, quod propter similem finem Deus non permittat dæmonibus, quod in ipsorum esse potestate omnes concedunt, scilicet, extractos è mari, aut alijs locis, in quibus latent thesauri, illos dare magis aut alijs, qui se illis deuouent, quos ut plurimum egestate potius, quàm diuitiis onustos fuisse, esse nouimus.



DISPUTATIO II.

De Causis in communi.



AUSTRÆ habent quædam, quæ illis omnibus sunt communia, aut saltem pluribus, & alia quæ ita vnius sunt propria, ut alijs nullo modo conueniant. Prima illa communia examinabimus ista disputatione, & sequentibus, quæ sunt propria vniuscuiusque.

SECTIO PRIMA

Quid sit causa, ratio causandi, & causalitas.

DV o in omni re, quæ dicitur causa maxime attendi debent: primū est id, per quod fit potens causare, & dicitur ratio causandi; & secundum illud, per quod actu causat, & reducit suam illam potentiam ad actum. De utroque explicata causa dicemus quid sint.

CONCLUSIO PRIMA:

Causa bene definitur principium per se influens esse in aliud.

ILLUD bene definitur principium per se influens esse in aliud, quod solum dat essentiam alteri distinctam à sua, atqui omnis, & sola causa dat essentiam alteri distinctam à sua: ergo bene definitur principium per se influens esse in aliud.

Prima pars minoris intelligetur facile ex dicendis, & secunda probatur.

Alia à causa, quæ possunt censerì dare essentiam alteri distinctam à sua, sunt priuatio, conditiones sine quibus non, & Pater in diuinis respectu Filij; atqui priuatio, & conditiones sine quibus non, non dant essentiam alteri, & Pater in diuinis nō dat essentiam distinctam à sua: ergo sola causa dat essentiam alteri distinctam à sua.

Dua prima partes minoris probantur, & tertia

Deus est; atqui Deus est à seipso: ergo est causa sui ipsius.

Maior pr. Debet esse aliqua causa Dei; sed illa non potest esse alia quàm id, à quo Deus est: ergo illud est causa Dei, à quo Deus est.

Solutio: *Neganda est maior, & ratio est, quia cum quod habet causam debeat esse productum, & Deus sit improductus, clarum est ipsum non posse habere causam.*

CONCLUSIO SECUNDA:

Ratio causandi distinguitur aliquando ab entitate causæ, aliquando non.

RATIO causandi est id, per quod causa constituitur potens causare; atqui id, per quod causa constituitur potens causare aliquando distinguitur ab ipsius entitate, aliquando non distinguitur: ergo ratio causandi distinguitur aliquando ab entitate causæ, aliquando non.

Prima pars minoris probatur.

Quod est aliquid superadditum realiter entitati causæ distinguitur ab ipsius entitate; atqui id, per quod causa constituitur potens causare, est aliquando superadditum ipsius entitati: ergo ab ea distinguitur.

Minor pr. Causa efficiens est vera causa: sed id, per quod multæ causæ efficientes constituuntur aptæ causare, est aliquid ipsis realiter superadditum: ergo & id, per quod causa constituitur potens causare.

Antecedens pr. Intellectus, & voluntas huma-

na sunt causæ efficientes actuum supernaturalium fidei, spei, & charitatis; atqui sunt potentes causare illos actus per aliquid ipsis realiter superadditum: ergo causæ efficientes constituuntur aptæ causare per aliquid ipsis realiter superadditum.

Minor pr. Id, per quod intellectus, & voluntas humana constituuntur apta causare actus supernaturales fidei, spei, & charitatis, sunt habitus supernaturales; atqui illi sūt ipsis realiter superadditi: ergo, sunt potentes causare illos actus, per aliquid ipsis realiter superadditum.

Minor pr. Supernaturale additum naturale est illi realiter superadditum; sed intellectus, & voluntas humana sunt quid naturale, & illi habitus, quid supernaturale: ergo, isti sunt, illis realiter superadditi.

Secunda pars minoris prioris argumenti, quæ dicitur *ratio causandi aliquando non distinguitur, pr.*

Causa per seipsam potest causare: ergo id, per quod constituitur potens causare, non distinguitur ab ipsius entitate.

Antecedens pr. Omnes causæ materiales, omnes formales, & multæ efficiētes sunt aptæ causare per seipsas: ergo causa per seipsam potest causare.

Dua prima partes minoris probantur.

Causa materialis, & causa formalis per id possunt causare, per quod prima recipere potest formam, & secunda, uniri materiæ: atqui causa materialis per seipsam recipit formam, & causa formalis per seipsam similiter unitur materiæ, ex probatis supra sectione de potētia receptiva ma-

tertiæ: ergo omnes causæ materiales, & omnes formales sunt aptæ causare per seipsas.

Tertia pars minoris superioris argumenti, causam efficientem esse potentem causare per seipsam, probatur.

Ignis est causa efficiens caloris in se recepti; atqui fit potens causare illum calorem per seipsū: ergo causa efficiens fit potēs causare per seipsā.

Minor pr. Ignis non causat illum calorem per aliquid à se distinctum: ergo fit potens illum causare per seipsum.

CONCLUSIO TERTIA:

Causalitas distinguitur realiter ab entitate causa.

CAUSALITAS est id, quo posito causa fit actu causans; atqui id, per quod causa fit actu causans distinguitur ab ipsius entitate: ergo causalitas distinguitur realiter ab entitate causæ.

Minor pr. Existente entitate causæ, non existit, hoc quod est ipsam actu causare: ergo id, per quod fit actu causans distinguitur ab ipsius entitate.

Minor pr. Ignis Babilonicus erat vera entitas causæ; atqui exstebat non existente hoc, quod est ipsum actu causare: ergo existente entitate causæ, non existit id, quod est ipsā actu causare.

Minor pr. Non causabat actu: ergo non exstebat hoc, quod est ipsum actu causare.

Antecedens pr. Ipsius causare actu, est calefacere, & comburere; atqui non comburebat actu: ergo non causabat actu.

SECTIO II.

Quotuplex sit causa, & an eadem res possit exercere omnia causarum genera.

PRIMA CONCLUSIO :

Causa diuisio in materialem, formalem, efficientem, & finalem est adæquata.

MEMBRA istius diuisionis continent quidquid diuisum : ergo est adæquata.

Antecedens pr. Causæ materialis, formalis, efficiens, & finalis continent quidquid causa : ergo & quidquid diuisum.

Minor pr. Causa est principium per se influens esse in aliud, seu dans essentiam alteri à sua distinctam ; atqui causa materialis, formalis, efficiens, & finalis continent quidquid dans essentiam alteri à sua distinctam : ergo & quidquid causa.

Minor pr. Quidquid dat essentiam alteri, vel exigit cum illo vniri, vel non exigit cum illo vniri, vel aduenit alteri dando essentiam, vel mouet alterum ad dandam essentiam ; atqui quod exigit cum eo vniri, cui dat essentiam, est causa materialis, & quod non exigit vniri est causa efficiens, & quod aduenit est causa formalis, & quod mouet alterum ad dandam essentiam est causa finalis : ergo causa materialis, formalis, efficiens, & finalis continent quidquid dans essentiam alteri à sua distinctam,

Respondent: *Quidquid dat essentiam alteri, vel*

exigit cum illo uniri, vel non exigit cum illo uniri, vel aduenit alteri, vel mouet alterum ad dandam essentiam, & nihil aliud, Negant. & praterea aliquid aliud, Concedunt.

Contrà. Illud aliud dans essentiam non potest esse nisi vel exemplar, vel obiecta actuum vitalium, aut dispositiones ad formam introducendam; atqui causa materialis, formalis, efficiens, & finalis continent ista: ergo nihil est aliud præter enumerata, quod det essentiam alteri distinctam à sua.

Minor pr. Obiecta actuum vitalium, dispositiones ad formam introducendam, & exemplar, sunt, aut causa efficiens, aut reuocantur ad illam, vt probabimus cum de singulis agemus: ergo causa efficiens, materialis, formalis, & finalis continent ista.

SECUNDA CONCLUSIO:

Eadem res exercere potest omnia causarum genera respectu diuersorum effectuum,

*Q*UOD potest esse causa materialis, formalis, efficiens & finalis respectu diuersorum effectuum, potest respectu illorum exercere omnia causarum genera; atqui eadem res potest esse causa materialis, formalis, efficiens, & finalis respectu diuersorum effectuum: ergo & respectu illorum exercere omnia causarum genera.

Minor pr. Anima rationalis est vna, & eadem res; atqui anima rationalis potest esse causa efficiens, materialis, formalis, & finalis respectu di-

§10 TRACT. II. PHYS. DISP. II.
uerforum effectuum : ergo & vna & eadem res.

Antecedens pr. Anima rationalis est causa efficiens, & materialis suarum intellectionum, formalis hominis, & finalis organisationis; atqui intellectiones, homo, & organizatio sunt diuersi effectus: ergo potest esse causa efficiens, materialis, formalis, & finalis respectu diuersorum effectuum.

TERTIA CONCLUSIO:

Nulla res respectu eiusdem effectus exercere potest omnia causarum genera.

ILLUD non potest respectu alicuius effectus exercere omnia causarum genera, quod respectu illius non potest esse simul causa materialis, & formalis; atqui nulla res respectu eiusdem effectus potest esse causa materialis & formalis: ergo nulla res respectu eiusdem effectus exercere potest omnia causarum genera.

Minor pr. Nulla res potest esse simul ea, quæ realiter distinguuntur; atqui causa materialis, & formalis respectu eiusdem effectus realiter distinguuntur: ergo nulla res respectu eiusdem effectus potest esse causa materialis, & formalis.

Minor pr. Quæ faciunt compositionem physicam realiter distinguuntur; atqui causa materialis, & formalis eiusdem effectus faciunt veram compositionem physicam: ergo realiter distinguuntur.

Minor pr. Illa faciunt veram compositionem physicam, quorum vnum aduenit alteri realiter.

præsupposito; atqui causa materialis, & formalis eiusdem effectus ita se habent : ergo faciunt veram compositionem physicam.

QVARTA CONCLUSIO:

In omnibus rebus creatis non reperiuntur quatuor causarum genera.

ANGELI, seu naturæ Angelicæ sunt ree creatæ; atqui in Angelis, seu naturis Angelicis non reperiuntur quatuor causarum genera: ergo neque in omnibus rebus creatis.

Minor pr. In illis non reperiuntur omnia causarum genera, in quibus non reperitur neque causa formalis, neque materialis; atqui in Angelis non reperitur causa formalis, nec materialis: ergo neque quatuor causarum genera.

Antecedens pr. In illis non reperitur causa materialis, & formalis, quæ non componuntur ex subiecto, & actu; atqui Angeli sumpti secundum naturam, seu naturæ Angelicæ non componuntur ex subiecto, & actu: ergo in illis non reperitur causa materialis, nec formalis.

Minor pr. Illa non componuntur ex subiecto, & actu, quæ sunt substantiæ physicè simplices; atqui Angeli, seu naturæ Angelicæ sunt substantiæ physicè simplices, vt probauimus in Metaph. disp. 3. sect. 3. ergo non componuntur ex subiecto, & actu.

SECTIO III.

An, & quomodo causa sit prior suo effectui.

CONCLUSIO PRIMA:

Causa in actu primo non est necessario prior tempore suo effectui.

ILLUD non est prius alio tempore, quod non existit ante illud; atqui causa in actu primo non existit necessario ante effectum: ergo non est prior tempore suo effectui.

Minor pr. Causa non existit necessario ante illud, quod est cum primum ipsa existit; atqui sæpe effectus est cum primum eius causa existit: ergo causa non existit necessario ante effectum.

Minor pr. Lux est verus effectus ignis; atqui cum primum est ignis, lux est: ergo effectus est sæpe cum primum causa existit.

Minor pr. Cum agens necessarium habet requisita ad ponendum effectum non potest illum non ponere; atqui ignis est agens necessarium, & cum primum existit habet requisita ad producendam lucem: ergo cum primum est ignis est etiam lux ab ipso producta.

CONCLUSIO SECUNDA:

Causa potest esse prior tempore suo effectu.

CAUSA vel est materialis, vel formalis, vel efficiens, vel finalis; sed materialis, formalis, efficiens, & finalis possunt esse priores tempore suo effectu: ergo causa potest esse prior tempore suo effectu.

Dua partes ultima minoris probantur primò.

Deus est causa efficiens, & finalis rerum omnium; atqui Deus est prior tempore omnibus rebus creatis: ergo & causa efficiens, & finalis suis effectibus.

Probantur secundo dua prima partes minoris prioris argumenti.

Corpus, & anima sunt causa materialis, & formalis hominis; atqui corpus, & anima possunt esse priora homine: ergo & causa materialis, & formalis suis effectibus.

Minor probatur de anima, de corpore enim res est clara.

Vt anima sit ante hominem nihil aliud requiritur, quàm vt Deus non creet illam informantem corpus; atqui Deus potest creare animam antequam informet corpus: ergo anima potest esse prior homine.

Minor pr. Illud Deus potest non facere, quod liberè facit; atqui liberè creat animam informantem corpus: ergo potest illam creare antequam informet corpus.

CONCLUSIO TERTIA :

Causa in actu secundo est simul tempore cum suo effectu.

ILLA sunt simul tempore, quorum cum vnum est, aliud quoque est; atqui cum est causa in actu secundo, seu actu causans est etiam effectus : & cum est effectus est etiam causa actu causans : ergo causa in actu secundo est simul tempore cum suo effectu.

Minor pr. Cum est causa actu causans, est aliquid causatum; atqui illud causatum est effectus & cum est causatum est etiam causa actu causans : ergo cum est causa in actu secundo, est etiam effectus, & cum est effectus est etiam causa actu causans.

CONCLUSIO QUARTA :

Causa in actu secundo est simul natura cum causalitate.

ILLA sunt simul natura, quæ sunt eodem tempore, & vnum non dependet ab alio; atqui causa in actu secundo; & causalitas sunt eodem tempore, & vnum non dependet ab alio: ergo sunt simul natura.

Prima pars minoris non est dubia, & secunda probatur.

Causalitas non dependet ab eo, cuius est constitutiva; atqui causalitas est constitutiva causæ in actu secundo : ergo causalitas non dependet à causa in actu secundo,

Minor pr. Nihil dependet à seipso ; atqui constitutum dependere ab eo, quod constituit, est idem dependere à seipso: ergo causalitas non dependet ab eo, cuius est constitutiva.

Minor pr. Id quod constituitur est idem saltem inadæquatè cum eo, quod illud constituit: ergo istud dependere ab illo est idem dependere à seipso.

Respondent: ergo istud dependere ab illo adæquatè sumpto est idem dependere à seipso, Concedo. dependere ab illo inadæquatè sumpto. Nego.

Contrà. Ex concessis id, quod constituit aliud non potest pendere ab isto adæquatè sumpto; atqui causalitas cōstituit causam in actu secūdo: ergo non potest pendere à causa in actu secundo adæquatè sumpta.

Et consequenter debet censeri ab ea hoc modo sumpta independens, & cum aliunde sit eodem tempore non potest negari esse simul natura cum illa.

Obijcies. Id quod pendet ab alio non est simul natura cum illo; atqui causalitas pendet à causa in actu secundo: ergo non est simul natura cum causa in actu secundo.

Minor pr. Causalitas pendet à causa in actu secundo, vel in actu primo; atqui non pendet à causa in actu primo: ergo pendet à causa in actu secundo.

Solutio: Causalitas pendet à causa in actu secundo, vel in actu primo non redactò ad actum secundum. Nego. redactò ad actum secundum, Concedo. atqui non pendet à causa in actu primo.

116 TRACT. II. PHYS. DISP. II.

non redactio ad actum secundum, Concedo. redactio ad actum secundum, Nego.

Contrà. Causa in actu primo redactio ad actum secundum est causa in actu secundo; atqui causalitas ex concessis pendet à causa in actu primo redactio ad actum secundum: ergo pendet verè à causa in actu secundo.

Solutio: Atqui causalitas ex concessis pendet à causa in actu primo redactio ad actum secundum adæquatè sumpto, Nego. inadæquatè sumpto, Concedo. ergo pendet à causa in actu secundo adæquatè sumpta, Nego. inadæquatè sumpta, Concedo. Causa in actu secundo potest sumi adæquatè vel inadæquatè. Sumpta adæquatè est illa duo ex quibus constituitur, scilicet entitas causa, & causalitas: inadæquatè verò sumpta est vel sola entitas causa, vel sola causalitas. Ex quo patet causalitatem non posse pendere à causa in actu secundo adæquatè sumpta, quin pendeat à seipsa; quod cum fieri non possit rectè diximus pendere à causa in actu secundo inadæquatè sumpta, seu ab entitate illa, quam constituit causantem.

Contrà. Effectus pendet à causa in actu secundo adæquatè sumpto; ergo & causalitas etiam.

Antecedens pr. Causa in actu secundo adæquatè sumpto est entitas causæ, & causalitas; atqui effectus pendet ab entitate causæ, & à causalitate: ergo pendet à causa in actu secundo adæquatè sumpto.

Solutio: Causa in actu secundo ut quo est entitas causa, & causalitas, Concedo. ut quod, Nego. & concessa minori: ergo pendet à causa in

actū secundo adquatè sumpto, ut quo, Concedo. ut quod, Nego. Causa in actū secundo ut quo ideo dicitur esse entitas causa, & causalitas, quia hac est illi via ad aliquid aliud, quod dicitur actus secundus ut quod. In eo enim sistit actiuitas causa. Illud autem ideo negamus pendere à causa secunda in actū secundo ut quod adquatè sumpto, seu quod idem est ab actū secundo ut quod, quia ipsum est huiusmodi actus secundus, & ipsum non potest pendere à seipso.

Contrà. Causa in actū secundo ut quod, est prior natura effectui: ergo effectus pendet à causa in actū secundo, ut quod.

Solutio: Causa in actū secundo ut quod reduplicatiuè, & secundum id, quod dicit in recto simul, & in obliquo, seu non tantum illa entitas, in qua est vis actiua, sed etiam id, quod efficit, & eius actus secundus sunt priora effectui, seu ipso actū secundo, Nego. specificatiuè, & secundum id, quod dicit in recto, seu illa entitas, qua dat esse actui secundo est prior natura ipso, Concedo. Certum quidem est entitatem causa secundum se habere influxum in effectum, & hunc, & illum influxum pendere ab illa entitate; sed falsum est entitatem illam ut iunctam illi influxui & effectui, & cum iis facientem totum illud, quod vocatur causa in actū secundo esse priorem secundum se totam, seu non tantum secundum suam entitatem, sed etiam secundum illum influxum, & effectum illo influxu, & effectui, sic enim hac duo posteriora essent priora se ipsis, quod implicat. Quare cum causa in actū secundo dicitur esse prior natura causalitate, & effectui, intelligendam id

118 TRACT. II. PHYS. DISP. II.

est de illa entitate, qua dicitur causa, non verò de ipsa ut coniuncta cum eo, & simul cum ipso per quod constituitur in actū secundo causans.

SECTIO IV.

An possint esse plures causa eiusdem effectus.

CONCLUSIO PRIMA:

Effectus habere non potest plures causas intrinsecas.

CAUSÆ intrinsecæ sunt materialis, & formalis; atqui effectus habere non potest plures causas materiales, & formales: ergo effectus habere non potest plures causas intrinsecas.

Minor pr. Quod habere potest plures causas materiales, & formales, manere potest idem mutatis suis partibus; atqui nihil potest manere idem mutatis suis partibus: ergo effectus non potest habere plures causas materiales, & formales.

Maior pr. Causa materialis, & formalis sunt partes sui effectus: ergo quod habere potest plures & diuersas causas materiales & formales, manere potest idem mutatis suis partibus.

Obijtes. Compositum accidentale est effectus causæ formalis: atqui compositum accidentale potest habere plures causas formales: ergo effe-

Etus habere potest plures causas formales.

Minor pr. Sciens est compositum accidentale; atqui habere potest plures causas formales: ergo & compositum accidentale.

Minor pr. Variæ scientiæ sunt variæ causæ formales scientis; atqui idem sciens habere potest varias scientias: ergo & plures causas formales.

Solutio: *Idem sciens habere potest varias scientias materialiter sumptum*, Concedo. *formaliter sumptum*, Nego. *Idem quidem est, quod dicitur materiale in sciente homo, scilicet, ille, qui dicitur sciens: formaliter tamen non est idem, qui habet plures scientias; quia formale illud non est aliud ab ipsis scientiis, quæ cum supponantur multiplices, totum etiam quod constituunt formaliter sumptum non potest non esse multiplex.*

CONCLUSIO SECUNDA:

Idem effectus potest habere diuisim plures causas efficientes totales.

LUMEN, A, v. g. est vnus & idem effectus; atqui illud lumē habere potest diuisim plures causas efficiētes totales: ergo idem effectus habere potest diuisim plures causas efficientes totales.

Minor pr. Causa productiua luminis est ignis v. g. atqui potest lumen, A, produci à duobus ignibus diuisim: ergo & habere plures causas efficientes totales.

Minor pr. Lumen quod productum ab vno igne conseruari potest ab alio, produci potest à

duobus ignibus diuifim; atqui cū remoto vno igne ponitur alius loco prioris, lumen productum à primo conſeruatur à ſecundo: ergo lumen A, produci poteſt à duobus ignibus.

Minor pr. Nulla eſt ratio, cur deſtruatur prius, & nouum producat: ergo productum à primo, conſeruatur à ſecundo.

Antecedens pr. Effectus non deſtruitur, niſi per contrarium defectum ſubiectionis, aut cauſæ conſeruantis; atqui lumen non habet contrarium, manet eius ſubiectum; adeſt etiam cauſa conſeruans: ergo nulla eſt ratio cur deſtruatur prius, & nouum producat.

Dua prima partes minoris certa ſunt, & tertia probatur.

Ignis ſuccedens eſt cauſa illius conſeruans: ergo adeſt cauſa conſeruans.

Antecedens pr. Vt ignis ſuccedens dicatur eius cauſa conſeruans, non aliud requiritur, quàm vt habeat vires ſufficientes ad illius conſeruationem; atqui habet vires ſufficientes ad illud conſeruandum: ergo ignis ſuccedens eſt cauſa illius conſeruans.

Minor pr. Ignis ſuccedens non habet minores vires, quàm præcedens; atqui præcedens habet ſufficientes vires ad illud conſeruandum: ergo & ſuccedens.

Maior pr. Illa agentia non habent minores vires vnum, quàm aliud, quæ habent æquales; atqui ignis ſuccedens, & præcedens habent æquales vires: ergo ignis ſuccedens non habet minores vires, quàm præcedens.

Minor pr. Agentia inſenſibilia neceſſaria eiufdem

dem speciei habent æquales vires; atqui ignis succedens, & præcedens sunt agentia necessaria insensibilia, & eiusdem speciei, ergo habent æquales vires.

Obijcies. Calor, A, est vnus, & idem effectus; atqui calor, A, non potest habere diuifim plures causas efficientes totales; ergo idem effectus nō potest habere plures causas efficientes totales.

Minor pr. Effectus, qui habere potest plures causas efficiētes totales diuifim, nullā habet per se sui causam; atqui calor debet habere causam aliquam per se sui: ergo calor A, non potest habere diuifim plures causas efficientes totales.

Solutio: *Effectus*, qui habere potest plures causas efficientes totales diuifim, nullam habet per se sui causam, hoc est necessariam, Concedo. per se, hoc est, verè influentem, Nego. atqui calor debet habere causam aliquam per se hoc est, necessariam, Nego. hoc est, verè influentem, Concedo.

Contrà. Calor, qui habet plures causas efficientes diuifim, nullam habet causam verè influentem; ergo nulla solutio.

Antecedens pr. Illæ plures causæ totales efficientes illius, vel sunt vniuocæ vel æquiocæ; atqui neutrum dici potest: ergo nullam habet verè influentem.

Minor pr. Plures illæ causæ vniuocæ caloris sūt v. g. calor B, C, D, & æquiocæ lumen E, F, G; atqui calor B, C, D, & lumen E, F, G, non sunt causa verè influens caloris, A: ergo non sunt causæ neque vniuocæ; neque æquiocæ illius.

Minor pr. Vel sunt causa verè influens caloris istius tantum, vel etiam aliorum; atqui neutrum

122 TRACT. II. PHYS. DISP. II.
dici potest : ergo non sunt causa verè influens
caloris A.

Respondeo esse causam influentē etiam aliorum.

Contrà. Alij calores sunt infiniti : atqui non
sunt causa verè influens infinitorum effectuum :
ergo non sunt causa influens aliorum.

Solutio : Atqui non sunt causa infinitorum ef-
fectuum successivè, & diuissim sumptorum, Nego.
simul sumptorum, Concedo. ergo non sunt causa
influens aliorum simul sumptorum, Concedo. di-
uissim, Nego.

Contrà. Non magis debent dici causa infini-
torum diuissim, quàm omnium seipsis exceptis ;
atqui non debent dici causa omnium diuissim
seipsis exceptis : ergo non sunt causa infinitorum
diuissim.

Minor pr. Calor corruptus est de numero om-
nium illorum ; atqui non sunt causa illius : ergo
neque omnium diuissim.

Minor pr. Calor corruptus non potest produci
ab illis : ergo non sunt causa illius.

Solutio : Calor corruptus non potest produci ab illis
quantum est ex parte ipsarū causarum, seu specta-
ta præcisè ipsarum virtute, Nego. quòd Deus non
præbeat illis concursum ad illum effectū, Concedo.

Contrà Deus non denegat illis concursum ad
illum effectum : ergo nulla solutio.

Antecedens pr. Deus non denegat concursum
causis ad producendum effectum, nisi aliquid
exigat illam denegationem ; atqui ex suppositio-
ne, quòd possint illum producere ; nihil est, quòd
exigat illam denegationem : ergo Deus non de-
negat illis concursum ad illum effectum.

Minor pr. Illud, quod potest dici exigere illam denegationem non potest esse aliud, quàm fecunditas causæ, aut pulchritudo vniuersi; atqui neutrum est: ergo nihil est quod exigar illam denegationem.

Minor pr. Ad fecunditatem causæ sufficit, quod sæpius reproducat eundem effectum, & ad pulchritudinem vniuersi, quod effectus, qui in illo sunt sint valdè similes: ergo neutrum est.

Solutio: *Negandum est antecedens, & ratio est, quia causa non dicitur fecunda nisi multos producat effectus, & pulchritudo vniuersi maior cōsurgit ex varietate effectuum, quàm ex eorū identitate.*

CONCLUSIO TERTIA:

Idem effectus non potest habere plures causas efficientes totales simul.

C A U S A totalis est illa, quæ ponit actionem sufficientem ad dandum esse effectui; atqui effectus non potest habere plures causas, quarum quælibet ponat actionem sufficientem ad dandum illi esse: ergo idem effectus non potest habere simul plures causas efficientes totales,

Minor pr. Effectus non potest habere actionem superfluam ad sui productionem; atqui effectus, qui habet plures causas, quarum quælibet ponit actionem sufficientē ad dandum illi esse, habet vnā actionem superfluam: ergo effectus habere non potest plures causas, quarum quælibet ponat actionem sufficientem ad illi dandū esse.

Maior pr. Effectus habere non potest, quod abhorret natura; atqui natura abhorret super-

fluum: ergo effectus habere non potest actionem superfluam.

Obijciens. Idem effectus habere potest diuifim plures caufas efficientes totales: ergo & coniunctim.

Confequentia pr. Causæ coniunctim non habent minus virium, quàm diuifim: ergo effectus, qui potest habere plures caufas diuifim potest & coniunctim.

Solutio: *Causa coniunctim non habent minus virium intrinsecarum, quàm diuifim.* Concedo. *extrinsecarum.* Nego.

Contrà. Vires illæ extrinsecæ nihil aliud sunt, quàm Dei concursus paratus: atqui non est minor concursus Dei paratus: ergo causæ coniunctim non habent minus virium extrinsecarum, quàm diuifim.

Minor pr. Ille concursus Dei paratus est voluntas Dei de concurrando cum illis cauffis ad productionem illius effectus; atqui non est minor voluntas Dei de concurrando cum illis cauffis ad productionem illius effectus: ergo non est minor Dei concursus paratus.

Solutio: *Concursus ille Dei paratus est eius voluntas de concurrando cū illis cauffis ad productionem illius effectus per vnā communem actionem.* Concedo. *per propriam cuiuslibet ex illis.* Nego. *atqui non est minor voluntas Dei de concurrando cum illis cauffis ad productionem illius effectus, per vnā communem actionem.* Concedo. *per propriam cuiuslibet ex illis.* Nego.

Contrà. Voluntas Dei de concurrando cum illis cauffis ad productionem illius effectus est ac-

commodata rerum exigentiæ; atqui rerum exigentia non est, vt non sit voluntas Dei de concurrēdo cum illis causis ad productionem illius effectus per actionem propriam cuiuslibet ex illis causis: ergo non est minor voluntas Dei de concurrēdo cum illis causis ad productionem illius effectus per actionem propriam cuiuslibet ex illis.

Minor pr. Nihil est in rerum natura, quod dici possit hoc exigere præter entitatem causarum, & effectus; atqui neque entitas causarum, neque effectus hoc exigunt: ergo rerum exigentia non est, vt non sit voluntas Dei de concurrēdo cum illis causis ad productionem illius effectus per actionem propriam cuiuslibet ex illis.

Solutio: *Neganda est minor, & dicendum entitatem effectus exigere vt non fiat simul per multas actiones totales, ne detur aliqua superflua.*

CONCLUSIO QVARTA:

Possunt esse plures causæ totales eiusdem effectus diuinitus.

ILLVD esse potest diuinitus quod nō inuoluit esse simul, & non esse vllius rei; atqui quod idem effectus habeat plures causas totales non inuoluit esse, & nō esse vllius rei: ergo diuinitus possunt esse plures causæ totales eiusdē effectus.

Minor pr. Ille effectus habet duas causas totales, qui terminat duplicem actionem, quarum quælibet sufficiens est ad dandum illi esse; atqui quod effectus terminet huiusmodi actiones non inuoluit esse, & non esse vllius rei: ergo quod idem effectus habeat duas causas totales non in-

126 TRACT. II. PHYS. DISP. II.

voluit esse, & non esse vllius rei.

Minor pr. Non inuoluit esse, & non esse neque effectus, neque causarum, neque actionum, neque vllius alterius : ergo non inuoluit esse, & non esse vllius rei.

Antecedens pr. Effectus est, causa est, actiones sunt : ergo non inuoluit esse, & non esse causarum actionum, aut vllius alterius.

Obiicies. Ideo per nos non possunt esse duæ causæ totales eiusdem effectus; quia altera est superflua; atqui etiam si hoc fiat supernaturaliter altera est superflua: ergo etiam supernaturaliter & diuinitus non possunt esse duæ causæ totales eiusdem effectus.

• *Solutio:* Atqui etiam si hoc fiat supernaturaliter, altera est superflua præcisè ad ponendum effectum, Concedo. ad manifestandam Dei omnipotentiam, Nego.

Contrà. Illud est superfluum ad manifestandam Dei omnipotentiam : ad quod illa se non extendit; atqui Dei omnipotentia non se extendit ad hoc, vt sint duæ causæ totales eiusdem effectus: ergo altera ex illis est superflua ad manifestandam Dei omnipotentiam.

Minor pr. Dei omnipotentia non se extendit ad id, quod implicat; atqui implicat esse duas causas totales eiusdem effectus simul: ergo Dei omnipotentia non se extendit ad hoc, vt sint duæ causæ totales eiusdem effectus.

Minor pr. Implicat esse duas causas totales eiusdem effectus, quarum vna priùs producat illum, & deinde alia accedat & eundem producat: ergo etiam implicat esse duas causas totales eiusdem effectus simul.

Antecedens pr. Implicat aliquid actum agere; atqui ista causa accedens actum ageret: ergo implicat esse duas causas totales, quarum vna prius illum producat, & deinde alia eundem producat.

Solutio, *Implicat aliquid actum agere, actum vna actione, agere alia actione, & alio modo.* Nego. *eadem actione*, transeat; atqui *accedens causa actum vna actione ageret alia*, Concedo. *eadem actione*, Nego.

Contrà. Agere est dare esse; atqui ei, quod est actum non potest dari esse: ergo nihil potest actum vna actione illud idem agere alia.

Solutio: *Agere est dare esse nouum, aut prahabitum*, Concedo, *nouum tantum*, Nego. atqui *ei, quod est actum non potest dari esse nouum*, Concedo. *prahabitum*, Nego.

Contrà. Effectus non potest accipere esse prahabitum: ergo nulla solutio.

Antecedens pr. Effectus, qui accipit esse prahabitum pendet, & non pendet à suis causis; atqui non potest pendere, & non pendere à suis causis: ergo non potest accipere esse prahabitum.

Maior pr. Effectus non pendet ab illis causis, à quibus non habet necessitatem dependendi; atqui effectus, qui accipit esse prahabitum non habet necessitatem dependendi à suis causis: ergo effectus, qui accipit esse prahabitum non pendet à suis causis.

Maior pr. Effectus non pendet ab eo, sine quo esse potest; atqui effectus potest esse sine eo, à quo non habet necessitatem dependendi: ergo ef-

fectus non pendet ab eo, à quo non habet necessitatem dependendi.

Mayor pr. Illud, à quo pendet effectus saltem, ut à causa totali est totale, & adæquatum eius principium; atqui effectus non potest esse sine eo, quod est totale, & adæquatum eius principium: ergo effectus non pendet ab eo, sine quo esse potest.

Mayor pr. Illud, à quo pendet totaliter effectus, est totale, & adæquatum eius principium; atqui effectus pendet totaliter ab eo, à quo pendet, ut à causa totali: ergo illud à quo pendet effectus, ut à causa totali est totale, & adæquatum eius principium.

Minor pr. Causa totalis est illa, à qua totaliter pendet effectus: ergo effectus pendet totaliter ab eo, à quo pendet ut à causa totali.

Antecedens pr. Causa totalis est illa, quæ respuit consortium omnis alterius causæ; atqui effectus pendet totaliter ab illa causa, quæ respuit consortium omnis alterius causæ: ergo causa totalis est illa, à qua totaliter pendet effectus.

Solutio: *Causa totalis respuit consortium alterius causa necessaria*, Concedo. *non necessaria addendum esse effectui*, Nego.

Contrà. Causa totalis respuit consortium omnis alterius causæ etiam non accessarię: ergo nulla solutio.

Antecedens pr. Causa totalis non distinguitur per aliud à partiali, quàm per hoc, quod respuat consortium alterius: ergo causa totalis respuit consortium alterius.

Antecedens pr. Non potest aliud assignari dis-

erimen inter illas : ergo causa totalis non distinguitur per aliud , à partiali, quàm per hoc, quod respuat consortium alterius.

Solutio : *Negandum est antecedens , & dicendum illud , per quod differunt inter se causa totalis & partialis esse , quòd totalis ponat actionem sufficientem ad dandum esse effectui ; partialis verò non ponat actionem sufficientem ad dandum esse effectui , saltem sola.*

SECTIO V.

An idem sit causa contrariorum.

CONCLUSIO PRIMA:

Causa formalis non potest esse causa contrariorum effectuum.

IL L V D non potest esse causa contrariorum effectuum , cuius effectus non possunt esse contrarij ; atqui effectus causæ formalis non possunt esse contrarij : ergo causa formalis non potest esse causa contrariorum.

Minor pr. Effectus causæ formalis sunt composita per ipsam constituta ; atqui illa non possunt esse contraria : ergo effectus causæ formalis non possunt esse contrarij.

Minor pr. Illa non sunt contraria , quæ non se expellunt ab eodem subiecto ; sed composita per causam formalem constituta non se expellunt ab eodem subiecto : ergo non sunt contraria.

Minor pr. Composita per causam formalem constituta nihil aliud sunt, quàm ipsa causa formalis, subiectum ipsius, & utriusque unio; atqui ipsa causa formalis non expellit seipsam, subiectum etiam ipsius unum non expellit aliud eiusdem subiectum, sicut nec unio aliam unionem: ergo composita per causam formalem constituta non se expellunt ab eodem subiecto.

Minor de subiecto probatur.

Omnis causa formalis est substantia, vel accidens; atqui neque subiectum unum eius, quæ est substantia, neque eius, quæ est accidens, expellit aliud eiusdem subiectum: ergo subiectum unum causæ formalis non expellit aliud eiusdem subiectum.

Prima pars minoris probatur.

Subiectum causæ formalis, eius, quæ est substantia est materia prima; atqui una materia prima non expellit aliam ab eodem subiecto: ergo subiectum unum eius, quæ est substantia non expellit aliud eiusdem subiectum.

Minor pr. Illa quæ non habent subiectum non se expellunt ab eodem subiecto; atqui materię primæ non habent subiectum: ergo non se expellunt ab eodem subiecto.

Minor probatur. Quæ sunt primum subiectum non habent subiectum; atqui materię primæ sunt primum subiectum: ergo non habent subiectum.

Secunda pars minoris superioris argumenti quòd subiectum causa formalis, quæ est accidens non expellat aliud, probatur.

Vt subiectum causæ formalis, quæ est accidens expellat aliud eiusdem subiectum, necessarium est, vt ipsa habeat vnum, & aliud subiectum; atqui non habet vnum, & aliud, seu duo subiecta: ergo subiectum causæ formalis, quæ est accidens non expellit aliud eiusdem subiectum.

Minor pr. Forma accidentalis habens vnum, & aliud subiectum migrat de vno in aliud; atqui accidens non migrat de vno subiecto in aliud: ergo forma accidentalis non habet duo subiecta.

Minor pr. Vt accidens migret de subiecto in subiectum, debet ipsum perseverare, cum perit eius vnio cum subiecto; atqui non perseverat pereunte eius vnione cum subiecto: ergo non migrat de subiecto in subiectum.

Minor pr. Non magis perseverat accidens pereunte eius vnione cum subiecto, quam forma substantialis materialis pereunte eius vnione cum materia; atqui forma substantialis materialis non perseverat pereunte eius vnione cum materia: ergo neque accidens pereunte eius vnione cum subiecto.

Minor pr. Formæ substantiales materiales non perstant separatæ à materia, vt probabitur sectione prima sequentis disput. ergo forma substantialis materialis non perseverat pereunte eius vnione cum materia.

CONCLUSIO SECUNDA :

*Causa materialis, & efficiens libera possunt
producere contraria successivè.*

AMOR, & odium eiusdem rei sunt contraria; atqui causa materialis, & efficiens libera possunt producere successivè amorem, & odium eiusdem rei : ergo causa materialis, & efficiens libera possunt producere contraria successivè.

Minor pr. Homo est causa materialis, & efficiens libera amoris, & odij; atqui producere potest successivè amorem & odium eiusdem rei : ergo & causa materialis, & efficiens libera.

Minor pr. Illud producere potest amorem, & odium eiusdem rei successivè, quod illam de facto amat, & odit; atqui homo de facto amat & odit eandem rem successivè : ergo homo producere potest successivè amorem, & odium eiusdem rei.

Minor pr. Illud de facto amat, & odit eandem rem successivè, quod iam odit voluptatem, quã antea amabat; atqui multi viri sancti iam odio habent voluptatem, quã antea amabãt : ergo de facto homo amat & odit eandem rem successivè.

CONCLUSIO TERTIA :

Causa finalis potest esse causa contrariorum effectuum.

CALOR, & frigus in summo sunt contraria;

atqui causa finalis est illorum causa : ergo & contrariorum effectuum.

Minor pr. Deus est causa finalis caloris, & frigoris in summo : ergo causa finalis est illorum causa..

Antecedens pr. Illud est causa finalis caloris, & frigoris in summo, propter quod illa facta sunt ; atqui calor, & frigus in summo facta sunt propter Deum : ergo Deus est causa finalis caloris, & frigoris.

Minor pr. Omnia propter semetipsum operatus est Dominus, testantur sacrae paginae Proverb. 16. vers. 4. ergo calor, & frigus facta sunt propter Deum..

SECTIO VI.

An causa sint sibi mutuò causæ.

CONCLUSIO PRIMA :

Causæ reales non possunt esse sibi mutuò causæ quoad primum esse.

CAUSÆ reales sunt efficiens, materialis, & formalis ; atqui implicat causas efficientes materiales, & formales esse sibi mutuò causas quoad primum esse : ergo causæ reales, non possunt esse sibi mutuò causæ quoad primum esse.

Minor pr. Causæ efficientes, sicut & materiales, & formales possunt comparari vel inter se, vel

efficiens cum materiali, aut formali, & contrà; sed siue comparètur efficientes inter se, siue efficiens cum materiali, aut formali, & contrà: implicat illas esse sibi mutuò causas quoad primum esse: ergo implicat causas efficientes, materiales, & formales esse sibi mutuò causas quoad primum esse.

Minor pr. Quæ sunt sibi mutuò causæ quoad primum esse dant sibi mutuò primum esse; atqui causæ efficientes inter se, & efficiens, & materialis, aut formalis non possunt sibi mutuò dare primum esse: ergo causæ efficientes inter se, & efficiens, & materialis, &c. non possunt sibi mutuò dare primum esse.

Minor pr. Implicat, vt duo dent sibi mutuò primum esse, & non dent; atqui causæ efficientes inter se, aut efficiens, & materialis, vel formalis dantes sibi mutuò primum esse, dant sibi mutuò primum esse, & non dant: ergo causæ efficientes inter se, & efficiens, & materialis, aut formalis, non possunt sibi mutuò dare primum esse.

Admittunt aduersarij, dare sibi mutuò primum esse: vt autem probem non dare, suppono clauitatis causa duas illas causas efficientes, aut efficientem, & materialem dici unam A, & alteram B, & sic argumentor:

In suppositione facta A, ex concessis dat primum esse B; atqui B non dat primum esse A: ergo A & B non dant sibi mutuò primum esse.

Minor pr. Quod dat primum esse alteri, dat illi esse primo instanti, quo est, & non supponit ipsum aliunde habere esse, seu ab aliquo alio; atqui B supponit A aliunde habere esse: ergo B non

dat primum esse A.

Minor pr. Quod supponit A existere, aut eius existentiam supponit ipsum aliunde, seu ab aliquo alio habere esse; atqui B supponit A existere: ergo B supponit A aliunde habere esse.

Maior pr. Quod supponit A existere: supponit etiam quidquid requiritur ad illud existere, & esse ipsius; atqui ad illud existere requiritur, ut habeatur aliunde: ergo quod supponit A existere, aut eius existentiam supponit ipsum aliunde habere esse.

Minor pr. Ad illud existere A requiritur, ut sit à se, vel ab eo, quod illud supponit, vel aliunde; atqui non potest esse à se, neque ab eo, quod illud supponit esse: ergo debet esse aliunde.

Minor pr. Quod non est ens à se, non est à se, & quod supponitur ab alio, ab eo non accipit primò id, quod est, & suum existere; atqui existere A non est ens à se; & supponitur ab eo, cui dat primum esse: ergo non potest esse à se, neque ab eo, quod illud supponit.

Minor superioris argumenti, scilicet, B supponere existentiam A, probatur.

B supponit existentiam eius, à quo accipit primum esse; atqui B ex concessis accipit primum esse ab A: ergo B supponit A existere, & eius existentiam.

Maior pr. B supponit existentiam eius; cuius existentiam supponit: sua propria existentia, & entitas; atqui existentia, & entitas B supponit existentiam eius, à quo accipit primum esse: ergo B supponit existentiam eius, à quo accipit primum esse.

136 TRACT. II. PHYS. DISP. II.

Minor pr. Existētia B, supponit illud, quod communicat ipsi primum esse; atqui existētia eius, à quo accipit primum esse communicat illi primum esse: ergo existētia B, supponit existētiā eius, à quo accipit primum esse.

Altera pars maioris superioris argumenti, quod primum esse non supponat rem aliunde habere esse probatur.

Primum esse rei est illud; quod nullum habet antecedens; atqui quod supponit eam aliunde habere esse, supponit aliquod eius esse antecedens: ergo quod dat primum esse alteri, non supponit ipsam aliunde habere esse.

Minor pr. Quod supponit rem aliunde habere esse supponit illud eius esse: atqui illud eius esse est antecedens: ergo quod supponit eam aliunde habere esse, supponit aliquod eius esse antecedens.

Minor pr. Esse aliquod supponi, & esse antecedens sunt idem: atqui illud eius esse supponitur: ergo est antecedens.

Obijcies. Causas esse sibi mutuò causas quoad primum esse nihil aliud est, quàm causam dare primum esse effectui, & ab eo accipere primum esse: atqui nō implicat causam dare primum esse effectui, & ab eo illud accipere: ergo non implicat causas esse sibi mutuò causas.

Minor pr. Causam dare primum esse effectui, & ab eo accipere primum esse nihil aliud est, quàm dare illi esse primo instanti, quo est, & in eodē instanti ab eo illud accipere: sed causa potest dare esse suo effectui primo instanti, quo est, & in eodem vicissim ab eo illud accipere: ergo

non impleat causam dare primum esse effectui
& ab eo illud accipere.

Solutio : Causam dare primum esse effectui , &
ab eo illud accipere , nihil aliud est , quàm dare illi
esse primo instanti , quo est , & ab eo accipere pri-
mum esse si non supponatur causa aliunde habere
esse , Concedo. si supponatur aliunde habere esse,
Nego. tunc enim , ut patet , esse , quod illi imperi-
tur eius effectus non erit primum , sed secundum
atqui causa potest dare esse suo effectui primo in-
stanti , quo est , & vicissim ab eo accipere esse , si sup-
ponatur aliunde habere esse , Concedo. si non sup-
ponatur ab alio habere esse , Nego.

Contrà. Vinum , & piper calefacere stoma-
chum , & simul calefieri ab illo , est calorem vini
dare esse calori stomachi , & ab eo accipere esse
eodem instanti : atqui calor vini non supponitur
aliunde habere esse : ergo causa potest eodem in-
stanti , quo est , dare esse effectui , & ab eo illud ac-
cipere , etiamsi non supponatur aliunde illud ha-
bere.

Solutio : Vinum , & piper calefacere stoma-
chum , & simul calefieri ab illo , est calorem vini
formalem dare esse calori formali stomachi , &
ab eo accipere esse eodem instanti , Nego. calorem
vini virtualem dare esse calori formali stomachi ,
& ab eo non accipere esse , Concedo. atqui calor
vini formalis , non supponitur aliunde habere es-
se , Concedo. virtualis , Nego.

Contrà. Nullus est alius calor in vino , & pipe-
re , quàm formalis : ergo fictitius est ille calor
virtualis , dans esse calori formali stomachi , &
ab eo non accipiens esse.

138 TRACT. II. PHYS. DISP. II.

Antecedens pr. Nullus est alius calor in vino, quàm is, quem in illo experimur; atqui nullum alium, quàm formalem in illo experimur: ergo nullus alius est calor in vino, quàm formalis.

Maior pr. Nullus alius admitti debet calor in vino, quàm is, de quo est aliqua ratio, & fundamentum, propter quod asseramus illi inesse; atqui non est ratio, neque fundamentum vllum dicendi in illo esse alium calorem, quàm quem experimur: ergo nullus alius est calor in vino, quàm quem in illo experimur.

Minor pr. Fundamentum vnicum astruendi calorem in vino, est experientia sensuum: ergo non est ratio, neque fundamentum vllum dicendi in illo esse alium calorem, quàm quem experimur.

Solutio: *Fundamentum vnicum astruendi calorem formalem in vino, est experientia sensuum, transeat. calorem virtualem, Nego.* Hic enim eum nihil aliud sit, quàm vis productiva caloris formalis stomachi, & hac vi sit idem cum forma substantiali vini, qua non patet sensibus, sicut nec alia forma substantiales, dici non debet, quòd non sit aliud fundamentum illam astruendi, quàm experientia sensuum.



DISPUTATIO III.

De Causa materiali, & formali.

SECTIO I.

*Quid sit causa materialis, & quam
formarum materialium.*

CONCLUSIO PRIMA:

*Sola causa materialis est id, ex quo ali-
quid fit, ita ut insit.*



PRIMA pars conclusionis probatur.

Ex illo omni fit aliquid, ita ut
insit, quod exigit vniri cum eo,
cui dat esse; atqui omnis causa
materialis exigit vniri cum eo,
cui dat esse: ergo causa materialis est id, ex
quo fit aliquid ita ut insit.

Minor pr. Materia prima est causa materialis
formarum substantialium corporearum, anima
suarum volitionum, & sic de alijs; atqui mate-
ria exigit vniri cum formis substantialibus cor-
poreis, & anima cū suis volitionibus: ergo cau-
sa materialis exigit vniri cum eo, cui dat esse.

Minor pr. Materia prima, & anima exigunt vn-
niri cum iis, à quibus perficiuntur; atqui materia
prima perficitur à forma substantiali, & anima

140 TRACT. II. PHYS. DISP. II.
à suis volitionibus : ergo materia exigit vniri
formis substantialibus, & anima suis volitioni-
bus.

Maior pr. Materia prima, & anima exigunt
habere suas perfectiones; atqui illas habent cum
illis vniuntur: ergo exigunt illis vniri.

Secunda pars conclusionis probatur.

Non conuenit causæ formali, efficienti, & fi-
nali esse id, ex quo fit aliquid, ita vt insit: ergo
sola causa materialis est id, ex quo aliquid fit i-
ta vt insit.

Antecedens pr. Esse id, ex quo fit aliquid, ita
vt insit, non conuenit illis, quæ non exigunt vniri
cum eo, quod causant; atqui istæ causæ non
exigunt vniri cum eo, quod causant: ergo esse id,
ex quo fit aliquid ita vt insit, non conuenit cau-
sæ formali, efficienti, aut finali.

Minor pr. De alio non potest esse dubium,
quàm de causa formali; atqui causa formalis nõ
vnitur cum eo, quod causat: ergo causa formalis
non exigit vniri ei, quod causat.

Maior pr. Causa formalis vnitur tantum suæ
comparti; atqui non est causa suæ compartis:
ergo non vnitur cum eo, quod causat.

Responderi posset vniri non tantum comparti,
sed multo magis ipsi vnioni, qua illi coniungitur,
quam: ùm aliunde causare certum sit, certum quo-
que esse eam exigere vniri ei, quod causat.

Contrà. Causa formalis est tantum causa vnio-
nis in genere causæ materialis: ergo quod vnia-
tur vnioni, non sequitur ipsam causare aliquid
in genere causæ formalis, cui vnietur.

Antecedens pr. Causa formalis est tantum cau-

sa illius, in genere causæ materialis, cuius est subiectum; atqui est subiectum vnionis: ergo est tantum eius causa in genere causæ materialis.

CONCLUSIO SECUNDA:

Materia prima est causa materialis formarum substantialium corporearum.

ILLUD est causa materialis formarum substantialium corporearum, quod illis dat esse, & cum illis exigit vniri; atqui materia prima dat esse formis substantialibus corporeis, & cū illis exigit vniri: ergo est illarum causa materialis.

Secunda pars minoris clara est, & prima probatur.

Illud dat esse formis substantialibus corporeis, à quo illæ pendent in suo conseruari; atqui formæ substantiales corporeæ pendent in suo conseruari à causa materiali: ergo materia dat esse formis substantialibus corporeis.

Minor pr. Formæ substantiales corporeæ ab illo pendent in conseruari, à quo cū separantur pereunt; atqui cū separantur à materia pereunt: ergo pendent in suo conseruari à materia.

Minor pr. Formæ substantiales non perstant separatæ à materia: ergo separatæ à materia pereunt.

Antecedens pr. Formæ substantiales separatæ à materia, vel perstant in eo loco, in quo est materia, vel abeunt in alium locum; atqui non perstāt in eo loco, in quo est materia, neque abeunt in alium: ergo non perstant separatæ à materia.

142 TRACT. II. PHYS. DISP. III.

Minor pr. Formæ illæ perstantes in loco, in quo est materia, aut abeuntes in alium, producere debent in illis effectus sibi connaturales; atqui non producant illos: ergo non perstant in eo loco, in quo est materia, neque abeunt in alium.

Minor probatur. Effectus connaturales formis ignis sunt calor, & lux; atqui separatæ à materia non producant calorem: neque lucem in illis locis: ergo non producant effectus sibi connaturales in illis locis.

Minor pr. In illis locis non videtur lux, neque sentitur calor: ergo non producant in illis locis calorem, neque lucem.

Maior superioris argumenti, producere, scilicet, debere in locis, in quibus sunt, effectus suos connaturales, probatur.

Causa necessaria non potest non operari ubi est effectus suos connaturales; atqui istæ formæ sunt causæ necessariæ: ergo ubi sunt producere debent suos effectus connaturales.

Distinguunt aduersarij: *Causa necessaria non potest non operari ubi est. positis omnibus ad agendum requisitis.* Concedunt. *deficiente aliquo ex requisitis.* Negant. atqui istæ formæ sunt causæ necessariæ, & habent omnia requisita ad agendum. Negant. & non habent, Concedunt.

Contrà. Non potest dici deesse istis formis aliud ad agendum, quàm quòd non sint in subiecto; atqui esse in subiecto ex suppositione, quòd possint ab illo separatæ perseverare, non est aliquid requisitum, ut operentur: ergo habent omnia requisita ad operandum.

Minor pr. Ad hoc; ut istæ formæ operentur

nihil aliud requiritur, quàm vis in ipsis ad producendos suos effectus, & capacitas in subiecto ad illos recipiendos; atqui in illis perstantibus sine subiecto est vis ad producendos suos effectus, & capacitas in subiecto ad illos recipiendos: ergo esse in subiecto non est aliquid requisitum, ut operentur si possunt perseverare separatæ ab illo.

Minor pr. In forma ignis perseverante, post separationem à materia est vis ad producendum calorem, & lucem, & capacitas in aëre v. g. ad utrumque recipiendum: ergo in illis perstantibus sine subiecto, est vis ad producendos suos effectus, & capacitas in subiecto ad illos recipiendos.

Secunda pars minoris patet, & secunda probatur.

Vis in forma ignis ad producendum calorem, & lucem nihil est aliud, quàm eius entitas; atqui est illa entitas cum perseverat separata à materia: ergo est vis in forma ignis separata à materia ad producendum calorem.

Maior pr. Vis illa debet esse sola entitas, formæ ignis, vel materia simul cum ipsa; atqui non est materia: ergo nihil est aliud quàm eius entitas.

Minor pr. Quod non est actiuum, non est simul cum forma ignis huiusmodi vis; atqui materia non est actiua actione transeunte: ergo vis illa non est materia simul cum ipsa.

CONCLUSIO TERTIA:

*Eductio non est productio formæ ex aliqua
sui parte præexistente in materia.*

EDUCTIO nihil est aliud, quàm actio productiva formæ ex materia; atqui illa actio, non est productio formæ ex aliqua sui parte præexistente in materia : ergo eductio non est productio formæ ex aliqua sui parte præexistente in materia.

Minor pr. Nihil formæ præexistit in materia : ergo illa actio, non est productio formæ ex aliqua sui parte præexistente in materia.

Antecedens pr. Illud formæ præexistens in materia, vel fuit creatum, vel eductum ; atqui neutrum dici potest : ergo nihil formæ præexistit in materia.

Prima pars minoris probatur.

Quod est eiusdem rationis cum eo, quod non est creatum, ipsum etiam non est creatum ; atqui illud præexistens est eiusdem rationis cum eo, quod non est creatum : ergo ipsum non est creatum.

Minor pr. Illud præexistēs est eiusdem rationis cum eo, quod de nouo fit ; atqui quod de nouo fit non est creatum : ergo neque præexistens.

Secunda pars minoris superioris argumenti, illud forma præexistens non posse esse eductum, probatur.

Quod est eductū, fit ex aliqua sui parte præexistente, per aduersarios ; atqui dici non potest
quod

quodd illud præexistens fiat ex aliqua sui parte præexistente : ergo non est eductum.

Minor pr. Pars illa præexistens debet ipsa fieri ex alia præexistente, & ista ex alia in infinitum, vel non fieri ex alia : atqui neutrum dici potest : ergo dici non potest, quod illud præexistens fiat ex aliqua sui parte præexistente.

Primæ pars minoris probatur.

Partem præexistentem fieri ex alia præexistente, & istam ex alia sine fine, est dari processum infinitum in causis : atqui non datur huiusmodi processus : ergo pars præexistens non fit ex alia præexistente.

Secundæ pars minoris superioris argumenti pr.

Quod est eiusdem rationis cum eo, quod fit ex aliqua sui parte præexistente, debet & ipsum eodem modo fieri; atqui pars præexistens est eiusdem rationis cum aliquo, quod fit ex aliqua sui parte præexistente : ergo fieri debet & ipsa ex aliqua sui parte præexistente.

Minor pr. Pars præexistens est eiusdem rationis cum eo, cui præexistit; atqui id cui præexistit fit ex aliqua sui parte præexistente: ergo pars præexistens est eiusdem rationis cum aliquo, quod fit ex aliqua sui parte præexistente.

Minor pr. Quod est eductum fit ex aliqua sui parte præexistente. atqui id, cui præexistit est eductum : ergo fit ex aliqua sui parte præexistente.

Obiicies. Eductio, quæ non est productio formæ ex aliqua sui parte præexistente est creatio: atqui eductio non est creatio : ergo eductio est productio formæ ex aliqua sui parte præexistente.

146 TRACT. II. PHYS. DISP. III.

Maior pr. Creatio est productio ex nihilo; sed eductio, quæ non est productio formæ ex aliqua sui parte præexistente, est productio formæ ex nihilo: ergo eductio, est creatio.

Solutio: *Creatio est productio rei ex nihilo sui, & subiecti.* Concedo. *ex nihilo sui tantum.* Nego. atqui eductio, quæ non fit ex parte præexistente, est productio formæ ex nihilo sui, Concedo. *ex nihilo subiecti.* Nego. Ratio est, quia ad hoc, ut aliquid creetur non debet tantum fieri de nouo, seu ex nihilo sui, sed præterea ex nihilo subiecti, seu independenter à subiecto, quod certe non conuenit rei, quæ educitur, quippe quæ fiat concurrente subiecto.

QVARTA CONCLUSIO:

Productio vnionis, & productio formæ realiter distinguuntur.

ILLÆ actiones realiter distinguuntur, quæ habent terminos realiter distinctos; atqui productio vnionis, & productio formæ habent terminos realiter distinctos: ergo productio vnionis, & productio formæ realiter distinguuntur.

Minor pr. Terminus productionis formæ est forma, & productionis vnionis est vnio; atqui forma, & vnio realiter distinguuntur: ergo productio vnionis, & productio formæ habent terminos realiter distinctos.

Distinguunt aduersarij: *Terminus productionis vnionis est vnio distincta ab illa productione,* Nego. *non distincta,* Concedo.

Contrà, Productio illa distinguitur ab vnio-

ne: ergo nulla solutio,

Antecedens pr. Productio illa distinguitur ab educatione formæ: ergo & ab vnione.

Antecedens pr. Eductio formæ non est vnio: ergo productio vnionis distinguitur ab educatione formæ.

Antecedens pr. Illa non sunt idem, quibus conueniunt prædicata contradictoria; atqui vnioni, & educationi formæ conueniunt prædicata contradictoria: ergo educio formæ non est vnio.

Minor pr. Esse idem secundo instanti, quo primo, & non esse idem, sunt prædicata contradictoria; atqui illa conueniunt vnioni, & educationi formæ: ergo vnioni, & educationi conueniunt prædicata contradictoria.

Minor pr. Eductio formæ ignis v. g. secundo instanti, non est eadem non modò numero, sed neque specie, ac erat primo; atqui vnio formæ ignis cum materia est eadem: ergo vnioni, & educationi ignis conueniunt esse idem, & non esse idem secundo instanti, quo primo.

Maiores pr. Non est eadem actio, cum non sunt eadem illius causæ; atqui causæ educationis formæ ignis non sunt eadem specie secundo instanti, ac primo: ergo educio formæ ignis non est eadem secundo instanti, ac erat primo.

Minor pr. Primo instanti, causa illius educationis est alter ignis cum Deo, & secundo instanti solus Deus; atqui Deus distinguitur specie ab alio igne: ergo causæ educationis ignis non sunt eadem specie.

Obiicies. Eductio formæ materialis non distinguitur ab eius vnione: ergo productio formæ

148 TRACT. II. PHYS. DISP. III.

& productio vnionis nō distinguuntur realiter.

Antecedens pr. Eductio formæ non distinguitur à passione; atqui passio, & vnio sunt idem: ergo eductio formæ non distinguitur ab vnione.

Minor pr. Passio, & receptio sunt idem; atqui receptio, & vnio sunt idem: ergo etiam passio, & vnio sunt idem.

Solutio: Passio, & receptio per dependentiam sunt idem. Concedo. per informationem, Nego. atqui receptio per informationem, & vnio sunt idem, Concedo. Receptio per dependentiam, & vnio sunt idem, Nego. Ratio est; quia quacunque receptio formæ in materia non est vnio, sed tantum illa, qua est inexistens forma in materia per propriam, & veram informationem.

Contra. Receptio formæ in materia per dependentiam est vera vtriusque vnio: ergo nulla solutio.

Antecedens pr. Illud est vnio materiæ, & formæ per quod fiunt indistantes, & inseparabiles illo persistente; atqui per receptionem formæ in materia per dependentiam materia, & forma fiunt indistantes, & inseparabiles: ergo receptio formæ in materia, per dependentiam est vera vtriusque vnio.

Solutio: Illud est vnio materia, & forma, per quod fiunt illo persistente indistantes, & inseparabiles tantum, Nego. Vbi enim commune materia, & forma, quod dari posset hoc præsaret, & tamen non esset vnio illarum; per quod fiunt indistantes, & inseparabiles, & præterea unum, Concedo. atqui per receptionem formæ in materia, per dependentiam materia, & forma fiunt indistantes,

& inseparabiles, & praterea unum, Nego. & non sunt unum, Concedo.

Contrà Id, per quod materia, & forma sunt indistantes, & inseparabiles facit illas esse vnum: ergo nulla solutio.

Antecedens pr. Illud facit materiam, & formam esse vnum, quod facit illas esse quid coniunctum; atqui id, per quod, dum perstat, sunt indistantes, & inseparabiles facit illas esse quid coniunctum: ergo & quid vnum.

Solutio: Illud facit materiam, & formam esse vnum, quod facit illas esse quid coniunctum vera, & propria coniunctione, seu ea, per quam fit, ut quò vnum trahitur, debeat & sequi aliud, Concedo. impropria coniunctione, seu ea, per quam fit, ut quò vnum trahitur, eò non debeat aliud deferri, Nego.

Contrà. Quod facit materiam, & formam esse quid coniunctum ea coniunctione, ut quò vnum defertur, debeat & deferri aliud, facit illas verè vnum; atqui receptio formæ in materia per dependentiam facit illas esse quid coniunctum ea coniunctione: ergo receptio formæ in materia per dependentiam facit illas esse verè quid vnum.

Minor pr. Non minùs receptio formæ substantialis in materia per dependentiam facit illas esse quid vnum, & coniunctum ea coniunctione, quàm receptio accidentis in subiecto, faciat esse illud quid coniunctum cum subiecto ea coniunctione; atqui receptio accidentis in subiecto, facit illud esse coniunctum ea coniunctione: ergo & receptio formæ in materia per dependentiam.

Minor pr. Inhærentia accidentis in subiecto, facit illud esse cōiunctum cum subiecto ea cōiunctione; atqui inhærentia accidentis in subiecto nihil aliud est, quàm receptio accidentis in subiecto per dependentiam: ergo receptio accidentis in subiecto, &c.

Minor pr. Inhærentia nihil est aliud, quàm actio, per quam accidens dependet à subiecto; atqui illa actio est receptio accidentis in subiecto per dependentiam: ergo inhærentia accidentis in subiecto nihil aliud est quàm receptio accidentis in subiecto per dependentiam

Maior pr. Inhærentia debet esse, vel actio, per quam accidens dependet à subiecto, vel per quam ei vnitur; atqui actio, per quam accidens vnitur subiecto est actio, per quam ab eo dependet: ergo inhærentia nihil aliud est, quàm actio per quam accidens dependet à subiecto.

Minor pr. Actio, per quam accidens vnitur subiecto, distingui non debet sine fundamento ab actione, per quam ab eodem dependet; atqui nullum est fundamentum eas distinguendi: ergo actio, per quam accidens vnitur subiecto est actio, per quam ab eo dependet.

Minor pr. Fundamentum, quod afferri potest ad probandum eas distingui, est possibilis illarum separabilitas; atqui separari non possunt: ergo nullum est fundamentum eas distinguendi.

Minor pr. Separatio duarum illarum actionum supponit, accidens vni posse subiecto absque eo quòd ab eo dependeat, aut dependere absque eo quòd vniatur; atqui accidens vni non potest subiecto, quin dependeat, neque dependere, quin

uniatur : ergo duæ illæ actiones separari non possunt.

Solutio : Neganda est minor. Ratio est , quia uniri subiecto est illi ita esse coniunctum , ut quod ipsum trahitur , sequi etiam debeat , quod est illi unum : dependere verò à subiecto est accipere ab eo esse. Fieri autem potest , ut patet , ut accidens ita coniungatur subiecto , ut quod istud trahitur , trahatur illud , & sequi debeat , absque eo quod hoc accipiat esse ab illo. Multa enim alia sunt quæ possunt illi illud dare. Contingere etiam potest , ut subiectum det illi esse , & tamen non habeat illud ita sibi alligatum , ut quod defertur istud sequi debeat , ex eo enim non sequitur , ut clarum est , ab eo accipere esse , & non accipere ; sed tantum accipere esse . & non debere sequi suam causam , quod longè diuersum est à non accipere esse.

CONCLUSIO QUINTA :

Plures formæ substantiales non possunt esse naturaliter simul in eadem materia.

Non sunt plures formæ substantiales in materia , quàm ipsa habeat virtutem sustentandi ; atqui materia non habet virtutem sustentandi simul duas formas substantiales : ergo non possunt esse simul in eadem materia naturaliter.

Minor pr. Non debemus concedere illam virtutem materiæ sine fundamento ; atqui nullum est id asserendi : ergo materia non habet virtutem sustentandi simul duas formas.

Minor pr. Fundamentum illud debet esse vel

152 TRACT. II. PHYS. DISP. III.
experientia, vel efficax aliqua ratio; atqui neutrum nobis hoc suadet; ergo nullum est fundamentum.

Secunda pars minoris probatur.

Non potest afferri alia ratio, quàm quòd materia recipere possit plures formas accidentales; atqui hæc ratio non est efficax; ergo non est efficax aliqua ratio.

Minor pr. Illa ratio non est efficax ad probandum huiusmodi virtutem inesse materiæ, ex qua hoc deduci non potest; atqui ex eo quod materia habeat plures formas accidentales deduci non potest materiam habere virtutem sustentandi simul plures formas substantiales: ergo hæc ratio non est efficax.

Minor pr. Ex eo, quòd materia habeat virtutem minorem, non licet inferre habere maiorem; atqui posse habere plures formas accidentales est habere virtutem minorem, quàm sit posse habere multas substantiales: ergo ex eo quòd materia habeat plures formas accidentales, deduci non potest habere etiam virtutem sustentandi multas substantiales.

Minor pr. Plus requiritur virtutis ad habendas multas formas substantiales, quàm accidentales: ergo posse habere multas accidentales, est habere virtutem minorem, quàm sit habere multas substantiales.

Antecedens pr. Substantiales sunt nobiliores, & unaquæque trahit secum multas accidentales: ergo plus requiritur virtutis ad habendas multas formas substantiales, quàm accidentales.

SECTIO III.

*Quenam sit causa materialis formarum
accidentalium.*

FORMÆ accidentales, aliæ sunt materiales, aliæ immateriales, aliæ vitales, aliæ non vitales, aliæ naturales, aliæ supernaturales, aliæ perfectæ, aliæ modales. Materiales sunt illæ, quæ habent aliquam dependentiam à re impetrabili. Imateriales, nullam habent huiusmodi dependentiam. Vitales exigunt fieri, & recipi in principio viuentis, non vitales id non exigunt ex propria ratione. Naturales fieri possunt naturæ viribus, supernaturales sunt supra vires totius naturæ. Perfectæ possunt esse diuinitus sine suo subiecto, imperfectæ non possunt. Præmittenda fuit idè explicatio naturæ vniuscuiusque ex his formis accidentalibus, ut quæ de earum causa materiali statuemus, facilius capiantur.

CONCLUSIO PRIMA:

*Materia prima est subiectum primum, &
ultimum inhæſionis accidentium mate-
rialium non modalium.*

SUBIECTVM inhæſionis huiusmodi accidentium est, vel totum, vel materia prima, vel forma; atqui non est primum, nec ultimum: ergo est secundum.

Prima pars minoris probatur.

Nomine totius nihil aliud potest intelligi, quàm partes illud constituentes simul sumptæ, vel tertia aliqua entitas; atqui subiectum inhesionis accidentium materialium non modalium, non est partes simul sumptæ, neque tertia illa entitas : ergo neque etiam totum.

Secunda pars minoris probatur primo.

Quod est commentitium, non potest dici subiectum illorum accidentium; atqui tertia illa entitas est quid commentitium, ex sect. 9. disp. 2. superioris tractatus : ergo illa tertia entitas non est subiectum illorum accidentium.

Prima pars minoris prioris argumenti probatur secundo.

Inter partes simul sumptas includitur forma; atqui forma non est subiectum illorum accidentium : ergo partes simul sumptæ, non sunt subiectum illorum accidentium.

Minor pr. Forma non est subiectum accidentium : quæ illi præsupponuntur, & ad quæ sæpe est improporcionata, aut etiam habet repugnantiam; sed accidentia ista præsupponuntur formæ, & ipsa sæpe ad illa est improporcionata, aut habet repugnantiam : ergo forma non est illorum subiectum.

Prima pars minoris probatur.

Illud præsupponitur formæ, quod est dispositio ad illam; atqui ista accidentia sunt dispositiones ad formam : ergo præsupponuntur formæ.

Minor pr. Illa accidentia sunt quantitas, calor, frigus, &c. atqui quantitas, calor, frigus, &c. sūt.

dispositiones ad formam: ergo & ista accidentia.

Minor 1r. Quod determinat materiam ad hanc potius formam, quàm ad aliam, est dispositio ad illam; atqui quantitas, calor, frigus, &c. in tali, aut tali intensiōe determinat materiā ad hanc potius formam, quàm ad aliam: ergo sunt dispositiones ad illam.

Secunda pars minoris superioris argumenti, quòd forma sæpe ad illa sit improporcionata, aut habeat repugnantiam, pr.

Anima rationalis est improporcionata ad quantitatem, frigus, &c. & forma aquæ habet repugnantiam cum calore: ergo forma est sæpe improporcionata ad illa accidentia, aut habet repugnantiam cum illis.

Obiicies. Ex Aristotele prima substantia est subiectum accidentium; atqui materia prima non est prima substantia: ergo materia prima non est subiectum accidentium materialium non modalium.

Solutio: Ex Aristotele prima substantia adæquatè sumpta est subiectum accidentium, Nego. in adæquatè sumpta, Concedo. atqui materia prima non est prima substantia adæquatè sumpta, Concedo. in adæquatè sumpta. Nego.

Contrà. Prima substantia adæquatè sumpta est materia, & forma unitæ; atqui materia non est tantum subiectum illorum accidentium, sed etiam forma: ergo prima substantia adæquatè sumpta, est subiectum illorum accidentium.

Minor pr. Suppositum est subiectum illorum accidentium; atqui suppositum non est tantum materia, sed etiam forma: ergo materia non est

156 TRACT. II. PHYS. DISP. III.
tantum subiectum illorum accidentium, sed
etiam forma.

Solutio : *Suppositum est subiectum denomina-*
tionis illorum accidentium, Concedo. Inhasio-
nis, Nego. & concessa minori : ergo materia
non est tantum subiectum inhasionis illorum acci-
dentium, Nego. denominationis, Concedo.

Contrà. Forma est subiectum inhasionis il-
lorum accidentium : ergo nulla solutio.

Antecedens pr. Quod est subiectum inhasio-
nis quantitatis, est etiam subiectum inhasionis
aliorum accidentium ; atqui forma est subie-
ctum inhasionis quantitatis : ergo & aliorum
accidentium.

Minor pr. Quod participat impenetrabilitatē
partium est subiectum inhasionis quantitatis, aut
illi inhæret ; atqui forma participat impenetra-
bilitatem partium, & non inhæret quantitati :
ergo forma est subiectum inhasionis quantitatis.

Solutio : *Neganda est maior. Ratio est, quia ad*
hoc ut forma participet impenetrabilitatem par-
tium sufficit, ut recipiatur in eo, quod est subie-
ctum quantitatis, licet non recipiat illam, nec re-
cipiatur in illa. Hoc autem illi propriè conuenit,
quippe qua recipiatur in materia, qua est subie-
ctum inhasionis quantitatis.

Contrà. Forma non ideo est quanta, quia re-
cipitur in materia quanta : ergo nulla solutio.

Antecedens pr. Quod est quantum quia reci-
pitur in materia quanta, vnitur materiæ me-
diante quantitate ; atqui forma non vnitur ma-
teriæ mediante quantitate : ergo non ideo est
quanta, quia recipitur in materia quanta.

*olutio :: Quod est quantum quia recipitur in
ateria. quanta unitur materia mediante quan-
tate, cui ut subiecto uniatur, Nego. unitur ma-
ria mediante quantitate tanquam conditione
bè disponente, & presupposita, Concedo. atqui
ma non unitur materia mediante quantitate,
i ut subiecto uniatur, Concedo. tanquam con-
tione bè disponente, & presupposita, Nego. si
im materia non haberet quantitatem, per quam
inerentur eius partes alia extra alias, non posset
cipere formam, neque hac habere in illa acci-
entia sibi conuenientia, & exercere operationes
innaturales..*

C O N C L U S I O S E C U N D A ::

*Accidentia non modalia, & non vitalia
inherent immediatè quantitati..*

Q V A N D O aliquid non repugnat, commu-
nior est sensus auctorum ita esse, & non deest
coniectura probabilis id suadens, afferendum est
ita esse; atqui non repugnat accidentia non mo-
dalia, & non vitalia inherere immediatè quan-
titati, communior est sensus auctorum ita se ha-
bere, & non deest coniectura valdè probabilis
id suadens; ergo accidentia non modalia & non
vitalia inherent immediatè quantitati..

*Prima, & secunda pars minoris clara sunt, &
tertia probatur.*

Accidentia Eucharistica sunt non vitalia, &
non inodalia; atqui probabilis est coniectura il-
la inherere immediatè quantitati; ergo proba-

bilis est coniectura, accidentia non vitalia, & non modalia inhærere immediatè quantitati.

Minor pr. Quod accidentia Eucharistica simul omnia moueantur, & alterari possint ab agentibus naturalibus, nō improbabilis est coniectura illa inhærere alicui communi subiecto; atqui nullum aliud conuenientius assignari potest, quàm quantitas: ergo probabilis est coniectura illa inhærere immediatè quantitati.

Minor pr. Subiectum commune illis accidentibus non potest esse nisi qualitas aliqua prima, vel secunda, aut quantitas; atqui non est qualitas prima, nec secunda: ergo est quantitas.

Minor pr. Commune subiectum illorum accidentium debet illis præsupponi; atqui qualitas secunda non præsupponitur primis, neque vna prima aliis etiam primis: ergo non est qualitas prima, nec secunda.

Maiores superioris argumenti, ex eo quòd simul moueantur & alterari possint ab agentibus naturalibus inhærere communi subiecto, probatur.

Quòd accidentia Eucharistica simul omnia moueantur, & alterari possint ab agentibus naturalibus, fieri nō potest nisi habeant commune subiectum, vel admittantur innumera miracula; atqui non improbabilis est coniectura admittenda non esse huiusmodi innumera miracula: ergo quòd accidentia Eucharistica simul omnia moueantur, & alterari possint ab agentibus naturalibus, non improbabilis est coniectura illa inhærere alicui communi subiecto.

Minor pr. Non improbabilis coniectura est Deum minuire, potius voluisse quàm augere dif-

ficultates huius mysterij; atqui huiusmodi difficultates valdè minuuntur non admittendo innumera illa miracula: ergo non improbabilis est coniectura ea non esse admittenda.

Minor pr. Qui tollit multas difficultates huius mysterij minuit illas valdè; atqui quodlibet miraculum est difficultas in hoc mysterio: ergo nō admittendo innumera miracula minuuntur valdè difficultates huius mysterij.

Minor pr. Illud est difficultas in hoc mysterio, quod reddit illud difficilius credibile; atqui quodlibet miraculum reddit illud difficilius credibile: ergo quodlibet miraculum est difficultas in hoc mysterio.

Minor pr. Illud reddit mysterium hoc difficilius credibile, quod facit illud esse magis supra nostrum caput; atqui quodlibet miraculum facit illud esse magis supra nostrum caput: ergo reddit illud difficilius credibile.

Minor pr. Illud facit hoc mysterium esse magis supra nostrum caput, quod facit ut inuoluet plura contra sensum experientiam, & supra vires naturę; atqui quodlibet miraculum est contra experientiam sensuum, & supra vires naturę: ergo quodlibet miraculum facit illud esse magis supra nostrum caput.

Obiicies. Accidentia non vitalia, & non modalia non inhaerent immediatè ei, quod non est illorum causa materialis; atqui quantitas non est causa materialis accidentium non vitalium, & non modalium: ergo accidentia non vitalia, & nō modalia nō inhaerent immediatè quantitati.

Minor pr. Illud non est causa materialis isto-

rum accidentium, quod illis non dat esse; atqui quantitas non dat illis esse: ergo non est illorum causa materialis.

Minor pr. Quantitas non habet virtutem ad illis dandum esse: ergo non dat illis esse.

Antecedens pr. Nullum est fundamentum tribuendi quantitati virtutem ad dandum esse accidentibus non vitalibus, & non modalibus: ergo quantitas non habet virtutem ad illis dandum esse.

Antecedens pr. Fundamentum illud non potest esse, nisi efficax aliqua ratio, aut experientia; atqui nulla est ratio efficax, neque experientia, quæ id suadeat: ergo nullum est fundamentum tribuendi quantitati virtutem ad dandum esse accidentibus non vitalibus, & non modalibus.

Prima pars minoris probatur, secunda enim patet.

Illa ratio non potest esse alia, quàm quod videantur subiectari in quantitate Eucharistica; atqui non subiectantur in illa: ergo nulla est ratio efficax, quæ id suadeat.

Minor pr. Ratio propter quam dicant aduersarij subiectari in quantitate Eucharistica, est ne multiplicentur miracula; atqui hæc ratio nulla est: ergo non subiectantur in illa.

Minor pr. Multiplicatio miraculorum non est sufficiens fundamentum ad inuehendum nouū aliquod ens in rerum naturam, aut tribuendum rei alicui virtutem aliquam nouam: ergo hæc ratio non sufficit.

Solutio: *Multiplicatio miraculorum sola, &*

precisè sumpta non est sufficiens fundamentum ad inuehendum nouum aliquod ens in rerum naturam aut tribuendum rei alicui virtutem aliquam nouam, Concedo. accedente communi consensu auctorum ita existimantium, Nego.

Contrà. Inuehere in rerum naturam ens aliquod nouum, aut tribuere rei alicui virtutem aliquam nouam, est facere aliquid diuersum in rebus naturalibus; atqui multiplicatio miraculorum etiam accedente communi consensu nihil debet dici facere diuersum in rebus naturalibus: ergo multiplicatio miraculorum etiam accedente communi consensu non est sufficiens fundamentum ad inuehendum ens aliquod nouum, aut tribuendi rei alicui virtutem aliquam nouam.

Minor pr. Quod non est secundum ordinem statutum in natura, etiam accedente communi consensu nihil debet dici facere diuersum in rerum natura; sed multiplicatio miraculorum non est secundum ordinem statutum in natura: ergo etiam accedente communi consensu nihil debet dici facere diuersum in rebus naturalibus.

Maior pr. Quod accedente alio non fit magis efficax ad faciendum aliquid diuersum in rebus naturalibus, non debet dici magis facere illud diuersum, illo accedente, quam solum; atqui communis consensus accedens ad id, quod non est secundum ordinem statutum in natura non facit illud magis efficax, vt possit dici facere aliquid diuersum in rebus naturalibus: ergo quod non est secundum ordinem statutum in rerum natura, etiam accedente communi consensu, ni-

hil debet dici facere diuersum in rebus naturalibus.

Minor pr. Vt communis consensus additus ei quod non est secundum ordinem statutum in natura reddat illud magis efficax, debet ipse esse prudens; atqui communis consensus, qui dicitur additus ei, quod non est secundum ordinem statutum in rerum natura, non est prudens: ergo communis consensus accedens ad id, quod non est secundum ordinem statutum in natura, non facit illud magis efficax vt possit dici facere aliquid diuersum in rebus naturalibus.

Minor pr. Vt consensus ipse sit prudens nititur debet ratione aliqua sufficienti; atqui nulla nititur ratione sufficienti: ergo non est prudens.

Minor pr. Tota ratio qua nititur ipse consensus est, vt vitetur illud, quod non est secundum ordinem naturæ; atqui illud quod non est secundum ordinem naturæ ex concessis non est ratio sufficiens: ergo consensus iste nulla nititur ratione sufficienti.

Solutio: Neganda est maior. Ratio enim illa non est præcisè, vt vitetur quod non est secundum ordinem naturæ, seu multiplicatio miraculorum; sed quia cum non repugnet vnum accidens esse subiectum alterius, & aliunde quantitas ex eo, quod sit proprietas materia videatur præsupponi alijs, & illa antecedere, sicut & materia. Accedente nouo commodo, nimirum vitatione multorum miraculorum in sacramento Eucharistia, prudenter existimatur quantitas subiectum aliorum accidentium.

SECTIO IV.

Ex quanam potentia educantur accidentia supernaturalia, & quanam sit causalitas causa formalis.

CONCLUSIO PRIMA:

Accidentia supernaturalia quoad modum, & quoad substantiam educuntur ex potentia obedientiali subiecti.

ILLUD educitur ex potentia obedientiali subiecti, quod subiectum recipere non potest ab agente naturali; atqui subiectum recipere non potest huiusmodi accidentia ab agente naturali: ergo educuntur ex potentia obedientiali subiecti.

Minor pr. Subiectum recipere non potest ea accidentia ab alio, quàm ab eo, quod potest illa efficere; atqui agens naturale non potest illa efficere: ergo subiectum non potest ea recipere ab agente naturali.

Minor pr. Agens naturale non potest efficere illud, quod est supernaturale; atqui illa accidentia sunt supernaturalia, vel quoad modum, vel quoad substantiam: ergo agens naturale ea efficere non potest.

Obijcies. Gratia, & dona supernaturalia sunt

accidentia supernaturalia quoad substantiam; atqui illa non educuntur ex potentia obediētiāli subiecti: ergo accidētia supernaturalia quoad substantiam non educuntur ex potentia obediētiāli subiecti.

Minor pr. Quod nullo modo educitur, non educitur ex potentia obediētiāli subiecti; atqui gratia & dona supernaturalia nullo modo educuntur: ergo non educuntur ex potentia obediētiāli subiecti.

Minor pr. Quod non fit dependenter à subiecto non educitur; atqui ista accidentia non fiunt dependenter à subiecto: ergo nullo modo educuntur.

Minor pr. Quod infunditur, aut concreatur non fit dependenter à subiecto; atqui ista accidentia infunduntur, aut concreantur ex sanctis Patribus: ergo non fiunt dependenter à subiecto.

Solutio: Quod infunditur, hoc est fit ab agente extrinseco, aut concreatur, hoc est producitur tunc, cum producitur eius subiectum, non fit dependenter à subiecto. Nego. quod infunditur, hoc est, non habet suum esse ullo modo à subiecto, aut concreatur, hoc est, ex nihilo non tantum sui, sed etiam subiecti, non fit dependenter à subiecto, Concedo. Atqui ista accidentia infunduntur, hoc est, fiunt ab agente extrinseco, & concreantur, hoc est, tunc produciuntur cum producitur eorum subiectum, Concedo. Infunduntur, hoc est nullo modo habent esse à subiecto, & concreantur, hoc est, fiunt ex nihilo sui, & subiecti, Nego. Ista accidentia sunt quidem ab agente extrinseco, Deo scilicet, sed dependenter à nobis non modo tanquam partialibus:

SECUNDA CONCLUSIO:

Causalitas causæ formalis est unio.

ILLUD est causalitas causæ formalis, quo posito constituitur actu causans; atqui posita unione constituitur actu causans: ergo unio est causalitas causæ formalis.

Minor pr. Illo posito causa formalis constituitur actu causans, quo posito fit pars actiuans totius; atqui posita unione fit pars actiuans totius: ergo posita unione constituitur actu causans.

Minor pr. Causa formalis illo posito fit pars actiuans totius, quo posito vnitur materiæ; atqui posita unione vnitur materiæ: ergo posita unione fit pars actiuans totius.

Obijcies. Causa formalis posita unione non constituitur actu causans: ergo unio non est eius causalitas.

Minor pr. Posita unione nihil causat in genere causæ formalis: ergo posita unione non constituitur actu causans.

Antecedens pr. Nihil aliud dici potest causare, quàm materiam, vel unionem, aut seipsam; atqui non causat materiam, neque unionem, neque seipsam: ergo posita unione nihil causat in genere causæ formalis.

Solutio: Nihil aliud dici potest causare quàm materiam, unionem aut seipsam, seorsim illa sumendo, Nego, simul sumpta, Concedo. atqui non causat materiam, neque unionem, neque seipsam

166 TRACT. II. PHYS. DISP. III.

seorsim illa sumendo, Concedo. simul sumpta, & in ratione totius, Nego.

Contrà. Causa formalis debet aduenire, & informare illud, quod causat; atqui non aduenit, neque informat illa tria simul sumpta: ergo non causat illa etiam simul sumpta.


Solutio: Causa formalis debet aduenire, & informare illud, quod causat adequatè sumptum. Nego. *inadequatè sumptum, seu secundum aliam suam partem.* Concedo. Atqui non aduenit, neque informat illa tria simul sumpta, & haec ita sumpta sunt eius causatum adequatè sumptum. Concedo. *inadequatè sumptum, Nego.*

Contrà. Causa formalis eo modo debet aduenire, & informare illud, quod causat, quo illud causat; atqui causat illud adequatè sumptum, & non tantùm inadequatè: ergo causa formalis debet aduenire, & informare illud, quod causat adequatè sumptum.

Solutio: Neganda est maior. Ratio est facilis: quia causa formalis non debet, imò fieri non potest, ut adueniat ei, quod causat. Aduenire enim supponit illud esse, & causare non esse, quare ad hoc, ut aliquid sit causa formalis alterius, sufficit, ut sit pars illius, talis tamen, ut adueniat sua comparti, quod sanè facit in composito forma substantialis. Est enim primò pars illius, & secundo aduenit materia, qua est altera pars totius physici.

Ex dictis facile est colligere causam formalem rectè dici eam, quæ per modum actus constituit totum. Commune habet cū causa materiali intrinseca, quòd non minùs quàm hæc sit constitutiva totius: differt verò quòd illud constituar

per modum actus : Materialis verò per modum
subiecti , seu sit eius pars subiectiua.



DISPUTATIO IV.

De Causa Efficiente.

SECTIO PRIMA.

*Quid sit, & an, & quare creatura sint
effectiua.*

PRIMA CONCLUSIO :

*Causa efficiens influit esse in aliud , cui non
exigit vniri ex proprio modo causandi.*



*PRIMA pars, quòd causa efficiens in-
fluat esse in aliud, non eget proba.ione;
secunda verò quòd non exigit vniri
ei, quòd causat, probatur.*

Multæ causæ efficientes non exigunt vniri ei,
in quod influunt esse, & cui illud dant : ergo
causa efficiens ex proprio modo causandi non
exigit vniri ei, in quod influit esse.

Antecedens pr. Deus est causa efficiens; atqui
non exigit vniri cum eo, cui dat esse : ergo nec
causa efficiens.

Minor pr. Illa quibus Deus dat esse sunt crea-
turæ; atqui Deus non exigit vniri creaturis:
ergo non exigit vniri cum eo, cui dat esse.

Minor pr. In Deo nihil est imperfectum; sed exigere vniri cum creaturis est quid imperfectum: ergo Deus non exigit vniri creaturis.

Minor pr. Deum exigere vniri creaturis est illis de facto vniri: atqui vniri illis de facto est quid imperfectum: ergo Deum exigere vniri creaturis est quid imperfectum.

Maior pr. Deus habet de facto, quod exigit nisi impediatur; atqui nihil potest eum impedire habere quod exigit: ergo Deum exigere vniri creaturis est illis de facto vniri.

Minor præcedentis argumenti probatur.

Creaturæ multæ sunt infectæ peccatis; atqui Deum vniri creaturis peccato infectis est quid imperfectum: ergo vniri creaturis est quid imperfectum.

Minor pr. Deum esse peccatorem, & peccatorẽ esse Deum, est quid imperfectũ; sed Deum vniri creaturis peccato infectis est Deum esse peccatorem, & peccatorem esse Deum: ergo Deum vniri creaturis peccato infectis est quid imperfectũ.

Minor pr. Tam De⁹ vnitus creaturæ peccatrici est peccator, quàm vnitus naturæ humanæ, homo; atqui De⁹ vnit⁹ naturæ humanæ est homo: ergo & vnitus creaturæ peccatrici, peccator.

Maior pr. Ideo præcisè Deus propterea quòd vniatur naturæ humanæ dicitur homo; quia vnitur ei, quod importatur in recto per vocẽ homo; atqui ex suppositione, quòd vniatur creaturæ peccatrici, vnitur etiam ei, quod importatur in recto per peccatorem: ergo tam Deus vnitus creaturæ peccatrici est peccator, quàm vnitus naturæ humanæ, homo.

SECUNDA CONCLUSIO:

Res creatæ sunt verè actiua.

Res creatæ sunt substantiæ, vel accidentiæ; atqui substantiæ, & accidentia sunt verè actiua: ergo res creatæ sunt actiua.

Minor pr. Substantiæ, & accidentia verè agunt: ergo verè sunt actiua.

Antecedens probatur de substantia.

Substantiæ sunt necessariæ, vel liberæ; atqui necessariæ, & liberæ verè agunt: ergo substantiæ verè agunt.

Secunda pars minoris probatur.

Substantia libera, ut dicemus in Morali, est illa, quæ positis omnibus ad agendum requisitis agit, aut non agit pro arbitrio: ergo substantiæ liberè verè agunt.

Prima pars minoris prioris argumenti probatur secundo.

Necessariæ sunt sensitivæ, & insensibiles; atqui sensitivæ & insensibiles verè agunt: ergo necessariæ verè agunt.

Prima pars minoris probatur.

Substantiæ creatæ sensitivæ sūt bruta; atqui bruta verè agunt: ergo & substantiæ creatæ sensitivæ.

Minor pr. Illud, quod efficit motum, & sensationes verè agit; atqui bruta verè efficiunt motum, & suas sensationes: ergo verè agunt.

Minor pr. Illud verè agunt bruta, ad quod agendum excitantur propositione boni conuenientis, & mali disconuenientis; atqui excitantur

propositione boni conuenientis, aut mali disconuenientis ad motum : ergo verè efficiunt motum.

Minor pr. Canis est brutum, & bonum illi proportionatum panis ; atqui canis excitatur propositione panis ad motum : ergo bruta excitantur propositione boni conuenientis ad motum.

Minor pr. Accessus ad herum est motus ; atqui excitatur propositione panis ad accedendum ad herum : ergo canis excitatur propositione panis ad motum.

Secunda pars minoris superioris argumenti, quòd res insensibiles verè agant, probatur.

Terra, & ignis sunt insensibilia ; sed illa verè agunt : ergo substantiæ insensibiles verè agunt.

Minor pr. Illud verè agit, quod efficit herbas, flores &c. atqui terra efficit plantas, herbas, flores &c. ergo terra verè agit.

Minor pr. Illud terra efficit quod Deus illi imperat facere, & quod dicit Scriptura illam fecisse ; atqui Deus imperat illi Genes. 3. germinare herbam virentem, & Scriptura dicit illam germinasse : ergo terra efficit plantas, flores &c.

Secunda pars antecedentis superioris argumenti, accidentia scilicet verè agere, probabitur conclusione quarta.

TERTIA CONCLUSIO:

Forma substantialis est productiva accidentium in proprio, & alieno subiecto.

FORMA aquæ est substantialis, & frigus acci-
dens; atqui forma aquæ productiva est frigo-
ris in proprio, & alieno subiecto: ergo forma
substantialis est productiva accidentium in
proprio, & alieno subiecto.

Prima pars minoris probatur.

Proprium subiectum formæ aquæ est aqua,
v. g. calefacta; atqui producit in illa frigus re-
moto igne: ergo forma aquæ producit in pro-
prio subiecto frigus.

Minor pr. Nihil est aliud, quod producat fri-
gus remoto igne in aqua illa calefacta, quàm
forma aquæ: ergo forma aquæ producit frigus
in aqua calefacta remoto igne.

Antecedens pr. Nihil aliud dici potest esse cau-
sa illius frigoris, quàm occulta qualitas; atqui
non potest esse occulta qualitas: ergo nihil est
aliud quod illud producat quàm forma aquæ.

Minor pr. Qualitatis illius occultæ forma a-
quæ debet dici esse causa, vel non esse; atqui
neutrum dici potest: ergo occulta qualitas non
est causa illius frigoris.

Respondent non esse causam.

Alia causa illius qualitatis non potest esse,
nisi generans; atqui non est generans: ergo
non est alia causa productiva illius qualitatis,
quàm forma aquæ.

Minor pr. Illud non est causa illius qualitatis.

quod esse desit, aut non est approximatum sufficienter; atqui generans, aut esse desit, aut non est approximatum sufficienter: ergo generans non est causa illius qualitatis.

Distinguunt aduersarij: *illud non est causa illius qualitatis, quod esse desit, aut non est approximatum sufficienter, & non est aliud quod suppleat eius vices*, Concedunt. *si habeat aliud, quod suppleat eius vices*, Negant. & *ad minorem*: atqui generans, aut esse desit, aut non est approximatum sufficienter, & non est aliud, quod suppleat eius vices, Negant. & *est aliud, quod suppleat eius vices*. Concedunt.

Contrà. Illud supplens non potest esse nisi Deus; atqui non est Deus: ergo non est aliud quod suppleat vices generantis.

Minor pr. Non est recurrendum ad Deum, quando adest causa secunda proportionata, & sufficienter approximata; atqui ad producendum illud frigus adest forma substantialis proportionata, & sufficienter approximata: ergo illud supplens non est Deus.

Minor pr. Generans est proportionatum ad illam qualitatem producendam ex concessis; atqui forma substantialis aquæ est eiusdem rationis cum generante: ergo forma substantialis est proportionata ad producendum illud frigus.

Secunda pars minoris argumenti superioris, scilicet formâ aquæ producere frigus in alieno subiecto. pr.

Manus immissa in aquam est diuersum ab ea subiectum: atqui aqua producit frigus in manu, quæ immittitur in illam: ergo aqua producit frigus in alieno subiecto.

Minor pr. Aqua non minùs dici debet producere frigus illud in manu, quàm in seipsa; sed producit illud in seipsa: ergo & in manu.

Maior pr. Aqua non minorem habet virtutem ad producendum frigus in manu, quàm in seipsa: ergo non minus debet dici producere frigus illud in manu, quàm in seipsa.

Antecedens pr. Aqua non minorem habet virtutem ad illud, ad quod non plus requirit virtutis; atqui non plus requirit virtutis ad producendum frigus in manu, quàm in seipsa: ergo non minorem habet virtutem ad producendum frigus in manu, quàm in seipsa.

Minor pr. Quando effectus est idem, & modus diuersus illum producendi etiam æqualis, & non perfectior, causa non plus requirit virtutis, ad illum vno modo producendum, quàm alio; atqui frigus est idem, & modus illud producendi in manu non est perfectior, modo producendi illud in ipsa aqua: ergo aqua non plus requirit virtutis ad illud producendum in manu, quàm in seipsa.

Minor pr. Modus ille producendi in manu est modus operandi transeunter, & in seipsa operandi immanenter; sed modus operandi transeunter non est perfectior modo operandi immanenter: ergo modus illud producendi in manu non est perfectior modo producendi in ipsa aqua.

Minor pr. Modus operandi transeunter non videtur ex alio capite dici posse perfectior modo operandi immanenter, quàm quòd habeat de-
vincendam maiorem resistantiam; sed non ha-

bet maiorem resistantiam deuincendam: ergo modus operandi transeuntes non est perfectior modo operandi immanenter.

Minor pr. Resistentia illa maior oriri non potest aliunde vt plurimum, quàm ex intensiori qualitate in subiecto alieno, quàm in proprio; atqui sæpè est remissior qualitas contraria in alieno subiecto, quàm in proprio: ergo modus operandi transeuntes non habet maiorem resistantiam deuincendam.

Minor pr. Proprium subiectum respectu aquæ est ipsamet: alienum verò manus in ipsam immissa; atqui sæpissimè est remissior qualitas contraria in manu, quàm in aqua: ergo sæpè est remissior qualitas contraria in alieno subiecto, quàm in proprio.

Minor pr. Contraria qualitas aquæ est calor; atqui sæpè est remissior calor in manu, quàm in aqua: ergo sæpè est remissior qualitas contraria in manu, quàm in aqua.

Minor pr. Cùm aqua supposito igne ebullit, est calor remissior in manu, quàm in aqua; atqui sæpè aqua ebullit: ergo sæpè est remissior calor in manu, quàm in aqua.

Obijcies. Substantia non est immediatè actiua; atqui forma substantialis est substantia: ergo non est immediatè actiua.

Maior pr. Ignis est substantia; atqui ignis (& par est ratio de aliis) non est immediatè actiuus: ergo substantia nō est immediatè actiua.

Minor pr. Quod est actiuum per aliud, non est immediatè actiuū; atqui ignis est tantum actiuus per aliud: ergo non est immediatè actiuus.

Minor pr. Calor est aliud ab igne; atqui ignis est tantum actius per calorem: ergo est tantum actius per aliud.

Minor pr. Quod est tantum actuum quod calidum, est tantum actuum per calorem; sed ignis est tantum actius, quod calidus: ergo est tantum actius per calorem.

Solutio: *Ignis est tantum actius quod calidus saporum.* transeat. *aliarum rerum*, Nego. ergo est tantum actius per calorem saporum, transeat. *aliarum rerum* Nego.

Contrà. Aliæ res quarum ignis dici potest actius aliter, quam quod calidus, sunt substantiæ, vel accidentia; atqui non est actius neque substantiarum, neque accidentium aliter, quam quod calidus: ergo est tantum actius aliarum rerum, quod calidus.

Prima pars minoris probatur.

Ignis non est actius substantiarum aliter, quam accidentium; atqui non est actius accidentium, nisi quod calidus: ergo non est actius substantiarum nisi quod calidus.

Minor pr. Ignis non est actius accidentium, nisi quatenus, & quomodo ad illa habet potentiam: atqui non habet potentiam ad accidentia nisi quod calidus: ergo non est actius accidentium, nisi quod calidus.

Minor pr. Illud non habet potentiam ad accidentia, nisi quod calidum, cuius tota potentia illorum productiva est in calore; atqui tota potentia productiva accidentium, quæ est in igne est in calore: ergo ignis non habet potentiam, nisi quod calidus.

Minor pr. Potentia productiua accidentium, quæ est in igne, est vel ipsius forma, seu substantia, vel calor; atqui non est eius forma, seu substantia: ergo tota est in calore.

Minor pr. Potentia productiua accidentium debet esse eiusdem rationis cum ipsis; atqui forma ignis non est eiusdem rationis cum ipsis: ergo potentia ignis productiua accidentium non est eius forma.

Maior pr. Potentia debet esse eiusdem rationis cum suo actu ex Aristotele; atqui actus potentia productiua accidentium sunt accidentia: ergo potentia productiua accidentium debet esse eiusdem rationis cum ipsis.

Solutio: *Potentia passiva debet esse eiusdem rationis cum suo actu informante primario*, Concedo. *potentia actiua cum actu illi correspondente*, Nego. Certè Deus ut clarum est, est potentia actiua accidentium naturalium, & tamen nemo dixerit illum esse accidens. Ratio quare actus informans primarius debet esse eiusdem rationis cum potentia passiva, est quia debent facere unum, quod ut per se patet faciliùs constat ex iis, quæ sunt eiusdem rationis, quàm diuersa. Cum autem actus correspondens potentia actiua non debeat facere cum illa unum, nihil vetat illum esse diuersæ rationis.

QUARTA CONCLUSIO:

Accidentia produciunt alia accidentia principaliter, ut plurimum.

CALOR est accidens; atqui calor producit calorem principaliter: ergo **unum** accidens producit aliud principaliter.

Minor pr. Calor aquæ calefactæ producit principaliter calorem in manu ipsam tangente: ergo calor producit calorem principaliter.

Antecedens pr. Debet esse aliqua causa principalis caloris producti in manu; atqui non potest esse alia quàm calor aquæ calefactæ: ergo calor aquæ calefactæ producit principaliter calorem in manu ipsam tangente.

Minor pr. Illa alia causa non potest esse nisi vel materia; vel forma aquæ, vel eius humiditas; atqui nullū horū est: ergo nulla est alia, quā calor.

Minor pr. Illa nō debent dici causa caloris, quæ sunt indifferentia ad illum, aut habent cum illo repugnantiam; sed materia, & humiditas sunt indifferentia ad calorem, & forma aquæ habet cū illo repugnantia: ergo materia, forma aquæ, & eius humiditas non sunt causa illius caloris.

Dua primæ partes probata sunt disputatione secunda superioris tractatus sectione secunda, & ultima clara est.

Obijries. Nec calor, nec frigus, & sic de aliis sunt causæ principales aliorum accidentiū: ergo vnum accidēs non est causa principalis alterius.

Minor pr. Accidentia, respectu quorum calor, frigus, &c. dici possūt causæ principales sunt alij calores, aut frigora; atqui calor, & frigus non sunt causæ principales illorum: ergo non sunt causæ principales aliorum accidentiū.

Minor pr. Illud non est causa principalis alterius, quod nō producit illud virtute propria; atqui calor non producit calorem virtute propria: ergo non est causa principalis illius.

Minor pr. Illud non producit calorem virtute

æ propria, quod producit illum virtute alterius; atqui calor producit calorem virtute alterius: ergo non producit illum virtute propria.

Minor pr. Calor producit calorem virtute substantiæ: ergo producit illum virtute alterius.

Solutio. Calor producit calorem virtute substantiæ, hoc est, per influxum superioris causæ, & elevationem ad effectum, ad quem non habet virtutem proportionatam, Nego. virtute alterius; hoc est per virtutem, quam in se habet; sed acceptam ab alio, Concedo. Ratio est, quia virtus illa producendi alium calorem est ipsiusmetentitas, quam quidem accepit à substantiâ, à qua est productus. Illa tamen non potest non censerî esse illius propria, quippe qua ipsi identificetur.

QVINTA CONCLUSIO:

Accidentia sunt causæ instrumentales formarum substantialium.

ILLUD est causa instrumentalis formarum substantialium, quod producit illas, & est illis ignobilius; atqui accidentia producunt formas substantiales, & sunt illis ignobiliora: ergo accidentia sunt causæ instrumentales formarum substantialium.

Prima pars minoris probatur, secunda enim caret difficultate.

Illud debet dici productivum alterius, quod non est improporcionatū ad alterius productionem, & illo posito sequitur constanter alterius productio; atqui accidentia non sunt improporcionata ad producendam formam substantiâlem.

& illis positis sequitur constanter productio formæ substantialis : ergo accidentia produ-
cunt formas substantiales.

Secunda pars minoris clara est, & prima pr.

In accidentibus non potest dici esse alia im-
proportio ad producendam formam substantia-
lem, quàm quòd sint imperfectiora; atqui quod
sint imperfectiora non facit illa esse impropor-
tionata: ergo accidentia non sunt impropor-
tionata ad producendam formam substantialem.

Minor pr. Non magis quòd sint imperfectio-
ra debet illa facere improporcionata ad produ-
cendam formam substantialem, quàm faciat
res alias imperfectiores, ad producendas per-
fectiores; atqui hoc non facit res imperfectio-
res improporcionatas ad producendas alias per-
fectiores: ergo quòd sint imperfectiora non
facit illa esse improporcionata ad producendam
formam substantialem.

Minor pr. Illud non facit res imperfectiores
improporcionatas ad producendas perfectiores,
quod non aufert illis vim ad producendas per-
fectiores; atqui quod sint imperfectiores non
aufert illis vim ad producendas perfectiores:
ergo hoc non facit res imperfectiores impto-
porcionatas ad producendas perfectiores.

Minor pr. Illud non aufert vim rebus imper-
fectioribus ad producendas perfectiores, quo-
stante imperfectiores producant perfectiores;
atqui stante illa imperfectione maiori res im-
perfectiores producant perfectiores: ergo quòd
sint imperfectiores non aufert illis vim ad pro-
ducendas perfectiores.

Minor pr. Species impressæ sunt imperfectiores expressis; atqui stante sua illa maiori imperfectione producant expressas: ergo res imperfectiores stante illa imperfectione maiori producant expressas.

Minor pr. Illo stante species impressæ producant expressas, quod retinent, & secum habent etiam dum producant expressas; atqui retinent, & secum habent dum producant expressas imperfectionem illam maiorem: ergo stante sua illa imperfectione maiori producant expressas.

Minor pr. Imperfectio illa maior nihil est aliud, quam ipsarum entitas minus perfecta, quam sit illa speciei expressæ; sed retinent, & secum habent suam entitatem, dum producant expressas: ergo retinent, & secum habent, dum producant expressas imperfectionem illam maiorem.

Obijcies. Illud est causâ principalis alterius, quod ad illud producendum non indiget alio, quam concursu Dei generali; atqui accidentia ad producendas formas substantiales non indigent alio, quam concursu Dei generali: ergo accidentia sunt causæ principales formarum substantialium.

Minor pr. Accidentia producant formas substantiales cum solo generali concursu Dei: ergo accidentia non indigent alio ad producendas formas substantiales, quâ cōcursu Dei generali.

Antecedens pr. Formæ ranæ, vermis &c. sunt verè formæ substantiales; atqui cū formæ ranæ vermis &c. producuntur ex putri materia, ut sepe fit, accidentia illas producunt cum solo generali

Dei concursu; ergo accidentia producant formas substantiales cum solo concursu Dei generali.

Minor pr. Accidentia producant illas formas cum solo generali Dei concursu, vel cum speciali: atqui non producant illas cum speciali: ergo hoc faciunt cum solo generali.

Minor pr. Accidentia non producant illas formas cum concursu, qui eis non præbetur; atqui non præbetur eis Dei concursus specialis: ergo non producant illas cum concursu speciali Dei.

Minor pr. Concursus Dei specialis non præbetur, nisi ad suppleendam absentiam alicuius causæ; atqui Deus non supplet absentiam ullius causæ, cum illa accidentia producant istas formas: ergo non præbetur eis Dei concursus specialis.

Minor pr. Nihil debet admitti in illa productione, quod sit supernaturale; atqui illa suppletio est supernaturalis: ergo cum accidentia producant istas formas, Deus non supplet absentiam ullius causæ.

Minor pr. Non minus illa suppletio est supernaturalis, quam si Deus absente luminoso de nocte produceret lumen; atqui suppletio illius luminosi esset supernaturalis: ergo illa suppletio, est etiam supernaturalis.

Solutio: Neganda est maior. Ratio est, quia nihil est, quod exigit suppletionem illam luminosi absentis. Est verò, quod exigit suppletionem formæ absentis. Materia, scilicet, affecta dispositionibus, per quas determinatur ad habendam hanc formam potius, quam aliam, quam cum ei dare non possint causæ particulares presentes, Deus tanquam prima causa universalis tenetur supplere.

SECTIO II.

De efficientia causa prima, an, & quomodo Deus concurrat cum causa secunda, & quis sit eius concursus.

CONCLUSIO PRIMA:

Deus concurrit immediatè ad omnes effectus causarum secundarum.

QUI habet perfectissimum dominium in omnes causas secundas, concurrit immediatè ad omnes illarum effectus; atqui Deus habet perfectissimum dominium in omnes causas secundas: ergo Deus concurrit immediatè ad omnes effectus causarum secundarum.

Minor pr. Qui habet perfectissimum dominium in omnes causas secundas, potest de illis perfectissimo modo disponere; atqui qui potest perfectissimo modo disponere de illis, concurrit immediatè ad omnes illarum effectus: ergo qui habet perfectissimum dominium in omnes causas secundas, concurrit immediatè ad omnes illarum effectus.

Minor pr. Qui potest perfectissimo modo disponere de causis secundis, potest illas perfectissimo modo destruere; atqui qui potest perfectissimo modo destruere, concurrit ad omnes illarum effectus immediatè: ergo qui potest per-

perfectissimo modo de illis disponere, concurrat immediatè ad omnes illarum effectus.

Minor pr. Qui perfectissimo modo destruere potest causas secundas, potest illas destruere per meram suspensionem sui concursus; atqui qui potest illas destruere per meram suspensionem sui concursus, concurrat immediatè ad omnes illarum effectus: ergo qui potest perfectissimo modo destruere causas secundas, concurrat ad omnes illarum effectus immediatè.

Major pr. Modi destruendi causas secundas, sunt vel per meram suspensionem concursus, vel per productionem contrarij, vel per destructionem alterius, subiectantis, scilicet, aut conservantis; atqui primus est perfectior posterioribus: ergo qui potest perfectissimo modo destruere causas secundas, potest illas destruere per meram suspensionem sui concursus.

Minor pr. Ille modus destruendi causas secundas est perfectior alijs, qui magis immediatè illas destruit, & minori conatu; atqui qui destruit illas per meram suspensionem concursus destruit illas magis immediatè, & minori conatu, quàm qui per productionem contrarij, aut destructionem causæ subiectantis, aut conservantis: ergo modus destruendi causas secundas per meram suspensionem concursus, est perfectior modo destruendi easdem per productionem contrarij, aut destructionem causæ subiectantis, aut conservantis.

Minor pr. Ille modus destruit causas secundas magis immediatè, & minori conatu, qui eas destruit nullo alio mediante producto, aut destru-

cto, & pauciora ad hoc requirit, quàm qui mediante alio producto, aut destructo, & plura ad hanc destructionem requirit; atqui qui destruit causas secundas per meram suspensionem concursus destruit eas nullo alio mediante producto, aut destructo, & pauciora ad hoc requirit, plura verò, & mediante alio producto, aut destructo, qui per productionem contrarij, aut destructionem alterius subiectantis, aut conseruantis: ergo qui destruit illas per meram suspensionem concursus, destruit illas magis immediatè, & minori conatu, quàm qui per productionem contrarij, aut destructionem causæ conseruantis, aut subiectantis.

Prima pars minoris probatur.

Ille modus plura requirit ad destruendas causas secundas, qui vt eas destruat debet aliquid aliud producere, aut destruere, quàm qui nihil aliud neque producere, neque destruere tenetur; atqui modus, qui destruit per productionem contrarij, aut destructionem alterius subiectantis, aut conseruantis, debet illud contrarium producere, aut subiectans, & conseruans destruere: qui verò per meram suspensionem concursus, nihil neque producere, neque destruere: ergo modus, qui destruit causas secundas, per productionem contrarij, aut destructionem subiectantis, aut conseruantis, plura requirit ad illam productionem.

Secunda pars minoris probatur.

Qui cessat tantùm à concursu rei alicuius, nihil producit, neque etiam aliud destruit; atqui qui destruit causas secundas per meram suspen-

sionem sui concursus, cessat tantum à concursu conseruatiuo illarum: ergo qui destruit causas secundas, per meram suspensionem concursus nihil aliud producit, neque destruit.

Secunda pars minoris superioris argumenti, scilicet, qui destruit causas secundas per positionem contrarij, aut destructionem causa conseruantis, aut subiectantis, destruere illas mediante alio producto, vel destructo, probatur.

Ille modus destruit causas secundas mediante alio producto, aut destructo, qui vt eas destruat debet aliud producere, aut destruere; atqui qui destruit per productionem contrarij, aut destructionem subiectantis, aut conseruantis causas secundas, debet illud contrarium producere, aut destruere causam subiectantem, aut conseruantem: ergo qui destruit causas secundas, per productionem contrarij, aut destructionem conseruantis aut subiectantis, destruit illas mediante alio producto, aut destructo.

Obijcies. Deus non concurrat immediatè ad effectus, ad quos concurrunt immediatè causæ secundæ; atqui hæ concurrunt immediatè ad suos effectus: ergo Deus non concurrat immediatè ad effectus causarum secundarum.

Major pr. Qui concurrat immediatè ad effectus, ad quos causæ secundæ concurrunt etiam immediate, non concurrat solus ad illos; atqui Deus concurrere debet solus ad effectus à se productos: ergo Deus non concurrat immediatè ad effectus, ad quos causæ secundæ concurrunt immediatè.

Minor pr. Quod non concurrat solum ad ali-

186 TRACT. II. PHYS. DISP. IV.
quem effectum, est tantum causa partialis illius;
atqui Deus non est causa partialis effectuum à se
productorum: ergo Deus concurrere debet so-
lus ad effectus à se productos.

Solutio: *Quod non concurrat solum ad aliquem
effectum, est causa illius partialis ex insufficien-
tia, & defectu virium, vel sine insufficiencia, &
defectu viriū; sed quia ita ei placet, Concedo. ex
insufficiencia tantum, & defectu virium, Nego.*
atqui Deus non est causa partialis effectuum à se
productorum ex insufficiencia, & defectu virium,
Concedo. sine insufficiencia, & defectu virium;
sed quia ad manifestandam suam bonitatem,
placet ipsi in consortium actionis admittere crea-
turas, Nego. In hoc enim nulla est imperfectio: sed
potius magna perfectio, manifestatio, scilicet, sue
bonitatis.

Contrà. Ut Deus sit causa partialis etiam sine
insufficiencia, & defectu virium effectuum cau-
sarum secundarum, debet ad illos simul cum il-
lis concurrere; atqui non concurrat ad effectus
causarum secundarum simul cum illis: ergo De-
us non est causa partialis, etiam sine insufficien-
tia effectuum causarum secundarum,

Minor pr. Causæ secundæ sunt necessariae; aut
liberæ; atqui Deus non concurrat ad effectus
necessariarum, aut liberarum simul cum illis:
ergo Deus non concurrat ad effectus causarum
secundarum simul cum illis.

Prima pars minoris probatur.

Deus non est potius dicendus concurrere ad
effectus causarum necessariarum simul cum illis,
quàm ad effectus liberarum; atqui nullo modo

dicendus est concurrere ad effectus liberarum simul cum illis : ergo Deus non concurrit ad effectus necessariorum simul cum illis.

Major pr. Qui est tam perfectè dominus causarum liberarum, ac necessariorum, non est potius dicendus concurrere ad effectus istarum simul cum illis, quàm illarum; atqui Deus est tam perfectè Dominus causarum liberarum, ac necessariorum : ergo Deus non est potius dicendus concurrere ad effectus necessariorum simul cum ipsis, quàm liberarum.

Minor precedentis argumenti probatur.

Peccata sunt veri effectus causarum liberarum; atqui Deus non concurrat ad peccata simul cum causis liberis : ergo Deus non concurrat ad omnes effectus causarum liberarum simul cum ipsis.

Minor pr. Quod concurrat ad peccatum, simul cum causis secundis liberis, est causa peccati; atqui Deus non est causa peccati : ergo Deus non concurrat simul cum causis secundis liberis ad peccatum.

Solutio : Quod concurrat ad peccatum simul cum causis secundis liberis, est causa peccati, per se, vel per accidens, Concedo. per se tantum, Nego. atqui Deus non est causa peccati, per se. Concedo. per accidens, Nego.

Contrà. Quod concurrat ad peccatum verè, & propriè est causa peccati per se, sed Deus concurrat simul cum causis liberis verè, & propriè ad peccatum: ergo Deus est causa peccati per se.

Solutio : Quod concurrat ad peccatum verè, & propriè determinatum in actu primo, aut ad illud

se determinans in actu secundo, est causa per se illius, Concedo. indeterminatum in actu primo, & se non determinans in actu secundo, est causa per se illius, Nego. atqui Deus concurrit simul cum causis liberis verè, & propriè ad peccatum indeterminatus in actu primo, & se non determinans in actu secundo, Concedo. determinatus in actu primo, aut se determinans in actu secundo, Nego. Determinatum in actu primo ad peccatum dicitur illud, quod ex se, & natura sua propendet in illud, ut habitus, species, & alia causa illius necessaria. Dico necessaria, quia de liberis hoc dici nequit, quippe qua sint indifferentes ad ipsum, vel oppositum ipsi. Determinans verè se ad peccatum in actu secundo est illud, quod est ratio, & cui tribuitur, quod ipsum ponatur, non verò opus bonum ipsi contrarium. Neutrum ex illis convenit Deo; non primum quidem, quia ipse, seu eius omnipotentia, est indifferens ad omnes planè effectus; nec etiam secundum, quia vellet potius poni opus bonum; ac proinde dici non debet ullo modo causa per se peccati.

Contrà. Illud est causa peccati per se, quod influit esse peccatum; atqui quod concurrit ad illud etiam indeterminatum in actu primo, & se non determinans in actu secundo, influit verè esse in peccatum: ergo est causa peccati per se.

Solutio: Illud est causa peccati per se, quod influit esse in peccatum determinatum in actu primo, aut se determinans in actu secundo, Concedo. indeterminatum in actu primo, & se non determinans in actu secundo, Nego. Atqui Deus

influit esse in peccatum indeterminatus in actu primo, & se non determinans in actu secundo, Concedo. determinatus in actu primo, aut se determinans in actu secundo, Nego.

Contrà. Quod influit esse in peccatum indeterminatum in actu primo, & se non determinans in actu secundo, est causa per se illius: ergo nulla solutio.

Antecedens pr. Non minùs quod influit esse in peccatum indeterminatum in actu primo, & se non determinans in actu secundo, debet dici causa per se illius, quàm quod influit in opus bonum indeterminatum in actu primo, & se non determinans in actu secundo dicatur causa per se istius; atqui quod concurrit ad bonum opus indeterminatum in actu primo, & non se determinans in actu secundo, est causa per se illius: ergo quod influit in peccatum, etiam indeterminatum in actu primo, & se non determinans in actu secundo, est causa per se illius.

Solutio: Atqui quod concurrit ad bonum opus indeterminatum in actu primo, & se non determinans in actu secundo, est causa per se illius, si concurrat cum aversione, Nego. si concurrat cum propensione, aut sine aversione, Concedo. ergo quod influit in peccatum, etiam indeterminatum in actu primo, & se non determinans in actu secundo, est causa per se illius si concurrat cum aversione. Nego. si cum propensione, aut sine aversione, Concedo.

Contrà. Cognitio indifferens de bonitate, & malitia sed efficacior pro bonitate influit in scētētia probabili, aut saltem potest influere (quod

perinde est ad præsens negotium) ad volitionem amplectentem malitiam, indeterminata in actu primo, se non determinans in actu secundo, & cum auersione; atqui illa cognitio est causa per se illius volitionis peccaminosæ: ergo quod influit in peccatum indeterminatum in actu primo, se non determinans in actu secundo, & cum auersione est causa per se illius.

Dua primæ partes minoris clarae sunt, & tertia probatur.

Illā cognitio influit in volitionem cū auersione, quæ propendet magis in contrariam; atqui cognitio efficacior pro bonitate, quàm pro malitia influens in volitionem amplectentem malitiam, propendet magis in contrariam: ergo concurret ad illam cum auersione.

Maior pr. Illa cognitio influit in volitionem cum auersione, quæ si loqui posset diceret se malle aliam, aut si sui iuris esset istam nō poneret, sed illi contrariam; atqui cognitio, quæ magis propēdet in contrariam, si loqui posset diceret se malle contrariam, & si sui iuris esset eliceret contrariam: ergo illa cognitio influit in volitionem cum auersione, quæ magis propendet in contrariam.

Maior pr. Idēd Deus influit in peccatum cum auersione, quia mallet actum bonum, & si sui iuris esset, & quasi non cogeretur à causa secunda, ad ponendum peccatum, poneret opus bonum illi contrarium: ergo illa cognitio influit in volitionem cum auersione, quæ si sui iuris esset poneret contrariam.

Solutio : Idèd præcisè Deus influit in peccatum cum auersione , quia mallet actum bonum , & si sui iuris esset , & quasi non cogereetur à causa secunda , ad ponendum peccatum , poneret opus bonū illi contrarium. Nego. quia mallet actum bonum , & à peccato illi oppositio positivè deterret quantum est ex se efficaciter minis , adhortationibus , nullamque habet inclinationem ad illud , Concedo. Primum nihil aliud ostendit , quàm unum magis amari , quàm aliud , cum quo , ut patet , potest non esse coniuncta auersio. Pater siquidem filium , quem minis alio diligit , non propterea auersari censetur. Secundum verò , veram supponit auersionem. Nemo enim deterret prudenter alium minis à prosecutione eius , quod non auersatur . & quod ipsi non displicet : ac proinde cum hoc secundum , non conveniat cognitioni ; quippe quatenus abest , ut deterreat à volitione in quam influit , ut illam suo modo suadeat , licet minis quæ contrariam , cuius motuum efficacius representat , dici non potest habere auersionem illius.

Contrà. Concurfus , & influxus Dei in peccatum cum auersione non impedit , quominus dicatur absolutè causa peccati ; atqui Deus dici non potest absolutè causa peccati : ergo Deus non concurrat , aut influit in peccatum etiam cum auersione.

Maïor pr. Quod non impedit , ut Deus dicatur causa per accidens peccati , nō impedit quominus dicatur absolutè causa peccati ; atqui cōcurfus , & influxus Dei in peccatum cū auersione non impedit quominus dicatur causa per accidens peccati : ergo neque quominus dicatur

absolutè causa peccati.

Maior pr. Ex duobus, quorum vnum est species, & alterum eius genus quod non impedit, vt Deus dicatur primum, non impedit etiam vt dicatur secundum; atqui causa per accidens est species causæ in communi, & absolutè, & hæc alterius genus: ergo quod non impedit, vt Deus dicatur causa per accidens peccati, non impedit quominus dicatur absolutè, & sine addito causa peccati.

Solutio: Ex duobus, quorum vnum est species, & alterum genus, quod non impedit, vt Deus dicatur primum, non impedit etiam, vt dicatur secundum, si hoc secundum pronuntiatum absolutè intelligi non soleat pro specie altera primo opposita, Concedo. si intelligi soleat, Nego. sic enim perinde esset dicere primum esse secundum, ac esse alteram speciem ipsi oppositam, quod est falsum vt patet: atqui causa per accidens peccati est species causa, & hac absolutè pronuntiata, & sine addito intelligi non solet de altera specie illi opposita, scilicet, de causa per se, Nego. & intelligi solet, Concedo. ac proinde cum Deus non sit causa per se peccati, neque dici potest causa illius absolutè. Causa enim peccati sine addito est causa per se illius.

CONCLUSIO SECUNDA:

Non datur prædeterminatio physica.

PRÆDETERMINATIO physica, est qualitas superaddita causis creatis, vel decretū Dei absolutum.

lutum, & efficax antecedens earum actionem, ad illam necessarium, & quo stante, non potest non poni; atqui non datur huiusmodi qualitas, nec decretum Dei in causis creatis: ergo non datur prædeterminatio physica.

Minor pr. Illud dici non debet dari in rebus naturalibus, cuius nulla est necessitas; atqui nulla est necessitas huiusmodi qualitatis, aut decreti Dei absoluti: ergo non datur huiusmodi qualitas, nec decretum Dei absolutum.

Minor pr. Fingi non potest alia necessitas huius qualitatis, aut decreti, quàm ut compleant causas creatas, aut ut saluetur subordinatio inter ipsas, & primam; atqui illa qualitas, & decretum Dei absolutum, non sunt necessaria ad complendas causas secundas, neque ut saluetur subordinatio inter ipsas, & primam: ergo nulla est necessitas huiusmodi qualitatis, aut decreti Dei absoluti.

Prima pars minoris probatur.

Ut causæ creatæ verè dici possint completæ ad suos effectus, nihil aliud requiri videtur, quàm ut sint eorum actiue, ipsis nobiliores, aut æquè nobiles, & paratum habeant Dei concursus, si sint necessariæ iuxta ipsarum naturam, & si sint liberæ sub disiunctione ad hunc effectum talis speciei, vel ad illum contrariæ; atqui nulla est necessitas huiusmodi qualitatis, aut decreti, ut causæ creatæ sint actiue suorum effectuum, ipsis nobiliores, aut æquè nobiles, & paratum habeant Dei concursus: ergo nulla est necessitas huiusmodi qualitatis, aut decreti.

Minor pr. Illud non est necessarium, ut causæ

194 TRACT. II. PHYS. DISP. IV.
creatæ sint actiue suorum effectuum, ipsis nobi-
liores, aut æquè nobiles, & paratum habeant
Dei concursus, sine quo causæ creatæ habēt a-
ctiuitatem, excedunt in perfectione, aut non ex-
cedunt suos effectus, & non denegatur eis con-
cursus Dei; atqui sine illa qualitate, & decreto
causæ creatæ habent actiuitatem excedunt in
perfectione, aut non excedunt suos effectus, &
non denegatur eis concursus Dei: ergo nulla est
necessitas huiusmodi qualitatis, aut decreti.

Prima pars minoris probatur.

Actiuitas causarum creatarū, & id, per quod
excedunt, aut non excedunt in perfectione suos
effectus est ipsarum entitas; atqui sine illa quali-
tate, & decreto habent entitatem: ergo & actiui-
tatem, & id, per quod excedunt, aut non exce-
dunt in perfectione suos effectus.

*Secunda pars minoris prioris argumenti proba-
tur.*

Concursus Dei est in actu primo, aut in actu
secundo: atqui sine illa qualitate, & decreto non
denegatur eis concursus Dei, neque in actu pri-
mo, neque in actu secundo: ergo sine illa qualita-
te, & decreto, non denegatur eis concursus
Dei.

Prima pars minoris probatur.

Concursus Dei in actu primo non est, neque
illa qualitas, neque illud decretum: ergo sine illa
qualitate, non denegatur eis concursus Dei in
actu primo.

Antecedens pr. Concursus Dei in actu primo,
non tollit libertatem creaturis; atqui illa quali-
tas, & decretum tollunt libertatem creaturarū:

ergo concursus Dei in actu primo, non est illa qualitas, aut decretum.

Minor pr. Illud tollit libertatem creaturarum, quod facit actum primum effectuum illarum non esse liberum; atqui qualitas illa, aut decretum facit actum primum effectuum creaturarum non esse liberum: ergo qualitas illa, aut decretum tollit libertatem creaturarum.

Minor pr. Illud facit actum primum non esse liberum, quod facit, ut non sit indifferens, ut coniungatur cum hoc actu, vel cum contrario, vel cum negatione utriusque; atqui illa qualitas, & decretum faciunt, ut actus primus effectuum creaturarum non sit indifferens, ut coniungatur cum hoc actu, vel contrario, aut negatione utriusque: ergo illa qualitas, aut decretum faciunt, ut actus primus effectuum creaturarum non sit liber.

Minor pr. Quod est bona pars actus primi effectuum creaturarum, & non est indifferens, ut coniungatur cum hoc actu, vel cum contrario, vel cum negatione utriusque, facit, ut totus actus primus non sit ad illud indifferens; atqui illa qualitas, & decretum sunt bona pars actus primi effectuum creaturarum, & non sunt indifferentia, ut coniungantur cum hoc actu creaturarum, vel cum contrario, vel cum negatione utriusque: ergo illa qualitas, & decretum faciunt, ut actus primus effectuum creaturarum non sit indifferens, ut coniungatur cum hoc actu, vel cum contrario, vel cum negatione utriusque.

Minor pr. Illa non sunt indifferentia, ut coniungantur cum hoc actu, vel cum contrario, vel

cum negatione vtriusque, quæ coniungi non possunt etiam de potentia absoluta; nisi cum vno ex illis; atqui qualitas illa, & decretum coniungi non possunt, nisi cum vno ex illis: ergo non sunt indifferentia, vt coniungantur cum hoc actu, vel cum contrario, aut cum negatione vtriusque.

Secunda pars primi argumenti suprâ facti, quòd non sit necessaria illa qualitas, vt saluetur subordinatio inter ipsas, & primam, probatur.

Per hoc sufficienter saluetur subordinatio inter causas secundas, & primam, quòd illæ agere non possint sine ista; atqui sine illa qualitate, & decreto illæ agere non possunt sine ista: ergo nulla est necessitas huiusmodi qualitatis, aut decreti, vt saluetur subordinatio inter primam, & secundas.

Minor pr. Causæ secundæ agere non possunt sine concursu Dei; atqui illa qualitas, & decretum non sunt concursus Dei: ergo sine illa qualitate, & decreto causæ secundæ agere non possunt sine prima.

Minor probata est suprâ.

Obiicies. Prædeterminatio physica est qualitas superaddita rebus creatis, aut decretum Dei absolutum, & efficax antecedens illarum actionem ad aliam necessarium, & quo stante nō potest non poni; atqui datur huiusmodi qualitas, aut decretum: ergo datur prædeterminatio physica.

Minor pr. Illud verè datur, per quod Deus excitat, & mouet causas secundas; atqui illud, per quod illas mouet, aut excitat est huiusmodi qua-

litas, aut decretum: ergo datur huiusmodi qualitas, aut decretum.

Minor. pr. Illud, per quod Deus excitat, aut mouet causas secundas, debet facere, vt non possint resistere illi excitationi; atqui hoc tantum possunt facere huiusmodi qualitas, aut decretum: ergo id, per quod Deus excitat, aut mouet causas secundas est huiusmodi decretum.

Solutio: Illud, per quod Deus excitat, aut mouet causas secundas, debet facere, vt non possint resistere illi excitationi, si Deus velit illas operari necessario, & nulla habita ratione libertatis ipsarum, Concedo. si Deus velit illas operari liberè sicut postulat ipsarum natura, Nego. & concessa minori: ergo id, per quod Deus excitat, aut mouet causas secundas, est huiusmodi decretum, si velit eas operari necessario, Concedo. si velit eas operari liberè, vt postulat earum natura, Nego.

Contra. Quomocunque Deus velit illas operari, id, per quod illas excitat, debet facere, vt resistere non possint eius excitationi: ergo nulla solutio.

Antecedens pr. Id, per quod Deus excitat causas secundas; quomocunque eas velit operari, facere debet, vt sint determinatæ in actu primo ad operationem; atqui cum sunt determinatæ in actu primo ad operationem, resistere non possunt excitationi ad illam: ergo quomocunque Deus velit illas operari, id, per quod illas excitat debet facere, vt resistere non possint eius excitationi.

Maior pr. Id, per quod Deus excitat causas

secundas, ad operationem facere debet, ut possint operari; atqui ut possint operari determinatæ esse debent in actu primo ad operationem: ergo id, per quod Deus excitat causas secundas, quomodocunque eas velit operari, facere debet, ut sint determinatæ in actu primo ad operationem.

Minor pr. Ut causæ secundæ possint operari debet effectus ab illis poni posse, & oriri; atqui ut ab illis possit oriri debent esse determinatæ in actu primo: ergo ut causæ secundæ possint operari, debent esse determinatæ in actu primo.

Minor pr. Effectus oriri non potest ab illis, cum sunt indeterminatæ in actu primo: ergo ut effectus oriri possit ab illis, debent esse determinatæ in actu primo.

Solutio: *Effectus oriri non potest ab illis, cum sunt indeterminata in actu primo, ex defectu alicuius requisiti ad operandum, Concedo. ex pleno dominio, quod habent ponendi suos actus, vel non ponendi, Nego.*

Contrà. Effectus determinatus oriri non potest à causa indeterminata; atqui causæ indeterminatæ, etiam ex pleno dominio in suos actus sunt verè indeterminatæ: ergo ab illis oriri non potest effectus.

Solutio: *Effectus determinatus oriri non potest à causa indeterminata, quandiu se non determinat ad illum, Concedo. si se ad illum determinat, Nego. ergo. ab illis oriri non potest effectus quandiu se non determinat, Concedo. cum se determinat, Nego.*

Contrà. Non magis causæ secundæ indeter-

minatæ in actu primo, etiam ex pleno dominio in suos actus se determinant in actu secundo, quàm concursus Dei indifferens; atqui hic se non determinat: ergo nec causæ secundæ indeterminatæ in actu primo.

Maiores pr. Ex duobus indifferentibus in actu primo, quorum eadem est planè determinatio, cum vnum se non determinat in actu secundo, neque etiam aliud; atqui causæ secundæ, & concursus Dei sunt indifferentia in actu primo, & eorum in actu secundo est eadem determinatio: ergo non magis causæ secundæ indeterminatæ in actu primo, se determinant in actu secundo, quàm concursus Dei indifferens.

Solutio: Ex duobus indifferentibus in actu primo, quorum vnum se non determinat in actu secundo, neque etiam aliud si neutrum agat immediate ex cognitione indifferenti, Concedo. si vnum agat immediate ex cognitione indifferenti, & non aliud, Nego: atqui causa secunda, & concursus Dei sunt indifferentia in actu primo, & eorum in actu secundo est eadem determinatio, & neutrum agit ex cognitione indifferenti, Nego. & causa secunda agunt ex cognitione indifferenti, non verò concursus Dei, Concedo.

Contrà. Ex duobus indifferentibus in actu primo, quod vnum immediate agat ex cognitione indifferenti, non verò aliud, non facit, ut illud debeat potius censeretur se determinare in actu secundo, quàm istud: ergo nulla solutio.

Solutio: Negandum est antecedens, quia illud sensetur determinare aliud ad agendum, quod est ratio, & cui tribuitur, quod utrumque agat.

Illi autem, quod agit ex cognitione indifferenti, & tribuente potestatem ad agendum hoc, vel contrarium, vel non agendum tribuitur quod utrumque agat. Per huiusmodi enim cognitionem, alterum manet aequè nunc impotens, ac antea ad hanc partem potius, quàm ad aliam, non minus, quàm instrumentum quantumvis aptum ad varios effectus, si ab artifice non applicatur ad hunc potius, quàm ad illum. Antea autem erat impotens, erat enim tantùm ad hoc, vel illud sub disunctione, absque eo quòd posset hoc pra illo. Vnde cum aliud, quod agit ex cognitione indifferenti possit hoc pra illo, censetur & se, & istud, quod cum ipso agit verè, & propriè determinare.

Contrà. Vt concursus Dei indifferens in actu primo, determinetur per causam agentem immediatè ex cognitione, debet ipse ex concessis esse impotens ad hunc actum potius ponendum, quàm alium; atqui non est impotens ad hunc actum potius ponendum, quàm alium: ergo concursus Dei non determinatur per concausam agentem immediatè ex cognitione.

Minor pr. Concursus Dei non potest esse impotens ex se ad hunc actum potius ponendum, quàm contrarium, quin Deus illum applicet cæco modo, seu nesciens, quem ex illis sit positurus; atqui non applicat illum cæco modo, & nesciens, quem sit positurus: ergo concursus Dei non potest esse impotens ad hunc actum potius ponendum, quàm contrarium.

Solutio: Concursus Dei non potest esse impotens ad hunc actum potius ponendum, quàm con-

erarium; quin Deus illum applicet eaco modo, seu nesciens, quem sit positurus vi præcisè cognitionis correspondentis applicationi. Concedo. vi cognitionis extendentis se ad futura, & identificata cum ista, Nego. atqui Deus non applicat illum nesciēs, quem sit positurus vi cognitionis correspondentis applicationi, Nego. vi cognitionis extendentis se ad futura, Concedo. Sensus est, si Deus non haberes aliam cognitionem, quàm eam qua necessaria est ad applicandam suam omnipotentiam cum indifferentia ad hunc, vel illum effectum, non cognosceret determinatè per illam, quem esset positura. Nullus enim cum ea determinatè coniunctus videri posset, quod non est inconueniens. Deus enim ratione infiniti sui luminis intellectui per aliam cognitionem scit, quisnam ex illis sit ponendus, ac proinde per hoc non desinit esse omni-ciens.

Contrà. Deus non potest magis scire vi cognitionis extendentis se ad futura, quem effectum positura sit sua omnipotentia, quàm illius, quæ correspondet præcisè applicationi illius cū indifferentia; atqui vi istius hoc non potest scire: ergo neque vi cognitionis extendētis se ad futura.

Maior pr. Quando duæ cognitiones sunt idem realiter, quod non scitur per vnā, nescitur etiam per aliam; atqui cognitio in Deo correspondens præcisè applicationi omnipotentiae cum indifferentia, & cognitio extendens se ad futura, sunt idem realiter: ergo Deus non potest magis scire vi cognitionis extendentis se ad futura, quem effectum positura sit sua omnipotentia, quàm illius, quæ correspondet præcisè ap-

plicationi illius cum indifferentia.

Solutio : Quando dua cognitiones sunt idem realiter, quod non scitur per unam realiter sumptam, non scitur per aliam realiter item sumptam, Concedo. quia, scilicet, nulla est talis alia. Quod non scitur per unam formaliter sumptam, seu ut terminatur, tantum ad hoc obiectum, nescitur etiam per aliam formaliter item sumptam, seu ut terminatur ad aliud obiectum diuersum ab alia. Nego. Istud enim innoscitur per unam, ut patet, & aliud per aliam, & concessa minori : ergo Deus non potest magis scire vi cognitionis extendentis se ad futura, quem effectum positura sit sua omnipotentia, quam illius qua correspondet applicationi omnipotentia, cum indifferentia, si amba sumantur realiter, Concedo. si sumantur formaliter, Nego.

Contrà. Cognitionis extendens se ad futura, nescit quem effectum positura sit omnipotentia applicata cum indifferentia : ergo nulla solutio.

Antecedens probatur. Cognitionis extendens se ad futura nosse non potest effectum ponendum ab omnipotentia applicata cum indifferentia, nisi vel in eius causis, vel in seipso : atqui nosse illum non potest, neque in eius causis, neque in seipso : ergo cognitio extendens se ad futura nescit quem effectum positura sit omnipotentia applicata cum indifferentia.

Prima pars minoris probatur.

Determinatio effectus nosci non potest in causa, quæ est ad illum omnino indifferens, & indeterminata ; atqui causæ effectus ponendi ab

omnipotentia applicata cum indifferentia, sunt ad illum omnino indifferentes, & indeterminatæ: ergo effectus ponendus ab omnipotentia applicata cum indifferentia, nosci non potest in suis causis.

Maiores probatur. Determinatio alicuius videri non potest in eo, in quo nihil est aliud, quam indifferentia, & indeterminatio; atqui in causa ad effectum indifferente, & indeterminata nihil est aliud, quam indifferentia, & indeterminatio: ergo determinatio effectus nosci non potest in causa, quæ est ad illum omnino indifferens, & indeterminata.

Secunda pars minoris superioris argumenti, effectum illum nosci non posse in seipso, probatur.

Effectus ille ponendus nosci non potest à cognitione futurorum in seipso: quin sit aliquid in seipso; atqui nihil est in seipso: ergo nosci non potest à cognitione extendente se ad futura in seipso.

Solutio: Effectus ponendus nosci non potest, nisi sit aliquid in seipso de presenti, vel de futuro. Concedo. de presenti tantum, Nego. atqui nihil est de presenti, hoc est, non coexistit instanti currenti, Concedo. nihil est de futuro, hoc est non coexistit instanti sequenti, & postea exituro, Nego. coexistentia autem illa est aliqua veritas, qua proinde ignorari non potest à Deo, & ab eo representari debet per cognitionem extendentem se ad similes veritates, qualis est qua se extendit ad representanda futura, de qua disputamus.

TERTIA CONCLUSIO:

Concursus Dei in actu secundo, est idem cum actione causæ secundæ.

CONCURSVS Dei in actu secundo est actio, per quam concurrat ad effectus causarum secundarum; atqui huiusmodi actio est eadem cum actione causæ secundæ: ergo concursus Dei est idem cum actione causæ secundæ.

Minor pr. Illa actio non est diuersa ab actione causæ secundæ: ergo est eadem.

Antecedens probatur. Illa actio diuersa, vel terminatur tantum ad effectum causæ secundæ, vel ad actionem causæ secundæ, & effectum eius simul; atqui neutrum dici potest: ergo non est diuersa.

Prima pars minoris, non concurrere tantum ad effectum, probatur.

Actionem illam concurrere ad effectum tantum est dari aliquod ens creatum, ad quod Deus immediatè non concurrat; atqui Deus concurrat immediatè ad omne ens creatum: ergo illa actio non concurrat tantum ad effectum causæ secundæ.

Maior pr. Actio creaturæ est ens creatum; atqui actio Dei concurrens tantum ad effectum non concurrat ad illam actionem: ergo actionem illam concurrere tantum ad effectum est dari aliquod ens, ad quod Deus immediatè non concurrat.

Secunda pars minoris superioris argumentis

actionem Dei diuersam non terminari ad actionem & effectum causa secunda, probatur.

Actionem illam concurrere ad actionem simul, & effectum, est dari actionem actionis; atqui non datur actio actionis: ergo non terminatur ad actionem, & effectum.

Maiores pr. Dari actionem actionis est vnā actionem fieri per aliam; sed ex suppositione, quod actio Dei terminetur ad actionem creaturæ, actio creaturæ fit per actionem Dei: ergo actionem illam concurrere ad actionem simul, & effectum est dari actionem actionis.

Obijcies. Actiones, quarum vna fundatur supra aliam distinguuntur; atqui actio creaturæ fundatur supra actionem Dei: ergo distinguitur ab actione Dei.

Solutio: Actiones illæ distinguuntur, quarum vna fundatur supra aliam, hoc est, ut sic sumpta intelligitur esse ab agente minus nobili, quàm sit alia formaliter sumpta, Nego. fundatur supra aliam, hoc est, verè & propriè præsupponit aliam, Concedo. atqui actio creaturæ fundatur supra actionem Dei, hoc est præsupponit illam verè, & propriè, Nego. hoc est, ut sic sumpta intelligitur esse ab agente minus nobili (nimirum creatura) quàm sit actio Dei ut sic etiam, & formaliter sumpta, Concedo. Cum enim sit à Deo, in quo propterea quod sit origo, id à quo incipit, & principium non tantum actionis, sed agentis ipsius fundari dici potest omne esse, seu contineri eminenter.

Contrà. Actio creaturæ præsupponit verè & propriè actionem Dei: ergo nulla solutio.

Antecedens pr. Actio creaturæ præsupponit verè, & propriè illud, quod verè, & propriè illam antecedit; atqui actio Dei antecedit verè, & propriè actionem creaturæ: ergo actio creaturæ præsupponit verè, & propriè actionem Dei.

Minor pr. Deus agere non potest priùs, quàm creatura, quin actio Dei antecedit illam creaturæ; atqui Deus agit priùs, quàm creatura: ergo actio Dei antecedit illam creaturæ.

Minor pr. Quod agit cum creatura, & non agit neque simul, neque posterius illa, agit priùs illa; atqui Deus agit cum creatura, & non agit simul, neque posterius illa: ergo agit priùs illa.

Minor pr. Deus agere non potest simul cum creatura, seu per eandem actionem cum creatura, quin posito, quòd ipse ageret necessariò, creaturæ quoque agerent necessariò; atqui ex communi sententia etiam si Deus ageret necessariò, creaturæ non agerent necessariò: ergo Deus non agit simul cum creatura, seu per eandem actionem cum illa.

Solutio: Deus agere non potest simul cum creatura, quin posito quod si per impossibile ipse ageret necessariò secundùm totam suam virtutem, & sine attemperatione sui concursus, qualis nunc est, creatura quoque agerent necessariò. Concedo. posito quod ipse ageret necessariò, & maneret eadem attemperatio concursus, seu exhiberetur cum indifferentia, creatura quoque agerent necessariò. Nego. vterentur enim Dei concursu ad libitum perinde, ac nunc, & sic actiones creatura libera essent, licet illa, per quam Deus applicaret suam

omnipotentiam ad concurrendum cum illis foret necessaria, modo eam applicaret ut nunc facit, hoc est, ita ut creatura ea uti possent ad agendum hoc, vel contrarium pro arbitrio: atqui etiam si Deus ageret necessario, & maneret eadem attemptatio concursus, qualis nunc est, seu exhiberetur cum indifferentia, creatura non agerent necessario, Concedo. si non maneret eadem attemptatio concursus, & iste non exhiberetur cum indifferentia, Nego. tunc enim tam necessario agerent creatura, ac Deus.

Q V A R T A C O N C L U S I O :

Deus determinat causas secundas ad individuum.

C A U S A E secundæ determinantur ad individuum, vel à se, vel ab alio; atqui non determinantur à se, nec ab alio, quàm à Deo: ergo Deus illas determinat ad individuum.

Prima pars minoris probatur.

Quod determinat se ad individuum eligit vnum præ alio; atqui causæ secundæ non possunt vnum eligere præ alio: ergo non determinant se ad individuum.

Minor pr. Quod eligit vnum individuum præ alio, distinguere debet vnum ab alio; atqui causæ secundæ non distinguunt vnum individuum ab alio: ergo non possunt eligere vnum præ alio.

Minor pr. Illud non distinguit vnum indivi-

208 TRACT. II. PHYS. DISP. IV.

duum ab alio, quod non cognoscit distinctè vtrumque; atqui causæ secundæ non cognoscunt distinctè sua individua: ergo non distinguunt vnum ab alio.

Minor pr. Illud non cognoscit distinctè sua individua, quod non cognoscit distinctè illorum differentiam individuaalem; atqui causæ secundæ non cognoscunt distinctè differentias individuales: ergo causæ secundæ non cognoscunt distinctè sua individua.

Minor pr. Differentia individualis est aliquid intrinsecum, per quod vnum individuum est, hoc, & non aliud; atqui causæ secundæ non cognoscunt aliquid intrinsecum, & essentialē, per quod hoc individuum non sit illud: ergo non cognoscunt distinctè differentiam individuaalem.

Minor pr. Lumen hesternum, & hodiernū eiusdem intensiōis, & in eadem parte subiecti sunt vnum, & aliud individuum; atqui causæ secundæ nihil cognoscūt intrinsecum, & essentialē in hesterno, per quod non sit idem cum hodierno, seu hodiernum: ergo causæ secundæ non cognoscunt aliquid intrinsecum, & essentialē, per quod hoc individuum non sit illud.

Secunda pars minoris superioris argumenti, non determinari ab alio, quàm à Deo, probatur.

Nullum est aliud, quàm Deus, quod possit illas causas secundas determinare: ergo non determinantur ab alio, quàm à Deo.

Antecedens pr. Illud, à quo determinantur debet concurrere cum ipsis ad illud individuum, & distinctè omnia cognoscere; sed solus Deus

illa omnia cognoscit distinctè, & cum illis concurrir: ergo solus Deus potest illas determinare.

Minor pr. Alia, quæ possent dici cognoscere illa indiuidua, & ad illa immediatè concurrere, non possunt esse nisi causæ vniuersales, vel particulares; atqui neque vniuersales, neque particulares hoc faciunt: ergo solus Deus illa cognoscit distinctè, & cum illis immediatè concurrir.

Prima pars minoris probatur.

Aliæ causæ vniuersales sunt cæli, & astra; atqui neque cæli, neque astra hoc faciunt: ergo causæ vniuersales hoc non faciunt.

Minor pr. Quæ sunt expertia cognitionis hoc non faciunt; atqui cæli, & astra sunt expertia cognitionis: ergo cæli & astra hoc non faciunt.

Secunda pars minoris antepenultimi argumenti, causas particulares illud etiam non facere, probatur.

Illæ causæ dici non possunt ad effectus omnium aliarum concurrere, & omnia illarum indiuidua cognoscere, quæ sunt aut expertia cognitionis, aut sua propria indiuidua nō cognoscunt, & ad aliquos tantum effectus concurrunt; atqui causæ particulares, aut sunt expertes cognitionis, aut suos proprios indiuiduos effectus distinctè non cognoscunt, & ad illos tantum concurrunt, & non ad alios: ergo causæ particulares dici non possunt ad indiuidua illa immediatè concurrere, & illa distinctè cognoscere.

Obijcies. Causæ liberæ creatæ sunt causæ secundæ; atqui Deus non determinat causas libe-

210 TRACT. II. PHŶS. DISP. IV.

ras creatas ad indiuiduum : ergo Deus non determinat causas secundas ad indiuiduum.

Minor pr. Causæ secundæ determinantes seipsas ad indiuiduum non determinantur à Deo; atqui causæ liberæ determinant seipsas ad indiuiduum : ergo non determinantur à Deo.

Minor pr. De ratione causæ liberæ est, ut hunc effectum potius efficiat, quàm alium; atqui hoc non potest habere nisi se ipsam determinet ad indiuiduum : ergo causæ liberæ determinant seipsas ad indiuiduum.

Solutio : De ratione causa libera est, ut hunc effectum efficiat potius quàm alium individualiter sumptum, Nego. specificè sumptum, Concedo. atqui non potest efficere hunc effectum individualiter sumptum potius quàm alium, quin se determinet ad indiuiduum, Concedo. hunc effectum specificè tantùm sumptum, Nego. Ratio est, quia per hoc sufficienter saluatur libertas causa, quod illa possit elicere effectum huius speciei, potius quàm alterius licet ex illis huius speciei producere non possit hunc potius, quàm alium, propterea quòd, scilicet, non distinguat, neque discernat hunc ab illo.

CONCLUSIO SECUNDA:

Causa secunda determinant Deum ad speciem.

Quod facit ut Deus de se indifferens, & potens producere varios effectus producat aliquem huius speciei potius, quàm alterius, determinat

illum ad speciem; atqui causæ secundæ faciunt, vt Deus de se indifferens, & potēs producere varios effectus, producat aliquem huius speciei potiùs, quàm alterius: ergo causæ secundæ determinant Deum ad speciem.

Minor pr. Illud facit vt Deus de se indifferens & potēs producere varios effectus, producat aliquem huius speciei potiùs quàm alterius, quod est causa, & id, cui tribuitur, quod aliquem huius speciei producat potiùs, quàm alterius; atqui causæ secundæ sunt ratio, & id, cui tribuitur quod Deus producat aliquem huius speciei potiùs, quàm alterius: ergo causæ secundæ faciunt vt Deus de se indifferens, & potens producere varios effectus, producat aliquem huius speciei potiùs, quàm alterius.

Minor pr. Illud est ratio, & id, cui tribuitur quod Deus producat aliquem effectum huius speciei potiùs, quàm alterius, quod aut natura sua habet tantùm vim faciendi aliquem vnus speciei, & non alterius illi oppositæ, aut si habeat vtriusque, determinat se ad vnā potiùs quàm ad aliam; atqui causæ secundæ aut natura sua habent tantùm vim faciendi aliquem vnus speciei, & non alterius illi oppositæ, aut si habeant vtriusque, determinant se ad vnā: ergo causæ secundæ sunt ratio, & id, cui tribuitur, quod Deus producat aliquem huius speciei potiùs, quàm alterius.

Minor pr. Causæ secundæ sunt necessariæ, aut liberæ; atqui necessariæ habent tantùm vim faciendi aliquem vnus speciei, & non alterius illi oppositæ, & liberæ se determinant ad vnā po-

212 TRACT. II. PHYS. DISP. IV.

tius, quàm ad aliam: ergo causæ secundæ aut naturâ suâ habent tantum vim faciendi aliquem vnius speciei, & non alterius illi oppositæ, aut si habeant vtriusque determinant se ad vnam.

Prima pars est certa, & secunda probatur.

Illud determinat se ad vnam speciem potius: quàm ad aliam, cui vertitur vitio, aut laudi, quod ponat hanc potius, quàm aliam; atqui vertitur vitio, aut laudi causis secundis liberis, quòd ponant hanc potius speciem, quàm aliam, amorem Dei, v. g. potius quàm eius odium, aut contrà: ergo causæ liberæ determinant se ad vnam potius speciem, quàm ad aliam.

Obijciunt. Causæ secundæ sunt necessariae; vel liberæ; atqui neque causæ necessariae, neque liberæ determinant Deum ad speciem: ergo causæ secundæ non determinant Deum ad speciem.

Minor pr. Causæ, quæ determinantur à Deo ad indiuiduum nō determinant ipsum ad speciem; atqui causæ necessariae, & liberæ determinantur à Deo ad indiuiduum: ergo non determinant ipsum ad speciem.

Maiores pr. Ut causæ, quæ determinantur à Deo ad indiuiduum determinant ipsum ad speciem, debet ipse se ad illam non determinare; atqui Deus se determinat ad speciem: ergo causæ, quæ determinantur à Deo ad indiuiduum, non determinant ipsum ad speciem.

Minor pr. Quod determinat causas secundas ad indiuiduum, determinat se ad speciem; atqui Deus determinat causas secundas ad indiuiduum: ergo determinat etiam se ad speciem.

Solutio : Quod determinat causas secundas ad individuum non determinatas iam, aut seipsas non determinantes ad speciem, determinat se ad speciem, Concedo. quod determinat causas secundas ad individuum determinatas iam ex se, ut necessaria, aut se ipsas determinantes ad speciem ut libera, propterea quod ipsa agant immediate ex cognitione indifferenti, Nego. atqui Deus determinat causas secundas ad individuum, & ipsa non sunt determinata iam ex se ad speciem, aut ad illam se non determinant, Nego. & ipsa sunt determinata, aut se determinant ad illam, Concedo.

Contrà. Quod determinat causas secundas ad individuum, quantumvis ex se sint determinatae ad speciem, determinat se ipsum ad speciem : ergo nulla solutio.

Antecedens pr. Quod determinat causas secundas ad individuum etiam ex se determinatas ad speciem, determinat verè seipsum ad individuum ; atqui quod determinat se ad individuum determinat se ad speciem : ergo quod determinat ad individuum causas secundas etiam ex se determinatas, aut se determinantes ad speciem, determinat se ad speciem.

Minor pr. Quando duo sunt idem, quod se determinat ad vnum determinat etiam se ad aliud ; atqui individuum, & species sunt idem : ergo quod se determinat ad individuum determinat se ad speciem.

Solutio : Atqui individua omnia & adaequate sumpta, & species sunt idem, Concedo. individua sumpta seorsim, & divisim, seu vnum individuum,

214 TRACT. II. PHYS. DISP. IV.

& species sunt idem, Nego. species enim præter unumquodque individuum determinatè sumptum includit alia omnia: ergo quod se determinat ad individuum unum determinatè sumptum, determinat se ad speciem, Nego. quod se determinat ad individua omnia, & adequatè sumpta, determinat se ad speciem, Concedo. hæc siquidem adequatè sumpta sunt verè ipsa species.

Contrà. Vt Deus aut alia causa determinet se ad speciem non est necessarium, vt determinet se ad omnia illius individua adequatè sumpta: ergo nulla solutio.

Antecedens pr. Causæ secundæ determinant se verè ad speciem ex concessis; atqui non determinant se ad omnia individua adequatè sumpta: ergo vt causa aliqua determinet se ad speciem, non est necessarium vt determinet se ad omnia illius individua adequatè sumpta.

Minor pr. Determinare se ad omnia individua alicuius speciei adequatè sūpta, est exigere, intendere, & habere vim paratam, & expeditam producendi omnia, & adequatè sumpta; atqui causæ secundæ non exigunt, intendunt, aut habent vim paratam, & expeditam producendi individua omnia, & adequatè sumpta alicuius speciei: ergo non se determinant ad individua omnia, & adequatè sumpta alicuius speciei.

Solutio: Determinare se ad individua omnia, & adequatè sumpta alicuius speciei, est exigere, intendere, & habere vim paratam, & expeditam producendi individua alicuius speciei omnia, & adequatè sumpta, hoc est simul. & ita vt omnia eodem tempore producantur, Nego. hoc est non

magis unum, quàm aliud, & aequè quodlibet. Concedo. atqui non habent vim expeditam ad producenda individua omnia, & adaequatè sumpta, hoc est simul, & ita ut omnia eodem tempore producantur, Concedo. hoc siquidem excedit illarum vires, hoc est, non magis unum, quàm aliud, & aequè quodlibet sub disiunctione, Nego.

Contra. Quod habet vim producendi unum individuum speciei, & non aliud, non habet vim æquè producendi quodlibet; atqui causæ secundæ habent tantum vim producendi unum individuum speciei, & non aliud: ergo non habent vim producendi æquè quodlibet & non magis unum, quàm aliud.

Minor pr. Causæ vniocæ sunt causæ secundæ; atqui habent vim producendi unum individuum speciei, & non aliud: ergo causæ secundæ habent vim producendi unum individuum speciei, & non aliud.

Minor pr. Causarum vniocarum individua sunt ipsæmet cum aliis sui similibus; atqui habent vim producendi ista, & non seipsas: ergo causæ secundæ habent vim producendi unum individuum speciei, & non aliud.

Solutio: Atqui non habent vim producendi seipsas primâ productione, Concedo. secundâ, seu si supponantur aliunde producta, Nego. ergo causa secunda habent vim producendi unum individuum, & non aliud primâ productione, Concedo. secundâ productione, Nego. sufficit autem ut absolutè dici possint omnia posse producere, & aequè quodlibet, ut aliqua possint producere tantum secundâ productione, ut seipsas. Secunda enim

216 TRACT. II. PHYS. DISP. IV.
productio est vera, & propria productio, & consequenter, quod per illam producitur, verè & propriè producitur.

SECTIO III.

De causalitate causæ efficientis.

PRIMA CONCLUSIO :

Actio est causalitas causæ efficientis.

IL L V D est causalitas causæ efficientis, quo posito, seclusis alijs omnibus, illa actu causat; atqui posita actione, seclusis alijs omnibus, causa efficiens actu causat: ergo actio est causalitas causæ efficientis.

Minor pr. Illo posito causa efficiens actu causat, quo posito aliquid efficit; atqui posita actione aliquid efficit: ergo posita actione actu causat.

Minor pr. Illo posito aliquid efficit, quo posito aliquid est ab illa actum; atqui posita actione est aliquid ab illa actum: ergo posita actione aliquid efficit.

Minor pr. Non potest esse actio, quin sit alicuius rei actio, seu effectio; atqui id, cuius est effectio est ab efficiente actum per illam: ergo posita actione est aliquid ab illa actum.

SECUNDA CONCLUSIO:

Actio distinguitur realiter ab entitate causæ, & effectus.

EXISTENTIBVS entitatibus causæ, & effectus non existit actio: ergo actio distinguitur realiter ab entitate causæ, & effectus.

Vt minor probetur facilius,

Suppono ignem B, produci primo instanti à Deo, & igne A, debitè applicato, & secundo instanti produci à solo Deo, perseverante nihilominus, & eodem modo applicato igne A.

Quo posito sic argumentor:

Secundo illo instanti existit ignis A, & ignis B; atqui nō existit actio, per quam ignis A producebat primo instanti ignem B: ergo existentibus entitatibus causæ & effectus nō existit actio.

Respondent *negando suppositionem, sed contra.*

Illa suppositio negari non debet, quæ nullam inuoluit contradictionem; atqui suppositio facta nullam inuoluit contradictionem: ergo negari non debet.

Minor pr. Quod nihil aliud importat, quam ignem applicatū ligno primò in illud agere, & deinde cessare ab omni actione in illud, cum tamen Deus in illud agat, & in eo producat eundem effectum, quem ignis antea eū ipso producebat, nullam inuoluit contradictionem; atqui suppositio facta importat tantum ignem primò agere in lignum, & deinde cessare ab omni actione in illud, cum tamen Deus in illud agat, & in eo eundem producat effectum, quem ignis primò pro-

218 TRACT. II. PHYS. DISP. IV.

ducebat ; ergo suppositio facta nullam inuoluit contradictionem.

Major pr. In eo quod ignis applicatus ligno, primò in illud agat, & cesset deinde ab actione, cum tamen nõ cesset Deus, nõ potest alia excogitari contradictio, quàm quòd Deus non præbeat suum concursum igni debite applicato ligno subiecto idoneo ad recipiendam eius actionem, aut quòd simul cum illa non commodatione concursus Deus agat in lignum ; atqui nulla est contradictio, quòd Deus non præbeat suum concursum igni debite applicato ligno subiecto idoneo ad recipiendam eius actionem ; aut etiam agat in lignum cum non præbetur ab ipso concursus igni : ergo quod nihil aliud importat, quàm ignem applicatum ligno primò in illud agere, & deinde cessare ab omni actione in illud cum tamen Deus in illud agat, & in eo producat eundem effectum, quem ignis antea cum ipso producebat, nullam inuoluit contradictionem.

Minor pr. Nulla esse potest contradictio, quòd Deus non præstet concursum, quem liberè præstat, aut non agat, quod potest non agere ; atqui Deus liberè præstat suum cõcursum igni debite applicato ligno subiecto idoneo ad recipiendam eius actionem, & potest non agere in lignum : ergo nulla esse potest contradictio, quòd Deus non præstet suum concursum igni debite applicato, aut etiam agat in lignum cum non præbet concursum igni.

Prima pars minoris probatur.

Non minùs liberè Deus præbet concursũ igni applicato ligno, quã præbuit igni applicato tri-

bus pueris in fornace Babylonica; atqui isti præbuit cōcursū liberè: ergo & igni applicatio ligno.

Minor pr. Illi Deus præbet concursum liberè cui ita præbet vt possit non præbere; atqui Deus ita præbuit cōcursū igni applicatio tribus pueris, vt potuerit non præbere: ergo Deus liberè, præbuit concursum igni applicato tribus pueris in fornace Babylonica.

Minor pr. Non minùs Deus potuit non præbere concursum igni applicato tribus pueris in ministros regis, quàm in pueros; atqui non præbuit in pueros: ergo & potuit non præbere in ministros regis.

Minor pr. Non minùs Deus potuit non præbere concursum igni applicato tribus pueris in eos in quos erat ip̄u facilius agere, quàm in alios, in quos nō ita facile: atqui facilius erat igni agere in tres pueros, quàm in ministros regis: ergo non minùs Deus potuit non præbere concursum igni applicato tribus pueris in ministros Regis, quàm in tres pueros.

Minor pr. Facilius erat igni agere in eos, quos vndique ambiebat, & quibus erat ex omni parte immediatus, quàm in eos, à quibus distabat, & si non distabat erat tantum immediatus ex vna parte; atqui ambiebat tres pueros ex omni parte, distabat verò à ministris regis, aut si non distabat erat tantum eis immediatus ex vna parte: ergo facilius erat igni agere in tres pueros, quàm in ministros regis.

Secunda pars minoris superioris argumenti, quod Deus possit non agere in lignum, probatur.

Non minùs Deus potest non agere in lignum.

220 TRACT. II. PHYS. DISP. IV.

igne ei debitè applicato, quàm potuit non agere in tres pueros in fornace Babylonica; atqui potuit non agere in tres pueros: ergo & potest non agere in lignum igne ei debitè applicato.

Obiicitur. Vt actio distinguatur à causa, & effectu debet esse quid medium inter illa; atqui actio non est quid medium inter causam, & effectum: ergo non distinguitur à causa, & effectu.

Minor pr. Vt actio sit quid medium inter causam, & effectum effectus non debet pēdere seipso, & immediatè à causa; atqui effectus pendet se ipso, & immediatè à causa: ergo actio non est quid medium inter causam, & effectum.

Minor pr. Non minùs effectus pēdet se ipso immediatè à causa, quàm actio; atqui actio pendet immediatè à causa: ergo & effectus.

Maior pr. Actio est effectus: ergo non minùs effectus pendet se ipso immediatè à causa, quàm actio.

Solutio: *Actio est effectus ut quo, seu via ad ulteriorem effectum, Concedo. est effectus ut quod, Nego.* ergo non minùs effectus ut quo, pendet à causa se ipso immediatè, quàm actio, Concedo, effectus ut quod, Nego.

Contrà. Eadem est ratio de effectu ut quo, & de effectu ut quod; sed effectus ut quo dependet immediatè à causa ex concessis: ergo & effectus ut quod.

Solutio: *Neganda est maior.* Ratio disparitatis est, quia effectus ut quo, seu actio non est producibilis à variis causis sicut est effectus ut quod, ac proinde ut dicamus esse potiùs ab hac causa quàm ab alia debet interuenire aliquid distinctum ab ipso, & causa, quod nos vocamus actionem.

TERTIA CONCLUSIO:

Omnis passio est actio.

PASSIO est dependentia effectus à causa subiectiua; sed illa dependentia est actio: ergo omnis actio est passio.

Minor pr. Quod fit seipso à causa efficiente est actio; atqui illa dependentia fit seipsa immediate à causa efficiente: ergo est actio.

Minor pr. Quod non fit per aliquid distinctum à causa efficiente fit seipso ab illa; atqui dependentia à causa subiectiua non fit per aliquid distinctum à causa efficiente: ergo fit seipsa à causa efficiente.

Minor pr. Illud distinctum, per quod dici potest pendere à causa efficiente, debet necessario pendere à causa subiectiua; atqui non potest pendere à causa subiectiua: ergo dependentia à causa subiectiua non fit à causa efficiente per aliquid distinctum.

Maior pr. Quod pendet seipso à causa efficiente, & non est creatio, debet necessario pendere à causa subiectiua; atqui illud distinctum, per quod dependentia à causa subiectiua dici potest pendere à causa efficiente, non est creatio: ergo illud distinctum, per quod dependentia à causa subiectiua dici potest pendere à causa efficiente, debet necessario ipsū pendere à causa subiectiua.

Minor pr. Illud non est creatio, cuius terminus pendet à subiecto; atqui terminus istius distincti, dependentia, scilicet, à causa subiectiua vere pendet à subiecto: ergo illud distinctum per

222 TRACT. II. PHYS. DISP. IV.

quod dependentia à causa subiectiua dici potest pendere à causa efficiente, non est creatio.

Maior pr. Illud non est creatio, cuius terminus non creatur; atqui terminus, qui pendet à subiecto non creatur: ergo illud non est creatio, cuius terminus pendet à subiecto.

Minor pr. Illud non creatur, quod non fit independentèr à subiecto; atqui terminus, qui pendet à subiecto non fit independentèr à subiecto: ergo terminus, qui pendet à subiecto nō creatur.

Q U A R T A C O N C L U S I O :

Omnis actio non est passio.

CREATIO est actio; atqui creatio non est passio: ergo omnis actio non est passio.

Minor pr. Illa actio non est passio; quæ non est dependentia effectus à causa subiectiua; atqui creatio non est dependentia effectus à causa subiectiua: ergo creatio non est passio.

Minor pr. Illa actio non est dependentia effectus à causa subiectiua, cuius terminus non pendet à subiecto; atqui terminus creationis non pendet à subiecto: ergo creatio non est dependentia effectus à causa subiectiua.

Minor pr. Illud non pendet à subiecto, quod fit independentèr à subiecto; atqui terminus creationis fit independentèr à subiecto: ergo terminus creationis non pendet à subiecto.

Minor pr. Illud fit independentèr à subiecto, quod creatur, & est verè quid creatum; atqui terminus creationis creatur, & est verè quid creatum: ergo fit independentèr à subiecto.

SECTIO IV.

De Conseruatione.

PRIMA CONCLUSIO:

Conseruatio non distinguitur necessario à prima productione.

ILLA non distinguuntur necessario, quæ semper non distinguuntur; atqui prima productio, & conseruatio semper non distinguuntur: ergo prima productio, & conseruatio non distinguuntur necessario.

Minor pr. Illa non semper distinguuntur, quæ aliquando sunt idem; atqui prima productio, & conseruatio aliquando sunt idem: ergo prima productio, & conseruatio non semper distinguuntur.

Minor pr. Conseruatio est continuata rei productio; atqui continuata rei productio, & prima productio aliquando sunt idem: ergo prima productio, & conseruatio aliquando sunt idem.

Minor pr. Continuata rei productio nihil aliud est, quàm actio rei productiua non definens statim, seu aliquandiu perseverans; atqui prima productio aliquando non definit statim, sed aliquandiu perseverat: ergo continuata rei productio, & prima productio aliquando sunt idem.

Minor pr. Prima productio est actio, per quam agens dat primo esse effectui; atqui huiusmodi actio aliquando non definit statim, sed aliquandiu perseverat: ergo prima productio aliquando

224 TRACT. II. PHYS. DISP. IV.

non definit statim, sed aliquandiu perseverat.

Minor pr. Actio, per quam agens dat primo esse effectui desinere non debet, cū perseverant eius causæ, & effectus; atqui aliquando perseverant eius causæ, & effectus: ergo actio per quam agens dat primo esse effectui aliquando non definit statim, sed perseverat aliquandiu.

Minor pr. Actio productiva lucis à sole in aëre summo mane est actio, per quam agens dat primo esse effectui; atqui perseverant eius causæ, & effectus: ergo perseverant aliquando causæ, & effectus actionis, per quam agens dat primo esse effectui.

Minor pr. Causæ illius actionis sunt. Deus quidem, & sol efficiens, & aër subiectiva; effectus verò lux; atqui Deus, sol, aër, & lux perseverant: ergo actionis productivæ lucis à sole in aëre summo mane perseverant causæ, & effectus.

SECUNDA CONCLUSIO:

Deus conservat omnia.

CONSERVARE est producere; atqui Deus producit omnia: ergo & conservat omnia.

Respondent: *Conservare est producere primò*, Negant. *secundò, tertio, quarto*, Concedunt; atqui *Deus producit omnia primò*, Concedunt. *secundò, tertio, & quarto*, Negant.

Contrà. Quod non producit omnia secundo, tertio, & quarto instanti, quo sunt, non habet in illa perfectissimum dominium secundo, tertio, & quarto instanti; atqui Deus habet in omnia secundo, tertio & quarto instanti, quo sunt perfectissimum dominium: ergo producit omnia secun-

do, tertio & quarto instanti quo sunt.

Mayor & minor probata sunt supra conclusione prima sectionis secunda huius disputationis.

TERTIA CONCLUSIO:

Deus conseruat res creatas diuerso modo.

Lux solaris, & anima rationalis sunt res creatæ; atqui Deus conseruat lucem, & animam rationalem diuerso modo: ergo Deus conseruat res creatas diuerso modo.

Minor pr. Illa Deus conseruat diuerso modo, quorum vnum conseruat solus, alterum verò simul cum sole; atqui Deus conseruat solus animam rationalem, & lucem simul cum sole: ergo Deus conseruat lucem, & animam rationalem diuerso modo.

Prima pars minoris probatur.

Illud Deus conseruat solus, quod non fit neque conseruatur nisi per creationem; atqui anima rationalis non fit, neque conseruatur nisi per creationem: ergo Deus conseruat solus animam rationalem.

Minor r. Quod non dependet à subiecto non fit, neque conseruatur nisi per creationem; atqui anima rationalis non dependet à subiecto: ergo non fit, neque conseruatur nisi per creationem.

Secunda pars minoris superioris argumenti, Deum conseruare lucem simul cum sole, pr.

Illud Deus conseruat simul cum sole, cui sol dat esse secundo, tertio & quarto instanti, quo est; atqui sol luci à se productæ dat esse secundo, ter-

226 TRACT. II. PHYS. DISP. IV.

tio & quarto instanti quo est: ergo Deus conseruat lucem simul cum sole.

Minor pr. Illi sol dat esse secundo, tertio & quarto instanti, quo est, quod perit cum ab eo non potest accipere esse secundo, tertio & quarto instanti; atqui lux cum non potest accipere esse à sole secundo, tertio & quarto instanti, perit: ergo sol dat esse luci secundo, tertio & quarto instanti.

Minor pr. Cum recedit sol, aut inter ipsam & lucem interponitur corpus opacum, lux non potest ab eo accipere esse; atqui tunc perit lux teste experientia: ergo cum lux non potest accipere esse à sole, perit.

SECTIO V.

De Creatione.

PRIMA CONCLUSIO:

Creatio seu productio rei ex nihilo sui, & subiecti, distinguitur realiter ab entitate causæ, & effectus.

ILLA distinguuntur, quorum vno existente non existit aliud; atqui existentibus entitatibus causæ creantis, & effectus creati non existit creatio: ergo creatio distinguitur realiter ab entitate causæ, & effectus.

Minor pr. Causa creans est Deus v.g. solus, vel

simul cum creaturis, effectus verò ab illis per creationem productus creabilis tantum, aut simul etiam educibilis; atqui existentibus entitatibus Dei, & creaturarum, atque etiam effectus, siue sit tantum creabilis, siue etiam simul educibilis, non existit creatio istius: ergo existentibus entitatibus causæ creantis, & effectus creati non existit creatio.

Suppono Deum creare simul cum Angelo animam rationalem tantum creabilem, aut calorem, qui est quoque educibilis, & secundo instanti illa solum conservare. quo posito sic argumentor:

In illo secundo instanti existit causa creans, Deus scilicet, & Angelus, existit quoque res creata: anima videlicet rationalis, & calor; atqui non existit creatio illorum ab Angelo, & Deo: ergo existentibus entitatibus Dei, & creaturarum, atque etiam effectus, siue creabilis tantum, siue simul educibilis non existit creatio.

Minor pr. Creatio animæ rationalis, aut caloris à Deo simul, & Angelo, est dependentia illorum ab istis duobus simul, & indivisibiliter; atqui secundo instanti non est illa dependentia ab illis duobus simul, & indivisibiliter: ergo secundo instanti non existit creatio illorum ab Angelo, & Deo.

Minor pr. Non est illa dependentia, cum non dependent ab illis duobus simul; atqui in suppositione facta secundo instanti non dependent ab illis duobus simul, sed à solo Deo: ergo secundo instanti non est illa dependentia.

Suppositionem factam negant ij, qui sentiunt creaturam elevari non posse ad creandum. Con-

228 TRACT. II. PHYS. DISP. IV.

tra eos agemus conclusionem tertiam, in qua contrarium probabimus. Iam diluenda sunt, quæ contra conclusionem opponunt.

Oij itur. Creatio est id, per quod effectus creabilis dependet à causa creante; atqui id, per quod effectus creabilis dependet à causa creante non distinguitur à causa, & effectus: ergo creatio non distinguitur à causa, & effectus.

Minor tr. Causa creans est Deus; atqui id, per quod effectus creabilis pendet à Deo, nō distinguitur ab ipso, & Deo: ergo id, per quod effectus creabilis dependet à causa creante non distinguitur à causa, & effectus.

Minor pr. Id, per quod aliquid pendet essentialiter à Deo, non distinguitur ab ipso, & Deo; atqui effectus creabilis pendet essentialiter à Deo: ergo id, per quod effectus creabilis pendet à Deo non distinguitur ab ipso, & Deo.

Solutio: Id, per quod aliquid pendet essentialiter à Deo hac, & una tantum numero dependentia, non distinguitur ab ipso, & Deo. Concedo. diversa numero dependentia. seu hac, vel illa, Nego. atqui effectus creabilis pendet essentialiter à Deo, una tantum numero dependentia, Nego. diversa, seu hac, vel illa, Concedo. Est quidem verum, quod effectus creabilis non potest non pendere à Deo, & eatenus certum est pendere ab eo, essentialiter, & necessitate metaphysica. Falsum est tamen, quod pendere debeat hac tantum numero dependentia, cum terminare possit diversas, unam nimirum, per quam producaturs à Deo solo, & aliam per quam producaturs à Deo, & causa secunda.

Contrà. Quod non dependet à Deo per aliquid distinctum, dependet à Deo hac tantum, & vnica numero dependentia; atqui effectus creabilis non dependet à Deo per aliquid distinctum: ergo dependet à Deo hac tantum, & vnica numero dependentia.

Minor pr. Illud distinctum, per quod dici potest pendere, debet necessariò esse accidens, vel substantia; atqui non potest esse accidens, neque substantia: ergo effectus creabilis non pendet à Deo per aliquid distinctum.

Prima pars minoris, non esse accidens, probatur.

Omne accidens debet esse in subiecto; atqui illud distinctum non potest esse in subiecto: ergo non est accidens.

Solutio: *Omne accidens debet esse in subiecto inhesionis, vel adhesionis, Concedo. inhesionis tantum, Nego.* atqui illud distinctum non potest esse in subiecto inhesionis, Concedo. adhesionis, Nego.

Contrà. Illud subiectum adhesionis vel est agens, vel terminus; atqui non potest esse agens, neque terminus: ergo non est in subiecto adhesionis.

Prima pars de agente non negatur à nobis, & probant secundam de termino.

Subiectum adhesionis dat esse illi, quod ei adhæret; atqui terminus creationis non potest illi dare esse: ergo terminus non potest esse eius subiectum adhesionis.

Maior pr. Subiectum adhesionis est causa materialis eius, quod illi adhæret; atqui causa

250 TRACT. II. PHYS. DISP. IV.

materialis dat esse ei, cuius est causa materialis: ergo subiectum adhesionis, dat esse illi quod ei adhæret.

Solutio: Neganda est maior. Ratio est, quia subiectum adhesionis nihil est aliud, quàm illud, cui alterum est affixum, & habet se per modum, determinatiui, aut quasi determinatiui respectu illius, quod sanè conuenit creationi respectu sui termini, quicum fieri possit à variis causis determinatur per actionem, ut ab hac pendeat potius, quàm ab alia.

SECUNDA CONCLUSIO :

Solus Deus est causa principalis creationis.

N I H I L aliud præter Deum, esse potest causa principalis creationis: ergo solus Deus potest esse causa principalis creationis.

Antecedens pr. Creatura non potest esse causa principalis creationis: ergo nihil aliud præter Deum, potest esse causa principalis creationis.

Minor pr. Creaturæ conuenire non potest id, quod est proprium solius Dei; atqui esse causam principalem creationis est proprium solius Dei: ergo creatura non potest esse causa principalis creationis.

Minor pr. Illud est proprium solius Dei, quod est medium idoneum ad probandum diuinitatem conuenire Spiritui sancto; atqui esse causam principalem creationis, est medium idoneum ad

probandum Spiritui sancto conuenire diuinitatem : ergo esse causam principalem creationis : est proprium solius Dei.

Minor pr. Illud est medium idoneum ad probandum Spiritus sancti diuinitatem , quo sancti Patres vsi sunt in hunc finem ; atqui sancti Patres eo medio probarunt Spiritus sancti diuinitatem : ergo esse causam principalem creationis , est medium idoneum ad probandam Spiritus sancti diuinitatem.

Minor pr. Absolutè , & simpliciter creare est esse causam principalem creationis : atqui sancti Patres ex eo , quòd Spiritus sanctus dicatur in Scriptura creator absolutè , & simpliciter creare , inferunt ei conuenire diuinitatem contra Arianos : ergo sancti Patres eo medio probarunt Spiritus sancti diuinitatem.

T E R T I A C O N C L U S I O :

Creatura esse potest causa instrumentalis creationis.

ILLUD esse potest causa instrumentalis creationis, quod potest eleuari à Deo, ad producendum effectum aliquem independenter à subiecto ; atqui creatura eleuari potest ad producendum effectum aliquem independenter à subiecto : ergo creatura esse potest causa instrumentalis creationis.

Minor pr. Ad hoc, vt creatura eleuetur à Deo, ad producendum effectum aliquem independenter à subiecto , nihil aliud requiritur , quàm vt Deus suppleat, quod subiectum confert effectui ,

232 TRACT. II. PHYS. DISP. IV:

aut causæ efficienti coagenti; atqui Deus supplere potest, quod subiectum confert effectui, aut causæ efficienti coagenti: ergo creatura potest eleuari ad producendum effectum independentem à subiecto.

Minor ex. Subiectum nihil aliud confert effectui, aut causæ efficienti cum ipso agenti, aut solitæ coagere, quàm concursum æqualem, aut potiùs minorem eo, quem ista exhibet; atqui Deus potest supplere concursum æqualem ei, quem causa efficiens exhibet, & maiorem: ergo Deus potest supplere, quod subiectum confert effectui, aut causæ efficienti solitæ cū ipso agere.

Minor pr. Deus de facto supplet in multis casibus concursum æqualem ei, quem causa efficiens exhibet: ergo Deus supplere potest huiusmodi concursum.

Antecedens pr. Crebræ, & valdè frequentes sunt productiones animalium ex putri materia; atqui in illis omnibus Deus supplet concursum causæ efficientis principalis absentis: ergo Deus de facto supplet in multis casibus concursum æqualem ei, quem causa efficiens exhibet.

Obijciunt. Instrumentum creatum habere debet causam aliquam principalem creatam; atqui nulla est causa principalis creata creationis: ergo neque instrumentalis.

Maior pr. Quod sit semper, necessariò fit; atqui semper fit, vt causæ instrumentales creatæ habeant etiam causam principalem creatam: ergo instrumentum creatum habere debet causam aliquam principalem creatam.

Solutio; *Quod semper fit, necessariò fit necesse.*

tate physica, Concedo. necessitate metaphysica.
 Nego. & permissa minori: ergo instrumentum
 creatum habere debet causam principalem crea-
 tam necessitate physica, transeat. metaphysica,
 Nego. Deus enim alia potest facere, & alio mo-
 do, quàm qua facta sunt, & quo modo facta sunt.

QVARTA CONCLUSIO:

*Terminus connaturalis creationis est sub-
 stantia spiritalis creata, & materia
 prima.*

ILLUD est terminus connaturalis creationis,
 quod non fit dependenter à subiecto; atqui sub-
 stantiæ spiritalis creatae, & materia prima,
 non fiunt dependenter à subiecto: ergo sunt
 terminus connaturalis creationis.

Minor ꝑ. r. Quod non habet subiectum, aut
 ad cuius productionem non concurrat subiec-
 tum, non fit dependenter à subiecto; atqui
 materia prima, & substantiæ spiritalis creatae,
 aut non habent subiectum, aut ad ipsarum pro-
 ductionem subiectum non concurrat: ergo ma-
 teria prima, & substantiæ spiritalis creatae non
 fiunt dependenter à subiecto.

Prima pars minoris probatur.

Quod est primum subiectum non habet sub-
 iectum; atqui materia prima est primum sub-
 iectum: ergo non habet subiectum.

*Secunda pars minoris prioris argumenti pro-
 batur.*

234 TRACT. II. PHYS. DISP. IV.

Substantiæ spirituales creatæ sunt Angeli, & anima rationalis; atqui Angeli non habent subiectum, & subiectum non concurrit ad productionem animæ rationalis: ergo substantiæ spirituales creatæ non habent subiectum, aut ad ipsarum productionem subiectum non concurrit.

Prima pars minoris probatur.

Substantiæ completæ nullum planè habent subiectum; atqui Angeli sunt substantiæ completæ: ergo Angeli non habent subiectum.

Secunda pars minoris probatur.

Nullum est fundamentum dicendi subiectum seu materiam concurrere ad productionem animæ rationalis: ergo subiectum non concurrit ad productionem animæ rationalis.

Antecedens pr. Non potest esse aliud fundamentum dicendi subiectum, seu materiam concurrere ad productionem animæ rationalis, quàm quòd concurrat ad productionem formarum materialium; atqui illud fundamentum nullum est: ergo nullum est fundamentum dicendi subiectum, seu materiam concurrere ad productionem animæ rationalis.

Minor pr. Fundamentum, quòd materia concurrat ad productionem formarum materialium, non potest esse bonum ad concedendum eidem concursum in animam rationalē, nisi ratio propter quam dicitur concurrere ad illas reperiatur in ista; atqui ratio illa non reperitur in ista: ergo illud fundamentum nullum est.

Minor pr. Ratio, propter quam dicitur materia concurrere ad formas materiales est, quia non perseverant separatæ ab ipsa; atqui anima

rationalis perseverat separata à materia : ergo ratio propter quam materia dicitur concurrere ad formas materiales , non reperitur in anima rationali.

DISPUTATIO V.

De Causa exemplari.

SECTIO VNICA.

Quid sit, qualis Causa, & qua eius Causalitas.

PRIMA CONCLUSIO:

Esse id, in quod inspiciens artifex operatur, convenit soli causa exemplari.



LI A ab exemplari, quibus dici potest convenire esse id, in quod inspiciens artifex operatur, sunt causa efficiens, materialis, formalis, & finalis; atqui non convenit illis: ergo convenit soli exemplari.

Minor probatur.

Artifex non inspicit in ea dum operatur, quorum expressionem non intendit; atqui non intendit expressionē causæ materialis, formalis, effi-

cientis, & finalis : ergo non inspicit dum operatur in causam materiale, formalem, efficientem, & finalem.

Minor pr. Artifex eorum expressionem non intendit, quæ iam facta supponit, aut ad ea non se aliter habet, quàm si essent facta; atqui artifex supponit causam materiale, formalem, & efficientem iam habere esse, & ad finalem non aliter se habet, quàm si esset facta : ergo artifex non intendit expressionem causæ materialis, formalis, efficientis, & finalis.

Prima pars minoris est clara, & secunda probatur.

Ad illud artifex non aliter se habet, quàm si esset factum, quod intendit tantùm sibi, aut alteri coniungere; atqui intendit tantùm coniunctionem causæ finalis secum, aut cum alio: ergo non aliter se habet ad finale, quàm si esset facta.

Minor pr. Non aliud intendit artifex in ulla causa finali, quàm in diuitiis; atqui intendit tantùm coniunctionem diuitiarum secum, aut cum alio, cui illas desiderat: ergo intendit tantùm coniunctionem causæ finalis secum, aut cum alio.

SECUNDA CONCLUSIO:

Exemplar non est cognitio, sed obiectum.

ILLUD est exemplar, in quod inspicit artifex, cum operatur; atqui inspicit in obiectum, & non in cognitionem : ergo obiectum est exemplar, & non cognitio.

Minor pr. In illud inspicit artifex cum operatur, quod vult exprimere; atqui vult exprimere obiectum, & non cognitionem: ergo inspicit in obiectum, & non in cognitionem.

Minor pr. Artifex intendit illud exprimere, quod rogatus dicit se velle facere; atqui rogatus quid velit exprimere, dicit se velle exprimere obiectum cognitionis: ergo vult exprimere obiectum.

Obiicitur. Exemplar est causa artefacti: atqui obiectum cognitionis artificis non est causa artefacti: ergo non est exemplar.

Minor pr. Obiectum cognitionis artificis non existit, aut est idem cum artefacto; atqui quod non existit aut est idem cum artefacto, non potest esse causa illius: ergo obiectum cognitionis artificis non est causa artefacti.

Solutio: Atqui quod non existit, aut est idem cum artefacto, non potest esse causa physica illius, Concedo. intentionalis, Nego. Ad hanc enim, ut possit causare non requiritur existentia, ut patet in causa finali, sanitate u.g. qua non existens movet agrotum ad sumenda remedia ad depellendum morbum, & recuperandam sanitatem: ergo obiectum cognitionis artificis non est causa artefacti physica, Concedo. intentionalis, Nego.

Contrà. Exemplar debet esse causa physica artefacti: ergo nulla solutio.

Antecedens pr. Quod est causa alicuius, quod fit ad sui imitationem, debet esse illius causa physica: atqui exemplar est causa artefacti, quod fit ad ipsius imitationem. ergo exemplar debet esse causa physica illius.

238 TRACT. II. PHYS. DISP. V.

Solutio: Quod est causa alicuius, quod sit ad sui imitationem propriam, & rigorosam, debet esse causa physica illius, transeat. quod sit tantum ad imitationem impropriad, Nego. atqui artefactum sit ad imitationem exemplaris propriam, & rigorosam, Nego. impropriad, Concedo.

Contrà. Qui admittit artefactum non fieri ad imitationem propriam exemplaris, negare non potest cognitionem diuinam esse verè exemplar; atqui ex conclusione non est: ergo artefactum debet fieri ad propriam imitationem exemplaris.

Maier pr. Vt aliquid sit exemplar nihil aliud requiritur, quàm vt sit id, in quod inspicit artifex dum operatur, & ad eius imitationem impropriad fiat artefactum; atqui Deus inspicit in suam cognitionem dum operatur, & ad eius imitationem impropriad sit artefactum: ergo artefactum non fieri ad imitationem exemplaris est cognitionem diuinam esse exemplar.

Solutio: Vt aliquid sit exemplar, nihil aliud requiritur, quàm vt sit id, in quod inspicit artifex dum operatur, ex eo quod debeat agere exemplariter, Concedo. ex alijs capitibus, Nego. atqui Deus inspicit in suam cognitionem ex eo præcisè, quòd agere debeat exemplariter; Nego. ex eo, quòd non possit non se reflectere supra suas cognitiones, Concedo.

Contrà. Deus inspicit in suam cognitionem ex eo præcisè, quòd debeat agere exemplariter: ergo nulla solutio.

Antecedens pr. Deus inspicit, vt agat exēpla-

riter in suam cognitionem, vel in aliquid extra se; atqui non inspicit in quidquam extra se: ergo inspicit in suam cognitionem.

Minor pr. Quod inspicit in aliquid, ut agat exemplariter ab eo pendet in suis operationibus; atqui Deus non pendet ab yllo planè extra se in suis operationibus: ergo Deus non inspicit in quidquam extra se, ut agat exemplariter.

Solutio: Quod inspicit in aliquid, ut agat exemplariter ab eo pendet in suis operationibus, tanquam à comprincipio physico, Nego. tanquam à comprincipio intentionali, Concedo. atqui Deus non pendet in suis operationibus ab ullo extra se, tanquam à comprincipio physico, Concedo. tanquam à comprincipio intentionali, Nego. dependentia enim hac à comprincipio intentionali, nullam planè refundit imperfectionem in Deum, sed potius arguit perfectionem, & ipsum habere perfectissimam notitiam eius, quod facit, & quod est terminus omnipotentia.

TERTIA CONCLUSIO:

Exemplar non est causa physica.

ILLUD non causat physicè, quod non requirit existentiam ad causandum, neque approximationem debitam cum effectu; atqui exemplar ex iam probatis, non requirit existentiam ad causandum, neque approximationem cum effectu: ergo exemplar non est causa physica.

QUARTA CONCLUSIO:

Exemplar reuocatur ad causam efficientem.

Id, quod dirigit operis effectiōem, & potentiam exequentem, reuocari debet ad causam efficientem, sed exemplar dirigit operis effectiōem, & potentiam exequentem: ergo exemplar reuocatur ad causam efficientem.

Maior pr. Illud, quod magis accedit ad causam efficientem, quàm ad aliam causam reuocari debet ad causam efficientem; atqui quod dirigit operis effectiōem & potentiam exequentem magis accedit ad causam efficientem, quàm ad aliam causam: ergo id, quod dirigit operis effectiōem, & potentiam exequentem, reuocari debet ad causam efficientem.

Minor pr. Aliæ causæ sunt materialis, formalis, & finalis; atqui accedit magis ad causam efficientem quàm ad illas: ergo quod dirigit operis effectiōem, & potentiam exequentem magis accedit ad causam efficientem.

Minor pr. Illud magis accedit ad causam efficientem, quàm ad materiale, formalem, & finale, quod magis accedit ad modum operandi primæ, quàm aliarum; atqui quod dirigit operis effectiōem, & potentiam exequentem magis accedit ad modum operandi efficientis, quàm ad modum operandi materialis, formalis, & finalis: ergo quod dirigit operis effectiōem, & potentiam exequentem magis accedit ad causam efficientem.

Minor

Minor pr. Operis effectio est proprius modus operandi causæ efficientis : ergo causa quæ dirigit operis effectiorem, & potentiam exequentem magis accedit ad modum operandi causæ efficientis.

Obijctur. Exemplar reuocatum ad causam efficientem, est tantum causa per accidens; atqui exemplar non debet dici tantum causa per accidens : ergo exemplar non reuocatur ad causam efficientem.

Maior pr. Causa remota est causa per accidens; atqui exemplar reuocatum ad causam efficientem, est tantum causa remota : ergo & tantum causa per accidens.

Minor pr. Illud est causa remota effectus, quod non concurrit ad illud immediatè; atqui exemplar reuocatum ad causam efficientem, non concurrit ad suum effectum immediatè : ergo est tantum causa remota illius.

Minor pr. Eius effectus, est artefactum; atqui exemplar reuocatum ad causam efficientem, non concurrit ad artefactum immediatè : ergo exemplar reuocatum ad causam efficientem, non concurrit ad suum effectum immediatè.

Minor pr. Illud non concurrit immediatè ad artefactum, quod concurrit mediante alio; atqui exemplar reuocatum ad causam efficientem concurrit mediante alio : ergo non concurrit immediatè.

Minor pr. Exemplar reuocatum ad causam efficientem, concurrit mediante causa efficiente : ergo concurrit mediante alio.

Solutio : Exemplar reuocatum ad causam eff-

242 TRACT. II. PHYS. DISP. V.


cientem, concurrat mediante causa efficiente ad artefactum sumptum secundum esse physicum, & suam entitatem præcisè, Concedo. sumptum secundum denominationem, & formalitatem artefacti, Nego. Sensus est: Illud quod dicitur artefactum secundum suam entitatem à causa efficiente immediatè fit, & eatenus mediatè ab exemplari; at prout est artefactum fit immediatè ab ipso exemplari, nihil enim aliud est medium, à quo illa denominatio desumi possit, & illi tribui.

QVINTA CONCLUSIO:

Causalitas exemplaris est actio operis facti, cognitio illius, & volitio operandi ad illius imitationem.

ILLUD est causalitas exemplaris, quo posito exemplar actu causat; atqui posita actione operis facti cognitione illius, & volitione operandi ad illius imitationem exemplar actu causat: ergo illa sunt eius causalitas.

Minor pr. Illis positis exemplar actu causat, quibus positis fit artefactum; atqui illis positis fit artefactum: ergo illis positis exemplar actu causat.



DISPUTATIO VI.

De Causa finali.

SECTIO VNICA.

Quanam sit eius ratio causandi, causalitas, & quinam effectus.



CAUSÆ finalis notio id, propter quod aliquid fit, nullam habere videtur difficultatem, leuem etiam admodum eiusdem diuisio in finem cui, & qui: hic enim est bonum, quod amamus, & ille persona, cui illud volumus. quare his omissis, quæ de ea agitantur difficiliora explicemus.

PRIMA CONCLUSIO:

Ratio causandi finis est obiectum.

ILLUD est ratio causandi finis, per quod constituitur potens causare; atqui constituitur potens causare per obiectum: ergo obiectum est ratio causandi finis.

Minor pr. Per illud constituitur potens causare, per quod constituitur potens mouere voluntatem; atqui per obiectum constituitur potens mouere voluntatem: ergo constituitur potens causare per obiectum.

244 TRACT. II. PHYS. DISP. VI.

Minor pr. Per illud constituitur potens mouere voluntatem, per quod de facto allicit voluntatem; atqui per obiectum de facto allicit voluntatem: ergo per obiectum constituitur potens causare.

Minor pr. Per illud de facto allicit voluntatem, quod de facto voluntas amat; atqui de facto voluntas amat obiectum: ergo per obiectum de facto allicit voluntatem.

Obiicitur. Illud non est ratio cauſandi finis, quod per se non constituit illum potentem actu causare; atqui obiectum non constituit finem potentem causare per se: ergo obiectum non est ratio cauſandi finis.

Minor pr. Illud non constituit per se finem potentem causare, quod hoc facit per aliud; atqui obiectum constituit tantum per aliud finem potentem causare: ergo non constituit illum potentem causare per se.

Minor pr. Cognitio est aliud ab obiecto; atqui obiectum constituit tantum finem potentem causare per cognitionem sui: ergo obiectum constituit tantum finem potentem causare per aliud.

Minor pr. Obiectum constituit tantum finem potentem causare per bonitatem apprehensam; atqui hoc est constituere illum potentem causare per cognitionem: ergo obiectum constituit tantum finem potentem causare per cognitionem sui.

Solutio: Atqui hoc est constituere illum potentem causare per cognitionem, tanquam per conditionem sine qua non causaret, Concedo. tanquam per rationem influentem, & causantem. Nego.

Contrà. Cognitio non est conditio, sine qua non : ergo nulla solutio.

Antecedens pr. Pura conditio sine qua non, nõ variat effectum causæ; atqui cognitio variat effectus causæ finalis : ergo non est pura conditio sine qua non.

Solutio : *Neganda est maior.* Ratio est, quia ex approximatione maiori, aut minori agentis, quantumvis sit pura conditio, sequitur intensior, aut remissior effectus.

SECUNDA CONCLUSIO:

Omnis actus voluntatis, sequens ex perfecta cognitione finis est effectus finis.

ILLUD est effectus finis, quod fit propter finem; atqui omnis actus voluntatis sequens ex perfecta cognitione finis fit propter finem: ergo est effectus finis.

Minor pr. Illud fit propter finem, quod fit ex bonitate finis; atqui omnis actus voluntatis sequens ex perfecta cognitione finis, fit ex bonitate finis : ergo & propter finem.

Obijcitur. Primus amor est actus voluntatis sequens ex perfecta cognitione finis, atqui ille non est effectus finis: ergo omnes actus voluntatis sequentes ex perfecta cognitione finis non sunt effectus finis.

Minor pr. Illud non est effectus finis, quod non est propter finem; atqui primus amor non est propter finem : ergo non est effectus finis.

Minor pr. Illud non est propter finem, quod non est gratia finis; sed primus amor nõ est gra-

246 TRACT. II. PHYS. DISP. VI.
tia finis; ergo non est propter finem.

Minor pr. Illud non est gratia finis, quod non est ex amore finis; atqui primus amor non est ex amore finis: ergo non est gratia finis.

Maior pr. Gratia finis est ex amore finis, vel ex bonitate finis; sed non est ex bonitate finis: ergo est ex amore finis.

Minor pr. Actus brutorum sunt ex bonitate finis; atqui illi non sunt gratia finis: ergo gratia finis, & ex bonitate finis non sunt idem.

Solutio: Actus brutorum sunt ex bonitate finis perfecte cognita, Nego. imperfectè cognita, Cōcedo. ergo gratia finis, & ex bonitate finis perfecte cognita non sunt idē, Nego. imperfectè cognita, Concedo. Bonitas finis perfecte cognita consistit in eo, quod qui illam cognoscit distinguat illam esse appetibilem propter se, & media tantum propter illam, quod bruta non faciunt, quippe quæ ferantur in media, & finem absque aduertentia illius subordinationis.

Contrà. Ad perfectam cognitionem bonitatis finis, non est necessaria aduertentia subordinationis illius, quodd finis sit appetibilis propter se, media verò propter illum: ergo licet bruta non habeant huiusmodi aduertentiam agere possunt ex perfecta cognitione finis.

Antecedens pr. Vt sit illa aduertentia debet esse duplex cognitio, vna dicens finis est bonus; & media etiam; & alia. hæc tamen sunt tantum bona propter illum, & ille propter se; atqui non interuenit duplex huiusmodi cognitio cum amamus: ergo ad perfectam cognitionē finis necessaria non est aduertentia subordinationis illius.

Solutio : *Ut* sit illa aduertentia debet esse duplex cognitio, una dicens finis est bonus, & media etiam, & alia, hac tamen sunt tantum bona propter illum, & ille propter se, cum non est una æquiualens illis duabus, Concedo. cum est una æquiualens illis duabus, Nego, atqui non datur duplex huiusmodi cognitio cum non est una æquiualens duabus illis, Nego. cum est, Concedo.

Contrà. Cum amamus non est duplex huiusmodi cognitio, nec una æquiualens duabus illis: ergo nulla solutio.

Antecedens pr. Cum est huiusmodi duplex cognitio, aut aliqua illis æquiuales, nullus est labor explicare, an quod amamus sit appetibile propter se; atqui multus est labor in quampluribus explicare, num quod amant sit appetibile propter se: ergo cum amamus non est duplex huiusmodi cognitio, aut aliqua illis æquiualens.

Respondeo minorem esse falsam, quia nosse aliquid esse appetibile propter se, nihil est aliud quàm nos experiri illud non appetere propter aliud.

Contrà. Explicare num aliquid sit appetibile propter se, nihil aliud est ex concessis, quàm nos experiri illud non appetere propter aliud; atqui bruta experiuntur se non appetere finem propter aliud: ergo bruta nosse possunt an aliquid sit appetibile propter se.

Minor pr. Nos experiri, non appetere finem propter aliud, nihil est aliud, quàm nos habere actum tendentem in illum finem ordine ad aliud; atqui bruta habent similem actum: ergo bruta experiuntur se non appetere finem propter aliud.

248 TRACT. II. PHYS. DISP. VI.

Solutio : Nos experiri non appetere finem propter aliud, nihil est aliud quàm habere actum tendentem in illum sine ordine ad aliud, ex prasupposita cognitione quod non sit appetibilis propter aliud, Concedo. sine prasuppositione huiusmodi cognitionis, Nego. atqui bruta habent similem actum ex prasupposita cognitione, quod non sit appetibilis propter aliud, Nego. sine prasuppositione huiusmodi cognitionis, Concedo.

Contrà. Cognitio brutorum non repræsentat finem esse appetibilem propter aliud: ergo repræsentat quòd non sit appetibilis propter aliud.

Respondeo falsam esse consequentiam, & ratio est, quia aliud est cognitionem nihil dicere de appetibilitate rei propter aliud, & aliud negare rei appetibilitatem propter aliud. Primum facit cognitio brutorum: secundum cognitio creatura intellectualis, cuius solius consequenter actus dici possunt esse verè, & propriè propter finem.

TERTIA CONCLUSIO:

Actus Dei ad intra non sunt effectus finis.

ILLUD non est effectus finis, quod non est propter finem; atqui actus interni Dei non sunt propter finem: ergo actus Dei ad intra non sunt effectus finis.

Minor pr. Quod non fit propter finem, non est propter finem; atqui actus interni Dei non sūt propter finem: ergo non sunt propter finem.

Minor probatur. Illud non fit propter finem,

quod non est vlllo modo factibile ; atqui actus interni Dei non sunt factibiles : ergo non sunt propter finem.

Minor pr. Illi actus non sunt factibiles, qui habere non possunt causam ; atqui actus interni Dei non possunt habere causam : ergo non sunt factibiles.

Minor pr. Nihil aliud dici potest illorum actuum causa, quam Deus ; atqui Deus non potest esse causa actuum suorum interiorum : ergo actus interni Dei non possunt habere causam.

Minor pr. Causa distingui debet à suo effectu ; atqui Deus non distinguitur à suis actibus internis : ergo Deus esse non potest causa suorum actuum interiorum.

QVARTA CONCLUSIO :

Actus Dei ad extra sunt effectus finis.

ILL v'd est effectus finis, quod fit propter finem ; atqui actus Dei ad extra sunt propter finem : ergo sunt effectus finis.

Minor pr. Actus Dei ad extra sunt res productæ extra Deum ; atqui illæ sunt propter finem : ergo actus Dei ad extra sunt propter finem.

Minor pr. Res productæ extra Deum sunt ex bonitate finis : ergo sunt propter finem.

Antecedens pr. Res productæ extra Deum sunt ex bonitate illa, propter quam factæ sunt à Deo ; atqui Deus fecit illas propter suam bonitatem : ergo sunt ex bonitate finis.

250 TRACT. II. PHYS. DISP. VI.

Minor pr. Omnia propter semetipsum fecit Deus; Prou. 16. vers. 4. sed Deus est ipsa bonitas: ergo Deus fecit illas propter suā bonitatē.

Obijciēs. Quoties actiones externæ agentis intellectualis sunt propter finem, eius aliqui actus interni, electio, scilicet, imperium, atque etiam primus amor sunt propter finem; atqui actus interni Dei ex superiori conclusione non sunt propter finem: ergo neque eius actus ad extra.

Solutio: Atqui *actus interni Dei necessarij non sunt propter finem*, Concedo. *liberi*, Nego.

Contrā. Idē actus Dei necessarij non sunt propter finem, quia sunt ipsemet Deus; atqui etiam actus Dei liberi sunt ipsemet Deus: ergo actus Dei liberi non sunt propter finem.

Solutio: Atqui *etiam actus Dei liberi sunt ipsemet Deus secundum id, quod dicunt in recto*, Concedo. *secundum illud, quod important in obliquo, seu secundum terminationem extrinsecam, & illud extrinsecum per quod completatur*, Nego. ergo *non sunt propter finem secundum rectum*, Concedo. *secundum obliquum*, Nego.

Contrā. Obliquum illud actuum Dei liberorum debet esse vel propter aliquem certum finem tantum, vel indifferenter propter hunc, vel illum modō ex vno, modō ex alio; atqui neutrum dici potest: ergo obliquum actuum Dei liberorum non est propter finem.

Secunda pars minoris probatur.

Nulla potest afferri ratio cur sit potius ex hoc fine, quam ex alio: ergo non est indifferens ut sit modō ex vno, modō ex alio.

Respondeo, *rationem illam esse actionem, quam*

fit respicientem essentialiter non tantum agens, & effectum, sed etiam hunc finem: quem ea non respicit, per quam fit ex alio fine.

Contrà. Negatio combustionis v. g. ab igne Babylonico fuit propter finem aliquem potius, quam propter alium, ex quo poterat esse; atqui hoc non habuit per actionem respicientem hunc finem potius, quam alium: ergo id, per quod obliquum actuum Dei liberorum est propter hunc finem potius, quàm alium, non est actio, per quam fit respiciens essentialiter hunc finem.

Solutio: Atqui hoc non habuit per actionem respicientem hunc finem potius, quàm alium terminatam ad ipsam, Concedo. terminatam ad ignem non elicientem ipsius oppositum in iis circumstantiis, Nego. ergo id, per quod obliquum actuum Dei liberorum est propter hunc finem potius, quam alium, non est actio tantum, per quam ipsum fit, Concedo. per quam ipsum fit aut aliud cum eo connexum, Nego.

Contrà. Pessio quod Deus decreuerit liberè nihil omnino producere ad extra, sic argumentantur,

Negatio in ea suppositione omnis entis creati est obliquum illius actus Dei liberi; atqui non respicit hunc finem potius, quàm alium, neque per actionem terminatam ad ipsam, aut ad aliud cum ea connexum: ergo obliquum actuum Dei liberorum non est propter hunc finem potius, quàm alium per actionem terminatam ad ipsam, aut ad aliud cum ea connexum.

Solutio: Negatio in ea suppositione omnis entis creati est obliquum actus Dei liberi, & est indifferens, ut ad varios fines disjunctivè ordinetur, Ne-

go. & non est indifferens, ut hunc finem potius respiciat, quàm alium, quòd sit aequè utilis ad omnes, & per illam unus obtineri non possit quin aliæ etiam omnes obtineantur, Concedo. ergo obliquum actuum Dei liberorum non est indifferens, ut sit propter hunc finem potius quàm alium, neque per actionem terminatam ad ipsam, neque ad aliud cum ea connexum cum non est indifferens, ut sit propter varios, Concedo. cum est ad hoc indifferens, Nego.

Contrà Obliquum illud actuum Dei liberorum: est actio externa Dei; atqui actio externa Dei non respicit hunc finem potius, quàm alium: ergo obliquum actuum Dei liberorū non est indifferens, ut respiciat hunc finem potius, quàm aliū.

Minor pr. Non magis actio externa Dei debet dici respicere finem, quàm actio externa hominis: atqui actio externa hominis non respicit finem: ergo neque actio externa Dei.

Solutio: Neganda est maior. Disparitas est, quia: actio illa externa Dei determinat immediatè indifferentiam voluntatis diuinæ, non verò actio externa hominis; sed volitio à qua imperatur, quæ cum sit immediatum determinatiuum indifferentiæ nostræ voluntatis, ut ponatur hac actio propter hunc finem potius, quàm alium, essentialiter illum respicit.

Contrà Nihil volitionis diuinæ debet dici respicere hunc potius finem, quàm alium; atqui actio illa externa est aliquid volitionis diuinæ: ergo non magis actio externa Dei debet dici respicere finem; quàm actio nostra externa.

Maior pr. Hic finis potius, quàm alius est aliqua

bonitas creata; atqui nihil volitionis diuinæ respicit bonitatem creatam: ergo nihil volitionis diuinæ debet dici respicere hunc potius finem quàm alium.

Minor pr. Id quod respicit volitio vt finem est eius obiectum formale: atqui bonitas creata nō est obiectū formale volitionis diuinæ: ergo nihil volitionis diuinæ respicit bonitatē creatam.

Minor pr. Obiectum formale tribuit speciem volitioni: atqui bonitas creata non tribuit speciem volitioni diuinæ: ergo bonitas creata non est obiectum formale illius.

Solutio: Obiectum formale tribuit speciem volitioni per veram causalitatem, vel per solam terminationem. Concedo. per solam veram causalitatem, & efficientiam, Nego. atqui bonitas creata non tribuit speciem volitioni diuinæ per veram causalitatem: transeat, hoc enim falsum est de libera, qua cum sit saltem ex parte, aliquid extra Deum eatenus habere potest veram causalitatem: per terminationem extrinsecam, Nego.

Contrà. Quod tribuit speciem alteri etiam per terminationem est æquè necessarium, ac ipsum, atqui bonitas creata non est æquè necessaria; ac volitio diuina: ergo bonitas creata non tribuit speciem volitioni diuinæ etiā per terminationē.

Solutio: Atqui bonitas creata existens non est æquè necessaria, ac volitio diuina necessaria, Concedo. libera, Nego. aut bonitas creata possibilis non est æquè necessaria ac volitio diuina etiam necessaria, Nego. tam enim implicat esse omnipotentiam, omniscentiam, & complacentiam circa possibilia ipsis factū impossibilibus; quàm è

contra ista esse possibilia illis impossibilibus: bonitas creata existens, Concedo, ergo bonitas creata non tribuit speciem volitioni usuique etiam per terminationem ut existens, Concedo. ut possibilia, Nego.

QVINTA CONCLVSIO:

Causalitas finis respectu actuum elicitorum voluntatis est actio, qua illi fiunt dependenter a fine.

ILLVD est causalitas finis respectu huiusmodi actuum, quo posito illos actu causat; sed posita illa actione finis illos actu causat: ergo causalitas finis respectu actuum elicitorum voluntatis est actio, qua illi fiunt dependenter a fine.

Maior pr. Illo posito finis causat illos actus, quo posito illi fiunt ex bonitate illius; atqui posita illa actione fiunt ex bonitate illius: ergo posita illa actione finis illos causat.

Minor pr. Illo posito illi actus fiunt ex bonitate finis, quod cum est fiunt dependenter ab illo; atqui posita actione fiunt dependenter a fine: ergo & ex bonitate illius.

CONCLVSIO SEXTA:

Causalitas finis respectu mediorum est actio, qua illa executioni mandantur ex intentione finis.

ILLVD est causalitas finis respectu mediorum, quo posito finis actu causat media; sed po-

fitâ actione, quâ illa executioni mandantur ex intentione finis causantur à fine : ergo causalitas finis respectu mediorum est actio, quâ illa executioni mandantur ex intentione finis.

Minor pr. Illo posito media actu causantur à fine, quo posito fiunt ex bonitate finis ; atqui positâ illâ actione fiunt ex bonitate finis : ergo positâ actione, quâ illa executioni mandantur ex intentione finis causantur à fine.

Major pr. Illo posito fiunt ex bonitate, quo posito fiunt ex intentione finis ; atqui positâ illâ actione fiunt ex intentione finis : ergo positâ illâ actione fiunt ex bonitate finis.

Obijcitur. Illud non est causalitas finis respectu mediorum, quo posito finis actu illa non causat ; atqui positâ actione quâ illa executioni mandantur ex intentione finis, finis illa actu non causat : ergo hæc actio non est causalitas respectu illorum.

Minor pr. Finis est v. g. sanitas ; atqui actio, qua media executioni mandantur ex intentione illius, illam non constituit causantem actu illa media : ergo positâ actione, quâ illa executioni mandantur ex intentione finis, finis illa actu non causat.

Minor pr. Media illa sunt deambulatio v. g. atqui actio, quâ executioni mandatur deambulatio ex intentione sanitatis non constituit illam actu causantem : ergo actio, qua media executioni mandantur ex intentione sanitatis non constituit illam actu causantem.

Minor pr. Deambulatio causari potest, & de facto causatur à recreatione : ergo actio quâ

256 TRACT. II. PHYS. DISP. VII

executioni mandatur non constituit actu causantem sanitatem.

Consequentia pr. Non constituit sanitatem, & recreationem actu causantes; atqui ex concessis constituit recreationem actu causantem: ergo non constituit simul sanitatem actu causantem.

Minor pr. Vel constituit sanitatem, & recreationem actu causantes tanquam causas totales, vel tanquam causas partiales; sed neutrum dici potest: ergo non constituit illas simul actu causantes.

Respondeo, *constitui causantes tanquam causas totales.*

Obijcies. Causæ totales habere debent causalitates distinctas; atqui actio, quæ executioni mandatur deambulatio, est vna tantum entitas: ergo non constituit sanitatem, & recreationem actu causantes tanquam causas totales.

Solutio: *Causa totales physica, & reales habent causalitates omnino distinctas, Concedo. causa intentionales, Nego. & concessâ minori distinguo consequens: ergo non constituit sanitatem, & recreationem actu causantes tanquam causas totales physicas, Concedo. intentionales, Nego. Addi posset actionem, quæ executioni mandatur deambulatio, quatenus dicit intentionem, ex qua ponitur sanitatis scilicet, & recreationis non esse eandem planè; in quantum enim recreatio distinguitur à sanitate, in tantum illa actio ex intentione sanitatis est diversa à se ipsa, ex intentione recreationis.*

SEPTIMA CONCLUSIO:

Finis non est causa physica.

ILLUD non est causa physica, quod non requirit existentiam ad causandum; atqui finis non requirit existentiam ad causandum: ergo finis non est causa physica.

Minor pr. Quod non existens causat non requirit existentiam ad causandum; atqui finis non existens causat: ergo non requirit existentiam ad causandum.

Minor pr. Sanitas est finis; atqui sanitas non existens causat: ergo & finis.

Minor pr. Quod non existens mouet ad summptionem medicinæ non existens causat; atqui sanitas non existens mouet ægrotum ad summptionem medicinæ: ergo non existens causat.

Minor pr. Sanitas mouens ægrotum ad summptionem medicinæ non potest in alio dici existens quàm in ipso; atqui in ipso non existit: ergo sanitas non existens mouet ad summptionem medicinæ.

Minor pr. In eo sanitas non existit, in quo existit morbus; atqui in ægroto existit morbus: ergo in eo non est sanitas.

Obijciunt Illud est causa physica, quod habet veram, & physicam causalitatem; atqui finis habet veram, & physicam causalitatem: ergo est causa physica.

Solutio: Illud est causa physica, quod habet physicam causalitatem pendentem ab ipso per physicum influxum, Concedo. pendentem tantum;

258 TRACT. II. PHYS. DISP. VI:
*ab ipso intentionaliter, Nego. atqui finis habet
veram, & physicam causalitatem pendentem ab
ipso per physicum influxum, Nego. pendentem
tantum ab ipso intentionaliter, Concedo.*

*Contrà. Finis habet causalitatem physicam
pendentem à se per physicum influxum: ergo
nulla solutio.*

*Antecedens pr. Illud habet causalitatem phy-
sicam pendentem à se per physicum influxum, à
quo huiusmodi causalitas realiter pendet; atqui
causalitas physica agentis realiter pendet à fine:
ergo finis habet causalitatem physicam pen-
dentem à se per physicum influxum.*

*Solutio: Illud habet causalitatem physicam
pendentem à se per physicum influxum à quo hu-
iusmodi causalitas pendet realiter physicè, Con-
cedo. realiter intentionaliter, Nego. atqui cau-
salitas physica agentis pendet realiter intentiona-
liter à fine, Concedo. realiter physicè, Nego.*

*Contrà. Ab eo causalitas physica agentis pen-
det realiter physicè, quod verè, & realiter mo-
uet voluntatem; atqui finis verè, & realiter mo-
uet voluntatem: ergo ab eo causalitas agentis
pendet realiter physicè.*

*Solutio: Ab eo causalitas physica agentis pendet
realiter physicè, quod mouet voluntatem verè, &
realiter physicè, Concedo. intentionaliter tantum,
Nego. atqui finis verè & realiter physicè mouet
voluntatem; Nego. intentionaliter, Concedo.
Mouere physicè voluntatem est aliquid in illa per
efficientiam veram producere, mouere verò illam
intentionaliter est tantum esse obiectum alicuius
actus ab ipsa elicitum, qui deinde efficiat, ut aliquid
faciat ab agente ad obtinendum illud obiectum.*



TRACTATUS III.


DE AFFECTIIONIBVS

rerum naturalium.



ERTVM est explicationem principiorum, & causarum rei alicuius iuuare plurimum ad eius cognitionem. Hanc autem esse non posse omninò perfectam sine declaratione affectionum ipsius. cùm nemini dubium sit. Explanationi principiorum, & causarum rerum naturalium, quam huc vsq; tradidimus subiungam breuiter disputationes quinque aut sex de earum affectionibus, inter quas cùm motus teneat primum locum, vtpote per quem definiatur natura, abs re non erit ab illo incipere. Quare sit.





DISPUTATIO I.

De Motu.

SECTIO PRIMA.

Quid sit mutatio & motus, quis huius terminus, & quanam inter utrumque distinctio.

PRIMA CONCLUSIO :

Mutatio genericè sumpta rectè dicitur & quidem sola transitus subiecti præexistentis ab vno statu in oppositum.



PRIMA pars probatur

Id, per quod subiectum aliter se habet, ac antè, rectè dicitur transitus subiecti præexistentis ab vno statu in oppositum; atqui per mutationem subiectum aliter se habet, ac antè: ergo mutatio rectè dicitur transitus subiecti præexistentis ex vno statu in oppositum.

Minor pr Per illud subiectum se aliter habet, ac antè, per quod; aut habet aliquid, quo antea carebat, aut caret aliquo, quod antea habebat; atqui per mutationem habet aliquid, quo antea

carebat, aut caret aliquo, quod antea habebat: ergo aliter se habet ac antè.

Minor pr. Subiectum habet aliquid, quo antea carebat cùm acquirit formam nouam, & caret aliquo quod antea habebat cùm amittit veterem; atqui acquirit nouam, & deperdit veterem per mutationem: ergo subiectum per mutationem habet aliquid, quo antea carebat, aut caret aliquo, quod antea habebat.

Secunda pars conclusionis, quòd nihil aliud sit transitus subiecti præexistentis, ab uno statu in oppositum, probatur.

Alia, quæ dici possent transitus subiecti præexistentis ab vno statu in oppositum, sunt actiones ex non subiecto, aut actiones ex subiecto, nō præexistente tempore; sed hoc non conuenit illis: ergo sola mutatio est transitus subiecti ab vno statu in oppositum.

Minor pr. Hoc nō conuenit illis, quæ non trāsferunt suum subiectum ab vno statu in oppositum; atqui allatæ actiones id non faciunt: ergo non conuenit illis.

Minor pr. Illæ actiones hoc non faciunt, quæ aut non habent subiectū, aut illud non inueniunt sub statu opposito illi, quem illi dant; atqui allatæ actiones, aut non habent subiectum, aut non inueniunt illud sub statu opposito illi, quem illi dant: ergo allatæ actiones hoc non faciunt.

Minor pr. Actiones ex non subiecto non habent subiectum, & actiones ex subiecto non præexistente tempore, non inueniunt illud sub statu opposito illi, quem illi dant: ergo allatæ actiones, aut non habent subiectum, aut non

inueniunt illud sub statu opposito illi, quem illi dant.

Prima pars minoris est clara, & secunda probatur.

Cum actio est cum primum est subiectum ipsius, non inuenit illud sub statu opposito illi, quē illi dat; atqui actio est cum primo est subiectū, quod non præcedit illam tempore: ergo actiones ex subiecto non præexistente tempore non inueniunt illud sub statu opposito illi, quē illi dant.

Obijcies. Mutatio instantanea non est transitus subiecti ex vno statu in oppositum: ergo mutatio genericè sumpta non est transitus subiecti ab vno statu in oppositum.

Antecedens pr. Illa mutatio, non est transitus subiecti ab vno statu in oppositum, quæ non est successiua; atqui mutatio instantanea non est successiua: ergo non est transitus subiecti ab vno statu in oppositum.

Solutio: illa mutatio non est transitus subiecti ab vno statu in oppositum, quæ non est successiua, hoc est includens successionem statuum oppositorum, Concedo. hoc est includens successionem mutationum Nego. Atqui mutatio instantanea non est successiua, hoc est includens successionem statuum oppositorum, Nego. successionem mutationum, Concedo.

Contrà. Quod consistit in positione termini ad quem, non includit successionem statuum oppositorum; atqui mutatio instantanea consistit in positione termini ad quem: ergo mutatio instantanea, non includit successionem statuum oppositorum.

Solutio : *Quod consistit adequatè in positione termini ad quem , non includit successionem statuum oppositorum , Concedo. quod non consistit in ea adequatè , sed tantum inadquatè , Nego. Atqui mutatio instantanea consistit in positione termini ad quem adequatè , Nego. inadquatè. Concedo. Include enim præter acquisitionem termini ad quem desitionem termini à quo.*

SECUNDA CONCLUSIO:

Definitio motus actus entis in potentia, prout in potentia, convenit motui propriè dicto, & mutationi strictè sumptæ, prout diversimodè explicatur.

ILLA definitio potest ita explicari, vt sensus illius sit motum esse productionem formæ in subiecto illa carente, aut esse productionem formæ in subiecto partim illam habente, partim non habente, sed immediatè post habituro; atqui iuxta primam explicationem convenit mutationi strictè sumptæ, & iuxta secundam motui propriè dicto: ergo definitio motus actus entis in potentia, prout in potentia, convenit motui propriè dicto, & mutationi strictè sumptæ.

Obijcies. Ist. definitio actus entis in potentia, prout in potentia, quomodocunque explicetur non convenit soli motui propriè dicto: ergo non est eius definitio.

Antecedens pr. Acquisitio ubi permanentis in

264 TRACT. III. PHYS. DISP. I.

corpore non est motus; atqui hæc definitio conuenit illi: ergo ista definitio quomodocunque explicetur, non conuenit soli motui propriè dicto.

Solutio: Atqui hæc definitio conuenit illi intellecta iuxta primam explicationem, Concedo. iuxta secundam, Nego. & eodem modo distinguendum est consequens.

Contrà. Iuxta secundam explicationem intellecta non conuenit omni motui: ergo nulla solutio.

Antecedens pr. Motus adæquatè sumptus est verus motus; sed non conuenit illi: ergo iuxta secundam explicationem, non conuenit omni motui.

Solutio: Motus adæquatè sumptus est verus motus in fieri, Nego. in facto esse, Concedo. & concessa minori: ergo non conuenit omni motui in fieri, Nego. in facto esse, Concedo. Ratio est, quia motus adæquatè sumptus, non constituit sum subiectum in potentia ad ulteriorem formam mox habituram prout facit motus in fieri, seu dum fit.

TERTIA CONCLUSIO:

Datur motus ad quantitatem, qualitatem, & ubi.

Ad illa datur motus, quæ debent produci successiue, aut acquiri; atqui quantitas acquiri debet successiue, qualitas, & ubi produci successiue: ergo datur motus ad quantitatem, qualitatem, & ubi.

Prima

Prima pars minoris probatur.

Illud acquiri debet successivè, cuius vna pars acquiri debet ante aliam; atqui vna pars quantitatis acquiri debet ante aliam: ergo quantitas acquiri debet successivè.

Minor pr. Eo modo acquiruntur partes quantitatis, quo disponuntur; atqui vna pars priùs disponitur quàm alia: ergo vna pars acquiri debet ante aliam.

Minor. pr. Eo modo disponuntur partes quantitatis, quo agens illis applicatur, & in illas agit: atqui priùs applicatur vni: quàm aliis: ergo vna priùs disponitur, quàm alia.

Minor pr. Agens priùs applicatur viciniore, quàm remotiori, & priùs agit in viciniorem, quàm in remotiorem: ergo priùs applicatur vni, quàm aliis.

Secunda pars minoris superioris argumenti, qualitatem produci successivè, probatur.

Illa forma produci debet successivè, quæ habet contrarium; atqui qualitas habet contrarium: ergo debet produci successivè.

Maior pr. Eo modo forma, quæ habet contrarium produci debet, quo istud destruitur; atqui istud destruitur tantùm successivè: ergo forma, quæ habet contrarium produci debet successivè.

Probatur primò maior.

Subiectum non plus acquirit vnius contrarij, quàm deperdat alterius: ergo eo modo forma, quæ habet contrarium produci debet, quo istud destruitur.

Probatur secundo minor prioris argumenti.

Illud destruitur tantùm successivè, quod non

266 TRACT. III. PHYS. DISP. I.

perit totum statim, ac ei applicatur, & in ipsum pugnat agens inimicum; atqui contrarium non perit totum statim, ac ei applicatur, & in ipsum pugnat agens inimicum: ergo contrarium destruitur tantum successivè.

Minor pr. Agens inimicum frigori esistenti in aqua est ignis; atqui frigus aquæ non perit totum, cum ei primò applicatur ignis teste experientia: ergo contrarium non perit totum statim, ac ei applicatur agens inimicum.

Tertia pars minoris primi argumenti, ubi produci successivè probatur.

Illud producitur successivè, quod non producitur totum simul; atqui ubi non producitur totum simul: ergo producitur successivè.

Minor pr. Vbi corporum non potest produci totum simul, quin eius subiectum sit simul in pluribus locis, atqui non potest esse in pluribus locis simul: ergo ubi corporum non potest produci totum simul.

Maiores probatur. Vbi corporum, per quod moventur est multiplex: atqui corpus non potest habere multiplex ubi, quin sit in pluribus locis: ergo ubi corporum non potest produci totum simul, quin eius subiectum sit simul in pluribus locis.

Maiores pr. Illud ubi est multiplex, per quod eius subiectum correspondet maiori spatio nulla facta rarefactione; atqui corpus, quod movetur correspondet maiori spatio: ergo ubi, quod in eo habet, & in eo movetur est multiplex.

Obiicitur. Non datur motus ad id, cuius subiectum non manet idem sub utroque termino;

atqui subiectum quantitatis non manet idem sub utroque termino : ergo non datur motus ad quantitatem.

Solutio : Non datur motus ad id, cuius subiectum non manet sub utroque termino idem essentialiter, Concedo. idem entitatiuè, & integraliter, Nego. atqui subiectum augmentationis non manet sub utroque termino idem essentialiter, Nego. integraliter, Concedo.

Contrà. Quod non manet idem integraliter immutatur ; atqui motus non debet immutare suum subiectum : ergo non datur motus ad id, cuius subiectum non manet idem integraliter.

Minor pr. Motus localis corporis est verus motus ; atqui non immutat suum subiectum : ergo motus non debet immutare suum subiectum.

Solutio : Atqui motus localis non immutat suum subiectum sensibiliter valde, vel non ita sensibiliter, Nego. sensibiliter valde semper, Concedo. ergo motus non immutat suum subiectum semper ita sensibiliter, Concedo. nullo modo sensibiliter, Nego.

Contrà. Non magis datur motus ad vbi non ita sensibiliter immutans suum subiectum, quàm ad qualitatem, quæ illud sensibiliter immutat ; atqui non datur motus ad qualitatem : ergo neque ad vbi quantumuis non ita sensibiliter immutet suum subiectum.

Minor pr. Non potest dari motus ad qualitatem, nisi per se, vel per accidens ; atqui non datur motus ad qualitatem neque per se, neque per accidens : ergo non datur motus ad qualitatem

268 TRACT. III. PHYS. DISP. I.

Prima pars minoris probatur.

Ad illud non datur per se motus, ad quod non datur necessariò; atqui ad nullam qualitatem datur necessariò motus: ergo non datur per se motus ad aliquam qualitatem.

Minor probatur. Ad illud non datur necessariò motus, quod non fit necessariò successivè; atqui nulla qualitas fit necessariò successivè: ergo ad nullam qualitatem datur necessariò motus.

Minor pr. Illud non fit necessariò successivè quod potest fieri simultaneè; atqui omnis qualitas potest fieri simultaneè: ergo nulla qualitas fit necessariò successivè.

Minor pr. Non potest afferri alia ratio, cur qualitas fieri non possit simultaneè, quàm existentia contrarij in subiecto, aut non applicatio virtutis infinitæ ad illud introducendum in illud subiectum; atqui non est necessarium, ut contrarium sit in subiecto, aut non applicetur virtus infinita ad illam introducendam: ergo omnis qualitas fit simultaneè.

Solutio: Atqui non est necessarium ut contrarium sit in subiecto, aut non applicetur virtus infinita, ad illam introducendam absolute loquendo. Concedo. *spektato ordine statuto in rerum natura*, Nego. ergo omnis qualitas fieri potest simultaneè de potentia Dei absoluta, Concedo. *spektato ordine statuto in rerum natura*, Nego. Verum quidem est Deum posse per suam omnipotentiam efficere si velit, ut non sit contrarium fortius in subiecto, in quod induci debet calor, aut etiam si sit ut vincatur statim, & simul totum ab

agente virtutis infinita, quod potest producere: non tamen si habere velis rationem ordinis à se statuti in rerum natura, qui petit ut quantum deest unius contrarij in subiecto tantundem sit alterius, & ne detur agens infinita virtutis, cui nihil possit resistere.

CONCLUSIO QUARTA:

Motus distinguitur modaliter à suo termino intrinseco.

MOTVS est vel augmentatiuus, vel alteratiuus, vel localis; atqui & augmentatiuus, & alteratiuus, & localis distinguuntur modaliter à suis terminis intrinsecis: ergo motus distinguitur modaliter à suo termino intrinseco.

Dua prima partes minoris sunt clara, & probatur tertia.

Terminus intrinsecus motus localis est vbi fluens; atqui motus distinguitur modaliter ab vbi fluente: ergo & à suo termino intrinseco.

Minor pr. Motus est actio, per quam fit illud vbi fluens; atqui illa actio distinguitur ab illo vbi fluente: ergo & motus.

Minor pr. Effectus, qui fieri potest à varijs causis distinguitur ab actione, per quam fit; atqui vbi fluens fieri potest à varijs causis: ergo actio per quam fit distinguitur ab illo.

Minor pr. Vbi fluens fieri potest à Deo solo, vel à Deo, & causa secunda: ergo fieri potest à varijs causis.

Antecedens pr. Non est aliud vbi fluens rei moventis seipsam in eodem spatio & motæ ab alio:

M. iij.

270 TRACT. III. PHYS. DISP. I.
ergo. vbi fluens fieri potest à Deo solo, vel à
Deo & causa secunda.

QVINTA CONCLUSIO:

Motus est idem realiter cum actione.

PASSIO est idem realiter cum actione; at-
qui motus est idem realiter cum passione: ergo
etiam est idem realiter cum actione.

Minor pr. Motus est id, per quod subiectum
recipit formam; atqui id per quod subiectum
recipit formam est passio: ergo motus, & pas-
sio sunt idem.

SEXTA CONCLUSIO:

*Motus distinguitur formaliter ab actione,
& passione.*

ILLA distinguuntur formaliter, quorum sunt
diuersi conceptus: atqui sunt diuersi conceptus
actionis, passionis, & motus: ergo distinguun-
tur formaliter.

Minor pr. Conceptus actionis explicat illam
in ordine ad agens, conceptus passionis expli-
cat illam in ordine ad subiectum, & conceptus
motus illum explicat in ordine ad terminum,
aut ad subiectum præexistens: atqui illi tres
conceptus vt patet sunt diuersi: ergo & illi
actionis, passionis, & motus.

SECTIO II.

De successione, continuitate, specificatione, & contrarietate motus.

CONCLUSIO PRIMA:

Motus formaliter sumptus est essentialiter successivus.

IL L V D est essentialiter successivum de cuius essentia est successio: atqui successio est de essentia motus formaliter sumpti: ergo motus formaliter sumptus est essentialiter successivus.

Minor pr. Illud est de essentia motus formaliter sumpti, quod distinguit illū essentialiter ab alijs actionibus, quæ non sunt motus formaliter sumptus: atqui successio distinguit essentialiter motum formaliter sumptū ab alijs actionibus, quæ nō sunt motus formaliter sumptus: ergo successio est de essentia motus formaliter sumpti.

Minor pr. Aliæ actiones, quæ non sunt motus formaliter sumptus sunt mutationes instantaneæ: atqui successio distinguit essentialiter motum à mutationibus instantaneis: ergo successio distinguit essentialiter motum ab alijs actionibus, quæ non sunt motus formaliter sumptus.

Minor pr. Illud distinguit essentialiter motum formaliter sumptū à mutationibus instantaneis quod est primum in illo, & non convenit mutationibus instantaneis: atqui successio est primū in motu formaliter sumpto, & non cōvenit mutationibus instātaneis: ergo successio distinguit

272 TRACT. III. PHYS. DISP. I.

essentialiter motum formaliter sumptum à mutationibus instantaneis.

Obicitur. Successio non est de essentia motus formaliter sumpti: ergo motus formaliter sumptus non est essentialiter successivus.

Illud non est de essentia motus, quo sublato ipse manet; atqui sublata successione manet motus: ergo successio non est de essentia motus.

Solutio: Atqui sublata successione manet motus formaliter sumptus, Nego. materialiter sumptus, Concedo. ergo successio non est de essentia motus formaliter sumpti, Nego. materialiter sumpti, Concedo.

Contrà Motus manet formaliter sumptus sublato eo, quod nihil est illius; atqui successio nihil est motus formaliter sumpti: ergo sublata successione manet motus formaliter sumptus.

Minor pr. Negatio nihil est motus formaliter sumpti; atqui successio est negatio: ergo successio nihil est motus formaliter sumpti.

Maior pr. Negatio nihil est entis positivi; atqui motus formaliter sumptus est positivus: ergo negatio nihil est motus.

Solutio: Negatio nihil est entis adequatè positivi, Concedo. partim positivi, partim negativi, Nego. atqui motus formaliter sumptus est adequatè positivus, Nego. partim positivus, & partim negativus, Concedo. Includit enim terminum à quo, & ad quem, quorum unus est negatio alterius.

SECUNDA CONCLUSIO:

Motus est essentialiter continuus.

ILLUD est essentialiter continuum de cuius es-

sentia est continuitas; atqui continuitas est de essentia motus: ergo motus est essentialiter continuus.

Minor pr. De illius essentia est continuitas, de cuius essentia est successio; atqui successio est de essentia motus: ergo & continuitas.

Maior pr. Continuitas est de essentia successionis: ergo de illius essentia est continuitas, de cuius essentia est successio.

Antecedens pr. Continuitas, & non interruptio sunt idem; atqui non interruptio est de essentia successionis: ergo & continuitas.

Obijciatur. Illud nō est essentialiter continuū, quod est tantūm continuum per accidens; atqui motus ex Aristotele est tantūm continuus per accidens: ergo non est essentialiter continuus.

Solutio: Atqui motus ex Aristotele est tantūm continuus per accidens continuitate quantitativa seu subiecti. Concedo. continuitate entitativa petita ex successione partium aliarum aliis, Nego. ergo non est essentialiter continuus continuitate quantitativa, Concedo. entitativa, Nego.

Contrā. Illud non est continuum continuitate petita ex successione partium aliarum aliis, quod non habet huiusmodi successionem; atqui motus nullam habet successionem partium: ergo motus non est continuus continuitate entitativa petita ex successione partiū aliarū aliis.

Minor pr. Motus est acquisitio formæ ut sic, atqui acquisitio formæ ut sic non est continua continuitate petita ex successione partiū aliarū aliis: ergo motus non habet successionē partiū.

Solutio: Neganda est maior. Ratio est, quia motus

tus non est quacunque acquisitio forma, sed tantum ea, qua est successiva, qualis non est acquisitio forma ut sic.

TERTIA CONCLUSIO:

Continuitas motus non est positiva.

Continuitas positiva est realis unio partium rei cōtinuæ; atqui nō est realis unio inter partes motus: ergo continuitas motus non est positiva.

Minor pr. Inter illa non est realis unio; quæ simul non existunt; atqui partes motus non existunt simul: ergo non est realis unio inter partes motus.

Minor pr. Partes motus sunt præsentēs, præteritæ, & futuræ; atqui illæ non existunt simul: ergo neque partes motus.

Minor pr. Quod fuit, aut nondum est non existit simul cum eo, quod de facto est; atqui partes præteritæ motus fuere, futuræ nondum sunt, & præsentēs de facto sunt: ergo partes motus præteritæ, præsentēs, & futuræ non existunt simul.

Obijciunt. Continuitas motus non est negatiua: ergo est positiva.

Antecedens pr. Cōtinuitas motus est vera cōtinuitas; atqui continuitas negatiua non est cōtinuitas: ergo cōtinuitas motus nō est negatiua.

Solutio: Continuitas motus est vera cōtinuitas tota positiva. Nego. partim negatiua, & partim positiva. Concedo. atqui continuitas partim negatiua non est tota positiva. Concedo. partim positiva, & partim negatiua. Nego.

Cont. à. Continuitas partim negatiua nullo modo est continuitas: ergo nulla solutio.

Antecedens pr. Continuitas illa negatiua nihil est aliud, quam non interruptio partium tendentium ad eundem specie terminum; atqui illa non interruptio nullo modo est cotinuitas: ergo continuitas partim negatiua nullo modo est continuitas.

Respondeo negando minorem. Ratio negati est, quia quoties partes tendentes ad eundem specie terminum succedunt alia aliis sine interruptione, verè continuantur, seu non interrumpuntur cuius solius continuitatis sunt capaces.

Q V A R T A C O N C L U S I O :

Motus specificatur ab agente, subiecto, & termino.

Ab eo motus specificatur per quod distinguitur ab aliis; atqui per agens, subiectum & terminum distinguitur ab aliis: ergo motus specificatur ab agente, subiecto, & termino.

Minor pr. Motus distinguitur per illud, quod est illi essenziale, & nō conuenit aliis: atqui ordo ad subiectum, agens, & terminum est illi essentialis & non conuenit aliis: ergo motus distinguitur ab aliis per agens subiectum, & terminum.

Minor pr. Ei quod est modus, est essentialis ordo ad suum modificatum; atqui motus est modus agentis, subiecti & termini: ergo ordo ad illa est illi essentialis.

Q V I N T A C O N C L U S I O :

Motus specificatur tantum ab agente, subiecto, & termino secundum speciem sumptis.

Motus non specificatur ab agente, subiecto,

276 TRACT. III. PHYS. DISP. I.

& termino in indiuiduo sumptis: ergo specificatur tantum ab illis secundum speciem sumptis.

Antecedens pr. Non magis motus specificatur ab agente, subiecto, & termino in indiuiduo sumptis; quam vnio à suis extremis; atqui vnio non specificatur à suis extremis in indiuiduo sumptis: ergo neque motus.

Mayor probatur primò.

Modi eadem planè ratione specificatur à suis modificatis; atqui motus est modus æquè ac vnio, & eius modificata sunt agens, subiectum, & terminus: ergo motus non magis specificatur ab agente, subiecto, & termino in indiuiduo sumptis, quam vnio à suis extremis.

Probatur secundò minor prioris argumenti.

Vnio humana non specificatur à suis extremis in indiuiduo sumptis: ergo neque vlla alia.

Antecedens pr. Extrema vnionis humanæ in indiuiduo sumpta sunt corpus, & anima Petri v. g. & corpus, & anima Pauli; atqui vnio humana non specificatur ab illis: ergo neque à suis extremis in indiuiduo sumptis.

Minor pr. Vnio humana non specificatur ab illis, quæ non faciunt illā esse diuersæ speciei; atqui corpus, & anima Petri, & corpus, & anima Pauli non faciunt vt vniones, quæ sunt inter illa, sint diuersæ speciei: ergo vnio humana non specificatur à corpore, & anima Petri, & corpore & anima Pauli.

Minor pr. Vniones humanæ sunt omnes eiusdē speciei: ergo corpus, & anima Petri, & corpus, & anima Pauli non faciunt vt vniones, quæ sunt inter illa, sint diuersæ speciei.

Antecedens pr. Vniones humanæ tales debent esse, quales requiruntur, vt omnes homines possint dici nō differre specie & esse eiusdem planè speciei; atqui vt homines dici possint verè non differre specie, & esse eiusdem speciei, omnes vniones humanæ debent esse eiusdem speciei: ergo omnes vniones humanæ debent esse eiusdem speciei.

Minor pr. Vt duo sint eiusdem speciei, ea quæ sunt ipsis essentialia debent esse eiusdem speciei: atqui vniones humanæ sunt pars essentia hominum: ergo vt homines possint dici eiusdem speciei, vniones humanæ debent esse eiusdem speciei.

Maior pr. Vt duo sint eiusdem speciei, debent non differre in aliquo ipsis essentiali; atqui cum ea, quæ sunt ipsis essentialia non sunt eiusdem speciei, differunt in aliquo essentiali: ergo vt duo sint eiusdem speciei ea, quæ sunt ipsis essentialia debent esse eiusdem speciei.

Obiicitur. Motus qui habent subiectum, agens, & terminū individualiter distincta distinguuntur specie: ergo motus specificantur ab agente, subiecto, & termino in indiuiduo sumptis.

Antecedens probatur. Illi motus differunt specie, qui differunt plusquam numero; atqui motus qui habent diuersam agens, subiectum, & terminum individualiter sumpta differunt plusquam numero: ergo & specie.

Solutio: Illi motus differunt specie, qui differunt plusquam numero differentia notabili, Concedo. differentia non notabili, Nego. atqui motus qui differunt specie, differunt plusquam numero

278 TRACT. III. PHYS. DISP. I.

differentia non notabili, Cōcedo. *notabilis*, Nego.

Contrà. Quæ differunt essentia differunt specie; atqui quæ differunt plusquam numero differentia etiam non notabili, differunt essentia: ergo & specie.

Solutio: *Qua differunt essentia specifica differunt specie*, Cōcedo. *essentia tantum numerica*, Nego. atqui *qua differunt plusquam numero differentia etiam non notabili*, differunt essentia numerica, vel specifica, Cōcedo. *specifica tantum*, Nego.

Contrà. Differentia specifica debet esse certa; atqui posito quòd non sit illa, quæ est plusquam numerica non potest esse certa: ergo differentia specifica debet esse ea, quæ est plusquam numerica.

Minor pr. Differentia specifica non potest esse certa, cum nō est certa notabilitas, quam habere debet supra numericam; atqui notabilitas illa non potest esse certa: ergo differentia specifica alia ab ea, quæ est plusquam numerica, non potest esse certa.

Minor pr. Notabilitas illa non potest esse certa sine certa regula determināte, quantum debeat habere supra numericam ut sit notabilis, atqui nulla assignari potest certa regula quæ hoc definiat: ergo notabilitas illa non potest esse certa.

Minor pr. Regula illa non potest esse nisi iudicium prudentum; atqui iudicium prudentum non potest facere certam illam regulam: ergo nulla assignari potest certa regula.

Minor pr. Certa regula alicuius rei debet esse una; atqui iudicium prudentum non est unum;

sed multiplex: ergo non potest facere illam certam regulam.

Solutio: Atqui iudicium prudentum quod communius est in ista materia non est unum, sed multiplex, Nego. quod non est communius, & magis uniuersale; Concedo. ergo quod non est magis commune non potest facere illam certam regulam. Concedo. quod est magis commune, Nego. Cum enim vera significatio vocis ea haberi debeat, pro qua communius usurpari solet: illa importata per differentiam specificam, non debet censi alia ab ea, pro qua eam usurpant communius auctores.

Contrà. Prudentes diuersa sentientes in hac materia possunt esse in æquali numero: ergo iudicium prudentum non potest dici vnum, quia est communius.

Solutio: Prudentes æqualis meriti, & auctoritatis possunt esse physicè in æquali numero, Concedo. moraliter prout nunc res se habent, Nego. qui enim uni multum probatur apud alios vilescit. Data tamen æqualitate illa prudentium diuersa sentientium, liberum esset propendere in quam vellemus partem, qua semel electa semper nobis esset una, & constans regula. Atque ita etiam in ea casu extraordinario, non careret qui vellet regula una, & certa, licet non eadem, ac illa qua vii. posset alius, qui inclinaret in contrariam partem.

SEXTA CONCLUSIO:

Ad unitatem numericam motus requiritur unitas numerica agentis, subiecti, & termini ad quem, & continuïtas temporis.

PROBANTUR tres primæ partes.

Illud requiritur ad unitatem numericam motus, sine quo non potest esse vnus numero motus; atqui sine unitate numerica agentis, subiecti, & termini non potest esse vnus numero motus: ergo ad unitatem numericam motus requiritur unitas numerica agentis, subiecti, & termini.

Minor pr. Quod est essentialiter alligatum huic numero agentis, subiecto, & termino esse non potest sine unitate numerica agentis, subiecti, & termini; atqui motus est essentialiter alligatus huic numero agentis, subiecto, & termino: ergo motus esse non potest sine unitate numerica agentis, subiecti, & termini.

Minor pr. Modus est essentialiter alligatus suo modificato; atqui motus est modus huius numero agentis, subiecti, & termini: ergo est essentialiter alligatus huic numero agentis, subiecto, & termino.

Probaturs quarta pars conclusionis, ad unitatem numericam motus requiri continuïtatem temporis.

Vt motus sit vnus debet esse continuus; atqui non potest esse continuus nisi sit continuïtas tē-

poris: ergo ut motus sit vnus requiritur continuitas temporis.

Minor pr. Ut motus sit continuus debet esse non interruptus; atqui non potest esse non interruptus, nisi sit continuitas temporis: ergo motus non potest esse continuus, quin sit continuitas temporis.

Minor pr. Ut motus sit non interruptus debent partes ei⁹ aliæ aliis succedere immediate; atqui ut succedant immediate aliæ aliis requiritur continuitas temporis; ergo motus non potest esse nō interruptus nisi sit continuitas temporis.

Minor pr. Illæ partes non succedunt immediate aliæ aliis, inter quarum existentia interponitur duratio aliarum rerum; atqui cum non est continuitas temporis in motu inter existentiam partium ipsius interponitur duratio, & existentia aliarum rerum: ergo ut partes motus succedant aliæ aliis immediate requiritur continuitas temporis.

Minor pr. Interponitur existentia illarum rerum, quæ fiunt in illa temporis interruptione: ergo cum non est continuitas temporis in motu inter existentiam partium ipsius interponitur duratio, & existentia aliarum rerum.

Obicitur contra secundam partem conclusionis, non requiri ad vnitatem numericam motus vnitatem numericam subiecti.

Motus, quo pulsatur chordæ citharæ est vnus; atqui habet plura subiecta: ergo ad vnitatem numericam motus, non requiritur vnitas numerica subiecti.

Solutio: *Motus ille, quo pulsantur chordæ ci-*

thara est vnus, quatenus se tenet ex parte manus pulsantis, Concedo. quatenus se tenet ex parte chordarum, Nego. atqui sunt plura subiecta ex parte chordarum, Concedo. ex parte manus, Nego.

Contrà. Non minùs motus ille ex parte chordarum est vnus, quàm motus ligni cadentis partim viridis; & partim aridi; atqui iste est vnus: ergo & ille.

Solutio: Non minùs motus ille ex parte chordarum est vnus, quàm motus ligni cadentis partim viridis, & partim aridi ex parte materia, & accidentium, Nego. ex parte formarum, Concedo: atqui iste est vnus ex parte formarum, Nego. Cùm enim forma sint diuersa, & quidem ea diuersitate, qua est inter vnã viuẽtem, & alteram non viuẽtem motus ipsarum non potest non esse diuersus: ex parte materia, & accidentium aliquorum, Concedo. Dico aliquorum, quia omnia non sunt eadem, diuersa siquidem forma substantiales, trahunt etiam secum diuersas formas accidentales.

SEPTIMA CONCLUSIO:

Illi motus sunt contrarij, qui habent contrarios terminos ad quos.

ILLI motus sunt contrarij, qui sunt impossibiles; atqui motus, qui habent contrarios terminos ad quos sunt impossibiles: ergo & contrarij.

Minor pr. Illi motus sunt impossibiles, qui


simul esse non possunt; atqui motus, qui habent terminos contrarios non possunt esse simul: ergo motus, qui habent contrarios terminos ad quos sunt impossibiles.

Minor pr. Motus, qui habent terminos contrarios non possunt esse simul, quin eorum termini sint simul; atqui eorum termini non possunt esse simul: ergo neque ipsi.

Maior pr. Motus non potest esse in vlllo loco, quin ibi etiam sit id, cui essentialiter est alligatus; atqui motus terminorum contrariorum sunt essentialiter illis alligati: ergo motus habentes terminos contrarios non possunt esse simul, quin eorum termini sint simul.

Minor precedentis argumenti probatur.

Illi termini non possunt esse simul, qui sunt contrarij; atqui illi de quibus est quaestio, sunt contrarij: ergo non possunt esse simul.



[illegible]

DISPUTATIO II.

De Loco.

SECTIO PRIMA.

Quid sit Locus.


UNICA CONCLUSIO:

Locus bene definitur superficies prima, & immobilis corporis ambientis.

Die *Waldschnecke* ist eine kleine, runde Schnecke, die in Wäldern und Gärten vorkommt. Sie frisst von den Blättern der Pflanzen.

DEFINITIO hæc conuenit omnib.
& soli loco: ergo hic bene defini-
tur per illam.

Prima pars antecedentis probatur:

 Omnis locus est superficies prima, & immobilis corporis ambientis : ergo hæc definitio convenit omni loco.

Minoror. Illud omne est superficies prima, & immobilis corporis ambientis, quod circumdat locatum immediate; atqui omnis locus immediate circumdat locatum: ergo omnis locus est superficies prima, & immobilis corporis ambientis.

*Secunda pars minoris primi argumenti superio-
ris probatur.*

Alia quibus hæc definitio dici posset conveni-
re, sunt vacuum, aut spatium imaginarium, aut

vbi; atqui non conuenit illis: ergo conuenit soli loco.

Minor pr. Non conuenit illis quæ non ambiunt, & continent rem locatam; atqui nullum horum continet rem locatam: ergo non conuenit illis.

Minor pr. Illa non continent rem locatam quorum primum illam excludit, & ea debet esse destitutum, secundum nihil est positium, & tertium in ea potius continetur, & ei aduenit; atqui vacuum destitutum esse debet re locata: spatium imaginarium nihil est positium, & vbi continetur potius in re locata, & ei aduenit: ergo nullum horum continet rem locatam.

Obijcies. Definitio allata non conuenit loco: ergo locus non definitur bene per illam.

Antecedens pr. Definitio allata non conuenit ei, quod non est superficies immobilis; atqui locus non est superficies immobilis: ergo non conuenit loco.

Minor pr. Locus est superficies aëris, aquæ, aut alterius corporis; atqui superficies aëris, aquæ, &c. non sunt immobiles: ergo locus non est superficies immobilis.

Solutio: Atqui superficies aëris, aquæ, &c. non sunt immobiles immobilitate opposita mobilitati vasis. Nego. immobilitate omnimoda, Concedo. ergo locus non est superficies immobilis, immobilitate opposita mobilitati vasis, Nego. immobilitate omnimoda, Concedo.

Contrà. Locus nō est immobilis immobilitate opposita mobilitati vasis: ergo nulla solutio.

Antecedens pr. Illud non est immobile immo-

286 TRACT. III. PHYS. DISP. II.
bilitate opposita mobilitati vasis, quod habet
ipsammet mobilitatem vasis; atqui locus habet
verè, & propriè mobilitatem vasis: ergo locus
non est immobilis immobilitate opposita mo-
bilitati vasis.

Minor pr. Illud habet verè, & propriè mo-
bilitatem vasis, quod verè, & propriè est vas;
atqui locus verè, & propriè est vas: ergo locus
habet verè, & propriè mobilitatem vasis.

Solutio: Atqui locus formaliter sumptus verè,
& propriè est vas, Nego. De huius enim ratione
est posse transferre corpora, qua vestit de loco in
locum: Illius verò tantum circumdare, & ambi-
re, quod stare potest sine motu, cum mouentur ea,
qua circumdat, & ambit: aliquis locus materia-
liter sumptus est vas, Concedo. Cum enim vas
circundet, & ambiat corpora, qua continet non
est excludendum à ratione loci, ei tamen quate-
nus est locus non conuenit, ut debeat moueri
cum mouentur ea, qua ambit: alioqui idem
dicendum esset de omnibus aliis locis, quod aperitè
falsum est. Neque enim cathedra, in qua quis
sedet, cum ipse surgit mouet se loco, in quo erat.



SECTIO SECVNDA.

De Vbi.

PRIMA CONCLUSIO:

Vbi distinguitur à re locata, & spatio, in quo est.

VBI est illud, per quod res locata fit præsens huic potius spatio, quàm alteri; atqui illud, per quod res locata fit præses huic potius spatio, quàm alteri distinguitur ab ipsa, & spatio: ergo vbi distinguitur à re locata & spatio, in quo est.

Minor pr. Illa distinguuntur, quorum vno existēte non existit aliud; atqui existente re locata, & spatio non existit illud, per quod res locata fit præsens huic potius spatio, quàm alteri: ergo illud per quod res locata fit præsens huic potius spatio, quàm alteri distinguitur ab ipsa, & spatio.

Minor pr. Res locata est v. g. Petrus, & spatium, aër istius scholæ; atqui existentibus Petro, & hac schola, aut aëre istius scholæ, Petrus non est præsens huic scholæ: ergo existēte re locata, & spatio non existit illud, per quod res locata fit præsens huic potius spatio, quam alteri.

Minor pr. Cùm Petrus est domi existit ipse, existit etiam aër istius scholæ; atqui ipse non est præsens huic scholæ: ergo existentibus Petro, & aëre istius scholæ, Petrus non est præsens huic scholæ.

Respondent : *Cum Petrus est domi ipse existit, aer etiam istius scholæ existit cum inexistētia illius in isto, Nego. sine inexistētia illius in isto, Concedo. & concessa minori: ergo existētibz Petro, & aëre istius scholæ sine inexistētia illius in isto Petrus non est præsens huic scholæ, Concedo. cum inexistētia illius, Nego.*

Contrà. Inexistētia Petri in aëre istius scholæ, indistantia vtriusque, duo illa simul, & omnes illi alij termini, & phrasēs, quibus vtuntur ij contra quos argumentamur, debent significare, & importare aliquid distinctum realiter ab entitatibus Petri, & aëris istius scholæ: ergo nulla solutio.

Antecedens pr. Quod nihil importat distinctum realiter ab entitatibus Petri, & aëris istius scholæ, istis positis extra causas, illud quoq; debet existere; atqui Petro, & aëre istius scholæ positis extra causas inexistētia illius in isto, indistantia vtriusque, duo illa simul, &c. non existunt: ergo inexistētia Petri in aëre istius scholæ, indistantia vtriusque, duo illa simul, & omnes illi alij termini quibus vtuntur ij, contra quos argumentamur, debent significare, & importare aliquid distinctum realiter ab entitatibus Petri, & aëris istius scholæ.

Minor pr. Cum Petrus orat in templo Deum positus est extra causas: sicut & aer istius scholæ; atqui inexistētia illius in isto, indistantia vtriusque, duo illa simul, &c. non existunt: ergo Petro, & aëre istius scholæ positis extra causas inexistētia illius in isto, indistantia vtriusque duo illa simul, &c. non existunt.

Obicitur

Obiicitur. Vbicatio est idem cum re locata, & spatio: ergo non distinguitur ab illis.

Antecedens pr. Quod non est aliquid realiter superadditum rei locatæ, & spatio est idem cum re locata, & spatio; atqui ubicatio non est aliquid realiter superadditum rei locatæ, & spatio: ergo ubicatio est idem cum re locata, & spatio.

Minor pr. Illud realiter superadditum rei locatæ, aut spatio debet esse necessario substantia, vel accidens; atqui neutrum dici potest. ergo ubicatio non est aliquid realiter superadditum rei locatæ, & spatio.

Respondeo esse accidens.

Contrà. Accidens debet habere subiectum; atqui vbi non habet subiectum: ergo illud realiter superadditum non est accidens.

Minor pr. Subiectum vbi non potest esse nisi res locata; atqui non est res locata: ergo vbi non habet subiectum.

Minor pr. Subiectum vbi est eius causa; atqui res locata non potest esse causa vbi: ergo res locata non est subiectum vbi.

Minor pr. Quod est causa vbi debet dare illi esse; atqui res locata non potest dare illi esse: ergo non est eius causa.

Minor pr. Vbi non potest dare esse sibi ipsi; atqui rem locatam dare esse vbi, est vbi dare esse sibi ipsi: ergo res locata non potest illi dare esse.

Minor pr. Vt res locata det esse vbi, debet existere: ergo rem locatam dare esse vbi, est vbi dare esse sibi ipsi.

Consequentia pr. Illud quod requiritur ut res

290 TRACT. III. PHYS. DISP. II.
existat dat ei esse, cui dat esse ipsa existentia; at-
qui ubi requiritur ut res locata existat, & eius
existentia dat esse ubi: ergo rem locatam dare
esse ubi, est ubi dare esse sibi ipsi.

Solutio: *Illud quod requiritur ut res existat ab-
solutè dat esse ei, cui illa dat, Concedo. ut existat
in loco hoc potius, quàm in alio dat esse ei, cui illa
dat, Nego. atqui ubi requiritur ut res existat abso-
lutè, Nego. ut existat in hoc potius loco, quàm in
alio, Concedo. Sensus responsionis est ubi nihil esse
eorum, quæ sunt principium actionis tribuentis esse
existentia rei, neque etiam ipsius existentia præci-
sumpta, bene verò ut constituta in tali loco. Hoc
enim non habet nisi per ipsum ubi.*

Contrà. Existentia rei in hoc loco requiritur
ut res debet esse ubi: ergo nulla solutio.

Antecedens pr. Approximatio requiritur ut res
det esse ubi, atqui approximatio est existentia
rei in loco: ergo existentia rei in hoc loco requi-
ritur ut res det esse ubi.

Maior probatur Approximatio requiritur inter
causam saltem materiale, effectum; atqui
res locata est causa materialis, & ubi est effectus:
ergo approximatio requiritur ut res det esse ubi.

Solutio: *Approximatio requiritur inter causam
materiale, & effectum pro priori natura, Nego.
pro posteriori. Concedo. ergo approximatio requi-
ritur pro priori natura ut res det esse ubi, Nego.
pro posteriori, Concedo. posterioritas autem ista
non impedit quominus in causa præcindendo ab
ubi intelligatur vis completa ad dandam existen-
tiam ubicationi.*

SECUNDA CONCLUSIO:

Omne ens creatum distinctum ab vbi, & motu locali habet vbi proprium.

Quod potest esse modò in hoc loco, modò in alio debet habere vbi proprium; atqui omne ens creatum distinctum ab vbi, & motu locali potest esse modò in vno loco, modò in alio: ergo debet habere vbi proprium.

Maior pr. Quod est indifferens vt sit in variis locis debet habere vbi proprium; atqui quod potest esse modò in vno loco, modò in alio, est indifferens vt sit in variis locis: ergo debet habere vbi proprium.

Maior pr. Res vt sit in hoc loco potius quàm in alio debet habere vbi proprium: ergo res indifferens vt sit in variis locis debet habere vbi proprium.

Respondent aduersarij: *Res non modalis vbi sit in hoc loco potius quàm in alio debet habere vbi proprium*, Concedo. *non modalis*, Nego.

Contrà. Vt res modalis sit in hoc loco potius, quàm in alio debet illud habere per vbi proprium, vel alterius rei, sed hoc non habet per vbi alterius rei: ergo hoc habet per vbi proprium.

Minor pr. Vbi illius alterius rei nō potest esse aliud ab vbi subiecti; atqui hoc nō habet per vbi subiecti: ergo hoc nō habet per vbi alterius rei.

Minor pr. Vnio est entitas modalis; atqui vnio non habet vt sit potius in hoc loco, quàm in alio per vbi subiecti: ergo neque res modalis.

Minor pr. Res quæ est in loco per vbi alterius

292 TRACT. III. PHYS. DISP. II.
rei debet esse ubicunque res illa est; atqui unio
non est ubicunque est ubi sui subiecti: ergo non
est in loco per ubi sui subiecti.

Maior probatur primo.

Quod est in loco per aliud debet esse con-
iunctum cum illo; atqui ut sit coniunctum cum
illo debet esse ubicunque illud est: ergo quod est
in loco per aliud debet esse ubicunque illud est.

Maior pr. Quod est in loco per aliud non po-
test esse separatum ab illo: ergo debet esse con-
iunctum cum illo.

Antecedens pr. Ubicatio non communicat suū
effectum formalem ei, quod est ab ipsa separa-
tum; atqui constituere in loco, seu spatio est ip-
sius effectus formalis: ergo quod est, seu consti-
tuitur in loco per aliud, non potest esse separa-
tum ab illo.

Maior pr. Ubicationes, & alij modi non com-
municant suum effectum formalem nisi per unio-
nem cum eo, cui illud communicant; atqui non
habent unionem cum eo, quod est ab ipsis sepa-
ratum: ergo ubicatio non communicat suum ef-
fectum formalem ei, quod est ab ipsa separatum.

Maior pr. Effectus formalis formæ est subie-
ctum, ipsa, & utriusque unio; atqui non potest
esse subiectum, forma, & utriusque unio nisi per
unionem: ergo ubicationes, & alij modi non
communicant suum effectum formalem nisi per
unionem.

Probaturs secundo minor superioris argumenti,
unionem non esse ubicunque est eius subiectum.

Subiectum unionis poni potest in duobus lo-
cis, ipsa remanente in uno: ergo unio non est

vbicumque est vbi sui subiecti.

Ad clariorem probationem antecedentis.

Suppono guttam aquæ A, v. g. vniri hic Sequana, & eandem poni Romæ, & hoc posito sic argu-
mentor :

Subiectum vnionis, per quam gutta A vnitur
hic Sequanæ est gutta A ; atqui gutta A poni-
tur in duobus locis vnione remanente tantum
in vno : ergo subiectum vnionis poni potest in
duobus locis, ipsa remanente in vno.

Minor pr. Parisij, & Romæ sunt duo loca, &
Parisij vnus ; atqui gutta A ponitur Parisijs &
Romæ, vnione remanente tantum Parisijs :
ergo gutta A ponitur in duobus locis vnione re-
manente tantum in vno.

Prima pars minoris patet, & secunda probatur.

Vnio non potest poni Romæ, quin ibidem po-
natur alterum extremum ipsius, scilicet, Se-
quana ; atqui hæc non ponitur Romæ : ergo
neque vnio.

Maior pr. Vnio nullibi esse potest sine suis mo-
dificatis ; atqui Sequana est vnum ex ipsius mo-
dificatis : ergo vnio non potest poni Romæ,
quin ibidem ponatur Sequana.

Maior pr. Quod est essentialiter alligatum
suis modificatis, non potest esse sine illis ; at-
qui vnio est essentialiter alligata suis modifi-
catis : ergo non potest esse sine illis.

Minor pr. Modus est essentialiter alligatus
suis modificatis ; atqui vnio est modus : ergo est
essentialiter alligata suis modificatis.

TERTIA CONCLUSIO:

Negationes non habent ubi proprium.

Q u o d habet ubi proprium debet esse illius subiectum; atqui negationes, & priuationes non possunt esse subiectum ubi proprii; ergo non habent ubi proprium.

Minor pr. Quod est quid negatiuum non potest esse subiectum ubi; atqui negationes, & priuationes sunt quid negatiuum: ergo non possunt esse subiectum ubi proprii.

Maior pr. Quod est quid negatiuum non potest esse subiectum eius, quod est positium; atqui ubi est quid positium: ergo quod est quid negatiuum non potest esse eius subiectum.

Maior pr. Quod est subiectum alterius dat illi esse; atqui quod est negatiuum non potest dare esse ei, quod est positium: ergo quod est quid negatiuum non potest esse subiectum eius, quod est positium.

Obiicitur. Quod est indifferens, ut sit in varijs locis debet habere ubi proprium; atqui negationes sunt indifferentes ut sint in varijs locis: ergo debent habere ubi proprium.

Solutio: Quod est indifferens, ut sit in varijs locis debet habere ubi proprium si sit quid positium, Concedo. si non sit quid positium, Nego. atqui negationes, & priuationes sunt indifferentes ut sint in varijs locis, & sunt quid positium, Nego. & non sunt quid positium, Concedo.

Contrà. Quod est indifferens ut sit in varijs lo-

cis, etiam si sit quid negativum debet habere
vbi proprium: ergo nulla solutio.

Antecedens pr Debet dari ratio cur negativum
illud, quod est indifferens vt sit in variis locis,
sit potius in hoc, quàm in alio; atqui illa ratio
non potest, esse alia quàm vbi proprium: ergo
quod est indifferens vt sit in variis locis, debet
habere vbi proprium.

Minor 1. Illa ratio non potest esse nisi vbi pro-
prium, vel subiecti; atqui non est vbi subiecti:
ergo debet esse vbi proprium.

Solutio: Illa ratio non potest esse nisi vbi proprium
vel subiecti solum, Nego. cum negatione forma op-
posita. Concedo. atqui non est vbi subiecti solum,
Concedo. cum negatione forma opposita, Nego.
Verum quidem est vbi subiecti praeisè non sufficere,
vt ibi dicatur esse priuatio forma ipsi debita; si tamē
ei adiungatur negatio, seu sumatur simul cum ab-
sentia illius forma determinat omnino indifferen-
tiam illius priuationis existendi in variis locis
vt existat in hoc potius, quàm in alio certissimum
enim est ibi esse, & non alibi.

Q V A R T A C O N C L V S I O :

*Vbi bene diuiditur in circumscriptuum, &
definitium.*

MEMBRA istius diuisionis exhauriunt diuisum,
& sunt distincta: ergo vbi bene diuiditur in cir-
cumscriptuum, & definitium.

Primapars minoris probatur.

Niliij

296 TRACT. III. PHYS. DISP. II.

Diuisum est vbi membra diuidentia circumscriptionum & definitiuum; atqui circumscriptionum, & definitiuum exhauriunt vbi: ergo & diuisum.

Minor pr. Per vbi vel res correspondet secundum varias partes, varijs partibus spatij; vel non correspondet secundum huiusmodi varias partes; atqui vbi circumscriptionum facit vt correspondeat, & definitiuum vt non correspondeat: ergo vbi circumscriptionum, & definitiuum exhauriunt vbi.

Secunda pars minoris primi argumenti probatur.

Illa membra sunt distincta quorum conceptus sunt diuersi; atqui conceptus vbi circumscriptionum, & definitiuum sunt diuersi: ergo membra huius diuisionis sunt distincta.

Minor pr. Alius est conceptus vbi facientis correspondere rem secundum diuersas partes, diuersis partibus spatij: alius non facientis; atqui primus conceptus, est conceptus vbi circumscriptionum, & alius definitiuum: ergo diuersi sunt conceptus illorum vbi.

QVINTA CONCLUSIO:

Vbi definitiuum indiuisibiliratione subiecti, est diuisibile ratione spatij.

Vbi Angeli, & vbi animæ rationalis sunt indiuisibilia ratione subiecti: atqui diuisibilia sunt ratione spatij: ergo vbi definitiuum indiuisibile ratione subiecti, est diuisibile ratione spatij.

Minor pr. Vbi, quo Angelus sit præsens toti huic scholæ, & anima toti corpori sunt diuisibi-

lia ratione spatij: ergo ubi Angeli, & animæ sunt diuisibilia ratione spatij.

Antecedens pr. Illud ubi est diuisibile ratione spatij, cuius vna pars correspondet vni parti spatij, & altera alteri; atqui pars vna ubi Angeli; per quod fit præsens huic scholæ, & anima corpori; correspondet vni parti spatij, & altera alteri; ergo sunt diuisibilia ratione spatij.

Minor pr. Angelus per illud ubi si velit facit se præsentem vni parti scholæ, & deinde alteri, & anima vni parti corporis, & postea alij: ergo vna pars correspondet vni parti spatij, & altera alteri.

Consequentia pr. Per illud ubi, per quod Angelus facit se præsentem vni parti scholæ, & anima vni parti corporis, non correspondet alteri: ergo per vnam partem illius ubi correspondet vni parti, & per alteram alteri.

Respondent. per illud ubi per quod facit se præsentem vni parti scholæ, non correspondet alteri cui se facit etiam præsentem, & illud quod erat antè manet, Nego. Et fit nouum per quod Angelus correspondet toti illi spatio, Concedo.

Contra. Non fit nouum ubi: ergo nulla solutio.

Antecedens pr. Vbi præcedens non debet perire: ergo non fit nouum.

Antecedens pr. Nihil impossibile ponitur cum illo ubi præcedente: ergo non debet perire præcedens.

Antecedens pr. Ponitur tantum ubi seu correspondentia ad nouum spatium; atqui illud ubi seu correspondentia ad nouum spatium, non est quid impossibile cum ubi præcedente: ergo

198 TRACT. III. PHYS. DIST. II.
nihil impossibile ponitur cum præcedente:

Minor pr. Vbi eiusdem rei non sunt inter se contraria; atqui vbi illud nouum, & præcedens sunt vbi eiusdem rei: ergo non sunt impossibilia.

Obijciatur. Nullum aliud vbi indiuisibile ratione subiecti dici debet potius diuisibile ratione spatij, quàm vbi Angeli, aut animæ rationalis; atqui vbi Angeli, aut animæ rationalis non sunt diuisibilia ratione spatij: ergo vbi indiuisibile ratione subiecti non est indiuisibile ratione spatij.

Minor pr. Vbi diuisibile ratione spatij est verè diuisibile, & habens partes; atqui vbi Angeli, & animæ rationalis non possunt esse verè diuisibilia, & habentia partes, ergo vbi Angeli, & animæ rationalis non sunt diuisibilia ratione spatij.

Minor pr. Quod habet subiectum indiuisibile, & carens partibus non potest esse diuisibile, & habens partes; atqui vbi Angeli, & animæ rationalis habent subiectum indiuisibile; & carens partibus: ergo vbi Angeli, & animæ rationalis nō possunt esse verè diuisibilia, & habentia partes.

Solutio: Quod habet subiectum indiuisibile replicatum in pluribus locis non potest esse diuisibile, Nego. non replicatum, Concedo. atqui vbi Angeli & anima rationalis habent subiectum indiuisibile non replicatum, Nego. replicatum, Concedo.

Contrà. Vbi diuisibile non est proportionatum subiecto indiuisibili replicato in pluribus locis: ergo nulla solutio.

Antecedens pr. Non magis vbi diuisibile est

proportionatum subiecto indiuisibili, etiam replicato, quàm quantitas, & albedo; atqui quantitas, & albedo, non sunt proportionata subiecto indiuisibili replicato: ergo ubi diuisibile non est proportionatum subiecto indiuisibili replicato.

Maior pr. Vbi diuisibile secundum omnem dimensionem est quantitas: ergo non est magis proportionatum subiecto indiuisibili, quàm quantitas.

Antecedens pr. Trina dimensio est quantitas; atqui ubi diuisibile secundum omnem dimensionem est trina dimensio: ergo & quantitas.

Solutio: *Trina dimensio impenetrabilis est quantitas.* Concedo. *trina dimensio penetrabilis, & spiritalis est quantitas.* Nego. atqui ubi diuisibile secundum omnem dimensionem, est trina dimensio impenetrabilis qualis sola conuenit quantitati, Nego. penetrabilis, Concedo.

Contrà. Vbi Angeli est trina dimensio corporea: ergo nulla solutio.

Antecedens pr. Quod est extensum est corporeum; atqui ubi illud Angeli, quod est trina dimensio est extensum: ergo est trina dimensio corporea.

Solutio: *Quod est extensum, & impenetrabile est corporeum,* Concedo. *quod est penetrabile licet sit extensum est necessario corporeum* Nego. atqui ubi illud Angeli, quod est trina dimensio est extensum, & impenetrabile, Nego. penetrabile, Concedo. *Extensio autem penetrabilis non est aliena à re spiritali, cuius est tantum non esse impenetrabilem, aut à re impenetrabili non pendere.*

SEXTA CONCLUSIO:

Definitio situs accidens constitutum rei quante in loco, cum aliqua partium coordinatione non conuenit aliis ab illo.

NVLLE alteri dici potest conuenire quàm ubi vniuersaliter sumpto; atqui non conuenit ubi vniuersaliter sumpto: ergo non conuenit aliis à situ.

Minor pr. Illud non conuenit ubi vniuersaliter sumpto, quod non conuenit multis ubi in particulari; atqui constituere rem præsentem spatio cum aliqua partium coordinatione, non conuenit multis ubi in particulari: ergo non conuenit ubi vniuersaliter sumpto.

Minor pr. Vbi Angeli, & animæ rationalis sunt: ubi particularia; atqui non conuenit illis constituere rem præsentem spatio cum aliqua partium coordinatione: ergo non conuenit multis ubi in particulari.

Obiiciēs. Definitio allata conuenit ubi; atqui ubi non est situs: ergo conuenit aliis à situ.

Solutio: Definitio tradita conuenit ubi cuiusque, Nego. alicui, illi scilicet, quod facit correspondere rem diuersis partibus spatij cum certa coordinatione, Concedo. atqui ubi quodcumque non est situs, Concedo. aliquod, seu illud, quod facit correspondere rem diuersis partibus spatij, cum certa coordinatione, Nego.

Contrà Situs non est ubi, quod facit correspondere rem diuersis partibus spatij cum certa coordinatione: ergo nulla solutio.

Antecedens pr. Illa non sunt idem, quorum vno existente non existit aliud; atqui existente

eodem situ, non existit idem ubi faciens correspondere rem diuersis partibus spatij: ergo situs non est ubi, quod facit correspondere rem diuersis partibus spatij cum certa coordinatione.

Minor pr. Sessio est situs sedentis faciens eum correspondere diuersis partibus spatij; atqui existente eadem sessione non existit idem ubi sedentis: ergo existente eodē situ, non existit idē ubi faciens correspondere rem variis partibus spatij.

Minor pr. Sessio hominis positi in nani ventis agitata est eadem; atqui non est idem ubi illius hominis: ergo existente eadem sessione non existit idem ubi.

Solutio: Neganda est maior. Ratio est, quia sessio non est quacunque correspondentia ad extrinsecum quid, sed positio talis partim in spatio, qua sine dubio mutatur quoties res non correspondet eidem spatio, ut non facit, ut patet, sedens in navi ventis secundis utente. Navi enim pars, cui semper correspondet, non correspondet ipsa eidem parti maris, prout esset necessarium ad identitatem spatij.

SECTIO III.

De spatiis imaginariis.

PRIMA CONCLUSIO:

Spatium imaginarium non est aliquid reale posituum materiale, neque negatio corporum locatorum, aut ubi ipsorum.

SPATIUM imaginariū est extra, & intra coelos; atqui nihil est reale posituum materiale

302 TRACT. III. PHYS. DISP. II.
extra cœlos, & negatio corporum, & vbi ipso-
rum non est intra ipsos: ergo spatium imagina-
rium non est aliquid reale positivum materia-
le: neque negatio corporum locatorum, aut
vbi ipsorum.

Minor pr. Spatium imaginarium eò vsque se-
extendit, quò ire potest nostra cogitatio; at-
qui nostra cogitatio pertingit, & intra, & extra
cœlos: ergo spatium imaginarium est extra, &
intra cœlos.

Minor precedentis argumenti probatur.

Deus nihil fecit extra cœlos, & intra ipsos re-
pleuit omnia elementis, aut mixtis: ergo nihil
est reale positivum extra cœlos, & negatio cor-
porum, & vbi ipsorum non est intra ipsos.

SECUNDA CONCLUSIO:

*Spatium imaginarium non est possibilitas
vbi, nec capacitas recipienda
vbicationis.*

PRIMA pars conclusionis probatur.

In ordine ad spatium imaginarium explica-
mus vbicationes, & alias ab alijs distinguimus;
atqui non distinguimus neque explicamus vbi-
cationes in ordine ad earum possibilitatē: ergo
spatium imaginarium non est possibilitas vbi.

Minor pr. Non explicamus, neque distingui-
mus res in ordine ad se ipsas; atqui vbicatio
possibilis non distinguitur ab ipsa existente: er-
go illam non explicamus neque distinguimus
in ordine ad possibilitatem ipsius.

Secunda pars conclusionis probatur.

Illa capacitas recipiendæ vbicationis debet esse necessariò aliquid reale positium, vel negatiuum; atqui nihil est reale positium, neque negatiuum ex superiori conclusione: ergo spatium imaginarium non est capacitas recipiendæ vbicationis.

TERTIA CONCLUSIO:

Spatium imaginarium est ens rationis.

ILLUD est ens rationis quod habet tantum esse obiectiuum; atqui spatium imaginarium habet tantum esse obiectiuum: ergo est ens rationis.

Minor pr. Quod concipitur esse aliquid positium materiale, immobile, immensum, improducibile, & indestructibile, & illud nec est nec esse potest huiusmodi, habet tantum esse obiectiuum; atqui spatium imaginarium concipitur esse aliquid positium materiale, immobile, immensum, improducibile & indestructibile, & illud nec est nec esse potest huiusmodi: ergo habet tantum esse obiectiuum.

Minor pr. Concipitur à nobis per modum aëris, aut alterius rei cuiusdam immobilis, talis, ut nihil produci possit, quin ei sit præsens; atqui hoc est concipi esse aliquid positium immobile, immensum: ergo concipitur esse aliquid positium, immobile, immensum.

Obijciatur. Vbicatione dicit ordinem essentialem ad spatium imaginarium; atqui non dicit ordinem essentialem ad ens rationis: ergo spatium

304 TRACT. III. PHYS. DISP. II.
imaginarium non est ens rationis.

Maior pr. Vbicatio non dicens essentialem ordinem ad spatium imaginarium est tam absoluta & nō magis respectiua, quā calor & frigus; atqui non est tam absoluta, quā calor & frigus: ergo dicit ordinem essentialem ad spatium imaginarium.

Minor pr. Vbicatio tam absoluta, ac calor, & frigus supponit duo corpora quāta posse esse simul in eodem spatio; atqui duo corpora quanta non possunt esse simul in eodem spatio: ergo vbicatio non est tam absoluta, ac calor, & frigus.

Minior pr. Illa corpora quanta possunt esse simul in eodem spatio, quæ possunt habere simul vbicationes correspondentes eidem spatio; atqui vbicatio tam absoluta, ac calor, & frigus supponit duo corpora quanta posse habere simul vbicationes correspondentes eidem spatio: ergo supponit etiam duo corpora quanta posse esse simul in eodem spatio.

Minor pr. Illa corpora quanta possunt esse simul in eodem spatio, quorum vbicationes correspondentes eidem spatio non opponuntur; atqui vbicationes tam absolute, ac calor, & frigus non opponuntur: ergo vbicatio tam absoluta, ac calor, & frigus supponit duo corpora quanta posse habere vbicationes correspondentes eidem spatio.

Minor pr. Omnis oppositio est in ordine ad aliquod tertium commune; atqui illæ vbicationes nullum habent tertium commune: ergo non opponuntur.

Minor pr. Illud tertium commune debet esse,

vel subiectum, vel spatium; atqui non est neque subiectum, neque spatium; ergo illæ vbiaciones nullum habent tertium commune.

Respondeo esse *spatium virtuale*, scilicet eandem partem immensitatis diuinæ.

Contrà. Immensitas diuina non est spatium, & non habet partes: ergo eadem pars immensitatis diuinæ non est spatium illud quod dicitur illis esse commune.

Solutio: *Immensitas diuina non est spatium formale*, & non habet partes formales. Concedo. non est *spatium virtuale*, & non habet partes virtuales. Nego.

Contrà. Partes illæ virtuales immensitatis diuinæ debent esse tales, vt vbiatio, quæ correspondet vni ex illis non correspondeat alteri; atqui vbiatio, quæ correspondet vni correspondet etiam alteri: ergo immensitas diuina non habet partes virtuales.

Minor pr Quando aliqua sunt idem realiter, quod correspondet vni correspondet etiã alteri; atqui illæ partes virtuales sunt idẽ realiter: ergo quod correspondet vni correspondet etiã alteri.

Solutio: Quando aliqua sunt idem realiter, & virtualiter quod correspondet vni, correspondet etiam alteri; Concedo. quando non sunt idem virtualiter, licet sint idem realiter, Nego. atqui partes illæ sunt idem realiter, sed non virtualiter.

Concedo. realiter, & virtualiter, Nego. Diuersitas enim illa virtualis sufficit, vt quod tribuitur vni non debeat similiter tribui alteri, & possit illi negari, vt patet in distinctione virtuali essentia diuinæ a personaribus; ratione cuius ista dis-

306 TRACT. III. PHYS. DISP. II.
cuntur produci; illa vero non produci.

Contrà. Distinctio virtualis illa mirabilis essentia diuinæ à personalitatibus non debet extendi ad partes illas immensitatis diuinæ: ergo non est distinctio realis virtualis inter partes immensitatis diuinæ.

Solutio: *Distinctio illa mirabilis essentia diuina à personalitatibus non debet extendi ad partes immensitatis diuina, si non urgeat eadem ratio, propter quam admittitur in essentia, & personalitatibus.* Concedo. *si urgeat eadem ratio, Nego.* Eam autem urgere ex eo patet, quòd cum prædicata correspondere, & non correspondere sint aequè contradictoria, ac produci & non produci, partes virtuales immensitatis diuina, quibus tribuuntur debent habere similem distinctionem illi, quàm habent essentia, & personalitas, de quibus prædicantur produci, & non produci.

Contrà. Admissa distinctione huiusmodi virtuali inter partes virtuales diuinæ immensitatis hæc debet dici spatium imaginarium; atqui non est spatium imaginarium: ergo non est distinctio virtualis inter partes immensitatis diuinæ.

Maior pr. Nomine spatij imaginarij Philosophi intelligunt aliquid improducibile, indestructibile, immobile, & coextensum omni loco & spatio, atqui diuina immensitas est improducibilis, indestructibilis, immobilis & coextensa omni loco, & spatio per suas partes virtuales: ergo debet dici spatium imaginarium.

Solutio: *Nomine spatij imaginarij Philosophi intelligunt aliquid improducibile, indestructibile, immobile, & coextensum omni loco, & spatio quo-*

modocunque, Nego. per partes formales, & materiales, Concedo. atqui diuina immensitas est improducibilis, indestructibilis, immobilis, & coextensa omni loco, & spatio per partes virtuales, & immateriales, Concedo. per partes formales, & materiales, Nego. Deus enim nullas huiusmodi habet, nec habere potest, nec consequenter dici spatium imaginarium nisi mutetur significatio huius vocis, & non intelligatur per eam aliquid materiale, & habens partes formales, sed tantum ens coextensum omni loco & spatio, siue per partes formales, siue per virtuales. In quo sensu non esset dicendum imaginarium, sed verum & reale, & per illud posse facile explicari, & distingui unam obicationem ab alia per correspondentiam, scilicet, diuersam diuersis partibus virtualibus diuina immensitatis.

QVARTA CONCLUSIO:

Deus est in spatijs imaginarijs.

NON minùs Deus dici potest esse in spatijs imaginarijs, quàm in tempore imaginario: atqui Deus verè dicitur esse in tempore imaginario: ergo & in spatijs imaginarijs.

Minor pr. Deus dicitur verè fuisse ante mundum conditum: atqui ante mundum conditum non erat tempus reale, sed imaginarium: ergo Deus verè dicitur esse in tempore imaginario.

Maior primi argumenti probatur.

Idco Deus dicitur esse in tempore imaginario, quia eius eternitas talis est vt nulla creatura pro

308 TRACT. III. PHYS. DISP. II.

duci possit in vlla temporis differentia, cui Deus non coexistat; atqui eius immensitas etiam est talis vt nulla creatura vllibi poni possit, quin ei Deus intimè sit præsens: ergo Deus non minùs est in spatiis imaginariis quàm in tempore imaginario.

QVINTA CONCLUSIO:

Res creata non potest esse sine vbi.

TAM implicat rem creatam esse sine vbi, quàm sine duratione; atqui non potest esse sine duratione: ergo neque sine vbi.

Minor pr. Non potest esse res, quin de illa verum sit dicere, est, fuit, aut erit; atqui hoc est non posse esse sine duratione: ergo non potest esse sine illa.

Minor pr. De illa dici, est, est habere durationem præsentem, fuit, præteritam, & erit, futuram: ergo non potest esse sine duratione.

Posuimus aliam probationem huius assertionis disputatione secunda de Principiis Rerum naturalium, sectione quinta, conclusione prima.

Obicitur. Res creata esse potest sine duratione: ergo & sine vbi.

Antecedens pr. Quod est prius alio, & cum eo non habet essentialem connexionem, potest esse sine eo; atqui res creata est prior duratione, & cum ea non habet essentialem connexionem: ergo potest esse sine duratione.

Primâ pars minoris contraditur à nobis, & probatur secundam.

Quod est indeterminatum, & indifferens ad hanc, aut illam durationem, non potest dici habere essentialē cum ea connexionem; atqui res creata ita se habet ad durationem: ergo non habet essentialē cum ea connexionem.

Solutio: *Neganda est maior. Ratio est, quia res qualibet, & in exemplo, virium v.g. est indifferens ad habendum colorem; vel non habendum colorem, & tamen necessario necessitate metaphysica alterum ex illis debet illi convenire.*

SECTIO IV.

An plura esse possint in eodem loco.

DIFFICULTAS esse potest tantum de rebus quantis, clarum enim est alias siue substantiales, ut Angelos, & animas rationales, siue accidentales, ut calorem, & frigus, esse sæpe simul in eodem planè spatij, aut subiecti.

PRIMA CONCLUSIO:

Plura corpora quanta non possunt esse simul penetratiue, seu in eodem loco naturaliter.

ILLA non possunt esse simul in eodem loco, seu penetratiue, quæ non possunt simul correspondere eidem planè spatio; atqui duo quanta

310 TRACT. III: PHYS. DISP. II:
non possunt simul naturaliter correspondere ei-
dem spatio: ergo duo corpora quanta naturali-
ter non possunt esse simul in eodem loco, seu pe-
netratiuè.

Minor pr. Corpora quanta, quæ dici possent
correspondere eidem spatio, vel sunt omnia du-
ra, vel omnia mollia, vel vnum molle, & alte-
rum solidum, aut è conuerso, atqui neque dura,
neque mollia, neque vnum molle, & alterum so-
lidum, aut è conuerso correspondere possunt ei-
dem spatio: ergo neque duo corpora quanta.

Minor pr. Illa corpora correspondere eidem
spatio est sine condensatione, & partium detra-
ctione simul sumpta non occupare maius spa-
tium, quàm seorsim sumpta, atqui simul sumpta
maius occupant spatium quàm seorsim sumpta:
ergo simul sumpta non correspondent eidem
spatio, cui seorsim sumpta.

Minor pr. Duo lapides sunt duo corpora dura,
vinum, & aqua duo corpora mollia, & lapis, &
aqua corpus durum & molle, atqui duo lapides,
vinum, & aqua, & lapis, & aqua occupant maius
spatium simul sumpta, quàm seorsim: ergo duo
corpora dura, duo mollia, durum, & molle, aut
è conuerso, occupant maius spatium simul
sumpta, quàm seorsim.

Minor pr. Illa occupant maius spatium simul
sumpta, quàm seorsim, quæ contineri non pos-
sunt intra vas aliquod simul, intra quod conti-
nentur seorsim, atqui vt docet experientia duo
lapides, vinum, & aqua, lapis & aqua contineri
non possunt simul intra vas, intra quod conti-
nentur seorsim: ergo duo lapides, vinum, &

aqua, lapis, & aqua occupant maius spatium simul sumpta, quàm seorsim.

Obiicies. Illa sunt simul in eodem loco, seu penetratiuè, quæ simul sumpta correspondent eidem planè spatio cui seorsim corresponsdebant; atqui duo quanta correspondere possunt naturaliter eidem planè spatio, cui seorsim corresponsdebant: ergo duo corpora quanta naturaliter possunt esse simul in eodẽ loco, seu penetratiuè.

Minor pr. Illa correspondent simul eidem planè spatio, quæ simul sumpta non occupant plus spatij, quàm seorsim, aut vnum solum ex illis; atqui duo quanta simul sumpta non occupant plus spatij, quàm seorsim, aut vnum solum ex illis: ergo duo quanta correspondere possunt naturaliter eidem planè spatio.

Minor pr. Aqua, & cineres sunt duo quanta; atqui simul sumpta non occupant plus spatij, quàm seorsim, aut vnum solum ex illis: ergo duo quanta simul sumpta non occupant plus spatij, quàm seorsim, aut vnum solum ex illis.

Minor pr. Illa non occupant simul sumpta plus spatij, quàm seorsim, quæ simul sumpta ponuntur in spatio, quod totum occupabatur ab vno solo ex illis; atqui aqua, & cineres ponuntur simul sumpta in spatio, quod occupabatur ab vno solo ex illis: ergo aqua, & cineres simul non occupant plus spatij, quàm seorsim, aut vnum solum ex illis.

Ad probationem minoris.

Supponunt vas aliquod impleri primò aqua, & hac extracta, & seposita, repleri idem vas cineribus aliquantulum calidis, ac deinde extra-

312 TRACT. III. PHYS. DISP. II.

Etiam aquam sensim illis misceri totam. Quod sapissime contingere docet experientia. Et sic argumentantur.

In suppositione facta vas illud occupabatur totum à sola aqua; atqui aqua, & cineres simul sumpta ponuntur in illo: ergo aqua, & cineres simul sumpta ponuntur in spatio, quod occupabatur ab vno solo ex illis.

Solutio: Atqui aqua, & cineres simul sumpta nulla ab ipsis planè facta detractatione partium, & nulla ex ipsorum poris eiectione corporis extranei ponuntur in illo vase, Nego. facta detractatione aliqua partium ipsorum & eiectione aëris contenti intra cineres, Concedo. ergo simul sumpta facta detractatione partium ipsorum, & eiectione corporis extranei ponuntur in spatio, quod occupabatur ab vno solo ex illis, Concedo. non facta huiusmodi detractatione & eiectione aëris contenti intra cineres, Nego.

Contrà. Aqua tota infunditur in illud vas, & nihil planè cinerum aufertur: ergo nulla fit detractio partium aquæ, & cinerum.

Solutio: Aqua tota infunditur in illud vas, & per illam infusionem, & mixtionem cum cineribus non abeunt multæ ipsorum partes in halitus, & quasi vapores, Nego. & abeunt quamplurima, Concedo. Hunc autem abscessum esse veram detractationem partium ab ipsis evidens est, & consequenter mirum esse non debes, quod residua partes ipsorum non occupent plus spatium, quam omnes partes unius ex illis occuparent.

SECUNDA CONCLUSIO:

Plura corpora quanta possunt esse simul in eodem loco supernaturaliter.

I L L A possunt esse simul in eodem loco, quæ possunt habere simul ubi fundantia easdem planè relationes distantia, indistantia &c. atqui duo quanta possunt supernaturaliter habere ubi fundantia easdem planè relationes distantia, & indistantia: ergo duo quanta possunt esse simul supernaturaliter in eodem loco.

Minor pr. Ut duo quanta habeant ubi fundantia easdem planè relationes distantia, & indistantia, nihil aliud requiritur, quam ut Deus non satisfaciat exigentia, quam habet quantitas una, ne alia producat ubi in spatio, in quo ipsa suum adhuc conseruat: atqui potest Deus non satisfacere, & non se accommodare huiusmodi exigentia: ergo duo quanta possunt habere simul ubi fundantia easdem planè relationes distantia, & indistantia.

Minor pr. Huiusmodi exigentia Deus liberè se accommodat: ergo potest ei non se accommodare.

Antecedens pr. Quæ Deus facit ad extra liberè facit: atqui quod satis faciat & se accommodet, aut non se accommodet illi exigentia est aliquid ad extra: ergo Deus liberè se accommodat huiusmodi exigentia.

Obijcies. Duæ partes quantitatis non possunt

314 TAACT. III. PHYS. DISP. II.
esse simul etiam diuinitus in eodem loco : ergo
duo quanta non possunt esse simul supernatura-
liter in eodem loco.

Antecedens pr.] Tam repugnat duas partes
quantitatis permanentis esse simul in eodem lo-
co, quàm successiuæ esse eodem tempore ; atqui
partes quantitatis successiuæ non possunt simul
esse eodem tempore : ergo neque partes quanti-
tatis permanentis in eodem loco.

Maier pr. Ideo repugnat partes quantitatis
successiuæ esse eodem tempore , quia est de ea-
rum essentia vt sint diuersis temporibus ; atqui
est etiam de essentia quantitatis permanentis vt
vna sit extra locum alterius : ergo tam repugnat
partes quantitatis permanentis esse simul in eo-
dem loco , quàm successiuæ esse eodem tem-
pore.

Minor probatur. Illud dici debet de essentia
quantitatis permanentis, quo negato sequuntur
duo contradictoria ; atqui ex eo , quod non sit
de essentia quantitatis permanentis vt vna sit
extra locum alterius , sequuntur duo contradi-
ctoria : ergo est de essentia quantitatis perma-
nentis vt vna sit extra locum alterius.

Minor pr. Vnam ex illis quantitibus esse in
loco , & eandem non esse in loco sunt contradi-
ctoria ; atqui ex eo , quod non sit de essentia
quantitatis vt vna sit extra locum alterius ; fit
vt vna sit in loco : & eadem non sit : ergo ex eo ,
quod non sit de essentia quantitatis permanen-
tis , vt vna sit extra locum alterius, sequuntur
duo contradictoria.

Respondeo. *utramque esse in loco.*

Contrà. Illud non est in loco, quod non replet locum; atqui neutra ex illis quantitatibus replet locum: ergo neutra est in loco.

Minor pr. Illud non replet locum, quod comparitur in illo aliud secum; atqui quælibet ex illis quantitatibus comparitur in loco in quo est alia secum: ergo neutra ex illis replet locum.

Solutio: *illud non replet locum, quod comparitur aliud secum extra se positum, Concedo. intra se positum, Nego.* atqui *qualibet ex illis quantitatibus comparitur aliam secum intra se positam, Concedo. extra se positam, Nego.*

Contrà. Vna non potest compati aliam intra se positam: ergo nulla solutio.

Antecedens pr. Vel potest vna quantitas compati vnā aliam tantum intra se positam, vel plures; aut etiam infinitas; atqui nullum horum dici potest: ergo non potest compati aliam intra se positam.

Respondeo. posse compati plures, atque etiam infinitas.

Contrà. Qui admittit vnā quantitatem posse compati plures alias intra se positas, aut etiam infinitas, negare non potest totam terram reduci posse ad spatium acuminis afficulæ; atqui hoc videtur per se incredibile: ergo vna quantitas compati non potest plures alias intra se positas; aut etiam infinitas.

Solutio: *Neganda est minor, & dicendum hoc quidem esse incredibile attendenti vires solius naturæ, facillimum verò si considerentur illa diuina omnipotentia, cui nihil difficile est nisi quod est impossibile, & quod factibile non est.*

SECTIO V.

An idem possit esse in pluribus locis.

PRIMA CONCLUSIO:

Nullum ens creatum potest esse simul in pluribus locis totalibus.

ENTIA creata, quæ dici possunt esse posse simul in pluribus locis totalibus, & discretis, sunt substantiæ spirituales, aut corporeæ: atqui neque substantiæ spirituales, neque corporeæ possunt esse simul in pluribus locis totalibus, & discretis: ergo nullum ens creatum potest esse simul in pluribus locis totalibus, & discretis.

Minor pr. Substantiæ spirituales, aut corporeæ, quæ dici possunt esse simul in pluribus locis totalibus, & discretis, sunt sine dubio, quæ sunt inter illas perfectiores: atqui quæ sunt inter illas perfectiores non possunt esse simul in pluribus locis totalibus, & discretis: ergo substantiæ nec spirituales, nec corporeæ possunt esse simul in pluribus locis totalibus, & discretis.

Minor probatur. Perfectissimæ substantiarum spiritualium sunt Angeli, & corporearum homines: atqui nec Angeli nec homines possunt esse simul in pluribus locis totalibus, & discretis:

ergo quæ sunt inter illas perfectiores, non possunt esse simul in pluribus locis totalibus, & discretis.

Minor pr. Substantiæ, quæ deferere debent unum locum cum se facere volunt præsentem alteri, non possunt esse simul in pluribus locis; atqui Angeli, & homines cum volunt se facere præsentem alicui loco totali discreto deferere debent præcedentem: ergo Angeli, & homines non possunt esse simul in pluribus locis totalibus, & discretis.

Minor probatur. Quod deferere non debet locum præcedentem totalem, cum se vult facere præsentem nouo, potest esse simul in omni loco; atqui Angeli, & homines non possunt esse simul in omni loco: ergo Angeli, & homines deferere debent unum locum, cum se volunt facere præsentem alteri.

Major pr. Quod deferere non debet præcedentem locum totalem, cum se vult facere præsentem nouo, potest occupare duo, tria, & quatuor loca simul; atqui quod occupare potest simul duo, tria, & quatuor loca potest esse in omni loco: ergo quod deferere non debet præcedentem locum cum se vult facere præsentem nouo, potest esse simul in omni loco.

Minor probatur. Quod occupare potest simul quatuor loca, potest etiam quinque, sex, & sic in infinitum; atqui quod potest occupare quinque, sex, & sic in infinitum, potest esse in omni loco: ergo quod potest occupare tria, quatuor loca, potest esse in omni loco.

Minor probatur. Infinitus locus, & omnis

318 TRACT. III. PHYS. DISP. II.
sunt idem : ergo quod potest esse in loco infini-
to potest etiam esse in omni loco.

SECUNDA CONCLUSIO :

*Supernaturaliter ens creatum potest habere
plura ubi totalia, & discreta.*

ILLUD non implicat quod non inuoluit
esse & non esse vllius rei ; atqui ens creatum
habens plura ubi totalia & discreta non inuol-
uit esse & non esse vllius rei : ergo non impli-
cat ens creatum habere plura ubi totalia, & dis-
creta.

Minor probatur. Ens creatum habens plura
ubi totalia, & discreta, non potest inuoluere
esse, & non esse, nisi vel sui ipsius, vel plurium
illarum vbicationum ; atqui non inuoluit esse,
& non esse ; neque sui ipsius, neque plurium
illarum vbicationum : ergo ens creatum habens
plura ubi totalia, & discreta non inuoluit esse,
& non esse vllius rei.

Prima pars minoris probatur.

Illud non inuoluit esse, & non esse vllius en-
tis creati, quod inuoluit tantum ipsum habere
aliquid, quod non exigit ; atqui ens creatum
habens plura ubi totalia inuoluit tantum ipsum
habere aliquid, quod non exigit : ergo ens
creatum habens plura ubi totalia non inuoluit
esse, & non esse sui ipsius.

*Secunda pars minoris prioris argumenti pro-
batur.*

Illud non inuoluit esse, & non esse plurium

vbicationum, quod inuoluit tantum illas simul existere; atqui ens creatum habens plura vbi totalia inuoluit tantum plures suas vbicationes simul existere: ergo ens creatum habens plura vbi non inuoluit esse, & non esse illarum.

Major probatur. Simultanea existentia earum rerum non inuoluit esse & non esse plurium illarum vbicationum, quarum vna non est negatio alterius; atqui vbicationum vna non est negatio alterius: ergo illud non inuoluit esse, & non esse plurium vbicationum, quod inuoluit tantum illas simul existere.

Minor probatur. Ex duobus entibus positivis vnum non est negatio alterius; atqui vbicationes istæ sunt positivæ: ergo vna non est negatio alterius.

Obijciunt. Ens corporeum est ens creatum; atqui non potest habere plura vbi totalia, & discreta simul: ergo ens creatum non potest habere plura vbi totalia, & discreta.

Minor pr. Illa vbi debent esse, vel circumscriptiva, vel definitiva; atqui non possunt dici esse neque circumscriptiva neque definitiva: ergo non potest habere plura vbi totalia simul.

Minor pr. Plus requiritur ut sint definitiva, quam circumscriptiva; atqui non possunt esse circumscriptiva: ergo neque definitiva.

Minor pr. Corpus quod habet plura vbi circumscriptiva est in loco circumscriptivè, & non est in loco circumscriptivè; atqui non potest esse in loco circumscriptivè & non esse in loco circumscriptivè: ergo non potest habere plura vbi circumscriptiva.

320 TRACT. III. PHYS. DISP. II.

Respondeo *esse in loco circumscriptivè.*

Contrà. Illud non est in loco circumscriptivè, quod non coarctatur intra terminos illius; atqui corpus, quod habet duo vbi circumscriptiva non coarctatur intra terminos ullius ex illis locis: ergo est in loco circumscrip-tivè.

Solutio: *Illud non est in loco circumscriptivè quod non continetur intra terminos illius vi ubi correspondentis illi loco, Concedo. vi alterius ubi correspondentis alteri loco, Nego.* atqui corpus, quod habet duo vbi circumscriptiva non continetur intra terminos ullius ex illis locis vi ubi ipsi correspondentis, Nego. non correspondentis, Concedo.

Contrà. Corpus existens circumscriptivè in loco nullo modo, neque vi alterius vbi debet esse extra illum: ergo nulla solutio.

Antecedens pr. Corpus, quod est extra illum, est illi æquale & non est æquale, atqui non potest esse æquale & non esse quale: ergo non potest poni extra illum.

Respondeo *esse æquale.*

Contrà. Corpus, quod commensuratur simul duobus locis nulli illorum est æquale; atqui corpus existens circumscriptivè in loco, quod potest poni extra illum, commensuratur simul duobus locis: ergo non est æquale ulli ex illis.

Solutio: Corpus, quod commensuratur simul duobus locis per unam continuam applicationem, nulli illorum est æquale, Concedo. per diversas tantum, & repetitas applicationes, Nego atqui.

corpus existens in loco circumscriptione, quod potest poni extra illum commensuratur simul duobus locis per unam continuam applicationem, Nego. per diuersas, & repetitas, Concedo.

Contrà. Non potest dici, quod commensuratur ei per diuersas applicationes: ergo nulla solutio.

Antecedens probatur. Illæ applicationes sunt diuersa vbi; atqui non potest dici illis commensurari per diuersa vbi: ergo neque per diuersas applicationes.

Minor pr. Vnum ex illis vbi esset v. g. sessio, & per aliud stare; atqui non potest vnum esse sessio, & per aliud stare: ergo non potest illis commensurari per diuersa vbi.

Minor probatur. Vnum ex illis vbi esse sessionem, & aliud facere vt corpus stet, est corpus illud sedere, & non sedere; atqui corpus non potest sedere, & non sedere: ergo non potest vnum esse sessio, & per aliud stare.

Solutio: Vnum ex illis vbi esse sessionem, & aliud facere vt corpus stet, est corpus illud sedere simul, & non sedere, vi eiusdem vbi, Nego. vi diuersorum, Concedo. atqui corpus non potest sedere simul & non sedere vi eiusdem vbi, Concedo. vi diuersorum, Nego.

Contrà. Corpus sedens & non sedens vi diuersorum vbi potest non sedens occurrere sibi sedenti; atqui non sedens non potest occurrere sibi sedenti: ergo non potest sedere, & non sedere vi diuersorum vbi.

Maior probatur. Corpus non sedens occurrens sibi sedenti penetraret seipsum, vel non pe-

netraret, sed neutrum dici potest: ergo non sedens non potest occurrere sibi sedenti.

Respondeo non se penetraturum.

Contra. Corpus non sedens occurrens sibi sedenti; & non se penetrans resistit ipsi, atqui nihil resistit sibi ipsi: ergo corpus non sedens occurrens sibi sedenti debet se penetrare.

Solutio: Corpus non sedens occurrens sibi sedenti, & non se penetrans resistit sibi ipsi secundum easdem partes, Nego. secundum diuersas Concedo. pars enim dextra frontis, v. g. incurreret in sinistram, & sinistra in dextram eodem modo, quo fit in duobus hominibus iungentibus frontem fronti: atqui nihil resistit sibi ipsi secundum easdem partes, Concedo. secundum diuersas, Nego.

Contra. Tam potest corpus non sedens occurrens sibi sedenti resistere sibi ipsi secundum easdem partes, quam separari à seipso; atqui non sedens occurrens sibi sedenti, & non se penetrans est separatum à seipso: ergo corpus non sedens occurrens sibi sedenti, & non se penetrans resistit sibi ipsi secundum easdem partes.

Minor probatur. Illud quod distat à seipso est separatum à seipso, atqui corpus non sedens occurrens sibi sedenti distat à seipso: ergo est separatum à seipso.

Minor probatur. Illa distant à se inuicem, inter quæ intercipi possunt alia corpora; atqui inter corpus non sedens, & sedens, cui occurrit, intercipi possunt alia corpora, & intercipitur de facto aër intermedius: ergo corpus non se-

dens occurrens sibi sedenti distat à seipso.

Solutio: Illa distant à se inuicem, inter quæ sumpta secundum se intercipi possunt alia corpora, Concedo. sumpta tantum secundum praesentias diuersas, Nego. atqui inter corpus non sedens, & sedens sumpta secundum se intercipi possunt alia corpora, Nego. sumpta secundum diuersas illas ubicationes & praesentias, quas habent, Concedo. Ad hoc ut inter corpus illud non sedens, & sedens sumpta secundum se intercipi possent corpora, necessarium esset, ut illud idem quod est non sedens ipsummet non esset sedens, ut patet in anima rationali, quæ quia est una, & eadem in capite, & in pede inter ipsam sumptam secundum se intercipi non possunt corpora, possunt tamen inter ipsam sumptam secundum diuersas illas suas praesentias in capite, & in pede, quod est ubicationes illas esse inuicem distatas, non verò animam, quæ similiter ut existens in capite non dicitur separata à seipsa ut existente in pede, quia ad separationem duorum requiritur distinctio, & ut unum non sit idemmet planè cum eo à quo dicitur separatum.

Quod diximus de ubicationibus distatis eiusdem rei animæ rationalis, v. g. Angeli, & corporis positi diuinitus in pluribus locis, magnam lucem accipere potest ab iisdem rebus affectis diuersis durationibus. Neque enim licet inferre ex eo, quod inter durationes illas intercipi possint aliæ multæ, intercipi etiā posse inter ipsarum subiecta sumpta secundum se, & hæc propterea esse separata à seipsis. Nemini enim dubium est, quin idem planè, quod afficitur

114 TRACT. III. PHYS. DISP. II.
vna ex illis durationibus afficiatur etiam, &
alia, & diuersitatem illam durationum, & inter-
ceptionem aliarum multarum inter ipsas non
posse arguere non modò separationem in ipsa-
rum subiectis, sed neque distinctionem.

Quod indubitatum etiam debet facere mul-
tiplicitatem vbicationum distantium eiusdem
rei non debere inducere in illam vllam realem
distinctionem, nedum separationem.

Contrà. Inter illa etiam secundum se sumpta
intercipi possunt alia corpora, quorum vno exi-
stente potest aliud non existere; atqui corpus
non sedens, & sedens, inter quæ secundum di-
uersas præsentias possunt intercipi alia corpora:
ita se habent vt vno existente possit aliud non
existere: ergo inter corpus non sedens, & se-
dens secundum se sumpta intercipi possunt alia
corpora.

*Ad probationem minoris supponunt corpus il-
lud non sedens, & sedens esse. Petrum, v. g. qui:
ubi sedet interficiatur, & ubi non sedet viuat, &
sic argumentantur.*

Petrus non sedens est; atqui Petrus sedens
non est: ergo corpus non sedens, & sedens ita
se habent, vt vnum possit non existere alio exi-
stente.

Solutio: Atqui Petrus sedens non est, hoc est ses-
sio Petri non est, Concedo. hoc est ipse Petrus non
est, Nego. ergo corpus non sedens, & sedens ita
se habent vt vnum possit existere alio non existen-
te secundum se sumpto, Nego. sumpto secundum
sessionem, Concedo.

Contrà, Cum Petrus moritur ipse verè non est.

& non tantum eius sessio; atqui ex suppositione ubi sedet moritur, & interficitur: ergo verè ipse Petrus non est, & non tantum eius sessio.

Solutio: Cum Petrus moritur ubique, seu eius anima nullibi remanet unita eius corpori ipse verè non est; Concedo: cum Petrus moritur, seu eius anima desinit habere unionem, cum eius corpore in aliquo loco, retinens tamen illam in alio, ipse non est. Nego. Cum enim negatio sit malignantis natura praefixa verbo, est, significat nullibi convenire existentiam rei, cui illam negat, quod ut patet falsum est de Petro, cum eius anima retinet unionem cum eius corpore ubi non sedet; atqui ubi sedet moritur, & interficitur. hoc est, eius anima desinit esse unita corpori in aliquo loco ex duobus illis, in quibus est, Concedo. hoc est desinit esse unita corpori absolute, & in omni loco, Nego. ubi enim Petrus non sedet vivit, ut admitti suppositio facta.

Contrà. Non magis anima Petri, potest esse unita eius corpori in aliquo loco, & in alio non unita, quam eadem esse unita gratiae sanctificantis in aliquo loco, & in alio non esse ei unita; atqui non potest esse unita gratiae sanctificantis in aliquo loco, & in alio non esse illi unita: ergo anima Petri, quæ non est unita eius corpori in aliquo loco, non potest in alio esse illi unita.

Minor pr. Anima unita gratiae sanctificantis, & illi non unita quantumvis sit in diuersis locis, si solvatur à corpore in eo statu est sancta, beata, digna amore Dei, & non est sancta, nec beata, nec digna amore Dei; atqui anima Petri non potest esse simul sancta, beata, & digna amore Dei.

326 TRACT. III. PHYS. DISP. II.

& non esse sancta, beata, & digna amore Dei: ergo anima Petri non potest esse vnita gratia sanctificanti in aliquo loco, & in alio non esse illi vnita.

Respondetur falsum esse non esse sanctam, beatam, & dignam amore Dei.

Contrà. Illa anima non est sancta, neque beata, neque digna amore Dei, in qua est peccatum, & miseria; atqui in anima in illo loco, in quo gratia sanctificans ei non vnitur est peccatum, & miseria: ergo anima vnita gratia sanctificanti, & illi non vnita quantumuis sit in diuersis locis, si soluatur à corpore in eo statu est sancta, beata, & digna amore Dei, & non est sancta, neque beata, neque digna amore Dei.

Solutio: Illa anima non est sancta, neque beata, neque digna amore Dei, in qua est peccatum, & miseria, quales sunt pœna damnatorum in omni loco in quo est. Concedo. in vno tantum ex illis locis in quibus est, Nego. Negatio siquidem ut iam diximus cum sit malignantis natura præfixa verbo, est, significat nullibi conuenire subiecto formam quam ei dicit non inesse; atqui in anima in eo loco, in quo gratia sanctificans ei non vnitur est peccatum & miseria, & hic est omnis locus, in quo est. Nego. & non est omnis locus in quo est. Concedo. Certè si non est impossibile supernaturaliter, (ut docent multi) ut sit gratia, & visio beatifica simul cum peccato in anima, in vno solo loco posita facilius multo esse censendum est, ut fiat in illa cum est in diuersis locis.

SECTIO VI.

*Qua accidentia habeat subiectum positum
in pluribus locis.*

ACCIDENTIA alia sunt localia, alia non localia, alia debita, alia indebita; prima sunt ea quæ sunt affixa certo spatio, secunda verò non: tertia exiguntur à subiecto, & ultima non exiguntur: notitia diuersorum illorum accidentium necessaria est ad faciliorem intelligentiam sequentium conclusionum.

PRIMA CONCLUSIO:

*Accidentia localia non sunt ubicunque est
subiectum.*

SUBIECTVM in varijs locis positum non habet accidentia, quæ in illis esse non possunt; atqui accidentia localia non possunt esse in varijs locis: ergo accidentia localia non sunt ubicunque est subiectum.

Minor pr. Accidentia, quæ sunt affixa uni loco non possunt esse in varijs locis, atqui accidentia localia sunt affixa uni loco: ergo non possunt esse in varijs illis locis, in quibus est subiectum.

Minor r. Accidentium localium natura est, ut sint affixa uni loco: ergo non debent negari esse ipsi affixa.

SECUNDA CONCLUSIO:

Accidentia non localia possunt esse ubicumque est subiectum.

UT accidentia non localia sint ubicumque est subiectum, requiritur tantum ut possint esse in varijs locis; atqui non implicat ut sint in varijs locis: ergo possunt esse ubicumque est subiectum.

Minor pr. Non magis implicat, ut accidentia non localia sint in varijs locis, quam ipsorum subiectum; atqui non implicat, ut ipsorum subiectum sit in varijs locis: ergo neque etiam ut ipsa sint in iisdem.

Major pr. Non magis sequitur ipsa esse, & non esse quod sint in varijs locis, quam ipsorum subiectum: ergo non magis implicat ut sint in varijs locis, quam ipsorum subiectum.

TERTIA CONCLUSIO:

Accidentia debita subiecto sunt naturaliter ubicumque illud est.

ACCIDENTIA ponuntur naturaliter ubicumque subiectum ea exigit; atqui subiectum ubicumque sit exigit accidentia sibi debita: ergo accidentia debita subiecto sunt naturaliter ubicumque illud est.

Major pr. Subiectum ubicumque sit debet habere naturaliter loquendo ea, quæ exigit: ergo

accidentia ponuntur naturaliter vbicunque subiectum ea exigit.

Antecedens pr. Ordo naturalis est, vt detur unicuique rei id, quod exigit : ergo subiectum vbicunque sit debet habere naturaliter loquendo ea, quæ exigit.

Respondent: Ordo naturalis est, vt detur unicuique rei id, quod exigit, si non sit contraria exigentia impediens, Concedo. si sit contraria exigentia impediens, & se opponens, Nego. ergo subiectum vbicunque est debet habere naturaliter loquendo ea, quæ exigit si non sit contraria exigentia impediens, Concedo. si sit contraria exigentia impediens, Nego.

Contrà. Nulla est contraria exigentia opponens se, ne subiectum vbicunque est habeat ea, quæ exigit : ergo nulla solutio.

Antecedens pr. Exigentia illa contraria debet præualere ei, quæ est in subiecto habendi ea, quæ exigit; atqui non præualet : ergo nulla est contraria exigentia opponens se, ne subiectum vbicunque est habeat ea, quæ exigit.

Minor pr. Exigentia illa contraria non est alia ab ea, per quam id, quod exigitur à subiecto petit non poni in pluribus locis; atqui illa exigentia non præualet ei, quam habet subiectum illud habendi vbicunque est: ergo exigentia illa contraria non præualet.

Minor pr. Illa exigentia non debet dici præualere, quæ est rei ignobilioris; & cui si Deus satis faceret, beneficium, quod conferret subiecto ponendo illud in variis locis valdè imminueretur: atqui exigentia illa est rei ignobilioris, & si

330 TRACT. III. PHYS. DISP. II.
ei Deus satisfaceret, beneficium, quod conferret subiecto ponendo illud in variis locis valde minueretur: ergo illa exigentia contraria non præualeat ei, quam habet subiectum habendi ea, quæ exigit.

Minor pr. Accidentia sunt ignobiliora substantia, & minuitur tunc beneficium, cum ei cui conceditur non conceduntur propterea alia, ad quæ habet ius; atqui ea, quæ exigunt non poni in pluribus locis sunt accidentia, & subiectum in illis positum est substantia, cui si non concedantur illa propterea quod sit in pluribus illis locis, non conceduntur ea, ad quæ habet ius: ergo exigentia illa est rei ignobilioris, & si Deus ei satisfaceret, imminueretur valde beneficiū, quod conferret subiecto ponendo illud in variis locis.

QVARTA CONCLUSIO:

Accidentia indebita subiecto, non ponuntur necessario ubicunque est subiectum.

QVOD non ponitur in pluribus locis, cum in illis est ipse subiectum, non ponitur necessario ubicunque est subiectum; atqui accidentia indebita alicui subiecto non ponuntur necessario in pluribus locis, cum in illis est ipsorum subiectum: ergo accidentia indebita subiecto non ponuntur necessario ubicunque est subiectum.

Minor pr. Accidens, quod non exigit esse in pluribus illis locis, in quibus est ipse subiectum, & istud etiam non exigit, ut sit in illis, nõ debet poni in illis; atqui accidentia indebita

alicui subiecto, non exigunt poni in pluribus illis locis, in quibus est ipsorum subiectum, & istud non exigit ut ponantur in illis: ergo accidentia indebita alicui subiecto, non ponuntur necessario in pluribus locis, cum in illis est ipsorum subiectum.

Minor pr. Subiectum non exigit illud, quod ei non debetur, & accidentia indebita subiecto non exigunt id, quod rebus alijs minus limitatis non debetur; atqui non debetur subiecto ut accidentia ipsi indebita ponantur in pluribus illis locis, in quibus est, & huiusmodi positio non debetur rebus alijs minus limitatis, quam sint illa accidentia: ergo accidentia indebita alicui subiecto non exigunt poni in pluribus illis locis, in quibus est subiectum, & istud non exigit, ut ponantur in illis.

Prima pars minoris probatur.

Positio illorum accidentium in pluribus illis locis, tam est indebita subiecto, quam ipsa accidentia; atqui hæc sunt ipsi indebita ut supponimus: ergo etiam non debetur ipsi ut ponantur in pluribus illis locis, in quibus est.

Secunda pars minoris prioris argumenti probatur.

Substantiæ tum spirituales, tum corporeæ, sunt aliquid minus limitatum, quam sint illa accidentia; atqui neque substantijs spiritualibus, neque corporeis debetur ut ponantur in pluribus locis: ergo huiusmodi positio non debetur alijs minus limitatis.

Minor pr. Substantiæ spirituales, & corporeæ creatæ non habent nisi unicum ubi, & unam tantum

332 TRACT. III. PHYS. DISP. II.
præsentiam : ergo positio in pluribus locis non
debetur eis.

Obijcie. Quæ uniuntur subiecto sumpto secundum se, & ut antecedit ubi debent esse necessariò ubique est subiectum; atqui accidentia indebita uniuntur subiecto sumpto secundum se, & ut antecedit ubi : ergo accidentia indebita subiecto debent esse ubique istud est.

Solutio : Quæ uniuntur subiecto sumpto secundum se, & prout non existenti in aliquo loco certo, & determinato sunt ubique illud est, Concedo. Quæ uniuntur subiecto sumpto quidem secundum se, sed ut existenti in hoc, aut illo loco sunt ubique illud est, Nego. atqui accidentia indebita uniuntur subiecto sumpto secundum se, & prout non existenti in aliquo loco certo, & determinato, Nego. prout existenti in hoc, aut illo loco, Concedo. Posita autem in subiecto prout existente in hoc certo, & determinato loco habent tantum unum ubi. Unde sicut in fieri ipsorum unum tantum illis conceditur, ita etiam in conservari non debent habere nisi unicum.

Contrà. Accidentia indebita Christo in cælo, uniuntur ei prout existenti in Empyreæ; atqui ponuntur in Sacramento Eucharistiæ, & in omni alio loco, in quo ipse se constituit per apparitiones: ergo accidentia indebita, quæ uniuntur subiecto prout existenti in certo, & determinato loco ponuntur ubique est illorum subiectum.

Solutio : Atqui ponuntur in Sacramento Eucharistiæ, & in omni alio loco; in quo ipse se constituit per apparitiones, si Christus ea possiderit, & antequam fecerit sibi debita antequam ponatur in

Sacramento Eucharistia, Concedo. si ea antea non habuerit, sed postea illi aduenerint, Nego. ergo accidentia indebita ponuntur ubicunque est illorum subiectum, si ea antequam ponatur in illis variis locis possederit, & eatenus fecerit sibi debita, Concedo. si prius ea non possederit; sed postea illi aduenerint in uno loco, Nego. Nullum enim videtur esse ius tunc in illo subiecto, ut ea transmittat in alium locum, in quo est.

Contrà. Suppono Angelum constituere se presentem medietati cubiculi, quod totum habet præ sphaera sua præsentia, & in ea acquirere novam cognitionem, & volitionem, & deinde occupare etiam aliam medietatem retinendo priorem, & hoc posito sic argumentor:

In suppositione facta cognitio illa, & volitio sunt accidentia indebita Angelo, & quæ prius non possedit antequam poneretur in duplici illo loco; atqui ponuntur in duplici illa medietate cubiculi, & ubicunque est Angelus: ergo accidentia indebita etiam si subiectum non possederit ea prius ponuntur ubicunque ipsum est.

Solutio: Atqui ponuntur in duplici illa medietate, & ubicunque est Angelus naturaliter. Concedo. ubicunque est supernaturaliter, Nego. ergo accidentia indebita subiecto etiam si prius ea non possederit ponuntur ubicunque ipsum est naturaliter, Concedo. ubicunque est supernaturaliter, Nego. Angelus est naturaliter in toto illo cubiculo, & propterea debet habere in eo toto, quidquid habet, si verò poneretur in duobus locis adæquate supernaturaliter, quæ ei superuenerent in uno ex illis, non transmitteret ad se ipsum existentem in

334 TRACT. III. PHYS. DISP. II.

alio loco propter repugnantiam quam habet acci-
dens ad huiusmodi translationem, & positionem in
pluribus locis, ad quam subiectum in iis existens
non dat ipsi ius.

Contrà. Cognitio, & amor Dei sunt acciden-
tia indebita animæ rationali; atqui non ponun-
tur in toto illo spatio, in quo ipsa est naturali-
ter: ergo accidentia indebita non ponuntur in
toto illo spatio, in quo est subiectum naturaliter.

Solutio: Atqui cognitio, & amor Dei, non po-
nuntur in toto illo spatio, in quo est anima natura-
liter, & nullum est impedimentum ne ponantur,
Nego. & est impedimentum propter quod non pos-
sunt poni. Concedo. Impedimentum illud est, quod
cognitio, & amor dependeant mediâ, vel imme-
diatè à dispositionibus, quæ non sunt nisi in una
parte spatij, quod anima potest occupare, scilicet,
capite in quo solo eas operationes potest exercere:
ergo accidentia indebita non ponuntur in toto illo
spatio in quo est subiectum naturaliter cum nul-
lum est impedimentum, Nego. cum est aliquod
impedimentum, Concedo.

Contrà. Non magis cognitio, & amor Dei,
etiam sublato impedimento dici debent esse in
toto spatio, in quo est anima, quàm alia, quæ
sunt indebita suis subiectis, aut quasi subiectis;
atqui alia indebita suis subiectis, aut quasi sub-
iectis non sunt, sublato etiâ impedimento ubi-
cunque ista sunt naturaliter: ergo cognitio, &
amor Dei, etiamsi nullum sit impedimentum,
non sunt in toto illo spatio, in quo est anima.

Minor v. Humanitas Verbi est illi indebita,
atqui sublato impedimento non est ubicunque

est Verbum naturaliter : ergo alia indebita suis quasi subiectis non sunt ubicunque ista sunt naturaliter.

Solutio: *Humanitas Verbi est illi indebita, & est quasi accidens illi connaturale, Nego. & est quasi accidens non connaturale, Concedo. Quod enim ei uniatur non est ullo modo secundum ordinem natura, sed supra vires totius natura. Quando autem diximus accidentia indebita, sublato impedimento poni ubicunque ponitur ipsorum subiectum naturaliter, id intelleximus de accidentibus connaturalibus, non autem de non connaturalibus: ergo alia indebita suis quasi subiectis si non sint illis connaturalia, non sunt ubicunque ipsorum subiecta ponuntur, Concedo. si sint connaturalia, Nego.*

QVINTA CONCLUSIO:

Subiectum positum in diuersis locis recipere potest accidentia, qua non posset si esset tantum in unico.

SVBIECTVM positum in diuersis locis æquiualeat duobus: ergo subiectum positum in diuersis locis recipere potest accidentia, quæ non posset si esset tantum in unico.

Antecedens pr. Subiectum positum in duobus temporibus æquiualeat duobus: ergo etiam positum in diuersis locis æquiualeat duobus.

Consequentia pr. Non minorem habet vim ad hoc multiplicitas loci, quàm durationis: ergo etiam positum in diuersis locis æquiualeat duobus.

336 TRACT. III. PHYS. DISP. II.

Antecedens pr. Multiplicitas durationis non potest dici magis facere ad hoc, nisi quia conueniat ei potius, quàm vbicationi esse rationem, & virtutem agendi; atqui non est magis ratio, neque virtus agendi quàm vbicatio: ergo non minorem vim ad hoc habet multiplicitas vbicationis quàm durationis.

Minor pr. Totum munus durationis, est vt constituat rem præsentem huic tempori potius quàm alteri: ergo non est magis virtus agendi, quàm vbicatio.

Obiicitur. Ratio, quare dicamus subiectum posse recipere accidentia in duobus locis, quæ non posset in vno, est, quia in duobus locis positum æquiualeat duobus, aut pluribus; atqui non æquiualeat duobus: ergo positum in diuersis locis, non potest recipere accidentia, quæ non posset in vno.

Minor pr. Ratio, quare dicamus æquiualeat, est quia multiplicitas vbicationum dat illi hanc vim; atqui non dat illi hanc vim: ergo non æquiualeat duobus.

Minor pr. Ratio, quare dicamus dare illi hanc vim, est quia multiplicitas durationum dat illi similem; atqui hæc ratio nulla est: ergo multiplicitas vbicationum non dat illi hanc vim.

Minor pr. Non est paritas quoad hoc in vbicationibus, & durationibus: ergo hæc ratio nulla est.

Antecedens pr. Vbicationes sunt simul, durationes verò sunt vna post aliam: ergo non est paritas inter vbicationem, & durationem.

Consequentia pr. Vt sit paritas quoad hoc in-

ter

ter vbicationes, & durationes debent tam bene vbicationes variæ tollere incapacitatem subiecti ad formas contrarias, quàm durationes variæ; atqui non tollunt: ergo non est paritas inter vbicationem & durationem.

Minor pr. Incapacitas subiecti ad formas contrarias, est tantum pro eodem tempore; atqui hæc incapacitas tollitur per durationes varias, non autem per varias vbicationes: ergo vbicationes non tollunt incapacitatem subiecti ad formas contrarias.

Maior pr. Incapacitas subiecti non est pro eodem loco: ergo est tantum pro eodem tempore.

Antecedens pr. Nulla est particula in definitione contrariorum, quæ petat identitatem, & simultatem vbicationum: ergo incapacitas subiecti ad formas contrarias, non est pro eodem loco.

Antecedens pr. Illa particula non potest esse nisi simul; atqui simul non importat identitatem, & simultatem vbicationum: ergo nulla est particula in definitione contrariorum, quæ petat identitatem, & simultatem vbicationum.

Minor pr. Simul importat tantum simultatem durationum: ergo non importat identitatem, & simultatem vbicationum.

Solutio: Negandum est antecedens. Ratio est. quia, simul, ibi tam bene significat in eodem loco, atque in eodem tempore.



DISPUTATIO III.

De Vacuo.

NATURA loci præcedenti disputatione explicata, non parum conferet ad faciliorem intelligentiam eorum, quæ habemus dicenda de Vacuo.

SECTIO I.

An, & quid sit Vacuum.

PRIMA CONCLUSIO:

Conuenit soli vacuo esse locum destitutum corpore aptum eo repleri.

ALIA quibus hoc posset dici conuenire sunt locus, & inane; atqui non conuenit illis: ergo conuenit soli vacuo esse locum destitutum corpore aptum eo repleri.

Maiores præ. Non conuenit illis, quæ sunt repleta corpore, aut non sunt apta eo repleri; atqui locus est repletus corpore, & inane non est aptum eo repleri: ergo non conuenit loco, neque inani.

Minor de inani probatur.

Illud non est aptum replei, quod non potest circundare; atqui inane non potest circundare: ergo nec replei.

Minor pr. Illud non potest circundare, quod non est positivum; atqui inane non est positivum: ergo non potest circundare.

Minor pr. Inane est merum nihil: ergo non est quid positivum.

SECUNDA CONCLUSIO:

Vacuum non potest dari naturaliter.

ILLUD dari non potest naturaliter, quod ut vitent res naturales faciunt sibi vim magnam, & agunt contra naturalem inclinationem; atqui res naturales, ut vitent vacuum faciunt sibi magnam vim, & agunt contra naturalem inclinationem: ergo vacuū dari non potest naturaliter.

Minor pr. Aqua, ignis, aër, &c. sunt res naturales; atqui ut vitent vacuum faciunt sibi magnam vim; & agunt contra naturalem inclinationem: ergo res naturales, ut vitent vacuum faciunt sibi magnam vim, & agunt contra naturalem inclinationem.

Minor probatur de aqua.

Tunc aqua facit sibi magnā vim, & agit contra naturalem inclinationem, quando ascendit: atqui ascendit ad vitandum vacuum: ergo aqua ut vitet vacuum facit sibi magnam vim, & agit contra naturalem inclinationem.

Minor pr. In fistulis aquæ ad motis, cum attrahitur aër aqua ascendit: atqui non ascendit nisi

340 TRACT. III. PHYS. DISP. III.
ad vitandum vacuum : ergo aqua ascendit contra naturalem inclinationem ad vitandum vacuum.

Minor pr. Quod ascendit intra fistulam, vt occupet locum relictum ab aëre attracto, ascendit ad vitandum vacuum ; atqui aqua ascendit , vt occupet locum relictum ab aëre attracto : ergo aqua ascendit ad vitandum vacuum.

Minor pr. Illud ascendit, vt occupet locum relictum ab aëre attracto, quod cum non debet illum occupare non ascendit; atqui aqua cum non debet occupare locum relictum ab aëre attracto non ascendit : ergo aqua ascendit , vt occupet locum relictum ab aëre attracto.

Minor pr. Cum est foramen in extremitate fistulæ , aut ista non perfectè coaptatur aquæ , aqua occupare non debet locum relictum ab aëre attracto; atqui aqua tunc non ascendit, vt docet experientia: ergo cum aqua occupare non debet locum relictum ab aëre attracto , non ascendit.

Maior pr. Cum est corpus leuius aqua , quod succedere potest in locum relictum ab aëre attracto, aqua occupare non debet locum relictum ab aëre attracto; atqui cum est foramen in extremitate fistulæ; aut ista non perfectè coaptatur aquæ, est corpus leuius , quod succedere potest in locum relictum ab aëre attracto : ergo cum est foramen in extremitate fistulæ; aut ista non perfectè coaptatur aquæ , aqua occupare non debet locum relictum ab aëre attracto.

Minor pr. Aër est corpus leuius aqua; atqui cum est foramen in extremitate fistulæ, aër succedere potest in locum relictum ab aëre attracto:

ergo cùm est foramen in extremitate fistulæ, aut ista non perfectè coaptatur aquæ, est corpus leuius; quod succedere potest in locum relictum ab aëre attracto.

Minor pr. Vt aër succedat nihil aliud requiritur, quàm vt pateat ipsi via; atqui cùm est foramen patet ipsi via: ergo cùm est foramen in extremitate fistulæ, aër succedere potest in locum relictum ab aëre attracto.

Obijciunt. Datur naturaliter charta non verberata; atqui in ea datur vacuum: ergo naturaliter datur vacuum.

Minor pr. Esse debet aliqua ratio, cur charta non verberata sit leuior verberata; atqui illa non potest esse alia, quàm quòd in non verberata detur vacuum: ergo in charta non verberata datur vacuum.

Minor pr. Illa alia ratio non potest esse nisi quia in charta nō verberata est aër inclusus; atqui hæc ratio nulla est: ergo illa non potest esse alia, quàm quòd in nō verberata detur vacuū.

Major pr. In aëre illo incluso datur vacuum: ergo hæc ratio nulla est.

Antecedens pr. Non minùs in illo aëre est vacuum, quàm in eo, in quo mouemur; atqui in eo, in quo mouemur, datur vacuum: ergo & in illo.

Minor pr. Non possumus moueri in vacuo, quin in aëre, in quo mouemur, detur vacuum; atqui mouemur in vacuo: ergo in aëre, in quo mouemur, datur vacuum.

Minor pr. Cùm mouemur, mouemur in pleno, vel in vacuo; atqui non mouemur in pleno: ergo mouemur in vacuo.

342 TRACT. III. PHYS. DISP. III.

Solutio : Cum mouemur , mouemur in vacuo , vel in pleno nostro corpore , vel alieno in sensu diuiso , Concedo. in sensu composito , Nego. atqui non mouemur in pleno nostro corpore , aut alieno in sensu diuiso , ita ut desinat esse plenum alio corpore dum repletur nostro. Nego. non mouemur in pleno alio corpore in sensu composito , hoc est , quod maneat simul cum nostro , Concedo.

Contrà. Moueri in pleno nostro , aut alio corpore in sensu diuiso est , cum corpus nostrum occupat locum aliquem ibi definere esse aliud , quod antea erat ; atqui cum nostrum occupat locum aliquem , ibi non definit esse aliud , quod antea erat : ergo non mouemur in pleno nostro , aut alio corpore in sensu diuiso.

Minor pr. Cum definit corpus esse in aliquo loco , secedit in alium ; atqui corpus quod antea erat ubi ponitur nostrum , non secedit in alium locum : ergo cum nostrum occupat locum aliquem , ibi non definit esse aliud , quod antea erat.

Minor pr. Vel corpus in cuius locum succedit , recedit ipsum ex eo loco , vel non ; sed neutrum dici potest : ergo non secedit in alium locum.

Respondeo recedere.

Contrà. Corpus illud recedere , est ad motum minimi corporis totum mundum moueri ; atqui totus mundus non mouetur ad motum minimi corporis : ergo non recedit.

Solutio : Corpus illud recedere via recta est totum mundum moueri , Concedo. via obliqua , seu ad latus , & condensari , Nego. & concessa minori : ergo non recedit via recta , Concedo. via obliqua , & condensando alia corpora , Nego.

Contrà. Aër sæpè non potest refluere ad latus, etiam cùm nullum est aliud corpus à quo possit occupari spatium relictum à corpore, quod recedit: ergo tunc dabitur vacuum.

Antecedens pr. Cùm aqua congelatur hyeme intra vas bene occlusum, aër refluere non potest ad latus: ergo aër sæpè non potest refluere ad latus, etiam cùm non est aliud corpus, à quo possit occupari spatium relictum à corpore, quod recedit.

Solutio: Cùm aqua congelatur hyeme intra vas bene occlusum aer refluere non potest ad latus, & non frangitur vas, aut nullum est aliud corpus à quo spatium relictum occupetur, Nego. & est aliud corpus à quo occupetur, aut frangitur vas, Concedo. Illud corpus esse posset corpuscula illa quae includebantur in aqua ante congelationem.

Contrà. Non est necessarium admittere illa corpuscula replentia illud spatium: ergo non est dicendū illud spatiū repleti ab illis corpusculis.

Antecedens pr. Non est magis necessarium illud spatiū esse repletum illis corpusculis, quàm illud, quod deferitur à duabus tabulis perfectè planis iunctis, dum separantur simul secundum omnes partes; atqui illud spatium non est repletum: ergo neque aliud.

Solutio: Atqui illud spatium non est repletum & illa tabula separari possunt simul secundum omnes partes, Nego. & non possunt simul separari secundum omnes partes, Concedo.

Contrà. Suppono Angelum Gabrielem v. g. applicare se ad mouendam vnā ex illis tabulis versus orientem, & Raphaëlem ex opposito trahere.

344 TRACT. III. PHYS. DISP. III.

re aliam, quàm magno potest conatu versus occidentem, quo posito sic argumenter.

In illa suppositione tabulæ illæ separantur à se inuicem secundum omnes partes, vel tantum secundum aliquas, & secundum alias sibi adherent; atqui secundum nullas planè sibi adherent: ergo tabulæ illæ separantur simul secundum omnes partes.

Solutio: *Neganda est maior, si non supponatur simul dari aliud corpus, quod succedere possit in locum relictum ab illis tabulis, dum secundum aliquas partes separantur; & ratio est facilis, quia, vel Angeli trahentes illas sunt aequalis virtutis, vel inaequalis; si aequalis, æquè vincet, & ita immota manebunt tabula: si inaequalis, fortior trahet ambas versus partem, versus quam volebat trahere suam; vis enim trahitiua indita isti ad seruandam contiguitatem trahet aliam, & ita amba versus eandem partem mouebuntur.*

Si verò supponatur esse corpus, quod possit succedere in locum relictum ab aëre, dum separantur; Neganda est minor, & dicendum adherere sibi secundum omnes illas partes, in quarum locum non potest ipso initio succedere aliud corpus.

Contrà. Illæ tabulæ secundum aliquas partes non sibi adherent: ergo secundum nullas sibi adherent.

Antecedens pr Vis separatiua æquè applicata est omnibus: ergo secundum nullas sibi adheret.

Solutio: *Vis separatiua æquè applicata est omnibus, & æquè in locum omnium remotarum, scilicet, & qua sunt in medio, ac vicinarum, & qua sunt in extremitate, patet succedere corpus occu-*

trans illud spatium, Nego. & non potest, Concedo. Certè ut hoc posset deberet esse simul in pluribus locis, scilicet, in extremitate, & in medio, quæ sunt plura loca illius adæquatissima.

TERTIA CONCLUSIO:

Causa motus, quo impeditur vacuum, est virtus tractiva indita singulis corporibus, ad retinendam contiguitatem cum alijs.

CAUSA motus, quo impeditur vacuum, est vis inexistens corpori, quod recedit, aut quod succedit in locum recedentis; atqui non est virtus inexistens corpori succedenti in locum recedentis: ergo est virtus inexistens recedenti ipsi indita, ad retinendam contiguitatem cum alijs.

Minor pr. Quando per fistulam admotam aquæ illa ascendit, ær est corpus recedens, & aqua succedens; atqui illa virtus non inexistit aquæ succedenti: ergo virtus illa non inexistit corpori quod succedit.

Minor pr. Illa virtus non inexistit ei, quod non potest dici causa ascensus aquæ; atqui aqua dici non potest causa sui ascensus: ergo illa virtus non inexistit aquæ succedenti.

Minor pr. Illud dici non debet causa ascensus aquæ, per quod difficilius, aut non satis explicatur maior illa difficultas, quæ est in trahendo ære; cum aqua debet succedere, quàm cum aliud corpus leuius; atqui admissio, quod aqua sit causa sui ascensus difficilius explicatur maior difficultas, quàm experimur in trahendo ære, cū aqua debet succedere, quàm cum aliud corpus leuius:

346 TRACT. III. PHYS. DISP. III.
ergo aqua dici non debet causa sui ascensus.

Minor pr. Experiri non possumus maiorem difficultatem in trahendo aëre, cum aqua succedere debet, quam cum aliud corpus leuius, quin efficiamus aliquid circa motum aquæ sursum; atqui admissio quod aqua sit causa sui ascensus, nihil efficimus circa motum aquæ sursum: ergo admissio quod aqua sit causa sui ascensus, difficilius explicatur maior illa difficultas, quā experimur in trahendo aëre cum aqua debet succedere, quam cum aliud corpus leuius.

Maior probatur primò.

Non experimur difficultatem nisi cum patimur, aut agimus; atqui cum aqua ascendit nihil patimur: ergo aliquid circa illius motum efficere debemus.

Minor prioris argumenti probatur secundò.

Illud tantum efficit aliquid circa motum aquæ, quod producit illius ascensum; atqui admissio quod aqua sit causa sui ascensus, sola aqua illud producit: ergo admissio quod aqua sit causa sui ascensus, nihil efficimus circa motum aquæ.

Q U A R T A C O N C L U S I O :

Vacuum dari potest diuinitus.

D A R I vacuum nihil est aliud, quam dari superficiem aliquam capacem ambire aliquod corpus, & de facto nullum ambientem; atqui non implicat dari huiusmodi superficiem: ergo non implicat etiam dari vacuum.

Minor pr. Illud non implicat dari, ex quo non sequitur esse, & non esse illius rei, vel alterius:

atqui ex eo, quòd detur huiusmodi superficies, nō sequitur esse, & nō esse illius rei, neque alterius: ergo nō implicat dari huiusmodi superficiē

Minor pr. Sequitur tantum esse illam superficiem, & non esse aliam, quæ ab ista ambiatur: ergo non sequitur esse, & non esse illius rei, neque alterius.

SECTIO II.

An possit esse motus in Vacuo.

V N I C A C O N C L U S I O :

Motus localis successivus fieri potest in vacuo.

IB I fieri potest motus localis successivus, ubi sunt omnia requisita ad illius productionem: atqui in vacuo possunt esse omnia requisita ad illius productionem: ergo motus localis successivus fieri potest in vacuo.

Minor pr. Requisite ad productionem motus localis successivi sunt vis motiua, res quæ possit moveri, & distantia in spatio, per quod moveri debet: atqui hæc tria reperiri possunt in vacuo: ergo in vacuo esse possunt omnia requisita ad illius productionem.

Minor pr. In vacuo potest poni homo, potest etiam poni lapis funi alligatus: atqui in homine illo est vis motiua, & in lapide vis receptiva motus, & distantia inter partes superficiē vacuæ: ergo in vacuo est vis motiua, res quæ possit moveri, & distantia in spatio.

Distinguunt aduersarij, & in lapide est vis rece-

348 TRACT. III. PHYS. DISF. III.
piua motus localis successiui, Negant. motus, qui non sit successiui, Concedunt.

Contrà. Motus, per quem transit lapis ab vna parte superficiei ad aliam, est verè successiui: ergo in lapide est vis receptiua motus propriè successiui.

Antecedens pr. Ille motus localis est verè successiui, per quem mobile non est simul, & semel in omnibus partibus spatij, quod decurrit; atqui lapis non est simul, & semel in omnibus partibus spatij interiacētis inter extremitates superficiei vacuæ: ergo motus, per quem transit lapis ab vna parte superficiei ad aliā, est verè successiui.

Minor pr. Lapis existens simul, & semel in omnibus partibus spatij interiacētis inter extremitates superficiei vacuæ, est simul in plurib⁹ locis; atqui non potest esse simul in pluribus locis: ergo lapis non est simul, & semel in omnibus partibus spatij interiacētis inter partes superficiei vacuæ.

Vt probetur minor:

Suppono *superficiem vacuam esse parietes istius scholæ, & spatium interiacens esse illud, quod est ab vno pariete ad alium. hoc posito sic argumentor:*

Septem, aut plures partes spatij designati sunt singulæ locus lapidis istius: ergo ille existens simul in omnibus partibus istius spatij est simul in pluribus locis.

Consequens pr. Illud est simul in pluribus locis, quod est simul in pluribus partibus spatij: quarum quælibet est illius locus; atqui lapis ille est in pluribus partibus spatij, quarum quælibet potest esse eius locus: ergo existens in omnibus partibus istius spatij, est simul in pluribus locis.

Distinguunt secundum argumentum supra factum. Requisita ad motum successivum sunt via motiva, res, qua possit moveri, & distantia in spatio tantum, Negant. & simul resistantia illius spatij, Concedunt.

Contrà. Illud non potest dici necessarium ad motum illum, sine quo ille esse potest; atqui etiam si non sit illa resistantia, motus ille esse potest: ergo resistantia illa non est quid requisitum ad illum motum.

Minor pr. Sine eo potest esse motus iste, sine quo mobile prius esse debet in vna parte spatij decurrendi, quàm in alia; atqui sine hac resistantia mobile potest esse prius in vna parte spatij decurrendi, quàm in alia: ergo etiam si non sit illa resistantia motus ille esse potest.

Minor pr. Mobile non potest esse simul in omnibus partibus illius spatij decurrendi. ergo debet esse prius in vna parte quàm in alia.

Antecedens pr. Partes mobilis quod est simul in omnibus partibus illius spatij se penetrant; atqui non possunt se penetrare: ergo mobile non potest esse simul in omnibus partibus illius spatij.

Minor pr. Partes illius mobilis se penetrant, quæ sunt simul in eadem parte spatij; atqui quæ sunt simul in omnibus partibus illius spatij sunt simul in eadem parte spatij: ergo partes mobilis quod est simul in omnibus partibus illius spatij se penetrant.

Obijcies. Omnis motus localis successivus est motus gravium, & leuium, aut proiettorum, aut progressivus; atqui nullus ex illis potest fieri:

350 TRACT. III. PHYS. DISP. III.

in vacuo : ergo motus localis successivus non potest fieri in vacuo.

Minor de motu gravium & leuium probatur.

Ibi non potest esse motus gravium, & leuium, vbi non est sursum, neque deorsum; atqui in vacuo non est sursum, neque deorsum: ergo in vacuo non potest esse motus gravium, & leuium.

Solutio : Atqui in vacuo strictè sumpto non est sursum, neque deorsum. Nego. in vacuo latè sumpto, seu inani, & spatio imaginario, Concedo. ergo motus gravium, & leuium non potest esse in vacuo latè sumpto, seu inani, Concedo. in vacuo strictè sumpto, Nego.

Contrà Omnis motus successivus fieri debet in tempore; atqui motus gravium, & leuium factus in vacuo etiam strictè sumpto non fit in tempore: ergo motus gravium, & leuium non potest esse in vacuo strictè sumpto.

Minor pr. Tempus illud esset determinatum, vel indeterminatum; sed neutrum dici potest: ergo non fit in tempore.

Respondco esse determinatam.

Contrà. Tempus illud determinatum debet esse hora, dies, vel mensis &c. atqui non potest dici quòd fit hora, neque dies &c. ergo non est tempus determinatum.

Antecedens pr. Non potest dici, quòd fit dies potius, quàm hora, quin assignetur causa illius tarditatis; atqui nulla assignari potest: ergo non potest dici quòd fit hora, neque dies.

Minor pr. Illa causa non potest esse nisi resistentia spatij decurrendi; atqui illa non est cau-

sa, quòd sit dies potiùs, quàm hora : ergo nulla causa assignari potest illius tarditatis.

Maier pr. Alia illa causa non potest esse nisi limitatio agentis; atqui non est limitatio agentis: ergo illa causa non potest esse nisi resistantia spatij decurrendi.

Minor pr. Limitatio agentis nihil est aliud, quàm vis motiua illius finita : atqui illa non est causa, cur tempus illud sit potiùs dies, quàm hora: ergo illa alia causa non est limitatio agentis.

Minor pr. Illud non est causa, cur hoc tempus sit potiùs dies, quàm hora, quod non est causa successionis, & tarditatis illius motus; atqui vis motiua finita dici non potest causa successionis, & tarditatis illius motus: ergo vis motiua finita non est causa, cur tempus illud sit potiùs dies quàm hora.

Minor pr. Non magis vis illa motiua finita dici debet causa tarditatis maioris illius motus, quàm vis illuminatiua tarditatis illuminationis; atqui vis illuminatiua non est causa tarditatis illuminationis : ergo neque vis motiua finita tarditatis maioris illius motus.

Solutio : Non magis vis illa motiua præcisè, sumpta dici debet causa tarditatis maioris illius motus, quàm vis illuminatiua illuminationis, Concedo. si sumatur coniuncta (ut in casu nostro) cum distantia extremitatum spatij decurrendi, Nego. & concessa minori: ergo vis motiua finita præcisè sumpta dici non debet causa tarditatis maioris illius motus, Concedo. coniuncta cum distantia extremitatum spatij decurrendi. Nego.

352 TRACT. III. PHYS. DISP. III.

Con. rā. Distantia illa sine resistantia medij non facit, vt motus sit tardior; atqui nulla est resistantia medij: ergo distantia non facit, vt motus sit tardior.

Maior pr. Illud non facit, vt motus sit tardior, quod non est sufficiens, vt sit motus; atqui distantia illa sine resistantia medij non est sufficiens, vt sit motus: ergo distantia illa sine resistantia medij non facit, vt motus sit tardior.

Minor pr. Illud non est sufficiens, vt sit motus, quod supponit non existentiam virtutis sufficientis ad ipsi dandum esse; atqui distantia illa sine resistantia medij supponit non existentiam virtutis sufficientis ad dandum esse motui: ergo distantia illa sine resistantia medij non est sufficiens, vt sit motus.

Minor pr. Virtus, quæ dici potest sufficiens ad dandum esse motui, cum non est resistantia medij est vis motiua hominis, & animalium; atqui illa non est sufficiens ad dandum esse motui, cum non est resistantia medij: ergo distantia illa sine resistantia medij supponit non existentiam virtutis sufficiētis ad dandum esse motui.

Minor pr. Vis motiua, quam nunquam experimur dare esse motui nisi cum est resistantia medij, non est sufficiens ad illi dandum esse, cum nulla est resistantia; atqui nunquam experimur vim motiuam animalium, & hominum dare esse motui; nisi cum est resistantia medij: ergo vis motiua hominum, & animalium non est sufficiens ad dandum esse motui cum nulla est resistantia medij.

Maior pr. Vis motiua, quam experimur tan-

nūm dare esse motui in casibus ordinariis, nō est sufficiens ad illi dandum esse in casibus extraordinariis; atqui cūm est resistentia mediij est casus ordinarius, & cūm non est resistentia casus extraordinarius: ergo vis motiua, quam nunquam experimur dare esse motui nisi cūm est resistentia mediij, non est sufficiens ad illi dandum esse, cūm nulla est resistentia.

Solutio: *Vis motiua, quam experimur tantūm dare esse motui in casibus ordinariis non est sufficiens ad illi dandum esse in extraordinariis, & miraculosis, si maior in illis requiratur virtus, transeat. si non maior requiratur virtus, Nego.* atqui cūm est resistentia mediij est casus ordinarius, & cūm non est resistentia extraordinarius, & in hoc maior requiritur virtus, Nego. & non maior requiritur virtus, Concedo.

Contrā. Non magis dicere debemus vim motiuam esse ad producendum motum vllō modo in casibus miraculosis; quā sit in accidentibus vis ad existendum sine subiecto; atqui accidentia non habent vim existendi sine subiecto: ergo non est etiam vis motiua ad producendum motum in casibus miraculosis.

Solutio: *Neganda est maior, quia ut accidentia existant sine subiecto maior requiritur virtus, quā ut sint in subiecto. ut autem producatu r motus sine resistentia mediij, minor desideratur virtus.*

Contrā. Impossibilis est virtus illa motiua sine resistentia mediij: ergo non minor requiritur virtus ad producendum motum sine resistentia mediij.

Antecedens pr. Tam impossibilis est virtus illa motiua sine resistantia mediij, quàm vis attollendi pondus sine grauatione; atqui hæc est impossibilis : ergo & illa.

Solutio: Tam impossibilis est virtus illa motiua sine resistantia mediij, quàm vis attollendi pondus sine grauatione quoad d. nominationem deuincientis resistantiam mediij, Concedo. in seipsa, Nego. atqui est impossibilis vis attollendi pondus sine grauatione quoad illam denominationem attollendi pondus, Concedo. in seipsa, Nego. hoc est potest manere illa virtus, & producere suum actum, nimirum impulsus in corpore, cui illum imprimat, non tamen dici per illum attollens illud pondus, quia ponderare conuenit tantum corpori graui.

Contrà. Illa virtus est impossibilis in seipsa, cui impossibile est producere suum actum; atqui impossibile est vt vis motiua producat motum sine resistantia mediij: ergo illa virtus producendi motum sine resistantia mediij est impossibilis in seipsa.

Minor pr. Impossibile est, vt motus sine resistantia mediij ab eadem virtute æqualiter applicata non sit velocior eo, qui fit cum resistantia mediij; atqui motus factus sine resistantia mediij ab æquali virtute, & æqualiter applicata, non est velocior necessario motu facto cum resistantia mediij: ergo impossibile est, vt vis motiua producat motum sine resistantia mediij.

Minor pr. Ille motus non est alio velocior, qui non fit minori tempore, & breuiori per idem spatium; atqui motus factus sine resistantia mediij ab æquali virtute, & æqualiter applicata non fit ne-

cessariò minori tempore : ergo non est necessariò velocior alio.

Ad certiores probationem minoris.

Supponunt motum factum sine resistantia medijs esse unus quadrantis, factum verò cum resistantia medijs esse unus hora, & sic argumentantur:

Potest ita minui resistantia medijs, ut motus ille factus cum illa resistantia sit tantum mediæ horæ : ergo non fit necessariò minori tempore.

Antecedens pr. Motus ille diminutus iam per diminutionem resistantiæ media hora, potest etiam minui altero quadrante per diminutionem resistantiæ alterius quadrantis; atqui motus ille diminutus hoc modo non fit minori tempore: ergo potest ita minui resistantia medijs, ut motus ille factus cum illa resistantia sit tantum mediæ horæ.

Maior pr. Potest minui dimidio quadrante, ergo, & quadrante.

Consequentia pr. Vel potest residuum dimidij quadrantis minui, vel non; atqui neutrum dici potest : ergo minui, potest quadrante.

Respondeo posse minui.

Contrà. Vel medio dimidij quadrantis, vel toto dimidio quadrante.

Respondeo posse minui medio dimidij.

Contrà. Vel potest minui semper, & semper, vel non; sed neutrum dici potest : ergo non potest minui medio dimidij.


Solutio: Vel potest minui semper, & semper secundum partes aliquotas, Nego. secundum partes proportionales, Concedo. atqui non potest minui semper, & semper secundum partes aliquotas, Cō-

cedo. secundum partes proportionales. Nego. Ratio est, quia resistentia illa supponitur manere, ac proinde tota tolli non potest, unde nec etiam totum tempus auferri, quod in illa de vincenda insumitur; unde non sequitur, quod licet semper minui possit secundum partes proportionales, possit habere durationem non maiorem ea, qua conceditur ubi nulla est resistentia.

Contra. Potest minui resistentia secundum partes aliquotas semper, & semper: ergo nulla solutio.

An ocedens pr. Qui admittit non posse minui resistentiam secundum partes aliquotas semper, & semper, fateri debet dari proportionem aliquam inter vacuum, & plenum; atqui nulla datur proportio inter vacuum & plenum: ergo minui potest resistentia secundum partes aliquotas semper, & semper.

Solutio: Qui admittit non posse minui resistentiam secundum partes aliquotas semper, & semper, fateri debet dari proportionem aliquam inter vacuum, & plenum in ratione pleni, & vacui, Nego. in ratione temporis, aut durationis, qua insumitur in decurrendo utroque spatio. Concedo. atqui nulla datur proportio inter plenum, & vacuum in ratione temporis, aut durationis, qua insumitur in utroque spatio decurrendo, Nego. in ratione pleni, & vacui, Concedo. & ratio est, quia cum vacuum nihil sit, sub ea ratione habere non potest proportionem cum pleno, quod est aliquid positivum, potest tamen sub alia, quatenus nimirum tempus quod insumitur à mobili in utroque decurrendo est maius, minus, aut aequale.



DISPUTATIO IV.

De Tempore.



EMPVS sicut & locus sonat extensionem, sed hic permanentem, & totam simul; illud verò successivam, & cuius partes sunt aliæ post alias.

SECTIO PRIMA.

Quid, & quotuplex sit duratio.

PRIMA CONCLUSIO:

Duratio est accidens realiter superadditum rei duranti.

DURATIO est id, per quod res est potius hoc tempore, quàm alio; atqui id, per quod res est hoc potius tempore, quàm alio, est accidens realiter ei superadditum: ergo duratio est accidens realiter superadditum rei duranti.

Minor pr. Illud, per quod res est hodie potius quàm heri, aut alio tempore, est quid distinctū ab illa; atqui illud distinctum non potest esse

358 TRACT. III. PHYS. DISP. IV.

aliud quàm accidens ei realiter superadditum: ergo id, per quod res est hoc potius tempore, quàm alio, est accidens ei realiter superadditū.

Minor pr. Illud distinctum non potest esse nisi tempus extrinsecum, aut accidens ei realiter superadditum; atqui non est tempus extrinsecum: ergo est accidens ei realiter superadditū.

Minor pr. Per illud res non est potius hodie, quàm heri, quo posito, & coexistente res potest non esse hodie; atqui posito tempore extrinsecoco coexistente rei duranti, potest illa res non esse hodie: ergo non est tempus extrinsecum.

Minor pr. Tempus extrinsecum est motus primi mobilis; atqui posita coexistentia motus primi mobilis cum re durante res illa potest non esse hodie: ergo posito tēpore extrinsecoco coexistente rei duranti potest illa res non esse hodie.

Ut probeatur minor,

Suppono motum hodiernum primi mobilis productum fuisse, ut poterat cūm Cæsar regnabat, & sic argumentor:

Motus primi mobilis in hoc casu coëxistebat Cæsari; atqui per illum non dicebatur Cæsar durare hodie: ergo id, per quod res est hodie potius, quàm alio tempore, non est coëxistentia motus primi mobilis cum re durante.

Obiicies Deus est res durans; atqui duratio non est accidens ei realiter superadditum: ergo duratio non est accidens realiter superadditum rei duranti.

Solutio: Deus est res durans indifferens, ut sit hoc tempore, vel alio, Nego. determinata essentialiter ad coëxistendum omni tempore, Conce-

do. ergo *duratio non est accidens realiter superadditum rei duranti indifferenti ut sit hoc tempore vel alio*, Nego. *determinata essentialiter ad coëxistendum omni tempore*. Concedo.

Contrà. Ignis conseruatus est res indifferens, ut sit hoc tempore, vel alio; atqui duratio non est accidens ei realiter superadditū: ergo duratio non est accidens realiter superadditū rei indifferenti, ut sit potius hoc tempore quàm alio.

Minor pr. Illud non est accidens superadditum igni conseruato, quod non est realiter ab ipso distinctum; atqui duratio non est distincta realiter ab igne conseruato: ergo non est accidens ei realiter superadditum.

Minor pr. Ignis conseruatus nihil aliud dicit, quàm entitatem ignis, & actionem dantem ei esse; atqui duratio non est entitas ignis, neque etiam actio ei dans esse: ergo duratio non distinguitur realiter ab igne conseruato.

Maior pr. Ignis conseruatus nihil aliud dicit, quàm id, ad quod terminatur voluntas Dei de illo conseruando; atqui terminus illius voluntatis non est aliud, quàm entitas ignis, & actio dans ei esse: ergo ignis conseruatus nihil est aliud quàm entitas ignis, & actio ei dans esse.

Minor pr. Terminus illius voluntatis non debet dici aliud, quàm id, quo posito intelligitur ignis conseruatus: atqui posita illa actione, & entitate ignis, intelligitur ignis conseruatus: ergo terminus illius voluntatis nihil est aliud quàm entitas ignis & actio ei dans esse.

Minor pr. Ignis conseruatus nihil aliud dicit, quàm quod importat idem continenter produ-

ctus; atqui posita illa actione, & entitate ignis, ignis est continenter productus : ergo & conservatus.

Minor pr. Ignis continenter productus nihil est aliud, quam ignis productus hoc tempore, illo, & alio; atqui posita actione, & entitate ignis, ignis est productus hoc tempore, illo, & alio : ergo posita illa actione & entitate ignis, ignis est continenter productus.

Minor pr. Ignis est productus hoc tempore, posita actione, & entitate ignis : ergo ignis est productus hoc tempore, illo, & alio, posita actione, & entitate ignis.

Solutio : Ignis est productus hoc tempore posita actione & entitate ignis, secluso omni alio, Nego. inclusa duratione, Concedo.

Contrà. Duratio illa est impossibilis : ergo non debet dici ibi inclusa.

Antecedens pr. Duratio illa non habet causam : ergo est impossibilis.

Antecedens pr. Causa illius non potest esse alia, quam res producta, & existens; atqui illa non est eius causa : ergo nullam potest habere causam.

Minor pr. Rem productam esse eius causam est ipsam durationem sibi præsupponi; atqui duratio non potest sibi præsupponi : ergo res producta non potest esse illius causa.

Maior pr. Durationem sibi præsupponi est esse sui causam; atqui rem productam esse illius causam est ipsammet se causare : ergo rem productam esse illius causam est ipsammet sibi præsupponi.

Minor pr. Illud causat durationem, quod præintelligitur, ut causa illi det esse; atqui duratio præintelligitur, ut res producta det illi esse: ergo rem productam esse causam durationis est ipsamet durationem se causare.

Minor pr. Ut res producta det esse durationi debet præsupponi habere esse in hoc tempore, atqui duratio præintelligitur in eo, quod est illam habere esse hoc tempore: ergo duratio præintelligitur ut res producta det illi esse.

Maior pr. Non sufficit illam præsupponi habere esse: ergo debet præsupponi habere esse in hoc tempore.

Antecedens pr. Quod requiritur; ut causa det esse effectui debet illi præsupponi: atqui causam esse hoc tempore, est necessarium, ut illa det esse effectui: ergo causam esse hoc tempore debet præsupponi ut det esse effectui.

Solutio: Neganda est maior, quia ex necessariis ad existentiam effectus quadam possunt esse tantum concomitantia, ut contingit in approximatione, quæ autem tantum sunt concomitantia non possunt dici præsupponi, verum quidem est, ut res producat debere existere hoc tempore, vel illo, sed non est necessarium, ut totum id, quod intelligitur in eo, quod est producere hoc tempore, teneat se ex parte causa, & actus primi; sufficit enim ex parte actus primi entitas rei causantis, quam comitetur cum causat duratio, per quam habet, ut sit hoc tempore. Neque enim id, per quod res est hoc tempore concurrens ad dandum esse effectui.

SECUNDA CONCLUSIO:

Duratio distinguitur realiter à productione sui subiecti.

DURATIONI, & productioni ipsius subiecti conueniunt prædicata contradictoria: ergo duratio distinguitur realiter à productione sui subiecti.

Minor pr. Esse priorem natura subiecto, & non esse priorem illo sunt prædicata contradictoria: atqui illa conueniunt durationi, & productioni subiecti ipsius: ergo durationi, & productioni ipsius subiecti conueniunt prædicata contradictoria.

Minor pr. Illud est prius natura subiecto, quod dat illi esse, & illud non est prius natura eodem quod ab eo accipit esse: atqui productio subiecti dat ei esse, & duratio accipit ab eo esse: ergo productioni subiecti conuenit esse priorem illo natura, & durationi non esse priorem.

Secunda pars minoris pr.

Tam duratio accipit esse à suo subiecto quàm vbi: atqui vbi accipit: ergo & duratio.

Minor pr. Ideo vbi accipit esse à suo subiecto, quia subiectum præintelligitur ei, quod est ipsum esse in hoc loco potius, quàm in alio: atqui subiectum etiam præintelligitur ei, quod est ipsum esse in hoc tempore potius, quàm in alio: ergo tam duratio accipit esse à suo subiecto, quàm vbi.

Minor pr. Ideo subiectum præintelligitur ei

quod est ipsum esse in hoc loco potius, quàm in alio; quia est indifferens ut sit in hoc, vel in illo; atqui subiectum est etiam indifferens ut sit hoc vel illo tempore: ergo subiectum præintelligitur ei, quod est ipsum esse in hoc tempore potius quàm in alio.

Respondere possent illi maximè qui admittunt rem posse esse sine ubi. Ideo subiectum præintelligitur ei quod est ipsum esse in hoc loco potius, quàm in alio, quia est indifferens ut sit in hoc vel in illo, & potest esse sine ullo, Concedo. & non potest esse sine aliquo, Nego. atqui subiectum est etiam indifferens ut sit in hoc, vel in illo tempore, & non debet esse necessariò in aliquo, Nego. & debet esse necessariò in aliquo, Concedo.

Contrà Id, per quod subiectum est in hoc tempore potius quàm in alio, non est idem cum eius productione: ergo nulla solutio.

Antecedens pr. Productio subiecti perseverat non perseverante eius duratione, seu eo, per quod constituitur in hoc tempore potius quàm in alio: ergo id, per quod subiectum est in hoc tempore potius, quàm in alio, non est idem cum eius productione.

Probatur primò antecedens contra eos, qui non distinguunt actus vitales ab actione, per quam fiunt.

Productio subiecti, seu in ista sententia actus téperantiæ valde intensus, & effectivus habitus
 O ti valdè intensi in subiecto iam occupato ab habitu contrario intenso ut octo, perseverat per aliquod tépus; atqui non perseverat eius duratio, sicut nec ulli⁹ alteri⁹ rei: ergo pro-

364 TRACT. III. PHYS. DISP. IV.
ductio subiecti perseverat non perseverante eius
duratione.

Maior pr. Actus ille perseverat donec produ-
xerit habitum sibi correspondentem; atqui ad
hoc requiritur aliquod tempus, seu non pro-
ducit illum cum primò est, sed aliquanto post
ex dicendis in tractatu de anima, ubi de habi-
tibus: ergo actus ille temperantiæ perseverat
per aliquod tempus.

*Probatur secundo superius antecedens in omni
sententia.*

Productio, seu actio perseverat perseveran-
tibus eius causis, & effectu; atqui non perseve-
rat duratio: ergo productio subiecti perseverat,
non perseverante eius duratione.

*Respondere possent, perseverantibus causis &
effectu productionis perseverat & ipsa eadem nu-
mero, Nego. eadem specie, Concedo. atqui non
perseverat duratio eadem numero, Concedo. ea-
dem specie, Nego.*

Contrà. Duratio secundi instantis est diuer-
sæ speciei ab ea, quæ correspondet primo in-
stanti: ergo nulla solutio.

Antecedens pr. Durationes correspondentes
diuersis temporibus sunt diuersæ speciei; atqui
primum, & secundum instans sunt diuersa tem-
pora: ergo duratio primi, & secundi instantis
sunt diuersæ speciei.

Maior pr. Diuersitas speciei durationum desu-
mi debet ab eo, quod est illis maximè essenziale,
& in illis præcipuè attenditur; atqui correspon-
dèntia ad tēpus est illis maximè essentialis, & in
illis præcipuè attēditur: ergo durationes corre-

Spondētes diuersis tēporibus sūt diuersæ speciei.

Minor pr. In omnium sententia est illis essentialis, non verò tendentia ad subiectum in sententia eorum qui dicunt durationem esse entitatem solidam: ergo correspondentia ad tempus est maximè essentialis durationi.

Obijctes. Duratio non distinguitur realiter ab actione, per quam producitur res durans: ergo duratio, & productio ipsius subiecti non distinguuntur realiter.

Antecedens pr. Vt duratio distinguatur realiter ab actione rei durantis fieri debet per actionem distinctam: atqui duratio non fit per actionem distinctam: ergo duratio non distinguitur realiter ab actione, per quam producitur res durans.

Minor pr. Actio distincta productiua durationis debet esse motus, atqui actio productiua durationis non potest esse motus: ergo duratio non fit per actionem distinctam.

Minor pr. Nullus est alius motus, quàm productio qualitatis, productio vbi, & acquisitio quantitatis: atqui actio productiua durationis non est productio qualitatis, nec vbi, nec acquisitio quantitatis: ergo actio productiua durationis non est motus.

Solutio: Nullus est alius motus, quàm productio qualitatis, aut vbi, & acquisitio quantitatis proprius rerum corporearum, Concedo. non proprius illarum, sed communis etiam rebus spiritalibus, Nego. ergo productio durationis non est motus proprius rerum corporearum, Concedo. non proprius illarum, sed præterea communis rebus spiritalibus, Nego.

366 TRACT. III. PHYS. DISP. IV.

Contrà. Non est alius motus, quàm illi, quos enumeravit Aristoteles; atqui Aristoteles numeravit tantùm inter motus productionem qualitatis, & ubi, & acquisitionem quantitatis: ergo non est alius motus præter illos.

Solutio: *Non est alius motus præter illos, quos numeravit Aristoteles proprius rerum corporearum, Concedo. non proprius, Nego. eodem modo distinguendum est consequens. Aristoteles egit tantùm in physica de iis, quæ erant propria rerum corporearum, qualia sunt tria illa genera motuum, de quibus locutus est.*

TERTIA CONCLUSIO:

Possibilis est duratio creata permanens.

DURATIO permanens est illa, quæ inuariata sine successione facit coexistere rem spatio temporario diuisibili; atqui illa est possibilis: ergo possibilis est duratio creata permanens.

Minor pr. Non est alia implicantia assignabilis in ista duratione, quàm quòd destrui non possit quolibet instanti; atqui nulla est implicantia, quòd destrui non possit quolibet instanti: ergo est possibilis.

Minor pr. Non maior est implicantia, quòd destrui non possit duratio quolibet instanti, quàm produci; atqui nulla est implicantia, quòd produci non possit quolibet instanti: ergo neque quòd non possit destrui.

Mayor pr. Implicantia quare non possit destrui quolibet instanti, tota petitur ex eo, quòd Deus non possit disponere de illa ut voluerit; atqui eadē implicantia reperitur in re, quæ non est pro-

ducibilis quolibet instanti : ergo non maior est repugnantia , quòd non possit destrui quolibet instanti , quàm quòd non possit produci.

Minor prioris argumenti probatur.

Res quæ est affixa essentialiter certo, & determinato tempori, produci nō potest quolibet instanti ; atqui quælibet duratio est affixa essentialiter certo , & determinato tempori : ergo non potest produci quolibet instanti.

Major pr. Res, quæ produci non potest nisi in certo aliquo tempore, produci non potest quolibet instanti ; atqui res quæ est affixa essentialiter certo tempori, produci non potest nisi illo tempore , ergo res, quæ est affixa essentialiter certo tempori , prōduci non potest quolibet instanti.

Obijcies. Duratio permanens est illa , quæ coëxistit quadranti , semihoræ , vel horæ ; atqui non potest dari duratio coëxistens quadranti, semihoræ , vel horæ : ergo non est possibilis duratio creata permanens.

Minor pr. Tam non potest dari duratio coëxistens horæ, quàm coëxistens mensi, aut anno ; atqui non potest dari duratio coëxistens anno : ergo neque coëxistens horæ.

Minor pr. Non potest dari duratio coëxistens anno ; quin possibilis etiam sit duratio coëxistens omni tempori ; atqui non potest dari duratio coëxistens omni tempori : ergo neque anno.

Minor pr. Duratio coëxistens omni tempori est æterna ; atqui non potest dari duratio æterna : ergo neque coëxistens omni tempori.

Minor pr. Duratio æterna facit suum subiectū indestructibile per totam eternitatē ; atqui dari

368 TRACT. III. PHYS. DISP. IV.
non potest subiectum indestructibile per totam
æternitatem : ergo neque duratio æterna.

Mayor pr. Duratio, quæ facit suum subiectum
indestructibile per totam æternitatem, facit
illud æternum : atqui duratio non facit suum
subiectum æternum : ergo neque indestructibile
per totam æternitatem.

Minor pr. Duratio non dat suo subiecto, quod
est proprium solius Dei ; atqui esse æternum est
proprium solius Dei : ergo duratio non facit
suum subiectum æternum.

Solutio : Atqui *esse æternum est proprium solius
Dei æternitate essentiali & independente*. Concedo.
æternitate accidentali & dependente, Nego.
& concessa minori : ergo duratio non facit suum
subiectum æternum æternitate essentiali, & in-
dependente, Concedo. *accidentali, & depen-*
dente Nego. *Æternitas quæ est propria Dei de-*
bet esse independens ; quia cum sit idem cum Deo,
qui est independens, ipsa non potest non esse inde-
pendens : duratio autem illa creata æterna non est
independens, quippe quæ eo ipso, quod est creata,
esse debeat ab alio, & ab eo dependere.

QUARTA CONCLUSIO :

Duratio, quæ datur de facto est successiva.

ILLA duratio est successiva, quæ non coëxi-
stit secundum se totam diuersis temporibus ;
atqui duratio, quæ datur de facto non coëxistit
secundum se totam, & secundum idem sui di-
uersis temporibus : ergo duratio, quæ datur de
facto est successiva.

Minor pr. Illa duratio non coëxistit secundum se totam, & idem sui diuersis temporibus, quæ non coëxistit diei integro, horæ, semi-horæ, aut quadranti, &c. atqui duratio, quæ datur de facto non coëxistit diei, horæ &c. ergo duratio quæ datur de facto non coëxistit secundum se totam, & secundum idem sui diuersis temporibus.

Minor pr. Duratio hominis, & animalium est duratio, quæ datur de facto; atqui duratio hominis, & aliorum animalium non coëxistit secundum se totam, & idem sui diei, horæ, &c. ergo duratio, quæ datur de facto non coëxistit diei, horæ &c.

Maior pr. Illa duratio non coëxistit secundum se totam, & idem sui diei integro, quæ qualibet parte diei desinere potest; atqui qualibet parte diei desinere potest duratio hominis, & aliorum animalium: ergo non coëxistit secundum idem sui diei integro.

Minor pr. Duratio illa desinere potest qualibet parte diei, cuius subiectum desinere potest qualibet parte diei; atqui homo, & alia animalia desinere possunt qualibet parte diei: ergo & eorum duratio.

Minor pr. Illa desinere possunt qualibet parte diei, quæ in qualibet parte diei mori, & occidi possunt; atqui homo qualibet parte diei mori potest: ergo & desinere.

QVINTA CONCLUSIO:

Quodlibet ens creatum, quod non est duratio, aut eius productio habet durationem distinctam.

NVLUM est ens, de quo dubitari possit an habeat durationem propriam, & distinctam, quàm accidentia, & entitates modales; atqui accidentia, & entitates modales habent durationem propriam, & distinctam: ergo omne ens creatum quod non est duratio, aut eius productio habet durationem distinctam.

Minor pr Illa habent durationem propriam, & distinctam, quæ non durant per durationem alterius; atqui accidentia, & entitates modales non durant per alienam durationem: ergo habent durationem distinctam.

Minor, r. Duratio aliena, per quam dici possunt durare, est duratio subiecti ipsorum, aut eius quod modificant, atqui accidentia, & entitates modales non durant per durationem sui subiecti, aut eius quod modificant: ergo non durant per alienam durationem.

Minor pr Quod durat per durationem alterius, debet necessario poni vbicunque aliud ponitur; atqui accidentia, & entitates modales non ponuntur necessario vbicunque poni potest eorum subiectum, aut modificatum, vt probauimus disputatione præcedenti: ergo non durant per durationem sui subiecti, aut eius quod modificant.

Maior pr. Quod durat per durationē alterius debet esse coniunctū cum duratione illius; atqui ut sit coniunctum cū illa, debet poni ubicunque illud ponitur: ergo quod durat per durationem alterius, debet poni ubicunque illud ponitur.

Maior pr. Quod durat per durationem alterius non potest esse separatum ab alterius duratione: ergo debet esse coniunctum.

Antecedens pr. Duratio non communicat suum effectum ei, quod est ab ipsa separatum; atqui durare est eius effectus: ergo quod durat per durationem alterius non potest esse separatum ab illius duratione.

Maior pr. Modi, & durationes non communicant suum effectum nisi per vnionem; atqui quod est separatum non est vnitum: ergo duratio non communicat suum effectum ei, quod est ab ipsa separatum.

Maior pr. Effectus formalis formæ est subiectum, ipsa & vtriusque vnio: atqui non potest esse subiectum, forma, & vtriusque vnio nisi per vnionem: ergo modi, & durationes non communicant suum effectum nisi per vnionem.

SEXTA CONCLUSIO:

Membra in quæ diuidi solet duratio, distinguuntur inter se, & illam exhauriunt.

MEMBRA in quæ diuidi solet duratio, sunt æternitas, æuum, instans tēporis discreti, & tēpus: atqui æternitas, æuum, instans tēporis dis-

Qvj

372 TRACT. III. PHYS. DISP. IV.
creti, & tempus distinguuntur inter se, & exhauriunt durationem : ergo membra, in quæ diuidi solet duratio distinguuntur inter se, & illam exhauriunt..

Prima pars minoris probatur.

Conceptus æternitatis, æui, instantis temporis discreti, & temporis sunt diuersi : ergo distinguuntur..

Antecedens pr. Conceptus æternitatis repræsentat id, per quod res coëxistit omni planè temporis possibili, conceptus æui repræsentat id, per quod res coëxistit omni temporis futuro ; conceptus instantis temporis discreti repræsentat id, per quod res coëxistit secundùm omnes suas partes, & idem sui diuersis temporis partibus, & conceptus temporis repræsentat id, per quod res coëxistit secundùm diuersas partes diuersis partibus temporis : atqui isti conceptus sunt diuersi : ergo conceptus æternitatis, æui, instantis temporis discreti, & temporis sunt diuersi.

Secunda pars minoris argumenti superioris pr.

Illæ exhauriunt durationem, quæ continent quidquid duratio : atqui æternitas, æuum, instantis temporis discreti, & tempus continent quidquid duratio : ergo illas exhauriunt..

Minor pr. Duratio est id, per quod res coëxistit spatio temporario, atqui æternitas, æuum, instantis temporis discreti, & tempus continent illud omne, per quod res coëxistit spatio temporario : ergo & quidquid duratio continet..

Minor pr. Id, per quod res coëxistit spatio temporario, debet necessario facere, vt coëxistat omni planè spatio temporario antè, & retinè

futuro independenter ab omni alio, vel spatio tantum omni futuro, aut si etiam antè, dependenter tamen, vel aliquibus tantum partibus illius spatij secundum idem sui, vel diuersis partibus eiusdem secundum diuersas sui partes: atqui æternitas continet primum, secundum æuum, tertium instans temporis discreti, & quartum tempus: ergo æternitas, æuum, instans temporis discreti, & tempus continent illud omne, per quod res coëxistit spatio temporario.

S E C T I O II.

*Quid sit Tempus, & an ad præteritum de-
tur potentia.*

P R I M A C O N C L U S I O :

*Tempus intrinsecum rectè dicitur, & so-
lùm duratio entis fluentis, & suc-
cessiui.*

PR I M A pars probatur.

Illud est duratio entis successiui, quod est duratio entis habentis partes post partes: atqui omne tempus intrinsecum est duratio entis habentis partes post partes: ergo omne tempus intrinsecum est duratio entis fluentis, & successiui.

Minor pr. Illud est duratio entis habentis partes post partes, quod non facit coëxistere id, cuius est duratio secundum idẽ sui diuersis parti-

374 TRACT. III. PHYS. DISP. IV.

bus temporis, sed tantum secundum diuersas; atqui tempus intrinsecum non facit coëxistere secundum idem sui diuersis partibus temporis; sed tantum secundum diuersas partes id, cuius est duratio: ergo tempus intrinsecum est duratio entis habentis partes post partes.

Minor pr. Vt faciat coëxistere secundum idem sui id, cuius est duratio, diuersis partibus temporis, debet illud esse permanens; atqui illud, cuius est duratio, non est permanens: ergo tempus intrinsecum non facit coëxistere id, cuius est duratio secundum idem sui diuersis partibus temporis, sed tantum secundum diuersas partes.

Secunda pars probatur, hoc illi soli conuenire.

Non potest dici conuenire alij, quam durationi entis permanentis; atqui non conuenit durationi entis permanentis: ergo hoc illi soli conuenit.

Minor pr. Non conuenit illi, quod facit coëxistere idem sui subiecti diuersis partibus temporis; atqui duratio entis permanentis facit coëxistere idem sui subiecti diuersis partibus temporis: ergo non conuenit durationi entis permanentis.

Minor pr. Eius subiectum est res permanens; atqui facit coëxistere rem permanentem diuersis partibus temporis: ergo & idem sui subiecti.

SECUNDA CONCLUSIO:

Tempus intrinsecum differt realiter à motu.

TEMPUS intrinsecum est duratio; atqui duratio distinguitur realiter à motu: ergo tempus intrinsecum differt realiter à motu.

Minor pr. Duratio distinguitur realiter à re, cuius est duratio; atqui motus est res, cuius est duratio: ergo distinguitur realiter à motu.

— Maior probata est conclusione prima, & minor conclusione secunda.

TERTIA CONCLUSIO:

Tempus extrinsecum est numerus motus secundum prius, & posterius, & quidem solum.

PRIMA pars probatur:

Illud est numerus motus secundum prius, & posterius, cuius partes fluentes distributæ per intellectum assumuntur ad cognoscendam durationem aliarum rerum; atqui partes temporis extrinseci distributæ per intellectum assumuntur ad cognoscendam durationem aliarum rerum: ergo tempus extrinsecum est numerus motus secundum prius, & posterius.

Minor pr. Partes fluentes illius rei assumuntur ad mensurandam durationem aliarum rerum, quæ est maximè nota, & valdè constans; atqui

376 TRACT. III. PHYS. DISP. IV.
tempus extrinsecum est maximè notum, & valde constans : ergo partes temporis extrinseci distributæ per intellectum assumuntur ad cognoscendam durationem aliarum rerum.

Minor pr. Tempus extrinsecum est motus primi mobilis; atqui motus primi mobilis est maximè notus, & valde constans; ergo tempus extrinsecum est maximè notum, & valde constans.

Secunda pars conclusionis probatur.

Nihil aliud præter tempus extrinsecum, dici potest numerus motus secundum prius, & posterius, quàm res permanentes, vel aliæ fluentes; atqui hoc non conuenit illis : ergo solum tempus extrinsecum est numerus motus secundum prius, & posterius.

Minor pr. Non conuenit illis, quæ non habent partes fluentes, aut si habeant, quæ non sunt maximè notæ; aut valde constantes; atqui res permanentes non habent partes fluentes, & aliæ fluentes non sunt maximè notæ, & valde constantes : ergo nec res permanentes, nec fluentes sunt numerus motus secundum prius, & posterius.

Minor de fluentibus probatur.

Illæ non sunt maximè notæ, quæ ab omnibus non cognoscuntur; atqui aliæ fluentes ab omnibus non cognoscuntur : ergo non sunt maximè notæ.

Obijcies. Partes temporis extrinseci non assumuntur ad cognoscendam durationem aliarum rerum : ergo tempus extrinsecum non est numerus motus secundum prius, & posterius.

Minor pr. Illius partes non assumuntur ad co-

gnosendam durationem aliarum rerum, quod non habet partes : atqui tempus extrinsecum non habet partes : ergo eius partes non affluuntur ad cognoscendam durationem aliarum rerum.

Minor pr. Illud dici non potest habere partes, cuius nullæ existunt : atqui nullæ partes temporis extrinseci existunt : ergo tempus extrinsecum non habet partes.

Minor pr. Partes temporis extrinseci non possunt esse nisi præteritæ, præsentēs, aut futuræ : atqui neque præteritæ, neque præsentēs, neque futuræ existunt : ergo nullæ partes temporis extrinseci existunt.

Respondeo *præsentes existere.*

Contrà. Illæ partes non sunt, de quibus non est verum dicere esse : atqui de partibus præsentibus temporis extrinseci non est verum dicere esse : ergo partes præsentēs temporis non sunt.

Minor pr. De nulla parte temporis verum est dicere esse : ergo de partibus præsentibus temporis extrinseci, non est verum dicere esse.

Solutio : De nulla parte temporis verum est dicere esse *permanenter*, Concedo. *fluenter*, Nego. Et eodem modo distinguendum est consequens. Ratio est, quia de ratione temporis non est, ut eius partes sint *permanenter*, sed tantum *fluenter*, quippe quod sit ens *successivum*, quod habere non potest suas partes *simul*.

QUARTA CONCLUSIO:

Tempus extrinsecum potest reproduci.

NOMINE temporis extrinseci intelligi potest motus primi mobilis: atqui motus primi mobilis reproduci potest: ergo tempus extrinsecum potest reproduci.

Minor pr. Motus primi mobilis nihil est aliud, quam actio, per quam fuere producta successivè illa ubi, quæ habuit primum mobile dum absoluit suum motum: atqui actio illa reproduci potest: ergo motus primi mobilis potest reproduci.

Minor pr. Actio illa reproduci potest, cuius omnes causæ iterum concurrere possunt ad illius productionem: atqui omnes causæ illius actionis iterum concurrere possunt ad illius productionem: ergo actio illa reproduci potest.

Minor pr. Causæ illius sunt, efficiens quidem, Angelus, & Deus, subiectiva verò cælum; atqui Angelus, Deus, & cælum iterum concurrere possunt ad illius existentiam: ergo omnes causæ illius actionis iterum concurrere possunt ad illius productionem.

Minor pr. Ut ad illius productionem iterum concurrere possint, nihil aliud requiri videtur, quam ut simul existant: atqui Angelus, Deus, & cælum simul existunt: ergo Angelus, Deus, & cælum iterum concurrere possunt ad illius productionem.

QVINTA CONCLUSIO :

Tempus extrinsecum reproduci non potest.

NOMINE temporis extrinseci intelligi potest actio productiua durationis motus primi mobilis: atqui actio productiua durationis motus primi mobilis reproduci non potest: ergo tempus extrinsecum reproduci non potest.

Minor pr. Illa actio reproduci non potest, quæ est essentialiter alligata certo tempori: atqui actio productiua durationis motus primi mobilis, est essentialiter alligata certo tempori: ergo actio productiua durationis motus primi mobilis reproduci non potest.

Minor pr. Actio productiua durationis tam est essentialiter alligata certo tempori quàm duratio: atqui duratio est essentialiter alligata certo tempori: ergo & actio productiua durationis motus primi mobilis.

Obijcies. Illud reproduci non potest quod semel est præteritum: atqui tempus extrinsecum, quomodocunque intelligatur est præteritum: ergo reproduci non potest.

Maior pr. Illud reproduci non potest, ad quod non datur potentia: atqui ad tempus præteritum non datur potentia: ergo illud reproduci non potest, quod semel est præteritum.

Solutio: Atqui *ad tempus præteritum non datur potentia, per quam fiat ut non fuerit præteritum, Concedo. ut non fiat iterum præsens. Nego.* ergo quod semel est præteritum, reproduci non

380 TRACT. III. PHYS. DISP. IV.
*potest productione. per quam fiat, ut non fuerit
præteritum, Concedo. per quam fiat ut sit iterum
præsens, Nego.*

Contrà. Præteritum quod fit præsens, est
præteritum, & non est præteritum : atqui non
datur potentia ut aliquid fiat præteritum, &
non præteritum : ergo ad præteritum non
datur potentia, per quam fiat iterum præsens.

*Respondeo esse præteritum, & falsum esse
non esse præteritum.*

Contrà. Quod est præsens definit esse præte-
ritum ; atqui ex concessis fit præsens : ergo de-
finit esse præteritum.

Solutio : Quod est præsens definit esse præteri-
tum, hoc est non perseverat manere sub nega-
tione sua existentia, quæ præcesserat, Concedo.
definit, hoc est, non est verum fuisse sub tali
negatione, Nego. & concessa minori : ergo
definit esse præteritum, hoc est, non perseverat
sub negatione sua existentia, Concedo. definit
esse præteritum, hoc est, non est verum fuisse
sub tali negatione, Nego. semper enim verum
est, non fuisse antea, licet iam sit.



SECTIO III.

Quomodo res incipiant, & desinant.

PRIMA CONCLUSIO:

*Res permanentes incipiunt per primum
sui esse.*

ILLA incipiunt per primum sui esse, de quibus verum est dicere, iam primò sunt, immediatè antè non erant: atqui de rebus permanentibus verum est dicere, iam primò sunt, immediatè antè non erant: ergo res permanentes incipiunt per primum sui esse.

Minor pr. De illis verum est dicere, iam primò sunt, immediatè antè non erant, quæ possunt fieri simul tota: atqui res permanentes possunt fieri totæ simul: ergo de illis verum est dicere iam primò sunt, immediatè antè non erant.

Minor pr. Illa possunt fieri tota simul, quorum partes nullam habent repugnantiam in simultanea productione: atqui partes rerum permanentium, non habent repugnantiam in simultanea productione: ergo res permanentes possunt fieri totæ simul.

SECUNDA CONCLUSIO:

*Res permanentes desinunt per ultimum esse,
vel per primum non esse.*

ILLA desinunt per ultimum esse, de quibus est verum dicere, iam ultimò sunt, immediatè post non erunt; atqui de rebus permanentibus verum est dicere, iam ultimò sunt, immediatè post non erunt: ergo res permanentes desinunt per ultimum esse.

Minor pr. De illis verum est dicere iam ultimò sunt, quorum totum esse simultaneè desinit; atqui rerum permanentium esse simultaneè desinit: ergo de rebus permanentibus verum est dicere, iam ultimò sunt, immediatè post non erunt.

Minor pr. Ut esse rerum permanentium desinat simultaneè; nihil aliud requiritur, quàm ut fiat simultaneè suspensio concursus, quo conseruantur; atqui potest fieri simultaneè suspensio concursus, quo conseruantur: ergo rerum permanentium esse simultaneè desinit.

TERTIA CONCLUSIO:

Res successivæ incipiunt per ultimum non esse.

ILLA incipiunt per ultimum non esse, de quibus verum est dicere, iam ultimò non sunt, immediatè post erunt; atqui de rebus successivis verum est dicere, iam ultimò non sunt, immediatè post erunt: ergo res successivæ incipiunt per ultimum non esse.

Minor pr. De illis verum est dicere, iam ultimò non sunt, immediatè post erunt, quæ non fiunt tota simul; atqui res successivæ non fiunt totæ simul: ergo de illis verum est dicere, iam ultimò non sunt, immediatè post erunt.

Minor pr. Illa non fiunt tota simul, quorum partes fiunt aliæ post alias; atqui partes rerum successivarum fiunt aliæ post alias: ergo non fiunt simul.

Q U A R T A C O N C L U S I O :

Res successivæ desinunt per primum non esse.

ILLA desinunt per primum non esse, de quibus verum est dicere, iam primò non sunt, immediatè antè erant; atqui de rebus successivis verum est dicere, iam primò non sunt, immediatè antè erant: ergo desinunt per primum non esse.

Minor pr. De illis verum est dicere, iam primò non sunt, immediatè antè erant, quorum esse non desinit simultaneè; atqui esse rerum successivarum non desinit simultaneè: ergo de illis verum est dicere, iam primò non sunt, immediatè antè erant.

Minor pr. Illorum esse non desinit simultaneè, quorum una pars perit ante aliam; atqui rerum successivarum una pars perit ante aliam: ergo esse rerum successivarum non desinit simultaneè.



DISPVATIO V.

De Continuo.

CONTINVVM in eo differt à contiguo, quòd istud nihil aliud importet, quàm immediationem vnus entis cum alio; illud verò significet præterea vnionem, & nexum esse inter suas partes, quarum explicatio inter eas recensenda est difficultates, quibus fateri necesse sit solutionem adhuc nullam datam esse quæ plenè satisfaciatur, diuino planè consilio, vt nemini dubium esse possit si ea, quæ adeò infra nos sunt ignoramus, potiori longè ratione ea, quæ sunt supra nos latere nos posse, æquissimùmque esse vt in iis, quæ nobis Ecclesia proponit credenda superantia nostrum caput, captiuemus intellectum nostrum in obsequium fidei.

SECTIO PRIMA.

De quantitate, & eius proprietatibus.

PRIMA CONCLUSIO:

Effectus formalis quantitatis, est impenetrabilitas partium.

ILLVD est effectus formalis quantitatis, quod est primum in quantitate, radix, & principiu
cætc-

cæterorum, quæ illi conueniunt; atqui impenetrabilitas partium est primum in quantitate, radix, & principium cæterorum, quæ illi conueniunt: ergo effectus formalis quantitatis est impenetrabilitas partium.

Minor pr. Primum in quantitate, & radix cæterorum debet esse necessario impenetrabilitas partium, vel multitudo partium, vel distinctio partium materiæ in ordine ad se, vel earumdem discrimen in ordine ad locum, vel mensurabilitas, vel diuisibilitas; atqui nullum est ex postremis: ergo est primum.

Prima pars minoris, quod non sit multitudo partium, probatur.

Illud dici non potest primum in quantitate, & radix cæterorum, quod illi soli non conuenit; atqui multitudo partium non conuenit soli quantitati: ergo non est primum in quantitate, & radix cæterorum.

Minor pr. Materia, & qualitates non sunt quantitas; atqui materiæ, & qualitatibus conuenit multitudo partium: ergo multitudo partium non conuenit soli quantitati.

Minor pr. Illis conuenit multitudo partium, quæ habent varias partes; atqui materia, & qualitates habent varias partes: ergo illis conuenit multitudo partium.

Secunda pars probatur, non esse distinctionem partium materiæ in ordine ad se.

Illud non est primum in quantitate, & radix cæterorum, quod non conuenit quantitati; atqui distinctio partium materiæ in ordine ad se, non conuenit quantitati: ergo distinctio partiū ma-

terix in ordine ad se, non est primum in quantitate.

Minor pr. Illi non conuenit distinctio partium materiæ in ordine ad se, quod non distinguit vnâ ab alia; atqui quantitas non distinguit vnâ partem materiæ ab alia; ergo distinctio partiû materiæ in ordine ad se, non conuenit quantitati.

Minor pr. Illud non distinguit vnâ partem materiæ ab alia, quod non est earum differentia; atqui quantitas non est differentia partium materiæ; ergo non distinguit vnâ partem materiæ ab alia.

Minor pr. Differentia partium materiæ non distinguitur ab illis; atqui quantitas distinguitur ab illis: ergo quantitas non est differentia partium materiæ.

Maiores pr. Differentia vniuscuiusque rei est ipsamet, quæ verè, & propriè per se ipsam non est alia: ergo differentia partium materiæ non distinguitur ab illis.

Tertia pars probatur, non esse discrimen in ordine ad locum.

Illud non est primum in quantitate, quod non conuenit quantitati; atqui distinctio partiû materiæ in ordine ad locum non conuenit quantitati: ergo distinctio partium materiæ in ordine ad locum non est primum in quantitate.

Minor pr. Distinctio partium materiæ in ordine ad locum est id, per quod vna correspondet vni parti spatij, & alia alteri; atqui quantitati nõ conuenit esse id, per quod vna pars materiæ correspondet vni parti spatij, & altera alteri: ergo distinctio partium materiæ in ordine ad locum

non conuenit quantitati.

Minor pr. Illud non conuenit quantitati tanquam effectus formalis, quod habetur sine ipsa, & quod ipsa necessariò non dat; atqui quòd vna pars materiæ correspondeat vni parti loci, & altera alteri habetur sine ipsa, & ipsa cùm existit, hoc necessariò non dat: ergo non conuenit quantitati esse id, per quod vna pars materiæ correspondet vni parti spatij, & altera alteri.

Prima pars minoris probatur.

Destructa diuinitus quantitate ligni tripalmaris, pars eius materiæ vna correspondet vni parti loci, & altera alteri: ergo quòd vna pars materiæ correspondeat vni parti loci, & altera alteri habetur sine quantitate.

Antecedens pr. Partes omnes illius materiæ non correspondent eidem loco: ergo pars vna correspondet vni parti loci, & altera alteri.

Antecedens pr. Vt correspondeant omnes eidem loco debet ea, quæ erat in extremitate poni in eodem loco cum alia alterius extremitatis; atqui non potest poni cum alia in eodem loco, quin correspondeat diuersæ parti loci: ergo partes omnes illius materiæ non correspondent eidem loco.

Minor pr. Debet poni in eodem loco cum alia per motum; atqui non potest poni per motum, quin correspondeat diuerso loco: ergo non potest poni cum alia in eodem loco, quin correspondeat diuersæ parti loci.

Minor pr. Quod correspondet priùs loco primi palmi, quàm secundi, & secundi, quàm tertij, correspondet diuerso loco, ab eo, quod est in lo-

388 TRACT. III. PHYS. DISP. V.

co tertij; atqui non potest poni per motum cum alia in eodem loco, quin correfpondeat prius loco primi palmi, quàm fecundi, & fecundi, quàm tertij: ergo non potest poni per motum quin correfpondeat diuerfo loco.

Minor pr. Eo modo correfpōdet loco primi palmi, fecundi, & tertij, quo in illis ponitur; atqui quod in illis ponitur per motum ponitur prius in loco primi, quàm fecundi, & fecundi, quàm tertij: ergo non potest poni per motū cū alio in eodē loco, quin correfpondeat prius loco primi palmi, quàm fecundi, & fecundi, quàm tertij.

Minor pr. Quod ponitur fucceffiuè in loco primi palmi, fecundi, & tertij, ponitur prius in loco vnius quàm alterius; atqui quod ponitur per motum ponitur fucceffiuè: ergo quod ponitur per motum ponitur prius in loco primi, quàm fecundi, & fecundi, quàm tertij.

Secunda pars minoris fuperioris argumenti, quantitatem non dare neceffario materia correfpondentiam diuerfis locis, probatur.

Illud quantitas non dat neceffariò, quod aliquando non dat; atqui quantitas aliquando non dat, vt pars vna materie correfpondeat vni parti fpatij, & altera alteri diuerfè: ergo quantitas neceffariò non dat, vt vna pars correfpondeat vni parti fpatij, & altera alteri.

Minor pr. Quantitas Chrifti in Euchariftia eft vera quantitas, atqui illa non dat, vt pars materie Chrifti correfpondeat vni parti fpatij, & altera alteri: ergo quantitas aliquando non dat, vt vna pars materie correfpondeat vni parti fpatij, & altera alteri.

Minor pr. Omnes partes materiæ Christi correspondent eidem parti spatij : ergo quantitas ipsis non dat , vt pars vna materiæ correspondeat vni parti spatij , & altera alteri.

Antecedens. pr. Christus est totus in illo spatio, & totus in qualibet parte : ergo omnes partes materiæ Christi correspondent eidẽ parti spatij.

Quarta pars minoris superioris argumenti, mensurabilitatem, & diuisibilitatem, non esse primum in quantitate, probatur.

Illud non est primum in quantitate , quod supponit aliud prius : atqui mensurabilitas , & diuisibilitas supponunt aliud prius in quantitate : ergo non sunt primum in illa.

Minor pr. Illud supponunt prius in quantitate , à quo oriuntur : atqui oriuntur ab extensione necessaria partium extra partes : ergo supponunt aliud prius.

SECUNDA CONCLUSIO :

Quantitas distinguitur realiter à materia.

CUM aliquid non implicat, communis est ferè sensus omniũ rem ita esse, & non deest argumentum probabile illud confirmans, dicendum est ita esse : atqui non implicat quantitatem esse realiter distinctam à materia, cõmunis est sensus ferè omnium ita esse, & non deest argumentum probabile confirmans, hanc distinctionem : ergo quantitas distinguitur realiter à materia.

Probatur non deesse argumentum probabile.

Quantitatẽ distingui realiter à materia, nihil

aliud est, quàm existere non existente eius materia; atqui non deest argumentum probabile existere quantitatem, non existente eius materia: ergo non deest argumentum probabile confirmans quantitatem distingui à materia.

Minor pr. Materia panis in Sacramento Eucharistiae non existit: atqui non deest argumentum probabile quantitatem eius existere: ergo existit quantitas non existente eius materia.

Minor pr. Quantitas est impenetrabilitas partium: atqui in accidentibus panis non destructis, est impenetrabilitas partium: ergo est in illis quantitas.

Respondent: *Quantitas est impenetrabilitas partium naturalis*, Concedo. *supernaturalis*, Nego. atqui in accidentibus panis conservatis ipso destructo, est impenetrabilitas partium naturalis, Concedo. *supernaturalis*, Nego.

Contrà. Impenetrabilitas illa partium supernaturalis, infert necessariò multiplicationem multorum aliorum miraculorum: atqui probabilius est non admittendam esse multipliciter illam miraculorum: ergo impenetrabilitas illa partium non est supernaturalis.

Minor pr. Probabilius est id, quod facit mysterium illud faciliùs credibile; atqui negatio multipliciter miraculorum reddit faciliùs credibile hoc mysterium: ergo probabilius est non admittendam illam multiplicationem miraculorum.

Maior pr. Probabilius est id, per quod Deus & Christus meliùs se accommodat nostrae infirmitati: atqui per id, per quod fit faciliùs credibile

hoc mysterium, Deus, & Christus melius se accommodant nostræ infirmitati: ergo probabilius est id, quod facit hoc mysterium facilius credibile.

Minor pr. Per id Deus, & Christus melius se accommodant nostræ infirmitati, per quod minuunt nobis difficultates credendi; atqui per id, per quod facilius redditur credibile hoc mysterium, minuuntur nobis difficultates credendi: ergo per illud, per quod facilius fit credibile hoc mysterium, melius se accommodant nostræ infirmitati.

Minor pr. Per id nobis minuuntur difficultates credendi, per quod non tam difficilè credimus; atqui per illud, per quod hoc mysterium fit facilius nobis credibile, non tam difficilè credimus: ergo per id, per quod fit facilius credibile minuuntur nobis difficultates credendi.

Obijcies in penultimam conclusionem.

Illud non est effectus formalis quantitatis, quod habetur sine ipsa; atqui impenetrabilitas partium habetur sine quantitate: ergo impenetrabilitas partium non est effectus formalis quantitatis

Minor pr. Illud habetur sine quantitate, quod reperitur in materia, destructa diuinitus quantitate; atqui destructa diuinitus quantitate reperitur in materia impenetrabilitas partium: ergo habetur sine quantitate.

Minor pr. Extensio, siue positio partium extra partes in ordine ad locum est impenetrabilitas partium; atqui destructa quantitate reperitur in materia positio partiū extra partes in ordine ad

392 TRACT. III. PHYS. DISP. V.

locum, ergo & impenetrabilitas partium.

Solutio : *Positio partium extra partes necessaria, est impenetrabilitas partium*, Concedo. *non necessaria, seu indifferens, ut partes sint alia extra alias, aut intra*. Nego. atqui *destructa quantitate reperitur in materia positio partium extra partes necessaria*. Nego. *non necessaria* Concedo.

Contrà. Datur extensio partium necessaria in ordine ad locum sine quantitate : ergo nulla solutio.

Antecedens pr. Vbi materiae destructa quantitate non est quantitas : atqui in illo est extensio necessaria partium extra partes : ergo datur extensio partium necessaria in ordine ad locum sine quantitate.

Minor pr. In illo est extensio partium necessaria extra partes, cuius una pars non potest esse intra aliam : atqui pars una vbi materiae non potest esse intra aliam : ergo in vbi materiae est extensio necessaria partium extra partes.

Solutio : *In illo est extensio necessaria partium extra partes* : cuius una pars non potest esse intra aliam, nec similem sibi, seu eiusdem speciei compati. Concedo. *si possit compati secum aliam eiusdem speciei*. Nego. Atqui pars una vbi non potest esse intra aliam, nec similem sibi compati. Nego. *& potest compati*, Concedo. Patest siquidem a'ind vbi eiusdem materiae poni simul cum isto, destructa quantitate : quod autem pars una primi vbi non possit poni intra aliam, non provenit ex impenetrabilitate, sed ex eo, quod unaquaque sit affixa essentialiter huic parti spaij, ita ut transferri non possit in aliam.

TERTIA CONCLUSIO:

*Proprietas quantitatis est esse æqualem,
aut inæqualem.*

ILLUD est proprietas quantitatis quod conuenit omni quantitati, soli, & semper: atqui esse æqualem, aut inæqualem conuenit omni quantitati, soli, & semper: ergo esse æqualem, aut inæqualem est proprietas quantitatis.

Minor pr. Esse æqualem, aut inæqualem est esse fundamentum aptitudinale, necessarium, & constans æqualitatis, & inæqualitatis: atqui conuenit omni quantitati, soli, & semper esse fundamentum aptitudinale, necessarium, & constans æqualitatis, & inæqualitatis: ergo esse æqualem, aut inæqualem conuenit omni quantitati, soli, & semper.

Minor pr. Quod consequitur ad differentiam essentialem quantitatis cōuenit illi soli, & semper: atqui esse fundamentum aptitudinale, necessarium, & constans æqualitatis, & inæqualitatis consequitur ad differentiam essentialem quantitatis: ergo esse fundamentum aptitudinale, necessarium, & cōstans æqualitatis, & inæqualitatis conuenit omni quantitati, soli, & semper.

Minor pr. Exigere habere partes extra partes ex præcedenti conclusione, est differentia essentialis quantitatis: atqui ad huiusmodi exigentiam consequitur esse fundamentum æqualitatis, aut inæqualitatis: ergo esse huiusmodi fundamentum consequitur ad differentiam essentialem quantitatis.

R. y.

Minor probatur. Ex eo quòd partes sint alie extra alias sequitur necessariò eas, quas volumus mensurare, posse illis applicari, & applicatas deprehendi æquales, aut inæquales: ergo esse fundamentum æqualitatis, & inæqualitatis consequitur ad exigentiam quantitatis habendi partes extra partes.

SECTIO II.

An sint partes in continuo, & qualès.

PRIMA CONCLUSIO:

In continuo sunt actu partes ante omnem diuisionem, & assignationem.

IN eo sunt actu partes ante omnem diuisionem, & assignationem; in quo actu ante omnem diuisionem, & assignationem est aliud, & aliud; atqui in continuo ante omnem diuisionem, & assignationem est aliud, & aliud: ergo in continuo sunt actu partes ante omnem diuisionem, & assignationem.

Minor pr. In eo ante omnem diuisionem, & assignationem est aliud, & aliud, quod ante omnem diuisionem, & assignationem includit vnionem; atqui continuum ante omnem diuisionem, & assignationem includit vnionem: ergo etiam aliud, & aliud.

Maior pr. Vnio non potest esse nisi inter aliud, & aliud: ergo illud quod ante omnem diuisionem, & assignationem includit vnionem, includit etiam aliud, & aliud.

Minor precedentis argumenti probatur.

Continuum ante omnem diuisionem, & assignationem includit id, per quod distinguitur à contiguo; atqui id, per quod distinguitur à contiguo, est, quod includat vnionem: ergo ante omnem diuisionem, & assignationem includit vnionem.

Respondent: Atqui continuum distinguitur à contiguo quòd includat vnionem, hoc est entitatē distinctam, Nego. hoc est immediationem partium similium, & affectarum talibus, & talibus dispositionibus per quas fit ut vna adhæreat alteri. Concedo. quòd certè non conuenit contiguo, quòd nihil aliud dicit, quàm immediationem duorum quorumcunque, & ad consequens: ergo. continuū includit vnionem qua sit entitas distincta, Nego. qua sit immediatio partium similium, & affectarum talibus, & talibus dispositionibus, Concedo.

Contrà: Immediatio partium omnino similium, & affectarum similibus dispositionibus nō potest dici vnio: ergo vnio quam includit continuum, non est huiusmodi immediatio.

Antecedens pr. In Sacramento Eucharistiæ pars carnis, quæ est in vultu Christi Domini, est similis carni quæ est in pede, & illi immediata; atqui inter illas non est vnio: ergo immediatio partium omnino similium, & affectarum similibus dispositionibus non est vnio.

Obijcies. In illo non sunt actu partes, in quo sunt tantum partes potentia; atqui in continuo ex Aristotele, octauo physicorum, sunt tantum partes potentia: ergo in continuo non sunt partes actu.

396 TRACT. III. PHYS. DISP. V.

Solutio: *In eo non sunt partes actu quoad existentiam, in quo sunt tantum partes potentia; quoad actualem divisionem, Nego. in quo sunt tantum partes potentia quoad actualem divisionem, & existentiam, Concedo. atqui in continuo sunt tantum partes potentia quoad actualem divisionem, Concedo. quoad existentiam, Nego.*

Contrà. Aqua est continuum; atqui in aqua sunt tantum partes potentia quoad actualem existentiam: ergo in continuo sunt tantum partes potentia quoad actualem existentiam.

Minor pr. In eo non possunt dici aliter esse partes, quàm potentia quoad actualem existentiam, in quo non sunt actu partes quoad eandem existentiam; atqui in aqua non sunt actu partes quoad actualem existentiam: ergo in aqua sunt tantum partes potentia, quoad actualem existentiam.

Minor pr. In eo non sunt actu partes quoad actualem existentiam, quod actu, & de facto est verè unum: atqui aqua actu, & de facto est verè una: ergo in aqua non sunt actu partes quoad actualem existentiam.

Solutio: *In eo non sunt actu partes, quod est actu: & de facto unum quid simplex, Concedo. unum quid compositum, & constans ex multis, Nego. atqui aqua est de facto una unitate simplicitatis, Nego. unitate compositionis, Concedo.*

SECUNDA CONCLUSIO:

Partes continui non sunt indivisibiles.

PARTES continui indivisibiles non possunt esse nisi finitæ, vel infinitæ: atqui non possunt dici

neque finitæ, neque infinitæ : ergo non sunt indiuisibiles..

Prima pars minoris probatur.

Partes continui indiuisibiles infinitæ facere debent infinitam extensionem; atqui partes continui non faciunt infinitam extensionem : ergo non sunt infinite indiuisibiles..

Maior pr. Illæ partes, quæ sunt infinitæ, & quarum quælibet facit extensionem æqualem alteri, faciunt infinitam extensionem; atqui partes infinitæ indiuisibiles sunt infinitæ, & quælibet facit extensionem æqualem alteri : ergo facere debent infinitam extensionem..

Maior pr. Infinita extensio est illa, quæ constat infinitis partibus aliquotis, seu vni certæ æqualibus; atqui extensio, quam faciunt infinitæ partes, quarum quælibet facit extensionem æqualem alteri, constat infinitis partibus aliquotis : ergo partes infinitæ, quarum quælibet facit extensionem æqualem alteri, faciunt infinitam extensionem..

Secunda pars minoris primi argumenti superioris quod non sint indiuisibiles finita, probatur.
Partes finitæ indiuisibiles vel sunt indiuisibiles realiter, & virtualiter, vel realiter tantum; atqui non possunt dici indiuisibiles realiter, & virtualiter, neque realiter tantum : ergo partes continui non sunt indiuisibiles in numero finito..

Prima pars minoris probatur.

Partes indiuisibiles realiter, & virtualiter sunt illæ, quæ neque secundum entitatem, neque secundum præsentiam possunt esse modò maiores, modò minores; atqui partes continui indiuisibi-

les finitæ non possunt dici non posse esse modò maiores, modò minores, neque secundum entitatē, neque secundum præsentiam; ergo partes continui nō sūt realiter, & virtualiter indiuisibiles.

Minor pr. Partes continui non esse modò minores, & modò maiores, neque secundum entitatem, neque secundum præsentiam, est mobile tardum æquè celeriter decurrere posse spatium aliquod, ac mobile velox; atqui mobile tardum decurrere non potest spatium aliquod æquè celeriter, ac mobile velox: ergo partes continui non possunt dici non esse modò maiores, modò minores, neque secundum entitatem, neque secundum præsentiam.

Suppono spatium decurrendum esse lineam decem punctorum; illāque duo mobilia simul incipere illam decurrere; & sic argumentor ad probandam maiorem.

Vt mobile tardum nō tam celeriter illam decurrat, ac mobile velox necessarium est, vt cū mobile velox decurrit primum punctum aut secundum, aut tertium, &c. mobile tardum quiescat, aut dimidium tantū decurrat; atqui ex suppositione non quiescit, & decurrere non potest dimidiam partem puncti: ergo partes continui non esse modò maiores, modò minores, neque secundum entitatem, neque secundum præsentiam, est mobile tardum æquè celeriter decurrere aliquod spatium, ac mobile velox.

Prima pars minoru probatur:

Illud non quiescit, quod non interrumpit suum motum; atqui mobile tardū non interrumpit suum motum: ergo non quiescit.

Minor pr. Mobile illud tardum est vel liberum, vel necessarium; atqui quodcunque ex illis sit non interruptit suum motum: ergo mobile tardum non interruptit suum motum.

Probatur primò de libero.

Mobile tardum liberum non interruptit motum cum eum non vult interrompere; atqui istud ex suppositione eum non vult interrompere: ergo mobile tardum liberum non interruptit suum motum.

Probatur secundo de necessario.

Mobile tardum necessarium non interruptit motum, cum ab eo non cessat; atqui mobile tardum necessarium ab eo non cessat: ergo non interruptit suum motum.

Minor pr. Mobile tardum necessarium non cessat à motu, cum habet omnia requisita ad illum producendum; atqui mobile tardum necessarium cum mobile velox decurrit secundam partem, tertiam &c. habet omnia requisita ad illum producendum: ergo mobile tardum necessarium non cessat.

Minor pr. Non minus mobile tardum habet omnia requisita ad producendum motum, cum mobile velox decurrit secundam partem spatij, aut tertiam &c. quam cum istud decurrit primam; atqui cum istud decurrit primam, mobile tardum necessarium habet omnia requisita ad producendum motum: ergo habet illa etià cum mobile velox decurrit secundam partem, tertiam, &c.

Maior pr. Requisitum, quod dici potest deesse mobili tardo necessario ad producendum motum cum mobile velox decurrit secundam, aut

400 TRACT. III. PHYS. DISP. V.

tertiam partē spatij, non potest esse aliud, quā
vis producendi continenter, & sine interrup-
tione motum: atqui non deest illi illa vis: ergo
mobile tardū necessariū habet omnia requisita
ad producendum motum, cū mobile velox
decurrit secundam, aut tertiam partem spatij.

Minor pr. Vis producendi continenter, &
sine interruptione motum est vis producendi
nouum, & nouum vbi sine interruptione: atqui
mobili tardo necessario non deest vis ad produ-
cendum continenter, & sine interruptione no-
uum, & nouum vbi: ergo mobili tardo necessa-
rio non deest vis producendi continenter motū.

Minor pr. Non magis deest illi vis ad produ-
cendum nouum, & nouum vbi, quā ad con-
seruandum iam productum: atqui non deest
illi vis etiam ex aduersariis ad conseruandum
iam productum: ergo neque ad producendum
nouum, & nouum sine interruptione.

Suppono illud mobile tardum necessarium
esse lapidem demissum ex aliquo loco valde alto
per aërem. & sic probo maiorem:

Maiores requiritur virtus, vt lapis ille conser-
uet, & sistat in vbi iam producto, quā vt pro-
ducat nouum: ergo non magis deest illi vis ad
producendum nouum, & nouum vbi, quā ad
conseruandum iam productum.

Antecedens pr. Virtus, qua lapis continuare
debet esse vbi iam producto, & præterea super-
eminere aëri, est maior ea, qua tantū debet dare
esse vbi nouo: atqui vt lapis sistat, & hæreat in
vbi iam producto debet illi continuare esse, &
præterea supereminere aëri: ergo maior requi-

sicut virtus, ut lapis sistat in vbi iam producto, quàm ut det esse nouo.

Maior pr. Virtus, qua lapis supereminere debet aëri superaddit aliquid virtuti, qua lapis continuare debet esse vbi iam producto, seu est vna maior virtus, quàm sit ista sola; atqui virtus, qua lapis continuare debet esse vbi iam producto, est tanta, seu æqualis illi, qua dare debet esse vbi nouo: ergo virtus, qua lapis continuare debet esse vbi iam producto, & præterea supereminere aëri, est maior ea, qua tantum dare debet esse vbi nouo.

Minor pr. Ex duobus effectibus eiusdem speciei, non maior requiritur virtus, ut detur esse vni, quàm alteri: atqui vbi iam productum, & vbi nouum sunt eiusdem speciei: ergo virtus qua lapis continuare debet esse vbi iam producto, est tanta, quanta illa, quæ dare debet esse vbi nouo.

Secunda pars minoris argumenti supra positi, quod mobile tardum non decurrat tantum dimidiam partem puncti, probatur.

Vt mobile tardum decurrat tantum dimidiam partem puncti, debet punctum habere partes; atqui punctum non habet partes: ergo falsum est mobile tardum decurrere tantum dimidiam partem puncti, cum velox decurrit totum.

Secunda pars minoris superioris argumenti, partes continui finitas, non esse indiuisibiles realiter, & virtualiter diuisibiles, probatur.

Partes finitæ diuisibiles realiter, sed non virtualiter habent præsentiam diuisibilem; atqui partes continui indiuisibiles, non habent præsentiam diuisibilem: ergo partes continui finitæ in-

402 TRACT. III. PHYS. DISP. V.
diuisibiles realiter, non sunt diuisibiles virtualiter.

Vt probetur minor.

Suppono partes illas finitas indiuisibiles realiter esse a. b. d. c. & præsentiam diuisibilem virtualiter partis a, esse, e, & sic argumentor:

Vel illa præsentia diuisibili virtualiter dari possunt aliæ diuisibiles minores finitæ vel infinitæ: atqui neutrum dici potest: ergo, e, præsentia partis, a, non est diuisibilis virtualiter.

Prima pars minoris probatur.

Dari illa præsentia minores tantum finitas, est dari omnium minimam: atqui dari non potest omnium minima: ergo non dantur minores illa finitæ tantum.

Minor pr. Præsentia omnium minima est indiuisibilis virtualiter & realiter: atqui per aduersarios præsentie istarum partium non sunt indiuisibiles virtualiter: ergo non datur omnium minima.

Minor pr. Per ipsos istæ partes sunt tantum indiuisibiles realiter: ergo istæ partes non sunt indiuisibiles virtualiter.

Secunda pars minoris argumenti superioris, non dari præsentias infinitas minores, quàm sit præsentia partis, e, probatur.

Dari præsentias infinitas minores quàm sit præsentia partis, e, est illam æquivalere infinitis minoribus: atqui non æquualet infinitis minoribus: ergo non dantur infinite minores præsentie partis, e.

Minor pr. Quod æquualet infinitis minoribus extensis est infinitum in extensione: atqui ista

præsentia non est infinitè extensa : ergo non æquiualeat infinitis minoribus.

TERTIA CONCLUSIO :

Partes continui non sunt partim diuisibiles, partim indiuisibiles.

ILLUD non est admittendum, quod nullum affert commodum, & multa affert incommoda; atqui quod partes continui sint partim indiuisibiles, & partim diuisibiles, nullum affert commodum, & multa affert incommoda : ergo partes continui non sunt partim diuisibiles, partim indiuisibiles.

Prima pars minoris probatur.

Commodum, quod afferre possunt partes indiuisibiles, iunctæ diuisibilibus, est tantum ad conferendam magnitudinem, illam terminandam, aut connectendas eius partes; atqui partes indiuisibiles non conferunt magnitudinem, non sunt necessariae ad illam terminandam, aut connectendas eius partes: ergo quod partes continui sint partim indiuisibiles, nullum affert commodum.

Prima pars minoris probatur.

Illud non confert magnitudinem quod non facit extensionem; atqui in sententia auctorum istius sententiæ partes indiuisibiles non faciunt extensionem : ergo non conferunt magnitudinem.

Secunda pars minoris secundi argumenti, quod non terminent magnitudinem, probatur.

Illud non est necessarium ad terminandam ma-

gnitudinem, quo sublato illa manet finita: atqui sublati illis partibus indiuisibilibus magnitudo manet finita: ergo partes indiuisibiles non sunt necessariae ad terminandam magnitudinē.

Minor pr Illud manet finitum, quod non protenditur in infinitum: atqui magnitudo sublati illis partibus indiuisibilibus non protenditur in infinitum: ergo sublati illis partibus indiuisibilibus manet finita.

Minor pr Illud non protenditur in infinitum, quod occupat tantum spatium vnius palmi, aut quid simile: atqui magnitudo sublati illis partibus indiuisibilibus occupat tantum spatium vnius palmi, aut quid simile: ergo magnitudo sublati illis partibus indiuisibilibus, non protenditur in infinitum.

Minor pr Magnitudo sublati illis partibus indiuisibilibus occupat minus spatij, aut saltem non plus, quam cum illis: atqui cum illis occupabat tantum spatium vnius palmi, aut quid simile: ergo magnitudo sublati illis partibus indiuisibilibus, occupat tantum spatium vnius palmi, aut quid simile.

Tertia pars minoris superioris argumenti, quod non sint necessaria ad connectendas partes, probatur.

Illud non est necessarium ad connectendas partes magnitudinis, quod non est illarum vnio, aut vnionis subiectum, aut terminus; atqui partes illae indiuisibiles non sunt vnio, nec vnionis subiectum, aut terminus: ergo partes indiuisibiles, non sunt necessariae ad connectendas partes magnitudinis.

Prima pars minoris probatur.

Vnio partium magnitudinis non debet esse indiuisibilis; atqui partes istæ sunt indiuisibiles: ergo partes illæ indiuisibiles non sunt vnio.

Maiores pr. Vnio extremorum diuisibilium non debet esse indiuisibilis; atqui partes magnitudinis sunt diuisibiles: ergo vnio partium magnitudinis non debet esse indiuisibilis.

Maiores pr. Vnio debet esse simul cum suis extremis, & illis commensurati; atqui vnio indiuisibilis non potest esse simul cum extremis diuisibilibus, & illis commensurari: ergo vnio extremorum indiuisibilium, nō debet esse indiuisibilis.

Minores pr. Vnio indiuisibilis non potest esse simul cum extremis diuisibilibus, quin sit in duobus locis; atqui non potest esse simul in duobus locis: ergo vnio indiuisibilis, non potest esse simul cum extremis diuisibilibus.

Maiores pr. Quod est simul cum re diuisibili, est simul in vtraque eius parte: atqui vnio non potest esse simul in vtraque parte extremorum diuisibilium, quin sit in duobus locis: ergo vnio indiuisibilis esse non potest simul cum extremis diuisibilibus, quin sit in duobus locis.

Minores pr. Vnaquæque pars est locus totalis vñionis indiuisibilis: ergo vnio indiuisibilis, quæ est in vtraque eius parte, est simul in duobus locis.

Antecedens pr. Illud est locus totalis alterius, quod continet illud totum, & integrum: atqui vnaquæque pars illorum extremorum continet vñionem totam, & integram: ergo vnaquæque pars est eius locus totalis.

Minor pr. Quod continet aliquid indiuisibile continet illud totum, & integrum; atqui vnio est indiuisibilis, & vnaquęque pars continet illam: ergo continet illam totam, & integram.

Minor pr. Illud continet vnionem, in quo est vnio; atqui vnio est in vnaquaque ex istis partibus: ergo vnaquęque ex illis continet vnionem.

Secunda pars minoris primi argumenti, quod partes partim diuisibiles, & partim indiuisibiles afferant multa incommoda pr.

Incommodū est non leue, partes illas indiuisibiles singulis ferè momētis creari, & annihilari: magnum illas esse simul cū extremis diuisibilibus, & maius adhuc admitti infinitam multitudinem entitatum sine necessitate: atqui hæc omnia incommoda affert, quod partes continui sint partim diuisibiles, & partim indiuisibiles: ergo quod partes continui partim sint diuisibiles, & partim indiuisibiles multa affert incommoda.

Dua vltima partes antea sunt probata, & prima iam probatur.

Cū diuiditur continuum, aut augetur, partes illæ indiuisibiles creantur, & annihilantur; atqui ferè continuo diuiditur continuum: ergo partes illæ indiuisibiles singulis ferè momentis creantur, & annihilantur.

Maior pr. Illud annihilatur, quod destruitur non remanente subiecto, & creatur, quod non producit ex subiecto: atqui partes istæ indiuisibiles non producantur ex subiecto, & destruuntur non remanente subiecto: ergo cū diuiditur continuum, aut augetur partes illæ indiuisibiles creantur, & annihilantur.

Minor pr. Illud non producitur ex subiecto, neque destruitur remanente subiecto, quod non habet subiectum; atqui partes illæ indiuisibiles non habent subiectum: ergo partes istæ indiuisibiles non producantur ex subiecto, neque destruuntur remanente subiecto.

Minor pr. Non magis partes istæ indiuisibiles materiæ habent subiectum, quàm diuisibiles; atqui diuisibiles non habent subiectum: ergo neque indiuisibiles.

Maior pr. Ideò diuisibiles non habent subiectum, quia nihil habent, quod illis præsupponatur; atqui indiuisibiles etiam nihil habent, quod illis præsupponatur: ergo non magis partes indiuisibiles materiæ habent subiectum, quàm diuisibiles.

Minor pr. Nihil præsupponi dici potest partibus indiuisibilibus materiæ, quàm eiusdem partes diuisibiles; atqui partes diuisibiles materiæ non præsupponuntur ipsius partibus indiuisibilibus: ergo partes indiuisibiles materiæ nihil habent, quod illis præsupponatur.

Minor probatur. Illud non præsupponitur partibus indiuisibilibus materiæ, cuius partes indiuisibiles non sunt actus; atqui partes indiuisibiles non sunt actus partium diuisibilium: ergo partes diuisibiles materiæ non præsupponuntur eius partibus indiuisibilibus.

Minor pr. Omnis actus est vel substantialis, vel accidentalis; atqui partes indiuisibiles non sunt actus, neque substantialis, neque accidentalis partium diuisibilium: ergo partes indiuisibiles nō sunt actus partium diuisibilium.

Minor pr. Actus substantialis est forma substantialis, & actus accidentalis accidens: atqui partes indiuisibiles materiæ non sunt neque forma substantialis, neque accidentalis: ergo partes indiuisibiles materiæ non sunt neque actus substantialis, neque accidentalis.

Minor pr. Nihil materiæ est forma substantialis, aut accidens: atqui partes illæ indiuisibiles sunt aliquid materiæ: ergo partes illæ indiuisibiles non sunt, neque forma substantialis, neque accidens.

QVINTA CONCLUSIO:

Partes continui sunt diuisibiles.

PARTES continui debent esse diuisibiles, aut indiuisibiles: atqui non sunt indiuisibiles ex superiori conclusione: ergo sunt diuisibiles.

Obsticies. Partes continui non possunt dici diuisibiles nisi vel in finito numero, vel infinito: atqui dici non possunt diuisibiles, neque in finito numero, neque in infinito: ergo non possunt dici diuisibiles.

Respondeo esse diuisibiles aliquotas in finito numero, & proportionales in numero infinito.

Contrà. Diuisibiles partes proportionales in numero infinito, faciunt infinitam extensionem: atqui partes continui non faciunt infinitam extensionem: ergo partes continui proportionales diuisibiles, non sunt in numero infinito.

Maior pr. Illæ partes infinitæ faciunt infinitam extensionem, quarum quælibet facit extensionem

tionem distinctam ab alia; atqui partes continui proportionales sunt infinitæ, & quælibet facit extensionem distinctam ab alia: ergo faciunt infinitam extensionem.

Solutio: Partes infinitæ, quarum qualibet facit extensionem distinctam ab alia aliquotam, faciunt infinitam extensionem. Concedo. *proportionalem tantum.* Nego. atqui partes continui proportionales sunt infinitæ. Concedo. *illam partem, & qualibet facit distinctam ab alia extensionem proportionalem.* Concedo. *etiam illam: extensionem aliquotam.* Nego.

Contrà. Partes infinitæ facientes quælibet distinctam extensionem proportionalem, pertransiri non possunt finito tempore; atqui partes continui pertransiri possunt tempore finito: ergo partes continui infinitæ non faciunt quælibet distinctam extensionem proportionalem.

Solutio: Partes infinitæ facientes quælibet distinctam extensionem proportionalem, pertransiri non possunt finito tempore proportionali. Concedo. *finito tempore aliquoto, sed infinito proportionali.* Nego. atqui partes continui pertransiri possunt finito tempore aliquoto. Concedo. *finito tempore proportionali.* Nego.

Contrà Partes infinitas proportionales pertransiri posse finito tempore aliquoto est designari posse finito tempore aliquoto infinitas partes continui; atqui finito tempore aliquoto designari non possunt infinitæ partes continui; ergo finito tempore aliquoto pertransiri non possunt infinitæ partes proportionales continui.

Major pr. Non magis repugnat designari fini-

to tempore aliquoto infinitas partes continui, quàm pertransiri; atqui ex concessis pertransiri possunt: ergo & designari.

Maiores pr. Non potest afferri alia ratio cur finito tempore aliquoto designari non possint infinitæ partes continui, licet possint pertransiri, quàm quia quælibet designatio correspondere debet certo, & aliquoto tempori, aut parti; atqui non magis designatio correspondere debet certo tempori, aut certæ, & aliquotæ parti, quàm pertransitio: ergo non magis repugnat designari finito tempore aliquoto infinitas partes continui, quàm pertransiri.

Solutio: Non potest afferri alia ratio cur finito tempore aliquoto designari non possint infinitæ partes continui, licet possint pertransiri, quàm quia qualibet designatio entis creati correspondere debet certo tempori & aliquotæ parti, Concedo. designatio diuina, Nego. atqui non magis designatio diuina correspondere debet certo tempori, & aliquotæ parti quàm pertransitio, Concedo. designatio creata, Nego.

Contrà. Designationes illæ increatæ non possunt esse infinitæ finito tempore aliquoto: ergo nulla solutio.

Antecedens pr. Designationum illarum infinitarum finito tempore aliquoto deberet esse aliqua vltima; atqui nulla potest esse vltima: ergo designationes illæ increatæ non sunt infinitæ finito tempore aliquoto.

Maiores pr. Illarum designationum illa est vltima, quæ est minima; atqui illarum designationum aliqua debet esse minima: ergo & vltima.

Minor pr. Illarum designationum illa est minima, quæ est minor omni alia; atqui illarum designationum aliqua est minor omni alia: ergo & minima.

Solutio: Illarum designationum illa est minima qua est minor omni alia certa, & determinatè sumpta, Nego. indeterminatè sumpta, Concedo. atqui illarum designationum aliqua est minor omni alia certa, & determinatè sumpta, Concedo. indeterminatè sumpta, Nego.

Contrà. Illarum designationum aliqua est minor omni alia indeterminatè sumpta: ergo nulla solutio.

Antecedens probatur. Designationes istæ sunt successivæ: ergo datur aliqua minor omni alia indeterminatè sumpta.

Consequentia pr. Designationes successivæ decrescunt, seu posteriores sunt minores prioribus: ergo datur aliqua minor omni alia indeterminatè sumpta.

Solutio: Designationes posteriores sunt minores prioribus quibuscumque determinatè sumptis. Concedo. indeterminatè sumptis, Nego.

Contrà. Partes, in quas cadunt illæ designationes posteriores sunt minores aliis etiam indeterminatè sumptis: ergo & designationes.

Antecedens pr. Partes, in quas cadunt designationes istæ posteriores sunt tantum superficies lineæ, aut puncta; atqui superficies, lineæ, & puncta sunt quid minus partibus aliis etiam indeterminatè sumptis: ergo partes, in quas cadunt designationes illæ posteriores sunt minores aliis

412 TRACT. III. PHYS. DISP. V.
etiam indeterminatè sumptis.

Maior pr. Partes, in quas cadunt designationes istę posteriores, sunt illę, in quibus fit contactus, quę sunt subiectum luminis recepti in corporibus opacis, aut vnionis connectentis partes continui: atqui partes in quibus fit contactus, quę sunt subiectum luminis recepti in corporibus opacis, & subiectum vnionis connectentis partes continui sunt superficies, lineę, & puncta: ergo & partes in quas cadunt designationes posteriores.

prima pars minoris probatur.

Illę partes sunt superficies, lineę, & puncta, quę sunt indiuisibiles, vel secundum omnem dimensionem, vel secundum duas, vel secundum vnā: atqui partes in quibus fit contactus sunt indiuisibiles secundum omnem dimensionem, vel secundum vnā, vel secundum duas: ergo partes in quibus fit contactus sunt superficies, lineę, aut puncta.

Minor pr. Partes in quibus fit contactus plani cum plano sunt indiuisibiles secundum vnā dimensionem, & illę, in quibus fit contactus cylindri cum cylindro sunt indiuisibiles secundum duas, & illę, in quibus fit contactus globi cum globo sunt indiuisibiles secundum omnem dimensionem: atqui in illis partibus fit contactus: ergo partes in quibus fit contactus sunt indiuisibiles secundum vnā dimensionem, vel secundum duas, vel secundum omnem.

Maior pr. Partes in quibus fit contactus plani cum plano, cylindri cum cylindro, & globi cum globo debent esse indiuisibiles, vel diuisibiles:

atqui non possunt esse diuisibiles : ergo dici debent indiuisibiles.

Minor pr. Partes cylindri, globi, plani, quæ debent esse simul debent esse indiuisibiles; atqui partes cylindri, globi, plani inter quas fit contactus, debent esse simul : ergo debent esse indiuisibiles.

Minor pr. Partes, inter quas fit contactus debent esse contiguæ; atqui partes contiguæ debent esse simul : ergo partes, inter quas fit contactus debent esse simul.

Minor pr. Partes contiguæ sunt extrema contiguorum; atqui contiguorum extrema ex Aristotele, & philosophis debent esse simul : ergo partes contiguæ debent esse simul.

Solutio : *Contiguorum extrema debent esse simul ; hoc est in eodem spatij , Nego. hoc est immediata , ita ut nihil inter ipsa mediet , Concedo. ergo partes contigua debent esse simul , hoc est immediata , ita ut inter ipsas nihil mediet , Concedo. hoc est in eodem spatij , Nego.*

Contrà. Debet esse discrimen aliquod inter continua, & contigua; atqui continuorum extrema sunt immediata : ergo contiguorum extrema non debent tantum esse immediata.

Solutio : Atqui *continuorum extrema sunt immediata tantum & non unita , Nego. immediata & unita , Concedo.*

Secunda pars minoris superioris argumenti partes , in quibus recipitur lumen esse superficies, probatur.

Illæ partes sunt superficies, quæ sunt indiuisibiles in profundum; atqui partes, in quibus reci-

pitur lumen in corporibus opacis sunt indiuisibiles in profundum: ergo partes in quibus recipitur lumen in corporibus opacis sunt superficies.

Minor pr. Partes, in quibus recipitur lumen in corporibus opacis distinguuntur ab iis, in quibus recipitur in corporibus diaphanis; atqui non distinguuntur in alio, quàm quod partes corporis opaci recipientes lumen sint indiuisibiles in profundum, illæ verò corporis diaphani sint diuisibiles in profundum: ergo partes, in quibus recipitur lumen in corporibus opacis sunt indiuisibiles in profundum.

Minor pr. Partes corporis opaci recipientes lumen non distinguuntur in alio à partibus diaphani idem recipientibus, quàm in eo, in quo distinguitur opacum à diaphano; atqui opacum non in alio distinguitur à diaphano, quàm quod nō recipiat lumen in profunditate sicut diaphanum: ergo partes corporis opaci non in alio distinguuntur, quàm quod sint indiuisibiles in profundum.

Solutio: Atqui opacum non in alio distinguitur à diaphano, quàm quod non recipiat lumen in profunditate, hoc est in tota profunditate, aut notabili eius parte, sicut diaphanum. Concedo. quod nullo modo recipiat lumen in profunditate, parte, scilicet, aliqua eius exigua, Nego.

Tertia pars minoris superioris argumenti, partes, quæ sunt unio partium, aut istius subiectum esse superficies, vr.

Illæ partes sunt superficies, lineæ, aut puncta, quæ sunt indiuisibiles secundū omne dimensio-

nem, secundum duas, aut vnam tantum; atqui partes, quæ sunt subiectum vnionis continui debent esse indiuisibiles secundum omnem dimensionem, secundum duas, aut secundum vnam: ergo partes quæ sunt subiectum vnionis debent esse superficies, lineæ, aut puncta.

Minor pr. Subiectum vnionis continui est illud, in quo recipitur vnio; atqui id, in quo recipitur vnio debet esse indiuisibile, vel secundum omnem dimensionem, vel secundum duas, vel secundum vnam: ergo partes quæ sunt subiectum vnionis continui debent esse indiuisibiles secundum omnem dimensionem, secundum duas, aut secundum vnam.

Minor pr. Illud, in quo recipitur vnio, debet esse immediatum ei, ad quod terminatur; atqui quod est immediatum ei, ad quod terminatur vnio, debet esse indiuisibile secundum omnem dimensionem, vel secundum duas, vel secundum vnam: ergo & id in quo recipitur vnio, debet esse indiuisibile vel secundum omnem dimensionem, vel secundum duas, vel secundum vnam.

Solutio: Illud in quo vnio recipitur, debet esse immediatum ei, ad quod terminatur adæquatè sumptum, Nego. inadæquatè sumptum, & secundum minus & minus in infinitum, Concedo. atqui quod adæquatè sumptum est immediatum ei, ad quod vnio terminatur debet esse indiuisibile secundum omnem, duas, aut vnam dimensionem, Concedo. quod est tantum immediatum inadæquatè sumptum, & secundum minus, & minus in infinitum, Nego.

Contrà. Illud omne, in quo recipitur vnio, debet esse immediatum ei, ad quod terminatur: atqui illud omne, in quo recipitur vnio, est aliquid determinatè sumptum: ergo illud adæquatè sumptum, in quo recipitur vnio debet esse immediatum ei, ad quod terminatur.

Solutio : Illud omne in quo recipitur vnio adæquatè sumpta debet esse immediatum ei ad quod terminatur, Nego. vnio inadaquatè sumpta, Concedo. Atqui illud in quo recipitur vnio adæquatè sumpta est aliquid determinatè sumptum, Concedo. vnio inadaquatè sumpta, Nego. vnio correspondet suo subiecto: unde quemadmodum subiectum sumitur adæquatè, & inadaquatè, ita etiam vnio, & sicut subiectum adæquatè sumptum non potest esse immediatum alteri secundum se totum potest verò inadaquatè sumptum & secundum minus & minus in infinitum, ita etiam de ratione vnionis adæquatè sumpta non est facere suum subiectum immediatum alteri suo extremo, bene verò de ratione vnionis inadaquatè sumpta, & secundum minus, & minus in infinitum.

Contrà. Vniones illæ continui adæquatè sumptæ vel inadaquatè debent posse omnes tolli, vel tantum aliquæ; atqui neutrum dici potest: ergo illæ vniones adæquatè sumptæ, vel inadaquatè non debent admitti.

Respondeo omnes tolli posse.

Contrà. Sublatis illis omnibus vnionibus nulla est planè vnio inter partes continui; atqui fieri non potest vt nulla sit vnio inter partes continui: ergo omnes vniones tolli non possunt.

Minor pr. Partes inter quas nulla est vnio, sunt

Indiuisibiles, atqui partes continui non sunt indiuisibiles: ergo fieri non potest vt inter illas nulla sit vnio.

Solutio: *Partes inter quas nulla est vnio sunt indiuisibiles per destructionem unionis, Concedo. sũt indiuisibiles per extractionem aliarum ab aliis, Nego. atqui non sunt indiuisibiles per destructionem unionis, Nego. per extractionem aliarum ab aliis, Concedo.*

Contrà. Partes continui indiuisibiles per destructionem vnionis sunt etiam indiuisibiles per extractionem aliarum ab aliis: ergo nulla solutio.

Antecedens pr. Illæ partes sunt indiuisibiles per extractionem localem aliarum ab aliis, quarum vna cùm extrahitur sequi non debent aliæ, atqui destructis omnibus vnionibus continui, cùm vna extrahitur sequi non debent aliæ: ergo partes continui indiuisibiles per destructionem vnionis, sunt etiam indiuisibiles per extractionem aliarum ab aliis.

Minor pr. Illarum partium, cùm vna extrahitur sequi non debet alia, quæ non habent inter se coniunctionem: atqui partes continui detractis vnionibus nullam habent inter se connexionem: ergo cùm vna extrahitur sequi non debent aliæ.

Solutio. *Illarum partium, cùm vna extrahitur alia sequi non debent, qua non habent connexionem, & vnaquæque non continet in se plures alias, Concedo. & vnaquæque continet in se plures alias, Nego. atqui detractis vnionibus nullam habent connexionem, & vnaquæque non continet*

plures alias. Nego. & continet, Concedo.

Contrà. Partium, quarum vnaquæque est distincta ab aliis, vnaquæque non continet plures alias; atqui partium continui vnaquæque est distincta ab aliis: ergo vnaquæque non continet plures alias.

Solutio : *Partium, quarum vnaquæque est distincta ab aliis determinatè sumptis vnaquæque non continet plures alias, Nego, ab aliis etiam indeterminatè sumptis, Concedo. atqui partium continui vnaquæque est distincta ab aliis determinatè sumptis, Concedo. indeterminatè sumptis, Nego.* sensus est unamquamque quidem partem continui distinctam esse à quacunque alia determinatè sumpta, non tamen ab aliis indeterminatè sumptis. Nulla enim est, quæ non contineat infinitas alias, & sit aceruus infinitarum partium.

Contrà. Illæ aliæ partes, quas vnaquæque partium dicitur continere destructis vnionibus debent esse finitæ, vel infinitæ; atqui neque sunt finitæ, neque infinitæ: ergo vnaquæque partium continui destructis vnionibus non continet plures alias.

Respondeo esse finitas aliquotas, & infinitas proportionales.

Contrà. Partes, quæ sunt vni certæ æquales sunt aliquotæ; atqui vnaquæque, continens infinitas proportionales continet etiam infinitas aliquotas: ergo non continet tantum finitas aliquotas.

Vt probetur minor.

Supponunt lignum longum sex palmos, &

crassitie semipalmaris diuidi secundum crassitiem in infinitas partes proportionales, singulis diuisionibus productis à summitate illius ligni ad alteram extremitatem, & sic argumentantur:

Longitudo sex palmarum est longitudo aliquota; atqui vnaquæque ex illis partibus continens infinitas partes proportionales secundum crassitiem continet infinitas longitudines, quarum quælibet est sex palmarum: ergo vnaquæque continens infinitas proportionales continet etiam infinitas aliquotas.

Solutio: Longitudo sex palmarum est longitudo, & pars aliquota secundum unam dimensionem, Concedo. secundum omnem dimensionem, Nego. ergo vnaquæque continens infinitas proportionales continet etiam infinitas aliquotas secundum unam, aut duas dimensiones, Concedo. secundum omnem dimensionem, Nego. Proprie autem loquendo nomine partis aliquota intelligitur illa, quæ habet certam magnitudinem in omnem dimensionem.

Contrà. In illo ligno sunt infinitæ partes habentes certam magnitudinem in omnem dimensionem: ergo nulla solutio.

Antecedens pr. Partes proportionales habent certam magnitudinem in omnem dimensionem; atqui ex concessis sunt infinitæ partes proportionales in illo ligno: ergo & infinitæ habentes certam magnitudinem.

Maior pr. Magnitudo partis proportionalis est maior alia certâ & determinata: ergo partes proportionales habent certam, & determinatam magnitudinem.

Antecedens pr. Magnitudo puncti in sententia componente continuum ex indiuisibilibus est certa, & determinata: atqui magnitudo partis proportionalis est maior illa: ergo & magnitudine certa, & determinata.

Solutio: Magnitudo puncti in sententia componente continuum ex indiuisibilibus est certa & determinata, & hac sententia vera est, & non supponit impossibile id, scilicet quod est incapax extensionis, & magnitudinis illam nihilominus habere, Nego. & illa sententia falsa est, & supponit impossibile, Concedo: & concessa minori eadem distinctio applicanda est consequenti.

Contrà. Illa sententia non est magis falsa quàm illa, quæ admittit in continuo infinitas partes vni certæ æquales: atqui ista non est falsa: ergo neque illa.

Minor pr. In quolibet continuo sunt infinitæ partes vni certæ æquales: ergo ista sententia non est falsa.

Antecedens probatur. Eo modo, & eo numero sunt partes in continuo, quo in eo possunt esse diuisiones in illas: atqui in quolibet continuo possunt esse infinitæ diuisiones in partes vni certæ æquales: ergo in quolibet continuo sunt infinitæ partes vni certæ æquales.

Maior pr. In quolibet continuo non sunt tantum finitæ diuisiones in partes vni certæ æquales: ergo sunt infinitæ.

Antecedens pr. Ideo in cōtinuo nō sunt tātū finitæ diuisiones in partes inæquales, & proportionales, quia quātumuis magno numero finito illarum assignato est adhuc maior: atqui quan-


quantumvis magno numero finito diuisionum in partes vni certæ æquales assignato potest dari maior: ergo in quolibet continuo non sunt tantum finitæ diuisiones in partes vni certæ æquales.

Solutio: Ideo in continuo non sunt tantum finitæ diuisiones in partes inæquales, & proportionales, quia quantumvis magno numero finito illarum assignato potest dari maior præcisè, Nego. potest dari maior, & diuisiones illæ actu, & de facto possunt esse perfectæ. Concedo: atqui quantumvis magno numero finito diuisionum in partes vni certæ æquales assignato potest dari maior, & illæ actu, & de facto possunt esse factæ omnes, aut infinitæ. Nego. non omnes, & finitæ tantum semper, Concedo.

Contrà. Supponunt factas esse successiuè diuisiones, ab æterno alicuius continui in partes proportionales, & singulis diebus priores posterioribus redditæ esse æquales, detractis prioribus, quod habebant supra posteriores, & sic argumentantur.

Diuisiones factæ per æternitatem, in illa suppositione sunt infinitæ; atqui sunt omnes in partes æquales: ergo possunt fieri infinitæ diuisiones in partes æquales.

Respondeo suppositionem implicare, ut probabimus tractatu sequenti, quia scilicet destructio unionis, quasi per diuisionem, non potest esse ab æterno.



DISPUTATIO VI. ET VLTIMA.

De Infinito.



ER infinitum ponemus finem disputationibus huius tertij tractatus, & eorum, quæ suscepimus dicenda de rebus naturalibus in genere.

SECTIO VNICA.

An detur, aut dari possit infinitum.

PRIMA CONCLUSIO:

Datur infinitum in perfectione.

DATUR Deus; atqui Deus est infinitus in perfectione: ergo datur infinitum in perfectione.

Minor pr. Illud est infinitum in perfectione, quo nihil melius, neque perfectius excogitari potest; atqui Deo nihil melius, neque perfectius excogitari potest: ergo Deus est infinitus in perfectione.

Major pr. Illud est infinitum in perfectione, quod non habet terminum in perfectione; atqui

illud, quo nihil melius, aut perfectius excogitari potest, non habet terminum in perfectione: ergo illud est infinitum in perfectione, quo nihil melius, aut perfectius excogitari potest.

SECUNDA CONCLUSIO:

Datur de facto infinitum potentia.

ILLUD est infinitum potentia, quod habet quidem actu partes finitas, potest tamen habere plures, & plures in infinitum; atqui dantur de facto multa, quæ habent partes actu finitas, & de facto habere possunt plures, & plures in infinitum: ergo datur de facto infinitum potentia.

Minor pr. Lignum palmare habet partes actu finitas; atqui habere potest plures, & plures in infinitum: ergo quod habet partes actu finitas, potest habere plures, & plures in infinitum.

Minor pr. Tot habere potest partes lignum palmare, quot ei addi possunt; atqui ei addi possunt partes plures, & plures in infinitum: ergo illas habere potest.

Minor pr. Illi addi possunt partes plures, & plures in infinitum, quarum numerus est omni certo, & determinato finito maior; atqui numerus partiũ, quæ addi possunt ligno palmari est maior omni certo, & determinato finito: ergo ei addi possunt partes plures, & plures in infinitum.

Minor pr. Numerus certus, & determinatus finitus est v. g. centenarius, millenarius, &c. atqui numerus partiũ, quæ addi possunt ligno palmari, est maior centenario, millenario, &c. er-

424 TRACT. III. PHYS. DISP. VI.
go & omni determinato finito.

Ad probationem minoru suppono esse millenarium, & sic argumentor :

Non implicat addi aliquam partem mille illis additis : ergo numerus partium, quæ addi possunt ligno palmari est maior millenario.

Antecedens pr. Pars illa addita aliis mille est eiusdem rationis cum aliis : ergo non esset maior implicantia in ipsa, quam in aliis.

TERTIA CONCLUSIO :

Infinitum actu est possibile.

INFINITUM actu est vel positivum, vel negativum : atqui infinitum, actu positivum, & negativum est possibile : ergo infinitum actu est possibile.

Minor probatur de negativo.

Illud est possibile, quod de facto datur ; atqui infinitum negativum actu de facto datur : ergo est maxime possibile.

Minor pr. Negationes infinitæ actu hominum, aut Angelorum de facto dantur ; atqui illæ sunt infinitum negativum : ergo datur de facto infinitum negativum.

Maiores pr. Illud est infinitum actu, quod constat actu infinitis unitatibus negativis simul existentibus ; atqui negationes hominum, aut Angelorum constant infinitis unitatibus simul existentibus : ergo negationes hominum, aut Angelorum infinitæ actu dantur de facto.

Minor pr. Negationes hominum tot constant unitatibus simul existentibus, quot sunt homi-

nes possibles, qui nunquam erunt: atqui homines possibles, qui nunquam erunt sunt infiniti: ergo negationes hominum constant vnitatibus infinitis.

Minor pr. Vel homines, qui nunquam erunt sunt finiti, vel infiniti: atqui non sunt finiti: ergo sunt infiniti.

Minor pr. Homines finiti sunt centum, mille, bis mille, &c. atqui homines qui esse possunt, & nunquam erunt sunt ter mille, & amplius: ergo non sunt finiti.

Maior antepenultimi argumenti pr.

Negationes hominum tot sunt, quot sunt homines possibles: ergo tot constant vnitatibus, quot sunt homines possibles.

Antecedens pr. Vnicuique homini possibili, aut impossibili correspondet sua negatio: ergo negationes hominum tot sunt, quot sunt homines possibles.

Asserens pr. Non minus vnicuique homini possibili correspondet sua negatio, quam cuilibet enti rationis sua etiam negatio: atqui cuilibet enti rationis correspondet sua negatio distincta: ergo & cuilibet homini possibili.

Minor pr. Chimæra, & multiplicitas deorum sunt entia rationis: sed cuilibet ex illis correspondet sua distincta negatio: ergo & cuilibet enti rationis.

Minor pr. Eorum vnicuique correspondet sua negatio quæ ita se habent, vt negatio vnius non sit negatio alterius: sed negatio chimæra, non est negatio multiplicatis deorum: ergo cuilibet ex illis correspondet sua negatio.

Minor superioris argumenti, infinitum positum esse possibile, probatur.

Infinitum partium proportionalium continui est positum; atqui illud est possibile: ergo & infinitum positum.

Minor pr. Infinitum partium proportionalium datur de facto, ut superiori disputatione probatum est: ergo est possibile.

Obijcies. Infinitum actu est, vel infinitum in magnitudine, vel in multitudine, vel in intensione; atqui infinitum actu tum in magnitudine, tum in multitudine, tum in intensione non est possibile: ergo infinitum actu est impossibile.

Prima pars minoris probatur.

Infinitum in magnitudine, est infinitum in longitudine, vel latitudine, vel profunditate; atqui infinitum in longitudine, latitudine, & profunditate implicat: ergo & infinitum in magnitudine.

Minor de infinito in longitudine, probatur.

Infinitum in longitudine, est linea v.g. infinita versus occidentem incipiens ab spatio, in quo sumus; sed illa linea infinita versus occidentem implicat: ergo infinitum in longitudine implicat.

Ut probetur minor.

Supponunt ab illa linea Deum auferre vlnam, & trahere reliquam ad idem punctum unde incipiebat, & hoc posito sic argumentantur:

Illa linea occupans spatium, quod antea occupabatur ab vlna ablata, reliquisse debet tantum spatij versus occidentem, vel non reliquisse; atqui implicat illam lineam reliquisse tantum spa-

tij versus occidentem, & non reliquisse: ergo illa linea implicat.

Respondeo *non reliquisse.*

Contra. Linea occupans nouum spatium debet reliquisse aliquid prioris spatij, aut aliquæ eius partes poni in duobus locis; atqui ista linea occupat nouum spatium: ergo reliquisse debet aliquid prioris, aut eius aliquæ partes poni in duobus locis.

Solutio: Neganda est maior. Quia sufficit, ut occupet nouum spatium, & maius quàm esset præcedens, ut partes eius diuersimodè disponantur, partes enim infinita diuersimodè dispositæ occupant modo maius modo minus spatium, quod è minus mirum videri debet, quòd idem contingere videamus in totius finiti partibus, quæ certo modo dispositæ maius, aut minus spatium occupant.

Ad impugnandam responsionem, supponunt ab eodem puncto à quo incipit linea, de qua est questio duci aliam in infinitum, quæ quo magis recedat ab illo puncto, eo etiam magis recedat ab altera linea, & sic argumentantur:

Tam linea prima occupans nouum spatium debet reliquisse aliquid prioris, quàm spatium inter vtramque interceptum in suppositione facta esse finitum; atqui spatium, & area inter vtramque intercepta est finita: ergo linea occupans nouum spatium debet reliquisse aliquid prioris.

Minor pr. Area inter vtramque illam lineam intercepta non est infinita: ergo est finita.

Antecedens pr. Illa area non est infinita, nisi vel secundum aliquam partem determinatè sumptam, vel secundum omnes; atqui non est infinita.

428 TRACT. III. PHYS. DISP. VI.

ta secundum aliquam partem determinatè sumptam, neque secundum omnes: ergo non est infinita.

Respondeo *esse infinitam secundum omnes*:

Contrà. Area illa secundum omnes partes sumpta est ipsa collectivè sumpta: atqui illa collectivè sumpta non est infinita: ergo non est infinita secundum omnes partes.

Minor pr. Illa linea collectivè sumpta non est infinita, quæ habet terminum, & finem: atqui illa habet terminum, & finem: ergo collectivè sumpta non est infinita.

Minor pr. Illa area collectivè sumpta habet terminum, & finem, quæ clauditur duobus terminis: atqui illa area clauditur duobus terminis, etiam collectivè sumpta: ergo habet quoque terminum, & finem.

Solutio: *illa area habet terminum, & finem, qua clauditur duobus terminis finitis.* Concedo. *infinitis, Nego. quia claudi terminis infinitis est non habere finem, quod enim habet pro termino aliquid infinitum, non habet finem magis, quam ipsius terminus, qui cum sit infinitus nullum planè habere dicendus est;* atqui area collectivè sumpta clauditur duobus terminis finitis, Nego. *infinitis, Concedo.*

Contrà Tam area illa clausa duobus terminis infinitis habet terminum, & finem, quàm corpus aliquod protensum in omnem dimensionem quantum potest: atqui corpus protensum in omnem dimensionem quantum potest habet terminum, & finem: ergo & illa area clausa duobus terminis illis infinitis.

Minor pr. Corpus protensum in omnem dimensionem quantum potest non est infinitum: ergo habet terminum, & finem.

Antecedens pr. Corpus protensum in omnem dimensionem quantum potest, quod est infinitum est mobile, & non est mobile: atqui non potest esse mobile, & non esse mobile: ergo corpus protensum in omnem dimensionem quantum potest, non est infinitum.

Respondeo *esse mobile.*

Contrà. Illud corpus non est mobile, quod relinquere non potest spatium, & acquirere novum: atqui corpus infinitum in omnem dimensionem relinquere non potest spatium, & acquirere novum: ergo corpus infinitum in omnem dimensionem non est mobile.

Solutio: Illud corpus non est mobile motu locali, aut etiam augmentativo; quod relinquere non potest spatium, & acquirere novum. Concedo. motu alterativo, Nego. & concessa minori: ergo corpus infinitum in omnem dimensionem, non est mobile motu locali, aut augmentativo, esto: motu alterativo, Nego. Verum quidem est corpus quod occupat omne spatium non posse acquirere novum, nullum enim superest occupandum ab eo, quod est infinitum in omnem dimensionem ac proinde nec moveri localiter, aut etiam augeri per additionem alicuius partis, qua ponatur in novo spatio, potest tamen alterari, hoc est calcesceri. & eo sequenter moveri motu alterativo.

Contrà. Corpus mobile motu alterativo est quantum; sed illud corpus infinitum in omnem dimensionem non est quantum: ergo infinitum

430 TRACT. III. PHYS. DISP. VI.
illud in omnem dimensionem, non est mobile
motu alteratiuo.

Minor pr. Illud corpus non est quantum,
quod non habet figuram; atqui illud non ha-
beret figuram: ergo non est quantum.

Maiores pr. Illud corpus non est quantum, quod
non habet, quæ sunt propria corporis quantis;
atqui habere figuram est proprium corporis
quantis: ergo corpus, quod non habet figuram
non est quantum.

Solutio: *Habere figuram est proprium corporis
quanti finiti, Cōcedo. infiniti, Nego.* Ratio est, quia
figura est ultimus terminus quantitatis, quantitas
autem infinita; cum non habeat terminum non
debet etiam habere figuram, quæ est huiusmodi
terminus, & iam ad consequens: ergo corpus,
quod non habet figuram, non est quantum fini-
tum, Concedo. quantum infinitum, Nego.

Contrā. Tam repugnat quantum illud infini-
tum, quàm infiniti homines v. g. atqui multi-
tudo infinita hominum repugnat: ergo & cor-
pus illud quantum infinitum.

Vt probetur minor,

Supponunt infinitam illam multitudinem ho-
minum disponi in longum, illorumque unicuique
dari nummum notatum proprio ipsorum nomine,
& ab illis conijci nummos illos in cumulum, & sic
argumentantur:

Vel ex illo cumulo dari possunt unicuique
terni, vel non; sed neutrum dici potest: ergo
infinita multitudo hominum repugnat.

Respondeo dari posse ternos.

Contrā. Non possunt dari plures nummi ex il-

lo cumulo, quàm in illo sint; atqui terni dati singulis illis hominibus sunt plures, quàm sint in illo cumulo: ergo non possunt dari terni unicuique.

Minor pr. Nummi, qui sunt in illo cumulo sunt illi tantùm, quos habebant singuli illi homines; atqui terni dati unicuique illorum sunt plures illis, quos habebant singuli illi homines: ergo terni dati sunt plures quàm sint in illo cumulo.

Minor pr. Quos habebant illi homines erant tantùm semel infiniti; atqui terni dati unicuique illorum non sunt semel, sed ter infiniti: ergo terni dati unicuique illorum sunt plures illis, quos habebant singuli illi homines.

Solutio: Nummi, quos habebant illi homines erant tantùm semel infiniti, & illud infinitum non continet infinities infinita, Nego. & continet infinities infinita, Concedo. atqui terni dati unicuique illorum non sunt semel infiniti, sed ter propterea quod illud infinitum continet infinities infinita, Concedo. & illud infinitum non continet infinities infinita, Nego.

Contrà Nummi illi semel infiniti continere non possunt infinities infinita, quin ex illis dispositis in longum, & deinde proiectis in cumulum fieri possit magnitudo in omnem dimensionem infinita; sed ex illis dispositis in longum fieri non potest magnitudo in omnem dimensionem infinita: ergo infiniti semel nummi, non continent infinities infinitos.

Minor pr. Fieri non potest ex illis nummis proiectis in cumulum infinita magnitudo in omnem dimensionem, quin pars sit maior toto: sed pars

non est maior toto : ergo ex illis dispositis in longum fieri non potest magnitudo in omnem dimensionem infinita.

Mayor pr. Quod occupat spatium in alias dimensiones, quàm in longum, est tantùm pars nummorum istorum ; atqui illud est maius illis omnibus nummis dispositis in longum : ergo fieri non potest ex illis nummis proiectis in cumulum infinita magnitudo in omnem dimensionem, quin pars sit maior toto.

Minor pr. Illud est maius alio, quod occupat plus spatij quàm illud, sed quod occupat spatium in alias dimensiones, quàm in longum occupat plus spatij, quàm illud, quod occupat tantum in longum : ergo verè est maius illo, seu illis nummis dispositis in longum.

Solutio : Quod occupat plus spatij, quàm aliud, est illo maius maiori parte propria, & qua attenditur penes ea, quæ habent extrema, Nego. maiori parte hac, vel impropria, qua tribuitur illis, quæ non habent extrema; Concedo. ergo quod occupat spatium in omnem dimensionem est maius eo, quod occupat tantum in longum maiori parte propria, Nego. impropria, Concedo.

Contrà Maioritas propria ex concessis est inter ea, quæ habent extrema; atqui ea de quibus disputamus, & quibus applicata est distinctio habent extrema: ergo vnum est maius alio maiori parte propria.

Minor pr. Ea, de quibus disputamus sunt vtræque illa multitudo infinita, vna in longum, & alia in omnem dimensionem; atqui vtræque illa multitudo habet extrema: ergo ea de quibus disputamus habent extrema.

Minor

Minor pr. Illa multitudo habet extrema, quæ est in aliqua specie numeri; sed vtraque illa multitudo est in aliqua specie numeri: ergo vtraque illa multitudo habet extrema.

Solutio: Illa multitudo habet extrema, quæ est in aliqua specie numeri generalissimè sumpti, Nego. strictè sumpti, & prout est collectio unitatum, in qua est ultima, Concedo. sed vtraque illa multitudo est in aliqua specie numeri generalissimè sumpti, Concedo. strictè sumpti, Nego.

Contrà. Omnis multitudo est in aliqua specie numeri strictè sumpti: ergo nulla solutio.

Antecedens pr. Illa multitudo est in aliqua specie numeri strictè sumpti, quæ habet ultimam unitatem; atqui omnis multitudo habet ultimam unitatem: ergo omnis multitudo est in aliqua specie numeri strictè sumpti.

Minor pr. Multitudo, quæ non superat aliam nisi certis unitatibus, habet ultimam unitatem; atqui nulla est multitudo, quæ superet aliam aliter, quàm certis unitatibus: ergo omnis multitudo habet ultimam unitatem.

Solutio: Atqui nulla est multitudo finita, quæ superet aliam aliter, quàm certis unitatibus, Concedo. infinita, Nego. ergo omnis multitudo finita habet ultimam unitatem, Concedo. multitudo infinita, Nego.

Contrà. Vel in illa multitudine infinita sunt tantum numeri finiti, vel aliquis aut multi infiniti; atqui neutrum dici potest: ergo nulla est huiusmodi multitudo infinita.

Solutio: Vel in illa multitudine infinita est aliquis numerus infinitus, aut multi infiniti, aut

434 TRACT. III. PHYS. DISP. VI.
tantum finiti, finities tantum repetiti, Nego. *in-*
finities repetiti, Concedo. atqui in illa multitu-
dine non est aliquis numerus infinitus, aut multu
infiniti; vel finiti finities tantum repetiti, Con-
cedo. infinities repetiti, Nego.

Contrà. Numeri illi infinities repetiti de-
bent continere numerum finitum omnium ma-
ximum: ergo & aliquem infinitum.

Antecedens pr. Collectio numerorum, non
continens numerum finitum omnium maximu,
nō est infinita; atqui numeri illi finiti infinities
repetiti supponuntur esse collectio numerorum
infinita: ergo numeri illi finiti infinities repeti-
ti cōtinent numerum finitum omniū maximu.

Maior probatur. Quod non superat finitum
omnium maximum non est infinitum; atqui
collectio illa numerorum infinita, non superat
numerum finitum omnium maximum: ergo
non est infinita.

Maior pr. Quod non excedit omne finitum
non est infinitum; atqui quod non superat fini-
tum omnium maximum non excedit omne
finitum: ergo non est infinitum.

Solutio: Quod non excedit omne finitum quod
dari potest, non est infinitum, Concedo. quod non
excedit aliquod finitum, quod dari non potest, &
est impossibile, non est infinitum, Nego. atqui illud
non excedit omne finitum, quod non superat fi-
nitum omnium maximum, & istud dari non po-
test, Concedo. & istud dari potest, Nego. Ratio,
quare non possit dari, est quia pars aliqua certa
addita illi maximo finito, vel faceret illud infini-
tum, & sic duo certa finita facerent infinitum,

quod implicat, vel relinqueret finitum tantum, quod etiam non debet admitti: sequeretur enim illud, quod supponebatur esse finitum omnium maximum non esse tale, quippe quod per coniunctionem cum illa parte addita fiat maius, & cesset esse per illam finitum omnium maximum.

Contrà. Numerus finitus omnium maximus verè datur: ergo finitum omnium maximum dari potest.

Antecedens pr. Datur aliquis numerus certus, & determinatus infinitus: ergo & numerus finitus omnium maximus.

Antecedens pr. Numerus infinitè maior binario est infinitus; atqui in collectione numerorum infinita, datur aliquis numerus infinitè maior binario: ergo datur aliquis numerus infinitus certus, & determinatus.

Minor pr. Numerus infinitè distans à binario, est infinitè maior binario; atqui datur in illa collectione numerorum infinita, aliquis numerus infinitè distans à binario: ergo & infinitè maior illo.

Minor pr. Numeri, qui sunt in illa collectione, non distant tantum finitè à binario: ergo in illa collectione numerorum infinita, datur aliquis numerus infinitè distans à binario.

Solutio: Numeri qui sunt in illa collectione distributivè, & seorsim sumpti non distant tantum finitè à binario; Nego. collectivè sumpti, Concedo.

Contrà. In linea protensa in infinitum versus orientem, est aliqua magnitudo distributivè sumpta distans infinitè à primo palmo huius lineæ: ergo & in illa collectione numerorum infi-

436 TRACT. III. PHYS. DISP. VI.
ta est aliquis numerus distributiue sumptus infi-
nitè distans à binario.

Antecedens probatur. Partes omnes illius li-
near distributiue sumptæ, non distant tantum fi-
nitè à primo palmo ipsius: ergo aliqua magnitu-
do ipsius distributiue sumpta distat infinitè à
primo palmo illius.

Antecedens pr. Partes illius linear collectiue
sumptæ non distant tantum finitè à primo pal-
mo ipsius: ergo neque distributiue sumptæ.

Consequentia pr. Prædicata quæ conueniunt
toti conueniunt etiam iis ex quibus cōflatur; at-
qui partes linear collectiue sumptæ sunt totum,
& eadem distributiue sumptæ sunt illius partes:
ergo prædicatum non distans tantum finitè à
primo palmo illius linear, quod cōceditur parti-
bus linear collectiue sumptis, non potest negari
partibus eiusdem linear distributiue sumptis.

Solutio: Prædicata, quæ conueniunt toti, non
desumpta ex ratione totius, & ad illud distinguen-
dum ab iis quibus non conuenit illa ratio totius,
conueniunt etiam iis, ex quibus cōflatur, Con-
cedo. si desumantur ex ratione totius, & ad il-
lud distinguen- dum ab iis quæ sunt tantum pars,
Nego. & concessa minori; ergo prædicatum non
distans tantum finitè à primo palmo illius linear,
quod conuenit partibus illius linear collectiue sum-
ptis, debet etiam tribui iisdem distributiue sumptis.
& illud prædicatum non est ex illis, quæ conueniunt
illis prout sunt totum, & ad distinguendas ipsas
à seipsis prout sunt partes, Nego. & est ex hu-
iusmodi prædicatis, Concedo. Quando Philoso-
phi pronuntiant prædicata, quæ tribuntur toti

tribui etiam posse partibus, & è conuerso, intelligendi sunt non de prædicatis quibuscunque, sed tantum de illis, quæ non tribuuntur toti, & partibus prout partes sunt, aut totum. Sub illa enim ratione conuenire illis debent diuersa.

Contrà Prædicatum non distans tantum finitè à primo palmo illius lineæ videtur à Deo conuenire alicui parti illius lineæ sumptæ distributiue; ergo prædicatum non distans tantum finitè à primo palmo illius lineæ, non est ex illis, quæ conueniunt partibus collectiue sumptis prout sunt totum.

Antecedens pr. Deus non videt partes omnes illius lineæ distributiue sumptas finitè tantum distare à primo palmo illius lineæ: ergo prædicatum non distans tantum finitè à primo palmo illius lineæ videtur à Deo conuenire alicui parti illius lineæ distributiue sumptæ.

Antecedens pr. Partes illius lineæ finitè tantum distantes à primo palmo illius possunt omnes auferri salua eiusdem infinitate; atqui Deus non videt salua, & remanente infinitate lineæ partes omnes distributiue sumptas posse auferri: ergo Deus non videt partes omnes illius lineæ distributiue sumptas finitè tantum distare à primo palmo illius lineæ.

Major probatur. Vel possunt omnes auferri, vel tantum aliquæ; atqui falsum est aliquas tantum salua infinitate lineæ posse auferri: ergo salua infinitate lineæ omnes finitè tantum distantes à primo palmo illius possunt auferri.

Solutio: Atqui falsum est aliquas tantum determinatè sumptas salua infinitate posse auferri.

438 TRACT. III. PHYS. DISP. VI.

ri, Concedo. indeterminate sumptas, Nego. ergo salua infinitate linea omnes, hoc est, singula determinate sumpta finite tantum distantes possunt auferri, Concedo. omnes, hoc est singula indeterminate sumpta, Nego.

Contrà Numerus earum, quæ possunt auferri salua infinitate debet esse certus, & determinatus: ergo salua infinitate aliquæ determinate sumptæ finite distantes possunt auferri.

Antecedens pr. Est aliqua certa, & determinata pars illius lineæ, quæ à primo palmo illius lineæ producta est ad infinitam distantiam: ergo numerus earum, quæ possunt auferri salua infinitate debet esse certus, & determinatus.

Antecedens pr. Eò pars illa certa, & determinata debet dici fuisse producta, quò ipsa linea, atqui ipsa linea producta est ad infinitam distantiam: ergo & illa pars certa, & determinata.

Maior pr. Linea nihil aliud est quàm illa pars certa, & aliæ item certæ, & determinatæ: ergo eò pars illa certa, & determinata debet dici fuisse producta, quò ipsa linea.

Solutio: Linea nihil est aliud, quàm illa pars certa, & determinata, & alia item certa, & determinata distributive sumpta, Nego. collectivè sumpta, Concedo.

Contrà. Partes qualitatis impulsus v.g. aut gravitatis collectivè sumptæ non sunt impulsus, aut gravitas infinite intensa: ergo partes etiam lineæ certæ, & determinatæ collectivè sumptæ non sunt ipsa linea producta infinite.

Antecedens pr. Partes illius impulsus collectivè sumptæ, vel habent vim productivam motus

finitam tantum, vel etiam infinitam; atqui non habent vim productiuam motus finitam tantum, neque infinitam: ergo partes impulsus collectiue sumptæ, non sunt impulsus infinite intensus.

Respondeo *habere vim productiuam motus infinitam.*

Contrà. Vis productiua motus infinita, est productiua motus in instanti; atqui impossibilis est vis productiua motus in instanti: ergo partes illius impulsus collectiue sumptæ, non habent vim productiuam motus infinitam.

Maior pr. Vis productiua motus omnium velocissimi est productiua motus in instanti; atqui vis productiua motus infinita, est productiua motus omnium velocissimi: ergo productiua est etiam motus in instanti.

Minor pr. Vis productiua eius motus, quo nullus esse potest velocior, productiua est omnium velocissimi; atqui vis productiua motus infinita, productiua est eius, quo nullus potest esse velocior: ergo vis productiua motus infinita, est productiua motus omnium velocissimi.

Minor pr. Nullus est motus tam velox, cuius vis productiua motus infinita non sit productiua: ergo vis productiua motus infinita productiua est eius, quo nullus esse potest velocior.

Solutio: Nullus est motus tam velox determinate sumptus, cuius vis productiua motus infinita non sit productiua, Concedo. nullus est motus tam velox, indeterminate sumptus, cuius vis productiua motus infinita non sit productiua, Nego. Ratio est, quia nullus esse potest motus tam velox, quo dari non possit velocior, ac proinde vis prodn-

440 TRACT. III. PHYS. DISP. VI.

Etia motus quantumcunque sit infinita, non potest dici producere posse motum velocissimum omnium, nullus siquidem huiusmodi esse potest.

Contrà. Ex concessis non potest dari motus velocissimus omnium: ergo neque vis productiua motus infinita.

Consequentia probatur. Ratio, quare non possit dari motus velocissimus omnium, est quia esset omnium velocissimus, & non esset velocissimus; atqui vis productiua motus infinita, est etiam infinita, & non est infinita: ergo tam vis productiua motus infinita non potest dari, quam motus omnium velocissimus.

Respondeo falsum esse, non esse infinitam.

Contrà. Quod habet terminum, & finem non est infinitum; atqui vis illa productiua motus infinita habet terminum, & finem: ergo non est infinita.

Minor pr. Illud habet terminum, & finem, extra quod nihil est; atqui extra vim illam productiuam motus, & ea, quæ illam constituunt nihil est: ergo vis illa productiua motus habet terminum, & finem.

Solutio: Illud habet terminum, & finem extra quod nihil est, hoc est extra cuius unam partem non est sumenda alia. Concedo. extra quod nihil est, hoc est extra cuius partes omnes non sunt alia, Nego. atqui extra vim infinitam productiuam motus, & ea, quæ illam constituunt, hoc est extra unam eius partem non est alia sumenda, Nego. hoc est extra collectionem eorum, quæ includit nihil aliud superest sumendum. Concedo. Verum hoc non est habere terminum, & fi-

nam, hic enim non reperitur nisi in iis, in quibus partes ita se habent, ut post eam certam, qua sumitur non sit alia sumenda, qua est vera ratio, ob quam dicitur terminus, & finis aliarum. Quod ut patet, non potest habere locum in iis, in quibus cum nihil sit ultimum, nihil est determinatum ultimo sumendum, extra quod non superfit semper aliud sumendum.

Contra. Non minus in vi productiua motus infinita potest sumi vna pars post quam alia non sit sumenda, quam in diebus infinitis futuris per æternitatem collectiue sumptis, seu in illorum collectione; atqui in collectione dierum futurorum per æternitatem potest sumi vna pars post quam alia non sit sumenda: ergo in vi productiua motus infinita, potest sumi vna pars post quam alia non sit sumenda.

Minor pr. In collectione eorum, quæ seruatō ordine prioris, & posterioris sibi succedunt, potest sumi vnum post quod aliud non sit sumendum; atqui dies collectionis futuri per æternitatem sibi succedunt seruatō ordine prioris, & posterioris: ergo in collectione dierum futurorum per æternitatem, potest sumi vna pars post quam alia non sit sumenda.

Maior pr. In illa collectione potest sumi vnum, post quod aliud non sit sumendum, in qua datur ultimum; atqui in collectione eorum, quæ sibi succedunt seruatō ordine prioris, & posterioris datur ultimum: ergo & vnum post quod aliud non sit sumendum.

Solutio: Atqui in collectione finita eorum, quæ sibi succedunt seruatō ordine prioris, & posterioris

442 TRACT. III. PHYS. DIPS. VI.
ri aatur ultimum, Concedo. *in collectione infinita*, Nego. ergo & *unum post quod aliud non sit sumendum in collectione finita*, Concedo. *infinita*, Nego. *Contra naturam enim istius est, ut in ea aliquid sit postremum, cum de eius ratione sit ut careat fine, & ultimo.*

Contra Tā potest esse in illa collectione quantumvis infinita ultimum, & postremum, quàm in collectione infinita globorum sese includentium, & quorum primus sit maior secundo, secundus tertio, & sic in infinitum, maximus omnium; atqui in collectione illa globorum potest dari omnium maximus: ergo & in illa alia collectione succedentium sibi servato ordine prioris, & posterioris postremum, & ultimum.

Minor pr. Ille globus est maximus omnium, qui infinitè distat à primo, & minimo, & excessu infinito illum superat; atqui in collectione illa globorum, est aliquis qui infinitè distat à primo, & minimo, & infinito excessu illum superat: ergo in collectione globorum maiorum, & maiorum in infinitum potest dari maximus omnium.

Minor pr. Ille globus infinitè distat à primo, & minimo, & excessu infinito illum superat qui adæquat divinam immensitatem; atqui in collectione illa globorum maiorum, & maiorum est aliquis, qui adæquat divinam immensitatē: ergo est etiam aliquis, qui infinitè distat à primo, & minimo, & infinito excessu illum superat.

Minor pr. Aliquis illam debet adæquare, vel omnes illi; atqui omnes non adæquant illam: ergo aliquis illam adæquat.

Solutio : *Neganda est maior; quia sicut dixi,*

mus supra non esse propriè maiorem, & minorem inter duo infinita; ita dicendum est etiam non esse propriè aequalitatem inter illa, hac enim in rigore, & strictè sumpta non est nisi inter ea, quæ habent extrema, per quæ, & ratione quorum sunt mensurabilia, & deprehendi potest excessus unius supra aliud. Infinita autem cum non habeant extrema commensurari non possunt, neque per applicationem unius alteri dignosci an sit excessus unius supra aliud, ac proinde de illis in rigore non potest dici æquale, nec inæquale, maius, aut minus totum, aut pars, & similia prædicata, quæ requiruntur in iis, quibus tribuntur extrema.

Ceterum cum in duabus lineis infinitis versus orientem ductis ab spatio, in quo sumus, servata semper distantia aliqua finita unius ab alia; aut quo magis recedunt à puncto, à quo incipiunt, eo etiam magis à se invicem recedentibus, negari non possit esse pars terminationis illius, & rotunditatis quæ dicitur esse in globis maioribus, & maioribus in infinitum. Quemadmodum propterea quòd termini illarum linearum non sint finiti, sed infiniti infinitate sumpta ex incremento distributo in singulas lineas transversales infinitas, & non collecto in unam certam, & determinatam, quæ sit omnium ultima; ita etiam quia in illis infinitis globis nullus est ultimus & infinitas illorum non sumitur ab incremento infinito collecto, & coadunato in unam certam, & determinatam circulationem, & lineam circumferentia, sed distributo per singulos circulos, in quibus statim abest, ut ullus sit ultimus, ut ideo tantum censeantur infiniti, quia

444: TRACT. III. PHYS. DISP. VI.
*nullus est assignabilis adeo magnus, quo non deur
maior, & incipiendo à primo, & quouis alio se-
quente, & percurrento posteriores alios maiores
numquam possit deueniri ad ultimum, & maxi-
mum omnium non magis quàm in numeris infini-
tis, in quibus quantumvis alij aliis sint maiores,
nullus tamen est maximus, & ultimus.*

Contrà. Numeri circulationum extra æterni-
tatem, quas potuit habere sol ante hodiernam,
sunt infiniti; atqui in illis circulationibus datur
prima & vltima: ergo etiam in globis, & nume-
ris infinitis datur maximus, & vltimus.

Maiores pr. Numeri circulationum quas potuit
habere sol extra æternitatem ante hodiernam:
non sunt finiti: ergo sunt infiniti.

Solutio: Numeri circulationum, quas potuit
habere sol extra æternitatem ante hodiernam non
sunt finiti potentia, Concedo. actu, Nego.

Contrà. Illi numeri non sunt finiti actu, in qui-
bus nullus est assignabilis tantus, quo non possit
dari maior; atqui nullus est numerus circulatio-
num, quas potuit habere sol extra æternitatem
ante hodiernam, quo non possit dari maior: er-
go numeri circulationum, quas potuit habere
sol extra æternitatem ante hodiernam non sunt
finiti actu.

Solutio: Illi numeri non sunt finiti actu si sint
omnes de facto positi, aut poni possint; in quibus
nullus est assignabilis tantus, quo non possit dari
maior, Concedo. Si non sint omnes de facto positi
& poni non possint simul, Nego. atqui in numeris
circulationum extra æternitatem classam, quas
potuit habere sol ante hodiernam, nullus est assi-

gnabilis tantus, quo non possit dari maior, & numeri illi non sunt omnes de facto positi, nec poni possunt, Concedo. & sunt omnes de facto positi, aut poni possunt, Nego. cum enim illud quod ita se habet ut secundum ea qua actu in illo sunt est semper finitum, & cum termino, istoque non caret nisi habita ratione eorum, qua potest habere, non sit infinitum actu, sed tantum potentia. Circulationes, quas habere potuit sol extra aternitatem ante hodiernam cum non possint poni nisi in finito numero, & nunquam maximo eorum, qui possunt esse: Illis quidem, qui supponetur esse, qui sumque tandem sit & quantumvis magnus, addi poterunt plures entitates, quibus fiat maior, non possunt ipsa dici infinita actu, sed tantum potentia.

Contra. Circulationes illæ sunt infinite obiectivè, & in mente diuina: ergo etiam sunt infinite actu.

Antecedens pr. Circulationes illæ obiectivè & in mente diuina sunt omnes de facto, & in illis nullus est numerus assignabilis, quo non possit dari maior: ergo sunt infinite obiectivè, & in mente diuina.

Solutio: Circulationes illæ sunt obiectivè, & in mente diuina omnes de facto hoc est representantur esse posita omnes extra causas aut poni posse. Nego. representantur non posita omnes extra causas, nec poni posse, Concedo. Cognitio enim diuina cum non representet res aliter quam sint, & ista poni non possint extra causas nisi in numero finito, representare non potest positas, aut quas possunt poni nisi in numero finito, licet ille non sit.

ceterus, in quo nulla est imperfectio, sicut nec quod non possit dicere determinatè quinam oculus sit necessarius ad videndum, aut auris ad audiendum, siquidem cum nullus determinatè sit necessarius, tantum adest ut sit imperfectio tribuere duntaxat sub disiunctione necessitatem ad videndum oculo ut ascribere illam determinatè dextro, aut sinistro ignorantia, & erroris excusari non possit.

Quare dicendū est primò in representatione illa diuina qua tendit in res prout sunt in se circulationes illas esse tantum finitas actu, & infinitas potentia cauendāque esse aquinocationem, qua fieri posset ex eo, quòd unica cognitione & simul representetur, illas etiam in se & extra cognitionem esse simul, & omnes poni posse.

Observandum est etiam secundo, medium ad prebandum multitudinem aliquam esse infinitam, quòd in ea nullus numerus sit assignabilis tantus, quo non possit dari maior, concludere infinitatem illius eo modo, & ea ratione, qua partes illius multitudinis se habent, si sunt omnes actu, & de facto concludere infinitatem actualem, si non sint omnes actu, sed tantum his certis, & determinatis, qua sunt, alia & alia addi possint; non concludere nisi infinitatem potentia, cum qua bene fiat terminatio actualis,

Contrà. Ex responsione medium, ille numerus est infinitus, in quo nullus est assignabilis tantus, quo non possit dari maior, concludit infinitatem actualem in iis, quorum unitates sunt omnes simul; atqui omnes circulationes, quas potuit habere sol extra æternitatem ante hodiernam, sunt omnes simul in mente diuina, & earū nullus est.

numerus assignabilis tantus, quo non possit dari maior: ergo circulationes illæ saltem in mente diuina sunt infinitæ actu.

Solutio ex responsione medium; ille numerus est infinitus, in quo nullus est assignabilis tantus, quo non possit dari maior, concludit infinitatem actualem in iis, quorum unitates sunt omnes simul verè, & realiter extra suas causas, Concedo. non sunt verè, & realiter extra suas causas, nec cognitione diuina, cuius sunt obiectum, representantur esse omnes posita extra suas causas, sed ponenda tantum alia post alias, Nego. atqui circulationes, quas posuit habere sol extra aternitatem ante hodiernam sunt omnes simul in mente diuina, hoc est, representantur posita omnes extra causas, Nego. non representantur posita omnes extra causas, sed tantum ponenda alia post alias, Concedo. sed hoc non modo non arguit illas esse infinitas, ut potius probet esse verè semper actu finitas, & infinitas tantum potentia:






TRACTATUS IV.

PHYSICVS.

DE MVNDO, ET COELO.



XPLICATIONI rerum naturalium in communi subiungenda est explanatio earundem in particulari. Ei dabit initium declaratio mundi, & coeli.



DISPUTATIO I.

de Mundo.

V M mundus sit totum respectu coeli, & hoc respectu illius tantum pars, iure primi tractatio videtur anteposenda ei, quam de secundo instituemus.

SECTIO PRIMA.

*Quid sit Mundus, quàm perfectus,
& quatuorplex.*

PRIMA CONCLUSIO:

*Mundus benè definitur compages ex cœlo,
& terra, & reliquis naturis, quæ in-
tra hæc continentur.*

MVNDVS benè definitur esse id, quod illi soli conuenit; atqui esse compagem ex cœlo, & terra, & reliquis naturis, quæ intra hæc continentur, seu esse cœlum, terram, & reliquas naturas intra hæc contentas simul sumptas illi soli conuenit; ergo mundus benè definitur compages ex cœlo, & terra, & reliquis naturis, quæ intra hæc continentur.

Minor pr. Alia quibus dici posset conuenire esse compagem ex cœlo, & terra, & reliquis naturis quæ intra hæc continentur, sunt Deus, aut pars aliqua mundi; atqui neque Deus, neque pars aliqua mundi est compages ex cœlo, & terra, & reliquis naturis, quæ intra hæc continentur: ergo esse compagem ex cœlo, & terra, & reliquis naturis, quæ intra hæc continentur, conuenit soli mundo.

Minor pr. Illud non est compages ex cœlo, &

terra, & reliquis naturis quæ intra hæc continentur, quod nihil est illius, aut tantum est illius aliquid; atqui Deus nihil est illius aggregati ex cælo, & terra, & reliquis naturis, quæ intra hæc continentur, & pars aliqua mundi est tantum aliquid illius: ergo neque Deus, neque pars aliqua mundi est cōpages ex cælo, & terra, & reliquis naturis, quæ intra hæc continentur.

Prima pars minoris clara est; & secunda probatur.

Quod non est totum aggregatum est tantum aliquid aggregati; atqui pars non est totum aggregatum: ergo pars aliqua mundi est tantum aliquid illius aggregati.

SECUNDA CONCLUSIO:

Mundus est perfectus secundum quid.

ILLUD est perfectum secundum quid, quod est perfectum in suo genere; atqui mundus est perfectus in suo genere: ergo & secundum quid.

Minor pr. Illud est perfectum in suo genere, cui ad eam rationem, quam habet, nihil deest; atqui mundo ad eam rationem, quam habet, nihil deest: ergo est perfectus in suo genere.

Minor pr. Illi ad eam rationem, quam habet, nihil deest, cui ut sit hoc, quod est, nihil deest; atqui mundo ut sit hoc, quod est, nihil deest: ergo ipsi ad eam rationem, quæ habet, nihil deest.

Minor pr. Mundus habet omnia requisita ut sit mundus: ergo ei, ut sit hoc, quod est, nihil deest.

Antecedens pr. Requisita ut aliquid sit mundus sunt cœlum, terra, & naturæ reliquæ intra hæc contentæ, ita dispositæ, ut grauiores sint inferiores, & leuiiores superiores; atqui mundus habet hæc omnia: ergo & requisita ut sit mundus.

Obijcies. Illud non est perfectum in suo genere, quod nullo modo est perfectum; atqui mundus nullo modo est perfectus: ergo non est perfectus in suo genere.

Minor pr. Illud nullo modo est perfectum, quod est valdè imperfectum; atqui mundus est valde imperfectus: ergo nullo modo est perfectus.

Minor 1. v. Illud est valde imperfectum, in quo sunt multa inutilia, multa noxia, & deformia; atqui in mundo sunt multa inutilia, multa noxia, & deformia: ergo est valdè imperfectus.

Minor pr. Illud est inutile, quod non conducit ad finem obtinendum, & illud noxium, quod alteri infert damnum, & illud deforme quod caret perfectione debita; atqui mundus est huiusmodi: ergo in mundo sunt multa inutilia, noxia, & deformia.

Solutio: Illud est inutile, quod non conducit ad finem aliquem particularem obtinendum, Nego. ad ullum planè finem, Concedo. deinde illud est noxium quod alteri infert damnum, & nulli prodest, Concedo. & alii prodest, Nego. sicuti illud est deforme, quod caret perfectione debita, & per illam carentiam non confert ad pulchritudinem aliorum, Concedo. si confert, ut aliorum pulchritudo magis appareat, Nego. & vice versa in minori. Sensus est: Illud tantum debet dici inutile, quod non conducit ad ullum finem, & illud

452 TRACT. IV. PHYS. DISP. I
*noxium, quod omnibus nocet & nulli prodest, ac
eandem deforme, quod neque in se pulchrum est,
nec confert ad alicuius pulchritudinem clarius
manifestandam, quibus similia nulla dantur in
mundo.*

TERTIA CONCLUSIO:

Mundus unicus est.

Non possunt dici esse plura aggregata ex cælo
& terra, & reliquis naturis intra hæc contentis,
quin in illis aggregatis sint naturæ similes his,
quæ sunt in isto; atqui in aliis non sunt naturæ,
quæ sunt in isto aggregato: ergo unica tantum
est, & non multiplex compages ex cælo, & terra,
& reliquis naturis, quæ intra hæc continentur.

Minor pr. Vna ex naturis, quæ sunt in isto ag-
gregato est humana; atqui nec homines, nec
eorum natura est in illis aliis aggregatis: ergo
in illis non sunt naturæ, quæ sunt in isto.

Minor pr. Homines, qui dici possunt esse in
illis fuere propagati ab Adamo; atqui homines
propagati ab Adamo non sunt in illis aggrega-
tis: ergo nec homines, nec eorum natura est in
illis aliis aggregatis.

Minor pr. Adamus fuit productus intra istud
aggregatum: ergo homines ab ipso propagati
non sunt in aliis aggregatis.

Consequentia pr. Ut homines propagati ab
Adamus producti intra istud aggregatum tran-
sirent ad alia aggregata, deberent ascendere ad

cœlos, & per illos sibi facere viam; atqui hoc non posse clarum est: ergo homines propagati ab Adamo non sunt in aliis aggregatis.

QVARTA CONCLUSIO:

Plures mundi sunt possibiles.

MUNDVS est compages ex cœlo, & terra, & reliquis naturis; atqui multiplex huiusmodi compages est possibilis: ergo & multiplex mundus.

Minor pr. Multiplex compages ex cœlo, & terra, & reliquis naturis non inuoluit esse, & non esse, neque sui, neque vllius alterius: ergo est possibilis.

Minor pr. Quod dicit tantum esse multiplex cœlum, multiplicem terram, & multiplicatas naturas intra hæc duo contentas, non inuoluit esse, & non esse neque sui, neque vllius alterius; atqui multiplex compages ex cœlo, & terra, & reliquis naturis nihil est aliud, quam multiplex cœlum, multiplex terra, & reliquæ naturæ intra hæc contentæ multiplicatæ: ergo non inuoluit esse, & non esse, neque sui neque alterius.

Ex dictis inferes primò, mundum dici vnum vnitate non simplicitatis quæ excludit à re cui tribuitur; omnem compositionem, sed aggregationis plurium illorum, quæ simul sumpta dicuntur mundus.

Secundò, perfectionem mundi dici secundum quid, non tantum quia non est ens omnium perfectissimum, & continens omnes omnino perfectiones

possibiles, sed etiam propterea quòd sicut possent esse alij mundi, qui essent hoc nostro imperfectiores, ita possent quoque produci longè perfectiores, perfectione illa maiori sumpta ex creaturis perfectioribus, ex quibus Deus illum constitueret. Creaturæ enim intra nostrum contentæ, quemadmodum non sunt imperfectissimæ omnium, quibus diuina omnipotentia possit dare esse, ita etiam non sunt omnium perfectissimæ, quas Deus possit creare.

SECTIO II.

An mundus productus sit ab æterno, aut potuerit produci, & an sit æternum duraturus.

PRIMA CONCLUSIO:

Mundus incœpit in tempore.

MVNDVS non est productus ab æterno: ergo incœpit in tempore.

Antecedens pr. Illud non est productum ab æterno, quod habet initium suæ durationis; atqui mundus habet initium suæ durationis: ergo mundus non est productus ab æterno.

Minor pr. Illud habet initium suæ durationis, quod est tantum à quinque millibus annorum aut paulò ampliùs; atqui mundus est tantum à quinque millibus annorum, aut paulò ampliùs:

ergo habet initium suæ durationis.

Major pr. Mundus est tantum ab eo tempore, quo productus fuit Adamus; atqui Adamus fuit productus tantum à quinque millibus annorum aut circiter: ergo mundus est tantum à quinque mille annis, aut circiter.

Minor pr. Adamus fuit tantum productus ab his annorum millibus, qui colliguntur ex Scriptura effluxisse ab eius creatione; atqui ex Scriptura colligitur effluxisse tantum quinque annorum millia à creatione ipsius, aut circiter: ergo Adamus fuit tantum productus à quinque annorum millibus, aut circiter.

Minor pr. Ea tantum annorum millia effluxisse dici debent à productione Adami, quæ colligi possunt ex Genesi, aut ex alijs Scripturæ libris intercessisse inter ipsam, & diluvium, hoc & Christi natiuitatem, istam, & præsentem annum; atqui quinque annorum millia, aut circiter tantum colligi possunt: ergo non plura effluxere à productione Adami.

Obijcies. Mundus productus est ab æterno: ergo non incepit in tempore.

Minor pr. Tunc mundus productus est, cum producta fuere tempus, & motus; atqui tempus, & motus producta fuere ab æterno: ergo & mundus.

Minor pr. Illud est productum ab æterno, quod ab æterno existit: atqui tempus, & motus ab æterno existunt: ergo fuere producta ab æterno.

Minor pr. Illud existit ab æterno, de quo aliquando non fuit verum dicere non est; atqui de

tempore, & motu nunquam verum fuit dicere non est: ergo existunt ab æterno.

Minor pr. De illo non est verum dicere, aliquando non est, de quo in aliquo tempore non est verum dicere non est; atqui de tempore, & motu non fuit verum dicere, non sunt in aliquo tempore: ergo neque aliquando.

Minor pr. De tempore verum esse dicere in aliquo tempore non est, est, esse tempus, & non esse tempus; atqui non potest dici esse tempus, & non esse tempus: ergo non fuit verum dicere de tempore, non est in aliquo tempore.

Solutio: De tempore verum esse dicere in aliquo tempore vero non est, est, esse tempus, & non esse tempus, Concedo. in aliquo tempore imaginario. Nego. atqui non potest esse tempus imaginarium & non esse tempus reale, Nego. esse tempus reale, & non esse tempus reale, Concedo. Certè si iam Deus destrueret mundum, verum esset dicere, iam non est tempus, neque per hoc sequeretur esse tempus, & non esse, sed tantum non existere tempus reale in aliquo tempore imaginario.

Contrà. Non minùs verum tempus fuit ab æterno, quàm alia entia; atqui illa fuere ab æterno: ergo & verum tempus.

Minor probatur. Ea fuere ab æterno, quæ Deus ab æterno produxit; atqui Deus produxit alia entia ab æterno: ergo alia entia fuere ab æterno.

Minor pr. Qui dicit Deum non produxisse illa entia ab æterno, fateri debet Deum æternum fuisse oriaturum, & æternum non habuisse domiciliũ; atqui Deus non est æternum oriaturus, & æternum non

non mansit sine domicilio : ergo produxit illa ab æterno.

Solutio : Qui dicit Deum non produxisse ab æterno illa emissa, fateri debet Deum ab æterno fuisse otiatum, hoc est, nihil produxisse ad extra, Concedo. nihil produxisse ad intra, Nego. & æternum mansisse sine domicilio aliquo creato, Concedo. sine domicilio, hoc est, sine eo, quod requiritur, ut benè habeat, Nego. atqui Deus non est æternum otiatum, hoc est aliquid produxit ad extra, Nego. hoc est aliquid produxit ad intra, Concedo. & non mansit æternum sine domicilio aliquo creato, Nego. sine domicilio, hoc est sine eo, quod requiritur ut ei bene sit, Concedo. ut autem benè sit Deo nihil extrinsecum ei necessarium est iuxta illud regū vatis : Deus meus es tu, quia bonorum meorum non eges.

Contrà. Deus ab æterno multa produxit extra se : ergo non mansit æternum nihil produciendo ad extra.

Antecedens pr. Quod exercet suam libertatem aliquid producit ad extra ; atqui Deus ab æterno exercet suam libertatem : ergo Deus produxit aliquid ad extra ab æterno.

Solutio : Quod exercet suam libertatem aliquid producit ad extra, si sit quid creatum, Concedo. si non sit quid creatum, Nego. atqui Deus ab æterno exercet suam libertatem, & est quid creatum, Nego. & non est quid creatum, sed increatum, & ens à se, Concedo. actus liber Dei æternus de non existentia mundi ab æterno, est esse Dei, & negatio mundi ei coexistens.

Contrà. Actus Dei liber non est Deus, & ne-

gatio mundi : ergo nulla solutio.

Secunda pars antecedentis probatur.

Illud non debet dici vlllo modo actus Dei liber, quod nullo modo illum constituit; atqui negatio mundi nullo modo constituit actum Dei liberum: ergo negatio mundi nihil est actus Dei liberi.

Minor pr. Negatio, quæ non potest esse obiectum volitionis diuinæ non constituit actum Dei liberum; atqui negatio mundi non potest esse obiectum volitionis diuinæ: ergo negatio mundi non constituit actum Dei liberum.

Minor pr. Deus non potest velle negationem mundi: ergo negatio mundi non potest esse obiectum volitionis diuinæ.

Antecedens pr. Deus non potest velle, quod non est melius, quàm quod ei opponitur; atqui negatio mundi non est quid melius, quàm quod ei opponitur: ergo Deus non potest velle negationem mundi.

Maior pr. Qui vult semper melius, non potest velle quod non est melius quàm quod ei opponitur; atqui Deus vult semper melius: ergo Deus non potest velle quod non est melius, quàm quod ei opponitur.

Solutio: *Qui vult semper melius melioritate beneplaciti & obiectiva, seu tenente se, & qua attenditur non tantum ex volitione, sed etiam ex eius obiecto, non potest velle quod non est melius quàm quod ei opponitur, Concedo. melioritate tantum beneplaciti, & tenente se ex parte volitionis, Nego.* atqui Deus vult semper melius melioritate beneplaciti, Concedo, melioritate be-

neplaciti, & obiectiua. Nego.

Contra. Deus vult semper melius melioritate non tantum beneplaciti, sed etiam obiectiua: ergo nulla solutio.

Antecedens pr. Qui non vult semper, quod est melius melioritate obiectiua, habet aliquam volitionem imperfectam, aut minus perfectam; atqui Deus nullam habet volitionem minus perfectam: ergo Deus vult semper, quod est melius melioritate non tantum beneplaciti, sed etiam obiectiua.

Maior pr. Illa volitio est minus perfecta, quam alia, quæ non habet tantum perfectionis & bonitatis, ac alia; atqui qui non vult semper, quod est melius melioritate obiectiua, habet aliquam volitionem, quæ habet minus perfectionis, & bonitatis, quam alia: ergo qui non vult semper quod est melius melioritate obiectiua habet aliquam volitionem minus perfectam.

Minor pr. Illa volitio habet minus bonitatis quam alia, quæ habet minus melioritatis; atqui qui non vult semper quod est melius melioritate obiectiua, habet volitionem, quæ habet minus melioritatis, quam alia: ergo qui non vult semper quod est melius melioritate obiectiua, habet aliquam volitionem minus perfectam.

Maior pr. Illa volitio habet minus melioritatis quam alia, quæ habet tantum partem melioritatis istius; atqui qui non vult semper melius melioritate beneplaciti, & obiectiua, habet volitionem, quæ habet tantum partem melioritatis, quam habet alia: ergo qui non vult semper melius melioritate beneplaciti, & obiectiua ha-

460 TRACT. IV. PHYS. DISP. I.
bet volitionem, quæ habet minus melioritatis,
quàm alia.

*Solutio: Illa volitio habet minus melioritatis,
quàm alia, qua habet tantum partem meliorita-
tis intensiva istius, Concedo. extensiva, Nego. at-
qui qui non vult semper melius melioritate be-
neplaciti & obiectiva, habet volitionem, quæ
habet tantum partem melioritatis intensiva,
quam habet alia, Nego. extensiva, Concedo.
Melioritas intensiva est illa, qua se tenet tota ex
parte volitionis, & est adæquatè idem cum ipsa.
Extensiva verò est illa, qua desumitur non ex sola
volitione, sed ex ipsa, & eius obiecto, qua simul
sumpta faciunt haud dubiè bonitatem magis ex-
tensam, quàm primum ex illis solum sumptum.
secundum enim cum habeat suam propriam boni-
tatem, superadditum alteri facit quid melius, sci-
licet extensivè. Responsio, ergo vult illud non ha-
bere minus melioritatis absolute, quod non habet
minus eius, qua dicitur intensiva, licet non habeat
tantum eius, qua dicitur extensiva.*

*Contrà. Melioritas intensiva tenet se tota ex
parte volitionis, & est adæquatè idem cum ipsa
ex concessis; atqui qui non vult semper melius
melioritate beneplaciti, & obiectiva, non habet
tantum eius melioritatis quæ tenet se tota ex
parte volitionis, & est adæquatè idem cum ipsa:
ergo qui non vult semper melius melioritate
obiectiva, habet volitionem quæ habet tantum
partem, seu non habet tantum melioritatis in-
tensivæ, ac alia.*

*Minor pr. Volitio eius vt condistincta ab ob-
iecto non est tam bona: ergo non habet tantum*

bonitatis eius, quæ se tenet tota ex parte volitionis.

Antecedens pr. Volitio obiecti non ita boni, ut condistincta ab ipso non est ita bona, ac volitio alterius melioris; atqui volitio eius, qui non vult melius melioritate beneplaciti, & obiectiva, est volitio obiecti non ita boni: ergo volitio eius ut condistincta ab obiecto non est tam bona.

Solutio: Volitio obiecti non ita boni ut condistincta ab ipso non est tam bona, ac volitio alterius melioris, si sermo sit de creata, Concedo. si sermo sit de increata, Nego. & concessa minori: ergo volitio eius ut condistincta ab obiecto non est tam bona si sit sermo de creata, Concedo. si sit sermo de increata, Nego. Ratio est, quia cum volitio creata sit perfectionis finita accipere potest augmentum, & incrementum, & consequenter cum obiectum habeat vim illud conferendi, dicendum est eam, qua habet obiectum perfectius cæteris paribus esse perfectiorem, & meliorem. At verò divina quacunque, quippe Deus cum sit infinite perfecta, hoc est habens omnem omnino perfectionem impossibile est ut accipiat ullum augmentum, sic enim haberet omnem perfectionem, & non haberet aliquam illam, scilicet, qua faceret illud augmentum. Quare dicendum est omnes esse aequè bonas, & unam non esse meliorem alia.

Contrà. Volitio divina est Deus, & obiectum, atqui Deus, & vnum obiectum, existentia v. g. mundi ab æterno, est quid melius, quàm Deus, & aliud obiectum, scilicet mundi non existentia: ergo vna volitio divina est melior alia.

Solutio: Volitio diuina secundum rectum, & obliquum est Deus & obiectum Concedo. secundum rectum, Nego. hoc enim est solus Deus, & concessa minori: ergo una volitio diuina est maior alia secundum rectum Nego. sumpta secundum rectum, & obliquum, Concedo. Quando enim dicimus unam volitionem diuinam non esse meliorem alia, hoc intelligimus de ipsa sumpta secundum id, quod importat in recto esse etiam, videlicet diuinam. Non negamus enim obliquum unius esse perfectius obliquo alterius, existentiam v. g. mundi non existentia eiusdem.

Cæterum argumentum iam formatum contra infinitatem in perfectione diuinarum volitionum militat etiam contra infinitatem perfectionis essentiae diuinæ, hæc enim si sumatur sola, & sine creaturis in quibus sunt aliquæ perfectiones, non habet illud bonitatis, & melioritatis, quod istæ important, & quod habet cum sumitur simul cum ipsis, quod tamen non impedit ex mente etiam eorum, qui argumentantur contra nos, quin essentia diuina sit infinite perfecta, & id, quod nihil melius excogitari potest melioritate intensiua, quæ continet eminenter extensiua, & à qua ista cum accipiat quidquid est, supponit in ea esse omnem illam perfectionem, quæ ei communicatur, & longè maiorem & secretam ab omni planè admixtione imperfectionis.

SECUNDA CONCLUSIO:

Mundus potuit esse ab æterno secundum res permanentes.

RES mundi permanentes sunt illæ, quæ habent partes suas omnes simul; atqui res, quæ habent omnes partes suas simul potuere esse ab æterno: ergo & mundus secundum illas.

Minor pr Existentia ab æterno rerum, quarum partes sunt simul non inuoluit esse, & non esse neque sui, neque ullius alterius: ergo potuit esse ab æterno.

Prima pars antecedentis probatur.

Quod dicit tantum suam existentiam ab æterno non inuoluit suum esse & non esse ab æterno; atqui existentia ab æterno rerum, quarum omnes partes sunt simul dicit tantum eas esse ab æterno: ergo existentia rerum, quarum partes sunt simul non inuoluit suum esse ab æterno, & simul non esse.

Secunda pars antecedentis probatur.

Existentia ab æterno rerum, quarum omnes partes sunt simul, inuoluere non potest esse, & non esse ullius alterius rei; quàm causæ illarum productiuarum, & actionis per quam produci debent, aut durationis per quam coexistere debent æternitati; atqui non inuoluit esse, & non esse neque causæ productiuarum ipsarum, neque actionis, neque durationis: ergo non inuoluit esse, & non esse ullius alterius.

V. iij

Prima pars minoris probatur.

Causa productiua illarum est Deus: atqui non inuoluit esse, & non esse Dei: ergo non inuoluit esse, & non esse causæ productiuae ipsarum.

Minor pr. Nō aliter dici potest inuoluere esse, & non esse Dei, quā quod supponat eum illas producere liberè, cum tamen liberè non producat; atqui falsum est, quod eas liberè non producat: ergo non inuoluit esse, & non esse Dei.

Minor pr. Vt Deus eas liberè producat non aliud requiritur, quā vt cum eas producit ita eas producat, vt potuerit non producere; atqui quæ Deus supponitur producere ab æterno, ita producit, vt potuerit non producere: ergo falsum est eas non producere liberè.

Minor pr. Illud Deus ita producit, vt potuerit non producere, à cuius productione potest abstinere pro eo tempore; atqui à productione terræ, quam Deus supponitur producere ab æterno potest abstinere: ergo ita producit, vt potuerit non producere.

Secunda pars minoris superioris argumenti, non inuoluere esse, & non esse actionis, probatur.

Quod non inuoluit esse, & non esse termini alicuius actionis non inuoluit esse, & non esse illius actionis; atqui existentia rerum ab æterno non inuoluit esse, & non esse termini actionis productiuae ipsarum: ergo non inuoluit esse, & non esse actionis per quam producuntur.

Minor pr. Termini illius actionis sunt ipsæmet res; atqui non inuoluit esse & non esse istarum rerum: ergo non inuoluit esse, & non esse termini illius actionis.

*Tertia pars argumenti superioris, scilicet non in-
uoluerit, esse & non esse durationis, probatur.*

Ratio, quæ afferri posset cur inuoluat esse &
non esse durationis est, quod duratio æterna per-
manens sit impossibilis: atqui huiusmodi duratio
æterna non est impossibilis: ergo non inuoluit
esse, non esse durationis.

Minor pr. Non magis duratio æterna permanēs
à parte antè est impossibilis, quàm à parte pòst:
atqui à parte pòst non est impossibilis ex proba-
tis tractatu præcedenti: ergo nec à parte antè.

Obiicies. Quod est quid creatum non potest ef-
fe ab æterno: atqui mundus secundum res per-
manentes est aliquid creatum: ergo mundus se-
cundum res permanentes non est ab æterno.

Maior pr. Quod potest esse ab æterno est
Deus: atqui nihil creatum potest esse Deus: ergo
quod est quid creatum nō potest esse ab æterno.

Maior pr. Quod potest esse ab æterno habet
æternitatem: atqui quod habet æternitatem ex
S. S. P. P. argumentantibus contra Arianos, est
Deus: ergo quod potest esse ab æterno est Deus.

Solutio: Quod potest esse ab æterno habet æter-
nitatem necessariam, vel non necessariam, Con-
cedo. necessariam tantum, Nego. atqui quod hā-
bet æternitatem necessariam est Deus, Concedo.
non necessariam, Nego. huiusmodi autem eam
haberet tantum res producta ab æterno.

Ad impugnandam distinctionem: Supponunt
actum fidei diuina produci ab æterno: qui dicat
ergo, & mecum producta durabunt per æternita-
tem, & sic argumentantur.

Ille actus est productus ab æterno: atqui ipse,

& cætera cum ipso producta habent æternitatem necessariam: ergo quod est ab æterno habet æternitatem necessariam.

Solutio: Atqui ille actus, & alia cum ipso producta habent æternitatem necessariam. necessitate omnimoda, Nego. necessitate hypothetica, Concedo. ergo quod est ab æterno habet æternitatem necessariam necessitate omnimoda, vel hypotheticam. Concedo. omnimoda tantum, Nego.

Contrà. Non magis ille actus, & alia cum ipso producta habent æternitatem necessariam hypotheticam, quam eorum actio productiva; atqui ista non habet æternitatem necessariam hypotheticam: ergo neque actus ille, & alia cum ipso producta.

Minor pr. Actio productiva illius actus, & aliorum simul cum ipso productorum est eadem cum ipsorum conseruatione; atqui conseruatio ipsorum non habet æternitatem necessariam hypotheticam: ergo neque actio eorundem productiva.

Minor pr. Illud non habet æternitatem; & non est æternum, quod præsupponit aliquid se prius; atqui conseruatio illius actus, & aliorum simul cum ipso productorum præsupponit aliquid se prius: ergo non habet æternitatem.

Solutio: Illud non est æternum, quod præsupponit aliquid se prius realiter, Concedo. formaliter tantum, Nego. atqui conseruatio illius actus, & aliorum simul cum ipso productorum præsupponit aliquid se prius realiter, Nego. formaliter, Concedo.

Contrà. Conseruatio illius actus præsupponit primam productionem; atqui prima productio est aliquid prius realiter conseruatione ab æter-

no: ergo præsupponit aliquid prius realiter.

Maior pr. Conseruatio ab æterno præsupponit productionem; atqui non præsupponit aliam, quam primam: ergo præsupponit primam.

Solutio: Conseruatio ab æterno præsupponit realiter productionem, Nego. formaliter, Concedo. atqui non potest præsupponere realiter aliam, quam primam, Concedo. formaliter, Nego.

Contrà. Conseruatio ab æterno non distinguitur formaliter à productione: ergo non præsupponit illam formaliter.

Antecedens pr. Idem est conceptus vtriusque: ergo non distinguuntur formaliter.

Solutio: Negandum est antecedens, & dicendum conceptum productionis ut sic importare tantum dare esse: conseruationis verò superaddere dare illud habenti, & iam possidenti.

Vt agant contra distinctionem.

Supponunt effectū aliquem secundo produci duplici actione totali: & hoc posito sic argumentantur:

Duplex illa actio non est conseruatio; atqui unaqueque ex illis dat esse effectui illud habenti: ergo conceptus conseruationis non est dare esse effectui illud habenti.

Solutio: Atqui unaquaque ex illis actionibus dat esse effectui illud primo habenti, Concedo. illud secundo, tertio &c. habenti, Nego. ergo conceptus conseruationis non est dare esse effectui illud primo habenti, Concedo. secundo, tertio, & quarto habenti, Nego. conseruatio autē æterna quomodocunque sumatur est datio esse rei habenti illud non tantum diebus aliquot, sed annis, sæculis, & æternitate.

Contrà. Conseruatio illa æterna dās esse effectui

illud secundò, tertio, & quartò habēti, debet esse à Deo necessariò, vel à libere operāte; atqui neutrū dici potest: ergo conseruatio aeterna non est datio esse habenti illud secundò, tertio, & quartò.

Respondeo, esse à Deo liberè.

Contra. Illud nō est liberè à Deo, ad cui⁹ productionem non habet indifferentiam; atqui Deus non habet indifferentiam ad productionem illius conseruationis: ergo non est à Deo libere.

Minor pr. Deus non habet indifferentiam ad illud, ad quod habet determinationem; atqui fuit semper determinatus ad dandum esse, & ad productionem illius conseruationis: ergo non habet indifferentiam ad illam.

Solutio: Deus non habet indifferentiam in actu primo ad illud, ad quod habet determinationem in actu primo. Cōcedo. ad quod habet tantū determinationem in actu secundo, Nego. atqui Deus fuit semper determinatus ad dandum esse conseruationi illi ab aeterno in actu primo, Nego. determinatus in actu secundo, Concedo. Ratio responsionis est, quia cū causa, qua ita dat esse effectui ut possit non dare, dicatur indifferens ad illum, & ad eundem indeterminata in actu primo, quamuis per eam productionem determinetur in actu secundo Deus ita dat esse illi conseruationi, ut potuerit non dare. Nihil enim fuit quod ipsum necessitaret ad dandum ei illud esse,

TERTIA CONCLUSIO:

Res ab aeterno producta aeternū immutata permaneret.

ILLUD aeternū immutatum permaneret

quod æternum retineret statum, in quo est productum; atqui res ab æterno producta retineret æternum statum, in quo est producta: ergo res ab æterno producta æternum immutata permaneret.

Minor pr. Illud retinet æternum statum, in quo est productum, quod retinet illum infinitis annis; atqui res ab æterno producta retinet statum, in quo est producta infinitis annis: ergo & æternum.

Minor pr. Debet illum retinere infinitis annis, vel tantum finitis; atqui dici non potest, quod tantum retineat illum finitis annis: ergo retinet illum infinitis.

Minor pr. Quod retinet tantum aliquem statum finitis annis, à sua productione non est ab æterno; atqui ista res est ab æterno: ergo non retinet tantum suum statum finitis annis.

Maior pr. Quod retinet tantum aliquem statum annis finitis, non est prius quam sint illi anni; atqui anni finiti non sunt ab æterno: ergo quod retinet tantum statum in quo est productum finitis annis, à sua productione non est ab æterno.

Obicies. Stupa produci potest ab æterno; atqui stupa producta ab æterno manere non debet æternum immutata: ergo res ab æterno producta non manet immutata æternum.

Minor pr. Illud manere non debet æternum immutatum, quod æternum manere non debet in statu, in quo est productum; atqui stupa manere non debet æternum in statu, in quo est producta: ergo neque æternum immutata.

Ut probetur minor.

Supponunt stupam produci simul cum igne ipsa applicato, & hoc posito sic argumentantur:

Producta est stupa illa sine combustione; atqui manere non debet æternum sine combustione: ergo stupa illa manere non debet æternum in statu, in quo est producta.

Minor pr. Ut maneat sine combustione debet ignis illam non comburere; atqui ignis manere non potest æternum illam non comburendo: ergo manere non debet æternum sine combustione.

Minor pr. Ignis abstinere non potest æternum ab illius combustione: ergo manere non potest æternum illam non comburendo.

Antecedens pr. Illud abstinere non potest ab illa comburenda, quod necessitatur ad illam comburendam; atqui ignis necessitatur ad illius combustionem: ergo ab ea abstinere non potest.

Minor pr. Agens necessarium necessitatur ad agendum; atqui ignis est agens necessarium; & eius actio est combustio stupæ: ergo ignis necessitatur ad comburendam stupam.

Solutio: Agens necessarium necessitatur ad agendum positis omnibus ad agendum requisitis, Concedo. deficiente aliquo, Nego. & concessa minori: ergo ignis necessitatur ad comburendam stupam positis omnibus ad agendum requisitis, Concedo. deficiente ex illis aliquo, Nego. Quod autem dicitur igni ad comburendam stupam est concursus Dei, qui negatur igni, propterea quod, cum Deus illam produxerit ab aeterno, debet etiam æternum illam conservare, ne verum sit illam esse ab aeterno, & non esse.

QVARTA CONCLUSIO.

Mundus secundum res fluentes, & successivas non potest esse ab aeterno.

MOTVS, & mutatio non possunt esse ab aeterno: ergo neque mundus secundum res fluentes, & successivas.

Antecedens pr. Desitio, & derelictio non possunt esse ab aeterno; atqui motus, & mutatio sunt essentialiter desitio, aut derelictio: ergo non possunt esse ab aeterno.

Respondent: *Desitio, aut derelictio una tantum, aut plures finitae non possunt esse ab aeterno.* Concedunt. *una continens infinitas,* Negant. & concessa minori: ergo motus & mutatio con. inens. tantum finitae derelictiones nō potest esse ab aeterno. Concedunt. *continens infinitas desitiones.* Negāt.

Contrā. Infinitae desitiones non magis possunt dici esse ab aeterno, quā una sola; atqui una sola ex concessis non potest esse ab aeterno: ergo neque una continens infinitas.

Maior pr. Infinitas non aufert desitionibus id, per quod sunt impossibiles cum eternitate: ergo non magis infinitae possunt esse ab aeterno, quā una sola.

Antecedens pr. Id per quod desitio est impossibilis cū eternitate, est quod destruat perseverantiam status, in quo res est producta; atqui infinitas hoc non adimit desitionibus: ergo infinitas non aufert desitionibus id, per quod sunt impossibiles cum eternitate.

Minor probatur. Infinitas nihil aliud addit, aut confert definitionibus, quàm vt sint infinitæ non perseverantiæ status, in quo res est producta; atqui huiusmodi non perseverantiæ non sunt perseverantia: ergo infinitas non aufert definitionibus hoc, quod est destruere perseverantiam status, in quo res est producta.

Maiores pr. Infinitas nihil aliud addit derelictionibus, quàm hoc, quod est esse infinitas; atqui ipse sunt non perseverantia status, in quo res est producta: ergo infinitas nihil aliud addit definitionibus, quàm vt sint infinitæ non perseverantiæ status, in quo res est producta.

Minor pr. Id, quod dicit duplicem statum rei successivum est non perseverantia status, in quo res est producta; atqui desitio dicit duplicem statum rei successivum: ergo desitio est non perseverantia status in quo res est producta.

Minor pr. Dicit existentiam rei, & eiusdem non existentiam: ergo & duplicem eius statum successivum.

Obijcies. Motus, & mutatio possunt esse ab æterno: ergo & mundus secundum res fluentes, & successivus.

Antecedens pr. Tam motus potest esse ab æterno, quàm in æternum; atqui motus potest esse in æternum: ergo & ab æterno.

Maiores pr. Ideo motus potest esse in æternum, quia anni, quibus est futurus sunt infiniti; atqui etiam anni, a quibus potuit esse sunt infiniti: ergo tam motus potest esse æterno, quàm in æternum.

Solutio: Ideo motus potest esse in æternum; quia

anni, quibus futurus est sunt infiniti infinitate syncategorematica, & proportionata aternitati, cui correspondent, Concedo. infinitate categorematica, qualis est ea, qua respondet aternitati à parte antè, Nego. atqui etiam anni, à quibus mundus potuit esse sunt infiniti infinitate categorematica, & simpliciter dicta, qualis esse deberet, ut posset dici correspondere aternitati à parte antè, Nego. infinitate syncategorematica, & secundum quid, Concedo.

Contrà Tam benè infinitas annorum in æternitate à parte pòst est categorematica, ac illa, quæ corresponderet æternitati à parte antè; atqui illa potest esse ex concessis: ergo & ista.

Maior pr Ideo secunda esset categorematica, quia verum esset dicere de illa, fuisse; atqui de prima verum est etiam dicere, erit: ergo tam benè infinitas annorum in æternitate à parte pòst est categorematica, ac illa, quæ correspondet æternitati à parte antè.

Solutio: Ideo secunda esset categorematica, quia verum esset dicere de illa, fuisse, & illud fuisse includit infinitas unitates actu positas, Concedo. & non includit infinitas unitates actu positas, sed tantum ponendas, Nego. Atqui de prima verum est etiam dicere erit, & futura est, & illud erit includit infinitas unitates actu positas, Nego. finitas positas, & alias ponendas, Concedo. Certè apud omnes illud, quod habet tantum finitas unitates actu positas, quantumvis habeat alias sine numero ponendas, dicitur tantum infinitum potentia, & secundum quid. Ad infinitum enim simpliciter, & categorematicum requiruntur unitates infinitæ

actu posita. Atque hinc sumi potest nomen rationis in confirmationem conclusionis. Sicut enim fieri non potest, ut infinitas successiva à parte post tota sit unquam præterita, & nihil eius supersit præterundum. Sic enim in ea nihil esset posterius addendum. Et supponimus, & esset aliquid posterius addendum. In eo enim, quod supersit aliquid semper huiusmodi addendum consistit eius infinitas: ita similiter in infinitate successiva à parte ante si daretur, admittendum esset nihil habere prius prout requiritur ad æternitatem, & habere aliquod prius, prout requiritur ad successionem.

Contrà. Illa infinitas est categorematica, in cuius unitatibus nulla est ultima; atque in unitatibus infinitatis annorum futurorum nulla est ultima: ergo est verè categorematica.

Solutio: Illa infinitas est verè categorematica, in cuius unitatibus actu positis nulla est ultima, Concedo. ponendis tantum, Nego. Atque in unitatibus infinitatis annorum futurorum nulla est ultima, Concedo. actu positis, Nego. hodierna enim, hodie, est verè ultima actu posita, & crastina, & sic consequenter.

QVINTA CONCLUSIO:

Mundus ut nunc est, non est æternum duraturus.

MUNDVS, vt nunc est, includit generationes hominum, & animalium alias aliis succedentes: atque huiusmodi generationes non sunt æternum duraturæ: ergo mundus vt nunc est, non est æternum duraturus.

Minor pr. Quod intra certum numerum annorum finietur non est æternum duraturum; atqui intra certum annorum numerum generationes hominum, & animalium alia aliis sibi succedentes finientur: ergo non sunt duraturæ æternum.

Minor pr. Dies extremi iudicii futurus est intra certum numerum annorum; atqui huiusmodi generationes finientur in die extremi iudicii ex Scriptura, & SS. PP. ergo & intra certum numerum annorum.

SEXTA CONCLUSIO:

Mundus ut nunc est posset durare æternum.

NIHIL aliud mundi ut nunc est dici potest non duraturum æternum, quàm generationes hominum, & animalium; atqui generationes hominum, & animalium possent æternum durare: ergo & mundus ut nunc est.

Minor pr. Perseuerantibus principiis actiuis, & passiuis generationum possunt, & ipsæ perseuerare; atqui principia actiua, & passiuia generationum hominum, & animalium possunt æternum perseuerare: ergo & ipsæ generationes æternum durare.

Minor pr. Principia actiua, & passiuia generationum sunt res permanentes, homines scilicet, aut animalia; atqui res permanentes ex secunda conclusione possunt æternum perseuerare: ergo & principia actiua, & passiuia generationum.

Objectiones. Mundus ut nunc est includit genera-

476 TRACT. IV. PHYS. DISP. I.

tiones hominum, & animalium; atqui illę non sunt duraturę æternũ: ergo neque mundus vnunc est.

Minor pr. Generationes non sunt plus duraturę, quàm ipsarum principia actiua, & passiua cum sufficientibus viribus ad ipsas ponendas; atqui ipsarum principia actiua, & passiua cum sufficientibus viribus ad ipsas ponendas non sunt duratura æternũ: ergo neque ipse,

Minor pr. Vires requisitę in principijs actiuis, & passiuis generationum sunt certa ætas, & determinata magnitudo; atqui non possent perseuerare æternũ attingentia semper huiusmodi ætatem, & magnitudinem: ergo neque cum sufficientibus viribus ad ponendas generationes

Minor pr. Illa non debent dici posse semper attingere huiusmodi ætatem, & magnitudinem, quorũ ætas, & magnitudo semper decrescet, donec omnino finiatur; & cesset; atqui ætas, & magnitudo principiorum actiuorum, & passiuorum generationis hominum v. g. semper decrescet, donec tandem omnino cesset, & pereat: ergo principia actiua, & passiua huiusmodi generationum, non possent perseuerare æternũ attingentia semper huiusmodi ætatem, & magnitudinem.

Minor pr. Non minũs ætas hominum, & magnitudo semper decrescet, quàm decreuerit; atqui semper decreuit: ergo & semper decrescet.


Minor pr. Ætas, & magnitudo, quę fuit maior duobus primis mille annis mũdi, quàm paulo post diluuium, & paulo post diluuium, quàm ante aduentum Christi, & tempore Christi Do-

mini, quàm nunc, semper decreuit; atqui ita se habuit ætas, & magnitudo hominum: ergo ætas, & magnitudo hominum semper decreuit.

Solutio: *Neganda est minor, & dicendum verum quidem esse ætatem hominum initio mundi, & paulo post diluvium, fuisse maiorem quàm nunc sit, sed hoc fuisse ex peculiari Dei providentia, ut sic facilius, & citius multiplicari posset genus humanum, qui finis cum iam cessarit multiplicatis adeo hominibus, mirum esse non debet quod defuerit illa providentia in protrahendis adeo illorum annis, qui tamen ut liquet ex historiis non sunt minores in multis, quàm fuerint in iis, qui vivebant tempore Christi. Dixi suprâ ætatem, quia certum videtur magnitudinem nullo modo iam imminutam. Cum enim illa Christi Domini esse debeat regula aliarum, etiam illius Adami, & primorum hominum, & aliunde constet multos ex iis, qui nunc vivunt illam attigisse, clarum est magnitudinem hominum non decreuisse.*

Ex dictis inferes primò, certiores nos esse de tempore inceptions mundi, quàm de eo definitionis eiusdem. Sacræ enim paginæ quæ subministrant nobis varia, ex quibus colligi potest primû: eadem asserunt Deum ignotum nobis voluisse esse secundum, cum pronuntiantem Christum inducunt neminem scire diem extremi iudicii, per quem terminabitur duratio mundi.

Secundò, æternitatem Dei in hoc differre ab æternitate creaturæ productæ ab æterno, & in æternum conservandæ, quòd ista sit non tantum dependens, sed præterea accidens: diuina verò sit independens, & substantialis.



DISPUTATIO II.

De natura Cœli, eiusque proprietatibus.

SECTIO I.

An calum sit corpus simplex, vel compositum.

PRIMA CONCLUSIO:

Calum est corpus compositum ex materia, & forma.



ORPVS naturale est compositum ex materia, & forma; atqui cœlum est corpus naturale: ergo cœlum est corpus compositum ex materia, & forma.

Distinguunt aduersarij, corpus naturale est compositum ex materia, & forma prout naturale significat, id, quod opponitur supernaturali, Nego. prout significat constans naturis, Concedo. & ad minorem; atqui cœlum est corpus naturale, prout naturale opponitur supernaturali, Concedunt, prout significat constans naturis, Negant.

Contrà. Cœlum est corpus naturale, prout naturale significat constans naturis: ergo nulla solutio.

Antecedens pr. Illud constat naturis, in quo

dantur veræ transmutationes; atqui in cœlo dantur veræ transmutationes; ergo verè constat naturis.

Minor pr. Generatio cometarum, astrorum, &c. sunt veræ transmutationes; atqui illæ dantur in cœlis ex astronomis, & probabitur conclusione tertia; ergo in cœlo dantur veræ transmutationes.

Obijcies. Illud non est compositum ex materia, & forma, quod est corpus simplex; atqui cœlum est corpus simplex; ergo cœlum non est corpus compositum ex materia, & forma.

Minor pr. Debet esse aliquid in mundo, quod sit corpus simplex; atqui istud non potest esse nisi cœlum; ergo cœlum est corpus simplex.

Solutio: Atqui istud esse non potest aliud quàm cœlum empyreum, Concedo. aliud ab empyreo, Nego. ergo Cœlum empyreum est corpus simplex, esto; aliq ab empyreo, Nego.

Contrà. Quod est verè cœlum est corpus simplex; atqui alij ab empyreo sunt verè cœli: ergo sunt corpus simplex.

Maior pr. Quod est quinta substantia simplex, est verè corpus simplex; atqui quod est verè cœlum, est quinta substantia simplex ex Aristotele: ergo quod est verè cœlū est corpus simplex.

Solutio: Quod est quinta substantia simplex, est verè corpus simplex per exclusionem compositionis ex materia, & forma, Nego. per exclusionem mixtionis primarum qualitatum, aut combinationis, Concedo. Ratio est, quia quavis simplicitas non excludit omnem compositionem, ac proinde licet in cœlo admittatur aliqua, illa non est cen-

430 TRACT. IV. PHYS. DISP. II.

senda excludere magis compositionem ex materia, & forma, quàm ex partibus integrantibus, quam omnes ei tribuunt, neque per hoc coguntur negare contra Aristotelem cœlum esse corpus simplex.

SECUNDA CONCLUSIO:

Materia cœlorum est eiusdem speciei cum sublunari.

ILLA materia est eiusdem speciei cum sublunari, quæ est susceptiua formarum, quas illa suscipit; atqui materia cœlorum est susceptiua formarum, quas suscipit materia sublunaris: ergo materia cœlorum est eiusdem speciei cum sublunari.

Minor pr. Formæ, quas suscipit materia sublunaris, sunt formæ aquæ, ignis, &c. atqui materia cœlorum suscipit formam aquæ, ignis, &c. ergo est susceptiua formarum, quas suscipit materia sublunaris.

Minor pr. Materia cœlorum est susceptiua illarum formarum, quas in illam inductas fuisse scimus; atqui scimus fuisse inductas in illam formas aquæ, ignis, &c. ergo suscipit formam aquæ, ignis, &c.

Minor pr. Initio mundi inducta fuit forma aquæ in materiam cœli, & ab aliquot annis forma ignis in eandem: ergo in materiam cœli inductæ fuere formæ aquæ, & ignis.

Antecedens pr. Forma aquarum productarum initio mûdi erat vera forma aquæ, & forma cometæ

metæ vera forma ignis; atqui forma aquarum illarum, inducta fuit in materiam cœli, & etiam forma cometæ ab aliquot annis: ergo initio mundi inducta fuit forma aquæ in materiam cœli, & ab aliquot annis forma ignis in eandem.

Prima pars minoris probatur.

Forma aquarum inducta fuit in illam materiam, ex qua illam expulit forma cœli; atqui forma cœli expulit ex materia in qua est, formam aquæ: ergo forma aquarum inducta fuit in materiam cœli.

Minor pr. Forma cœli expulit formam eius compositi, ex quo productum fuit; atqui cœlum productum fuit ex aquis prima die factis: ergo expulit formam aquæ ex materia in qua est.

Antecedens pr. Cœli producti sunt ex istis aquis, vel omnino de nouo; atqui non sunt facti omnino de nouo: ergo producti sunt ex aquis prima die factis.

Minor fr. Cœli non possunt dici producti omnino de nouo, quin aquæ, in quorum loca sunt sint etiam destructæ omnino; atqui aquæ illæ non sunt omnino destructæ: ergo neque cœli facti omnino de nouo.

Minor pr. Non est probabile Deum produxisse prima die tantam molem aquarum, ut eam deinde secundo die destrueret: ergo aquæ illæ non sunt omnino destructæ.

Secunda pars minoris argumenti superioris, formam scilicet cometa inductam fuisse in materiam cœli, probabitur sequenti conclusione.

482 TRACT. IV. PHYS. DISP. II.
TERTIA CONCLUSIO:

Cœli sunt corruptibiles.

ILLUD est corruptibile, in quo dantur veræ transmutationes; atqui in cœlis dantur veræ transmutationes: ergo cœli sunt corruptibiles.

Minor pr. Generationes cometarum, & astorum sunt veræ transmutationes; atqui in cœlis dantur huiusmodi generationes: ergo & transmutationes.

Minor pr. Productio stellæ, quæ dicitur Cassiopeia, & cometæ, qui apparuit anno 1618. sunt veræ generationes; atqui illæ dantur in cœlis: ergo in cœlis dantur veræ generationes.

Prima pars minorum probatur.

In illo datur generatio cometæ, in cuius materiam inducitur forma cometæ; atqui in materiam cœlorum inducitur forma cometæ: ergo in cœlo datur generatio cometæ.

Minor pr. Forma cometæ qui apparuit anno 1618. inducta fuit, vel in materiam cœli, vel in materiam exhalationum; atqui non fuit inducta tantum in materiam exhalationum: ergo forma cometæ inducitur verè in materiam cœlorum.

Minor pr. Forma illius cometæ inducta non fuit in materiam, qua maior erat; atqui forma illius erat longè maior materia exhalationum: ergo inducta non fuit tantum in materiam exhalationum.

Minor pr. Quod est ferè æquè magnum, ac terra, est longè maius materia exhalationum; atqui forma cometæ illius erat æquè magna, ac terra: ergo erat longè maior materia exhalationum.

Minor pr. Quod est longè maius luna est ferè æquè magnum, ac terra; atqui forma illius cometæ erat longè maior luna: ergo forma illius cometæ erat æquè magna, ac terra.

Minor pr. Quod distat à nobis longiùs luna, & videtur illa maius per idem medium, est verè illa maius; atqui forma illius cometæ longiùs distabat à nobis quàm luna, & per idem medium videbatur longè maior; ergo erat longè maior luna.

Prima pars minoris probatur.

Quod est supra lunam longiùs distat à nobis luna; atqui ille cometa deprehensus fuit ab astrologis supra lunam: ergo longiùs distabat à nobis quàm luna.

Obijcies. Illud non est corruptibile, quod neque ab extrinseco, neque ab intrinseco dici potest corruptibile; atqui cælum non est corruptibile, neque ab extrinseco, neque ab intrinseco: ergo non est corruptibile.

Prima pars minoris probatur, secunda enim clara est.

Illud non est corruptibile ab extrinseco, quod non habet, à quo corrumpatur; atqui cælum non habet, à quo corrumpatur: ergo cælum non est corruptibile ab extrinseco.

Minor pr. Illud non habet, à quo corrumpatur, quod non fugit illud, à quo dicitur corrumpi; atqui cælum non fugit illud, à quo dicitur corrumpi: ergo non habet à quo corrumpatur.

Respondeo: Illud non habet, à quo corrumpatur, quod non fugit illud, à quo dicitur corrumpi, si sit locus, quò possit fugere. Concedo, si non sit, Nego.

284 TRACT. IV. PHYS. DISP. II.

atqui *cœlum non fugit illud à quo dicitur corrumpi*, & est locus, quò possit fugere. Nego. & non est locus, Concedo.

Contrà. Quod non habet locum, quò fugiat illud, à quo corrumpitur, frequentes & notabiles subit corruptiones; atqui *cœlum non subit frequentes, & notabiles corruptiones*; ergo falsum est *cœlum non habere locum*, quò fugiat illud, à quo dicitur corrumpi.

Respondeo: *Quod non habet locum, quò fugiat illud, à quo corrumpitur, frequentes, & notabiles subit corruptiones, si non multum resistat illis agentibus corruptivis*, Concedo. *si valdè resistat*, Nego. atqui *cœlum non subit frequentes, & notabiles alterationes propterea quòd multum resistat agentibus corruptivis*, Concedo, *remota illa magna resistantia*, Nego.

Contrà. *Cœlum ex suppositione, quòd sit corruptibile non est valdè resistitium*; ergo nulla solutio.

Antecedens pr. Ratio, quare dicatur corruptibile, est, quia in illo generantur comete; atqui illud, in quo generantur comete non est valdè resistitium; ergo ex suppositione, quod sit corruptibile non est valdè resistitium.

Minor pr. Illud non est valdè resistitium, quod cedit actioni agentium introducentium formam cometæ; atqui illud in quo generantur comete, cedit actioni agentium introducentium formam cometæ; ergo illud in quo generantur comete, non est valdè resistitium.

Maior pr. Agentia introducentia formam cometæ non sunt valdè actiua; atqui quod cedit

actioni eorum, quæ non sunt valdè actiua, non est valdè resistitium: ergo illud non est valdè resistitium, quod cedit actioni agentium introducentium formam cometæ.

Mayor pr. Agentia introducentia formam cometæ sunt ignis, qui est in concavo lunæ; atqui ignis, qui est in concavo lunæ non est valdè actius: ergo neque agentia introducentia formam cometæ.

Respondent: *Agentia introducentia formam cometæ sunt ignis, qui est in concavo luna solus, Nego. simul cum alijs astris, Concedo. atqui ignis, qui est in concavo luna, non est valdè actius solus, Concedo. simul cum alijs astris, Nego.*

Contra. Alia astra non concurrant simul cum igne ad introducendam formam cometæ: ergo nulla solutio.

Solutio: *Alia astra non concurrunt simul cum igne ad introducendam formam cometæ, cum augetur intra cælum, Concedo. cum primò producitur prope cælum, Nego.*

Contra. Cometa non augetur nisi vbi primò producitur; atqui non primò producitur intra cælum: ergo cometa non augetur intra cælum.

Mayor pr. Vt augeatur vbi non producitur debet eò fuisse delatus; atqui eò non fuit delatus: ergo non augetur nisi vbi primò producitur.

Minor pr. Non potuit eò deferri nisi vel à se, vel ab alio; atqui eò non est delatus neque à se, neque ab alio: ergo non fuit eò delatus.

Respondeo *delatum fuisse ab alio.*

Contra. Illud aliud non potest esse nisi astrum aliquod, quod ipsum eò traxerit; atqui nullum

486 TRACT. IV. PHYS. DISP. II:
astrum illum eò traxit : ergo non est eò delatus :
ab alio.

Minor pr. Cometa illè attractus intra cœlum
debet esse immensæ panè molis ; atqui dici non
potest immensæ panè molis : ergo nullum
astrum illum eò traxit.

Minor pr. Cometa immensæ panè molis attra-
ctus intra cœlum diutiùs duraret, quàm qui no-
bis apparet ; atqui non diutiùs durat : ergo non
est eò attractus.

Solutio : *Cometa immensa panè molis attractus
intra cœlum diutiùs duraret, quàm qui nobis ap-
paret, si non oppugnetur, Concedo. si oppugnetur,
Nego. atqui non diutiùs durat quod oppugnetur,
Concedo. si non oppugnaretur, Nego.*

Contrà Non potest dici oppugnari nisi ab iis,
quæ inducunt diuersam formam à forma come-
tæ ; atqui non sunt ibi quæ inducant diuersam
formam à forma cometæ : ergo nō oppugnatur.

Minor pr. Forma illa diuersa à forma cometæ
non potest esse alia, quàm forma cœli ; atqui non
potest esse forma cœli : ergo non sunt ibi, quæ
inducant diuersam formam à forma cometæ.

Minor pr. Ibi non sunt agentia introductiua
formæ cœli : ergo non potest esse forma cœli.

Solutio : *Negatur antecedens, quia alie partes
cœli, & alia astra habent vim productiuam for-
mæ cœli. Certè si est aliqua causa habens vim
eius destructiuam, negandum non est, quin alie
habeant vim eius productiuam, maxime cum no-
ua stella producta dicantur ab astronomis.*

QUARTA CONCLUSIO:

Cæli non sunt animati.

COELVM non est viuens : ergo non est animatum.

Minor pr. Illud non est dicendum viuere , de quo nullum habemus fundamentum id asserendi ; atqui nullum habemus fundamentum dicendi cœlos viuere : ergo cœlum non est viuens.

Minor pr. Fundamentum ad asserendum aliquid viuere sunt operationes vitæ ; atqui nullum habemus indicium operationes vitæ esse in cœlis : ergo nec illos viuere.

Minor pr. Operationes vitæ sunt vegetatio , sensatio , & intellectio ; atqui in cœlis non est vegetatio , sensatio , neque intellectio : ergo nec operationes vitæ.

Obijcies. Cœlum viuit : ergo est animatum.

Anteced. pr. In cœlis est aliqua operatio vitæ : ergo viuunt.

Anteced. pr. Intellectio , & amor sunt operationes vitæ ; atqui illæ sunt in cœlis : ergo in illis est aliqua operatio vitæ.

Minor pr. In illo est intellectio , & amor , quod amat , & intelligit ; atqui cœli amant , & intelligunt : ergo in cœlis est intellectio , & amor.

Minor pr. Illud amat , & intelligit , à quo primus motor est amatus , & cognitus ; atqui ex Aristotele primus motor est amatus , & cognitus à cœlis : ergo cœli amant , & intelligunt.

Solutio : Illud amat , & intelligit à quo secun-

dum se sumpto primus motor est amatus, & cognitus, Concedo. sumpto tantum secundum intelligentias, à quibus mouetur, Nego. atqui ex Aristotele primus motor est amatus, & cognitus à cælis secundum se sumptis, Nego. sumptis secundum intelligentias à quibus mouentur, Concedo.

Contrà. Cæli secundum se amant, & intelligunt: ergo nulla solutio.

Antecedens pr. Cæli faciunt quod est necessarium, ut sint nobiliores leone; atqui ut sint nobiliores leone, necessarium est, ut ament & intelligant: ergo secundum se amant, & intelligunt.

Maior pr. Cæli faciunt quod est necessarium, ut sint nobiliores omni inferiori corpore; atqui cum faciunt quod est necessarium, ut sint nobiliores omni corpore inferiori, faciunt, ut sint nobiliores leone: ergo cæli faciunt quod est necessarium, ut sint nobiliores leone.

Maior pr. Cæli sunt nobiliores omni corpore inferiori: ergo faciunt quod est necessarium, ut sunt illo nobiliores.

Antecedens pr. Quod dat esse corporibus inferioribus est illis nobilius; atqui cæli dant esse corporibus inferioribus: ergo sunt illis nobiliores.

Solutio: Quod dat esse corporibus inferioribus tanquam causa principalis æquinoca est illis nobilius, Concedo. tanquam causa instrumentalit, aut principalis uniuoca, Nego. atqui cæli dant esse corporibus inferioribus, tanquam causa principalis æquinoca, Nego. tanquam causa instrumentalis, Concedo.

Contrà. Causa vniuersalis non debet dici in-

Instrumentalis; atqui cœli sunt causa vniuersalis respectu corporum inferiorum: ergo non sunt tantum causa instrumentalis illorum.

Solutio: *Causa vniuersalis*, & *prima* non debet dici *instrumentalis*, Concedo. Est enim longe nobilior omni suo effectui: *causa vniuersalis*, quæ non est *prima*, & sortitur tantum illam denominationem *uniuersalis*, quod habent aliquam efficientiam in multos diuersos effectus, Nego. Atqui cœli sunt causa vniuersalis *prima*, Nego. non *prima*, & tantum appellata *uniuersalis*, quia habent aliquam efficientiam in multos effectus sublunares, Concedo. Extensio autem illa efficiens in varios illos effectus, nihil habet incompatibilitatis cum maiori perfectione aliquorum ex ipsis; ratione quorum proinde non est causa principalis.

QVINTA CONCLUSIO:

Astra differunt inter se specie, & à cælo.

ILLÆ differunt inter se specie, quorum vni conuenit aliquid commune intrinsecum notabiliter diuersum, quod non conuenit alteri; atqui cælo comparato cum astris, & vni astro comparato cum alio conuenit aliquid commune intrinsecum notabiliter diuersum, quod non conuenit alteri: ergo astra differunt specie inter se, & à cælo.

Minor pr. Esse receptiuum tantæ, aut tantæ lucis, & esse productiuum luminis, aut alterius effectus, est aliquid commune intrinsecum notabi-

liter diuersum; atqui astra sunt receptiua maioris lucis, quàm cœlum, & vnum astrum est productiuum alicuius effectus; cuius non est productiuum aliud: ergo cœlo comparato cum a-
stris, & vni astro comparato cum alio conuenit aliquid notabiliter diuersum, quod non conuenit alteri.

Obijces. Cœli sunt orbes in quibus sunt astra; atqui astra ex Aristotele non differunt specie à suis orbibus: ergo astra non differunt specie inter se, & à cœlo.

Solutio: Atqui astra ex Aristotele, non differunt specie subalterna, seu genere à suis orbibus, Concedo. specie infima, Nego. ergo astra non differunt inter se, & à cœlo specie subalterna, seu genere, Concedo. specie infima, Nego.

Contrà. Astra nullo modo differunt specie: ergo nulla solutio.

Antecedens pr. Illa non differunt specie vllò modo, quorum accidentia non differunt specie; atqui accidentia cœlorum, & astrorum non differunt specie: ergo neque ipsa.

Solutio: Illa non differunt specie vllò modo, quorum accidentia non differunt specie, neque simul sumpta, neque secundum intensionem, Concedo. seorsim tantùm sumpta, aut secundum entitatem, Nego. Ratio est, quia ut aliqua differant specie, sufficit ut vni conueniat aliquid, quod non conueniat alteri, quod verissimum reperitur eum differunt, aut in collectione accidentium, aut in intensione eorundem, seu vnum habeat aliqua accidentia, qua non habet aliud, aut si habeat eandem, habet illa in maiori, aut minori intensionem.

nē; atqui accidentia cælorum, & astrorum non differunt specie, neque simul sumpta; neque secundum intensiōem, Nego. seorsim tantum sumpta; aut secundum entitatem, Concedo.

Contrā. Intensiō non mutat speciem: ergo licet accidentia astrorum differant secundum intensiōem, non debent inducere diuersitatem specificam in sua subiecta.

Solutio: Intensiō non mutat speciem qualitatum, Concedo. subiectorum, à quibus exigitur hac, & non alia, Nego. Intensiō in qualitatibus non mutat speciem, quia tertius, & quartus gradus additū primo, & secundo sunt illi perfecte similes, arguit tamen illam mutari in subiectis, quia quod ex illis exigit magnam intensiōem, non est simile illi quod exigit tantum parvam.

SECTIO II.

De numero, ordine, & figura cælorum,
& astrorum.

PRIMA CONCLUSIO:

Tres sunt tantum cæli.

TOT sunt admittendi cæli, quot sunt necessarij ad explicanda ea, quæ de iis dicuntur; atqui tres sunt necessarij, & non plures ad explicanda, quæ de iis dicuntur: ergo tres tantum sunt cæli.

Prima pars minoris probatur.

De cœlis dicitur, quòd in illis sit tertium, quòd sint sedes beatorum, quòd in illis stellæ fixæ seruent semper eandem inter se distantiam, planetæ verò non; atqui ut de illis sit verum, quòd in illis detur tertium, quòd sint sedes beatorum, & quòd stellæ seruent semper eandem inter se distantiam, planetæ verò non, tres cœli sunt necessarij: ergo ad explicanda ea, quæ de iis dicuntur tres cœli sunt necessarij.

Minor probatur. Necessarium est vnum, quòd sit sedes beatorum, aliud in quo stellæ eandem inter se seruent distantiam, & tertium in quo planetæ eandem non seruent: ergo ut de illis sit verum quòd sint sedes beatorum, & quòd in illis stellæ seruent semper inter se eandem distantiam, planetæ verò non, tres cœli sunt necessarij.

Antecedens probatur. Illud quòd est sedes beatorum, & dicitur empyreum, distinctum est, & ab eo, in quo sunt stellæ, & ab illo, in quo sunt planetæ, & hæc duo inter se: ergo necessarium est vnum, quòd sit sedes beatorum, aliud in quo stellæ seruent semper eandem inter se distantiam, & tertium in quo planetæ eandem non seruent.

Antecedens pr. Quod est immobile, distinctum est ab iis, quæ sunt mobilia, & quod est solidum ab eo, quod est fluidum; atqui empyreum est immobile, & alia mobilia, stellatum verò solidum, & planeticum fluidum: ergo empyreum distinctum est ab eo, in quo sunt stellæ, & ab illo, in quo sunt planetæ, & hæc duo inter se.

Prima pars minoris probatur.

Sedes eorum, qui vix, aut rarò mouentur, debet esse immobilis; atqui empyreum est sedes beatorum, qui vix aut rarò admodum mouentur: ergo empyreum est immobile.

Secunda pars minoris superioris argumenti, stellatum esse solidum, probatur.

Vt stellæ feruent eandem inter se distantiam debent motu sui cæli moueri, vel habere vnāquæque suum particularem motorem, atqui non est probabile habere vnāquamque suum particularem motorem, & vt moueantur motu sui cæli debet illud esse solidum: ergo cælum stellarum est solidum.

Prima pars minoris probatur.

Angeli sunt motores stellarum, & hæ sunt pænè innumeræ; atqui non est probabile innumeros Angelos illis mouendis fuisse deputatos: ergo neque habere vnāquamque suum motorem particularem.

Secunda pars minoris prioris argumenti probatur.

Quæ sunt intra rem fluidam, pisces v. g. intra aquam non mouentur motu illius: ergo vt stellæ moueantur motu sui cæli debet illud esse solidum.

Tertia pars minoris superioris argumenti, planeticum esse fluidum, probatur.

Motus irregularis planetarum requirit cælum fluidum, aut in solido canales vacuos, aut plenos per quos ferantur; atqui non dantur huiusmodi canales in cælo: ergo cælum planeticum est fluidum.

Minor pr. Natura abhorret vacuum, & vacuos

canales, & præterea non apparet quo alio corpore possint repleri dum non replentur planetis: ergo non dantur huiusmodi canales.

Secunda pars minoris primi argumenti superioris improbationem conclusionis, cœlos non esse plures tribus, probatur.

Fundamentum admittendi cœlos plures tribus non potest esse aliud à multiplicitate astrorum, aut motuum ipsorum; atqui neque multiplicitas astrorum, neque varietas motuum ipsorum dici potest fundamentum sufficiens admittendi plures cœlos tribus: ergo nullum est fundamentum admittendi plures.

Minor pr. Vt multiplicitas astrorum, & varietas motuum ipsorum sufficiens dicatur fundamentum admittendi cœlos plures tribus, dicendum est unicuique astrorum tribuendum esse suum cœlum, aut motui cuiuslibet astri diuerso proprium cœlum correspondere; atqui unicuique astro non est tribuendum suum cœlum, neque cuiuslibet motui diuerso astri est dicendum correspondere proprium cœlum: ergo neque multiplicitas astrorum, neque varietas motuum ipsorum dici potest fundamentum sufficiens admittendi plures cœlos tribus.

Minor pr. Cuiuslibet astri, & eius motui diuerso tribui non potest proprium cœlum, quin admittantur cœli plures quàm admiserint astronomi; atqui non debent admitti plures cœli quàm admiserint astronomi: ergo unicuique astro non est tribuendum suum cœlum, neque cuiuslibet motui diuerso astri dicendum est correspondere debere proprium cœlum.

Minor pr. Cælorum numerus admissus ab astronomis non excessit vnum supra denarium; atqui astra, & eorum motus diuersi excedunt vnum supra denarium: ergo admitti non debent plures cæli, quàm admiserint astronomi.

Minor pr. Astra de nouo deprehensa ab astronomis attingunt quatuor supra denarium, & eorum motus similiter: ergo excedunt vnum supra denarium.

Antecedens pr. Sydera Medicea deprehensa à Galilæo sunt quatuor supra denarium: ergo & astra de nouo deprehensa.

SECUNDA CONCLUSIO:

Cæli habent figuram sphericam.

I L L V D quod est rotundum habet figuram sphericam; atqui cæli sunt rotundi: ergo habent figuram sphericam.

Minor pr. Illud est rotundum; cuius omnes partes æqualiter distant ab eo, quod circundant; atqui omnes partes cæli æqualiter distant ab eo, quod circundant: ergo cæli sunt rotundi.

Minor pr. Quod circundant est terra; atqui omnes partes cæli æqualiter distant à terra: ergo & ab eo, quod circundant.

Minor pr. Partes cæli non magis distant ab vna parte terræ, quàm ab aliâ: ergo æqualiter distant à terra.

Antecedens pr. Illâ non magis distant ab vna parte terræ, quàm ab aliâ, quæ ex quacunque

496 TRACT. IV. PHYS. DISP. II.
regione deprehenduntur æquè remota; atqui
partes cœli deprehenduntur ab astronomis ex
quacumque regione æquè remota: ergo nō ma-
gis distant ab vna parte terræ, quàm ab alia.

SECTIO III.

De motu cœlorum, & astrorum.

PRIMA CONCLUSIO:

Cœli mouentur ab intelligentijs.

A B ijs cœli mouentur, qui possunt eos moue-
re, & communis est omnium sensus id age-
re; atqui intelligentiæ possunt illos mouere, &
communis est sensus id agere: ergo cœli mo-
uentur ab intelligentijs.

*Probatur prima pars minoris, secunda enim
eclara est.*

Quod habet plus virtutis, quàm requiratur
ad mouendos cœlos, potest eos mouere; atqui
intelligentiæ habent plus virtutis, quàm re-
quiratur ad mouendos cœlos: ergo intelligen-
tiæ possunt illos mouere.

Minor pr. Intelligentiæ habent plus virtutis,
quàm alia agentia creata; atqui alia agentia crea-
ta habent ad minimum, quantum requiritur ad
cœlos mouendos: ergo intelligentiæ plus habēt.

Minor pr. Forma cœlorum est agens creatum;
atqui illa ab eo, qui negaret cœlum moueri ab
intelligentijs, habere diceretur satis virtutis ad
mouendos cœlos: ergo agentia creata dicenda

etiam sunt habere satis virtutis ad illos mouendos.

Minor pr. Quod de facto mouet cælos habet satis virtutis ad illos mouendos; atqui illa de facto moueret cælos: ergo haberet satis virtutis ad illos mouendos.

Minor pr. Vel illa moueret cælos, vel Deus solus; atqui Deus solus non moueret: ergo illa de facto moueret cælos.

Minor pr. Deus non facit per se solum effectus qui connaturales sunt causis secundis; atqui effectus ille connaturalis esset causæ secundæ, & in illa sententia formæ cæli: ergo Deus non moueret solus cælos.

Obijcies. Intelligentiæ non producant motum cælorum: ergo cæli non mouentur ab intelligentiis.

Antecedens pr. Illud non producit motum cælorum, quod non est quid intrinsecum cælis; atqui intelligentiæ non sunt quid intrinsecum cælis: ergo intelligentiæ non producant illum.

Maior pr. Illud non producit motum naturalem; quod non est quid intrinsecum rei motæ; atqui motus cælorum est naturalis: ergo illud non producit motum cælorum, quod non est quid intrinsecum cælis.

Maior pr. Motus, qui producitur à principio extrinseco est violentus; atqui motus naturalis non est violentus: ergo illud non producit motum naturalem, quod non est quid intrinsecum rei motæ.

Solutio: Motus, qui producitur à principio extrinseco est violentus, si subiectum reluctetur illi

498 TRACT. IV. PHYS. DISP. II.
*motui, Concedo. si sit ad illum indifferens, aut
habeat quandam quasi inclinationem, Nego.
Cæli autem non habent ullam repugnantiam ad
motum, quo ciuntur.*

SECUNDA CONCLUSIO:

*Cæli inferiores etiam in sententia, qua
admittit undecim, non mouentur
simul ab ortu ad occasum,
& ab occasu ad ortum.*

QVOD mouetur simul ab occasu in ortum, &
ab ortu in occasum, mouetur simul duobus moti-
bus contrariis; atqui cæli non mouentur simul
duobus motibus contrariis: ergo non mouentur
simul ab ortu ad occasum, & ab occasu in ortum.

Minor pr. Quod mouetur simul duobus mo-
tibus contrariis accedit simul, & recedit à ter-
mino ad quem illorum motuum; atqui cæli
non possunt simul accedere, & recedere à ter-
mino ad quem illorum motuum: ergo neque
moueri motibus contrariis.

Minor pr. Quod accedit simul, & recedit à
termino ad quem illius motus, debet esse in
duobus locis; atqui cæli non possunt esse in
duobus locis: ergo neque accedere, & recedere
à termino ad quem illius motus.

Maior pr. Quod simul accedit, & recedit à ter-
mino illorum motuum, est prope illum simul, &
longè ab illo; atqui quod est simul prope, & simul
longè ab illo est in duobus locis: ergo quod ac-

recedit simul, & recedit à termino ad quem illius motus, debet esse in duobus locis.

Minor probatur. Quod est prope illum est in loco, qui est illi propinquus, & quod etiam est longè ab illo est in loco, qui est distans; atqui locus propinquus ab illo, & ab eodem distans sunt duo loca: ergo quod est simul propè & longè à termino ad quem illorum motuum, est in duobus locis simul.

SECTIO IV.

De lumine syderum, & eclipsibus.

PRIMA CONCLUSIO:

Ex planetis sola luna patitur eclipsim.

ILLI solus planeta patitur eclipsim, qui patitur veram luminis priuationem; atqui sola luna patitur veram luminis priuationem: ergo ex planetis sola luna patitur eclipsim.

Minor pr. Illud solum patitur veram luminis priuationem, quod priuatur lumine, quod accipit ab alijs; atqui sola luna priuatur lumine, quod accipit ab alijs: ergo sola luna patitur veram luminis priuationem.

Minor probatur. Illud, à quo accipiunt lumen planetæ, est sol; atqui sola luna priuatur lumine, quod accipit à sole: ergo & quod accipit ab alio.

300 TRACT. IV. PHYS. DISP. II.

Minor pr. Illud solum priuatur lumine, quod accipit à sole, inter quod, & solem duntaxat interponitur corpus opacum; atqui inter lunam, & solem tantum interponitur corpus opacum: ergo sola luna priuatur lumine, quod accipit à sole.

Prima pars minoris, inter solem & lunam interponi corpus opacum, probatur.

Terra est corpus opacum; atqui terra interponitur teste experientia inter solem, & lunam: ergo & corpus opacum.

Secunda pars, non interponi corpus opacum inter solem & alios planetas, probatur.

Nullum est fundamentum dicendi inter solem, & alios planetas interponi corpus opacum: ergo inter illos, & solem non interponitur huiusmodi corpus.

Minor probatur. Fundamentum illud non potest esse nisi experientia aliqua astronomorum, qui deprehenderint aliqua astra priuari lumine solito; atqui nulla est huiusmodi experientia astronomorum: ergo neque fundamentum.

Minor pr. Astronomi semper deprehendere illa æquè lucida: ergo nulla est huiusmodi experientia.

SECUNDA CONCLUSIO:

Eclipsis lune contingit tantum in plenilunio.

T V N C tantum contingit eclipsis lune, cum

terra interponitur inter ipsam, & solem; atqui terra interponitur tantum inter solem, & lunam in plenilunio: ergo eclipsis lunæ contingit tantum in plenilunio.

Minor pr. Terra interponitur tantum inter solem & lunam, cum illa sibi è diametro opponuntur; atqui luna, & sol opponuntur sibi tantum è diametro in plenilunio: ergo terra interponitur tantum inter solem, & lunam in plenilunio.

Maior pr. Quod est in centro alicuius circuli non interponitur inter ea, quæ sunt in circumferentia, nisi cum illa sibi è diametro opponuntur; atqui terra est in centro, & sol & luna in circumferentia: ergo terra interponitur tantum inter solem, & lunam, cum illa sibi è diametro opponuntur.

SECTIO ULTIMA.

*An cœli habeant aliqua accidentia rerum
sublunarium, & an influant in
hec inferiora.*

PRIMA CONCLUSIO:

*Cœli habent aliqua ex accidentibus rerum
sublunarium.*

QUANTITAS est accidens rerum sublunarium, & lumen etiam; atqui cœli habent

502 TRACT. IV. PHYS. DISP. II.
quantitatem, & lumen: ergo cœli habent aliqua ex accidentibus rerum sublunarium.

Minor: pr Illud habet quantitatem, & lumen, quod est quantum, & lucidum; atqui cœli sunt quanti, & lucidi: ergo cœli habent quantitatem, & lumen.

Prima pars minoris probatur.

Illud est quantum, quod penetratur propriè & in rigore; atqui cœlum penetratur propriè, & in rigore: ergo cœlum est quantum.

Minor: r. Christus penetrauit cœlos ex Scriptura & SS. Patribus propriissimè & in rigore: ergo cœlum propriè penetratur.

Probatnr secunda pars minoris secundi argumenti, cœlum esse lucidum.

Illud est lucidum, quod videmus lucere; atqui videmus lucere cœlos: ergo cœli sunt lucidi.

SECUNDA CONCLUSIO:

Cœli non influunt necessariò in omnes effectus sublunares.

IN illud cœli non influunt necessariò, quod potest esse sine illorum influxu; atqui multi effectus sublunares possunt esse sine influxu cœlorum; ergo cœli non influunt necessariò in omnes effectus sublunares.

Minor probatur. Productio caloris, & frigoris sunt effectus sublunares; atqui possunt esse sine influxu cœlorum: ergo & multi effectus sublunares.

Minor pr. Productio caloris, & frigoris potest esse sine iis, quæ non sunt necessaria ad complendam ipsorum causam productiuam; atqui influxus cælorum non est necessarius ad complendam causam productiuam caloris, & frigoris: ergo possunt esse sine illo.

Minor pr. Ignis, & aqua sunt causa completa caloris, & frigoris; atqui influxus cælorum nihil est ignis, & aquæ; ergo non est necessarius ad complendam causam productiuam frigoris & caloris.

Obijcies. Effectus sublunares non possunt esse sine influxu cælorum: ergo cæli influunt necessario in omnes effectus sublunares.

Minor pr. Effectus sublunares non possunt esse sine influxu eius, quod est ipsorum causa; atqui cæli sunt causa omnium effectuum sublunarium: ergo effectus sublunares non possunt esse sine influxu cælorum.

Minor pr. Quod est causa vniuersalis effectuum sublunarium est verè causa omnium effectuum sublunarium; atqui cæli sunt causa vniuersalis effectuum sublunarium: ergo sunt causa omnium.

Minor probatur. Illud non potest dici causa vniuersalis aliquorum effectuum, quod non est causa omnium: ergo quod est causa vniuersalis effectuum sublunarium est verè causa omnium.

Solutio: Illud non potest dici causa vniuersalis aliquorum effectuum sublunarium, quod non est causa omnium, si sit sermo de causa prima. Concedo. si sit sermo de causa secunda,

Nego. Ratio est, quia ut aliqua causa secunda dicatur uniuersalis, sufficit ut concurrat ad multos effectus; quod verum est de cælo respectu effectuum sublunarium, cum plurimi pendeant ab ipso: causa autem uniuersalis sufficiens distinguitur à particulari per hoc, quòd sit productiua multorum effectuum, & diuersorum, cum hac productiua dicatur tantum effectuum unius generis.

TERTIA CONCLUSIO:

Cœli agunt in hæc inferiora per qualitates occultas.

Cœli agunt in hæc inferiora per qualitates nobis occultas, aut tantum per notas; atqui non agunt tantum per qualitates nobis notas: ergo agunt etiam per qualitates occultas.

Minor pr. Qualitates nobis notæ, per quas agunt cœli, sunt calor, & lux; atqui cœli agunt in hæc inferiora per alias qualitates: ergo non agunt tantum per qualitates nobis notas.

Minor pr. Cœli non agunt per calorem, & lucem in ea, ad quæ non pertingit calor, & lux à cœlo producta; atqui calor, & lux non pertingunt ad hæc inferiora, in quæ agunt cœli: ergo agunt per alias qualitates.

Minor pr. Cœli agunt in metalla existentia in visceribus terræ; atqui lux, & calor producta à sole non pertingunt ad metalla existentia in visceribus terræ: ergo neque ad hæc inferiora in quæ cœli agunt.

Minor

Minor pr. Vt calor, & lux producta à sole per-
tingant ad metalla existentia in visceribus ter-
ræ, debent lux, & calor produci in partibus in-
termedijs terræ; atqui calor, & lux non pro-
ducuntur à sole in partibus intermedijs terræ:
ergo non pertingunt ad illa metalla.

Minor probatur. Lux non producitur intra
corpus opacum, nec calor in corpore retinente
summum frigus aut ferè summum; atqui par-
tes intermediæ terræ sunt corpora opaca, & que
retinent summum frigus: ergo lux, & calor
non producuntur à sole in partibus terræ inter-
medijs.

Q V A R T A C O N C L U S I O :

*Cæli non agunt directè in voluntatem
humanam.*

COELI agunt tantùm indirectè in volunta-
tem humanam: ergo non agunt in illam di-
rectè.

Antecedens probatur. Illud agit tantùm in-
directè in voluntatem humanam, quod non
aliter agit in illam, quàm quia agit in illa,
quæ excitant illam ad operandum; atqui cœli
non aliter agunt in voluntatem humanam,
quàm quia agunt in ea, quæ excitant illam ad
operandum: ergo cœli agunt tantùm indirectè
in voluntatem humanam.

Minor probatur. Humores excitant volunta-
tem ad operandum; atqui cœli non aliter agunt
in voluntatem, quàm quia agunt in humores:

506 TRACT. IV. PHYS. DISP. II.

ergo cœli non aliter agunt in voluntatem humanam, quàm quia excitant illam ad operandum.

Minor pr. Illud non aliter agit in voluntatem, quàm quia agit in humores, quod nihil producit immediatè in volūtate; atqui cœli nihil immediatè produciunt in voluntate: ergo non aliter agunt in voluntatem, quàm quia agunt in humores.

Minor pr. Agens corporeum saltem solum nihil producit immediatè in subiecto spiritali; atqui cælum est agens corporeum, & voluntas subiectum spiritale: ergo cœli nihil immediatè produciunt in voluntate.

Obiicies. Cælum non minus agere potest directè in voluntatem humanam, quàm in dæmones; atqui agere potest directè in dæmones: ergo & in voluntatem humanam.

Minor pr. Astra agunt directè in dæmones: ergo & cœli.

Antecedens pr. Quod in dæmonibus produciunt motum, agit directè in dæmones; atqui astra in dæmonibus produciunt motum: ergo agunt directè in dæmones.

Minor pr. Quod euocat dæmones ab inferis, in illis produciunt motum; atqui astra euocant dæmones ab inferis: ergo in illis produciunt motum.

Minor pr. Quod facit, vt faciliùs euocentur dæmones ab inferis, euocat dæmones ab inferis; atqui astra certo modo coniuncta faciunt, vt dæmones faciliùs euocentur ab inferis: ergo illos euocant.

Solutio : Quod facit physicè, seu per influxum physicum, ut dæmones facilius euocentur ab inferis in illis producit motum, Concedo. quod facit tantum moraliter, seu tanquam signum pacis inisi cum illis, Nego. & viceversa in minori.

Contrà. Non minùs astra certo modo coniuncta possunt physicè, & per influxum physicum dæmones euocare ab inferis, quàm iecur piscis Tobix illos fugare; atqui iecur piscis Tobix illos fugauit physicè, seu per influxum physicum: ergo astra possunt illos physicè euocare ab inferis.

Minor pr. Illud fugat physicè dæmones, quod fugat illos per impulsum in illis productum: atqui iecur illius piscis fugauit dæmones per impulsum illis impressum: ergo illos fugauit physicè.

Minor pr. Tam potuit iecur illius piscis producere in illis dæmonibus impulsum, quàm luna in plenilunio in iisdem producere dolorem; atqui luna in plenilunio producit in illis dolorem: ergo & iecur piscis produxit in iisdem impulsum.

Minor pr. Illud producit in plenilunio dolorem in dæmonibus, quod producit aliquid, quo torquentur; atqui luna producit in plenilunio aliquid, quo torquentur: ergo producit dolorem in dæmonibus.

Minor pr. Illud producit aliquid in dæmonibus, quo torquentur, quod facit ut magis torqueant energumenos in quibus sunt; atqui luna facit in plenilunio, ut magis torqueant energumenos: ergo producit in illis aliquid, quo torquentur.

Major pr. Debet esse aliqua ratio, cur dæmones

508 TRACT. IV. PHYS. DISP. II.

nes magis torqueant energumenos in plenilunio, quàm alio tempore; atqui illa non est alia, quàm quòd producat luna in illis aliquid quo torqueantur, quod facit ut maius torqueant ipsi energumenos: ergo illud producit aliquid in dæmonibus quo torquentur, quod facit ut ipsi magis torqueant energumenos.

Solutio: Negatur minor. Ratio est, quia ideo dæmones magis vexant energumenos in plenilunio, quàm alio tempore, quia humores quibus utuntur ad illam vexationem, tunc temporis sunt melius dispositi, & magis idonei.

QVINTA CONCLUSIO:

Ex aspectu astrorum non possunt certò præcognosci effectus à nostra libertate pendentés.

Ex eo non possunt certò præcognosci effectus à nostra libertate pendentés, quod non est illorum signum infallibile; atqui aspectus astrorum non est signum infallibile effectuum à nostra libertate pendentium: ergo ex aspectu astrorum non possunt certò præcognosci effectus à nostra libertate pendentés.

Minor pr. Signum infallibile actuum nostrorum liberorum debet esse naturale, vel ex instituto; atqui aspectus astrorum non est signum illorum neque naturale, neque ex instituto: ergo non est illorum signum infallibile.

Prima pars minoris probatur.

Illud non est signum naturale alterius, inter quod, & aliud nulla est necessaria connexio; at-

qui inter aspectum astrorum, & effectus nostros liberos nulla est necessaria connexio: ergo ille non est signum naturale istorum.

Minor probatur. Necessaria connexio inter aspectum astrorum, & effectus nostros liberos, aliunde peti non potest, quàm ex eo, quod aspectus ille astrorum sit causa illorum nostrorum effectuum liberorum, aut ipse sit effectus nostrorum effectuum; atqui ipse neque est causa nostrorum effectuum liberorum, neque etiam effectus nostrorum effectuum liberorum: ergo inter aspectum astrorum, & nostros effectus liberos nulla est necessaria connexio.

Prima pars minoris probatur, de secunda enim nemo dubitat.

Illud non est causa alterius, quod non est, quando est aliud; atqui aspectus ille astrorum non est, cum sunt multi nostri effectus liberi: ergo non est causa illorum.

Minor probatur. Aspectus astrorum nihil est aliud, quàm astra certo modo coniuncta; atqui cum sunt illi effectus nostri liberi, non sunt illa astra certo modo coniuncta: ergo non est etiam ille aspectus astrorum.

Minor probatur. Coniunctio eadem astrorum non recurrit, nisi post longum tempus; atqui nostri actus liberi singulis ferè momentis recurrunt: ergo cum sunt nostri effectus liberi non sunt illa astra certo modo coniuncta.

Probatur secunda pars minoris secundi argumenti, non esse signum ex instituto nostrorum actuum liberorum.

Signum ex instituto est illud, quod significat

510 TRACT. IV. PHYS. DISP. II.

ex beneplacito agentis liberi ; atqui aspectus astrorum non significant ex beneplacito ullius agentis liberi nostros effectus liberos : ergo aspectus astrorum non est signum ex instituto nostrorum effectuum liberorum.

Minor pr. Illud agens liberum non potest esse nisi Deus ; atqui non significat ex beneplacito Dei : ergo neque ullius agentis liberi.

Minor probatur. Ut affectus ille significet ex beneplacito Dei nostros effectus liberos , debet illud eius beneplacitum nobis esse notum : atqui huiusmodi beneplacitum nobis notum non est : ergo non significat ex Dei beneplacito.

Minor pr. Beneplacitum illud Dei non potest aliter nobis esse notum , quam per reuelationem : atqui non est nobis notum per reuelationem : ergo non est nobis notum.

Minor probatur. Reuelatio illa non potest esse nisi priuata , vel publica : atqui non est priuata , neque publica : ergo non est notum per reuelationem.

De priuata res clara est , nullus enim eam dicitur habere , & probatur non esse publicam.

Illam reuelatio non potest esse publica , cui Ecclesia negat præbendum esse assensum : atqui ecclesia negat præbendum esse assensum huiusmodi reuelationi : ergo non potest dici esse publica.

Minor pr. Sacri Canones damnant Astrologos & prohibent assensum eorum prædictionibus : ergo ecclesia negat præbendum esse assensum huiusmodi reuelationi.

Obijcies. Ex eo certo præcognosci possunt es-

fectus à nostra libertate pendentes, quod est signum illorum infallibile; atqui aspectus astrorum est signum infallibile effectuum nostrorum liberorum: ergo ex eo certò cognosci possunt effectus à nostra libertate pendentes.

Minor pr. Illud est signum infallibile effectuum nostrorum liberorum, quod Deus instituit in signum illorum; atqui Deus instituit aspectum astrorum in signum nostrorum effectuum liberorum: ergo aspectus astrorum est signum infallibile illorum.

Minor pr. Illud Deus instituit in signum effectuum nostrorum liberorum, quod Scriptura dicit Deum posuisse in signa illorum; atqui Genesios 1. Scriptura dicit posita esse sydera in signa illorum: ergo Deus instituit aspectum astrorum in signum infallibile nostrorum effectuum liberorum.

Minor pr. Posita sunt sydera in signa illorum, vel aliorum: atqui non sunt posita in signa aliorum: ergo posita sunt in signa illorum.

Minor pr. Illa alia non possunt esse nisi imbres, & tempestates: atqui non sunt posita in signa imbrum, & tempestatum: ergo neque in signa aliorum.

Minor probatur. Ideo tantum dici possunt posita esse in signa imbrum, & tempestatum, quia ex illis certò præcognoscimus imbres, & tempestates: atqui hæc ratio nulla est: ergo non sunt posita in signa imbrum & tempestatum.

Minor probatur. Ex iis certò præcognoscuntur effectus nostri liberi: atqui ex concessis non

312 TRACT. IV. PHYS. DISP. II.
sunt posita in signa illorum: ergo hæc ratio nulla est.

Maiores probatur. Illud certò præcognoscitur ex aspectu astrorum, quod ita euenit, sicut prædicatur ab intuentibus illum; atqui effectus nostri liberi ita eueniunt sicut prædicuntur ab intuentibus aspectum astrorum: ergo ex aspectu astrorum certò præcognoscuntur effectus nostri liberi.

Solutio: Illud certò præcognoscitur ex aspectu astrorum, quod sicut prædicatur ab intuentibus illum aspectum ita euenit per se, seu propter aliquam coniunctionem physicam, aut moralem quæ sit inter illum aspectum, & effectus nostros liberos. Concedo. quod ita euenit per accidens, seu in pœnam superstitiosa curiositatis, & ratione peculiaris demonis cooperationis procurantis, ut eueniat quod ab iis: qui cum ipso pactum iniere prædictum fuit, Nego. atqui effectus nostri liberi eo modo quo prædicuntur ab intuentibus aspectum astrorum eueniunt per se, seu propter aliquam coniunctionem physicam, aut moralem, quæ sit inter illum aspectum, & effectus nostros liberos, Nego. eo modo, quo prædicuntur eueniunt in pœnam superstitiosa curiositatis, & credulitatis, & ratione peculiaris cooperationis demonis procurantis, ut eueniat, quod ab iis, qui cum ipso pactum iniere prædictum fuit, Concedo. Certum est multa euenire ex iis, quæ prædicuntur ab Astrologis. Verùm hoc permittit Deus exequi demonem, ut puniat curiositatem eorum, qui adeunt huiusmodi homines, ut patet multis exemplis, & deinde quia ut ora-

cula olim, ita isti tam ambigüe loquuntur, ut quidquid tandem eueniat in eum sensum trahi possit eorum responsio.



DISPUTATIO III.

De Elementis ut sunt partes mundi, & corpora graua & leuia.



LEMENTA duobus modis maxime considerari possunt: primo, ut sunt partes mundi, & corpora graua, & leuia; & secundo, ut sunt principia mixtionis. De illis hoc secundo modo spectatis agemus tractatu sequenti. In isto vero considerabimus ea priori modo, & de ijs inquiramus: Primò quænam sit eorum natura: Secundò, in quo numero sint: Tertio, quemnam habeant inter se ordinem, & in quo loco vnumquodque sit: Quarto, quænam illis figura conueniat, & an habeant proportionem decuplam in magnitudine: Quintò, an grauitas, & leuitas, quæ sunt principia actiua motus ipsorum, sint accidentia ipsis realiter superaddita, & an nitantur efficere in illis motum cum sunt in proprio loco. Ac tandem, quodnam sit principium motus proiectorum, & quænam sit natura impulsus.

SECTIO PRIMA.

*De natura, ordine, numero, & figura
elementorum.*

PRIMA CONCLUSIO:

*Solum elementum est corpus simplex
sublunare.*

NVLLVM aliud corpus ab elemento est sublunare seu inferius cœlo lunæ, aut exigit tantum duas ex primis qualitatibus: ergo solum elementum est corpus simplex sublunare.

Antecedens pr. Illud aliud corpus non potest esse nisi cœleste, aut mixtum; atqui neutrum est: ergo nullum aliud est.

Minor pr. Quæ non sunt infra lunam, aut exigunt quatuor ex primis qualitatibus, non sunt corpora sublunaria, nec exigunt tantum duas ex primis qualitatibus; atqui corpora cœlestia non sunt infra lunam, & mixta exigunt quatuor ex primis qualitatibus: ergo corpora cœlestia non sunt sublunaria, & mixta non exigunt tantum duas ex primis qualitatibus.

Prima pars probatur, secunda enim clara est.

Corpora cœlestia sunt empyreum, firmamentum, & planeticum; atqui nec empyreum, nec

planeticum, nec firmamentum sunt infra lunam: ergo corpora cœlestia non sunt infra lunam.

Minor probatur. Nomine lunæ intelligitur cœlum lunæ, seu illa pars cœli planetici in qua est luna; atqui nec cœlum empyreum, nec firmamentum, nec planeticum sunt infra cœlum lunæ, seu illam partem in qua est luna: ergo nec empyreum, nec firmamentum, nec planeticum sunt infra lunam.

Minor probatur. Illa non sunt infra cœlum lunæ, quæ sunt supra illud, aut sunt ipsummet cœlum lunæ; atqui empyreum, firmamentum, & planeticum secundum id, secundum quod istud non est pars cœli, in qua est luna, sunt supra cœlum lunæ, & secundum id secundum quod ultimum est pars cœli, in qua est luna, est ipsummet cœlum lunæ: ergo nec cœlum empyreum, nec firmamentum, nec planeticum sunt infra cœlum lunæ.

Minor pr. Luna est omnium planetarum infimus: ergo empyreum, firmamentum, & planeticum non sunt infra cœlum lunæ.

SECUNDA CONCLUSIO:

Materia elementorum inter se, & materia mixtorum sunt eiusdem rationis.

ILLÆ materiæ sunt eiusdem rationis, quæ sunt susceptivæ earundem formarum; atqui ma-

teriarum elementorum inter se, & materiarum mixtorum sunt susceptivae earundem formarum: ergo materiarum elementorum inter se, & materiarum mixtorum sunt eiusdem rationis.

Minor probatur. Illae materiae sunt susceptivae earundem formarum, quae ita se habent ut quarum una est susceptiva, earum est & alia; atqui quarum formarum est susceptiva materia unius elementi, earum quoque est susceptiva materia alterius elementi, aut etiam mixti: ergo materiae elementorum, & mixtorum sunt susceptivae earundem formarum.

Minor probatur. Certissimum signum materiam unius elementi susceptivam esse formarum, quarum susceptiva est materia alterius elementi, aut etiam mixti, est elementa inter se, & cum mixtis esse transmutabilia; atqui elementa inter se & cum mixtis sunt in se inuicem transmutabilia: ergo quarum formarum susceptiva est materia unius elementi, earum quoque susceptiva est materia alterius elementi, aut etiam mixti.

Minor pr. Ea verè sunt in se inuicem, & in mixta transmutabilia, quae quotidie videmus in ea transmutari; atqui videmus quotidie elementa transmutari in se inuicem, & in mixta: ergo elementa verè sunt transmutabilia in se inuicem & in mixta.

Minor probatur. Illa videmus quotidie transmutari, ex quorum vno videmus fieri aliud; atqui ex vno elemento fieri videmus, & aliud elementum, & mixtum: ergo videmus quotidie elementa in se inuicem transmutari, & in mixta.

Minor probatur. Aër, & aqua sunt elementa, & homo mixtū: atqui ex aëre valdè humido, & in cauernis refrigerato fit aqua, & ex hac cū a nobis potatur, homo; ergo ex vno elemento fieri videmus, & aliud elementum, & mixtum.

TERTIA CONCLUSIO:

Quatuor sunt elementa.

T o t sunt elementa, quot sunt corpora inferiora cælo lunæ, & exigentia tantum duas ex primis qualitatibus: atqui quatuor sunt huiusmodi corpora: ergo & quatuor elementa.

Minor pr. Ignis, aër, aqua, & terra sunt inferiora cælo lunæ, & exigunt tantum duas ex primis qualitatibus: ergo quatuor sunt huiusmodi corpora.

Prima pars minoris patet experientia, & secunda probabitur inferius.

Obiicitur. Ignis non est elementum: ergo sunt tantum tria elementa.

Antecedens probatur. Corpus quod non est infra lunam non est elementum; atqui ignis non est infra lunam: ergo non est elementum.

Minor pr. Cometæ sunt propriissimè ignis: atqui sæpe sunt supra lunam, & non infra: ergo ignis non est infra lunam.

Solutio: Atqui cometae sunt sæpe supra lunam connaturaliter, & tanquam in loco naturali. Nego. violenter, aut saltem praternaturaliter per attractionem scilicet alicuius astri, Concedo. et igitur ignis non est infra lunam, connaturaliter, Nego.

118 TRACT. IV. PHYS. DISP. III.
go. *praternaturaliter, aut violenter, Concedo.*
Ad rationem autem elementi sufficit, ut eius
locus connaturalis sit infra lunam.

QVARTA CONCLUSIO:

Terra est in infimo loco.

CORPVS omnium grauissimum est in infimo loco; atqui terra est corpus omnium grauissimum: ergo terra est in infimo loco.

Minor pr. Illud corpus est omnium grauissimū, quod superpositum aliis sponte se illis subiicit; atqui terra superposita aliis corporibus elementaribus sponte se illis subiicit teste experientia: ergo terra est corpus omnium grauissimū.

Obijciunt. Illud elementum non est in infimo loco, quod non est in medio mundi; atqui terra non est in medio mundi: ergo neque in infimo loco.

Minor pr. Illud corpus non est in medio mundi, quod vergit magis ad vnam cœli partem, quàm ad aliam; atqui terra magis vergit ad vnam cœli partem, quàm ad aliam: ergo non est in medio mundi.

Minor pr. Quod magis vergit ad orientem, & occidentem, quàm ad zenit, magis vergit ad vnam cœli partem, quàm ad aliam; atqui terra magis vergit ad orientem, & occidentem quàm ad zenit: ergo terra magis vergit ad vnam cœli partem, quàm ad aliam.

Minor pr. Quod magis vergit ad sydera existentia in ortu, & occasu, quàm ad eadem exi-

stentia in zenit, magis vergit ad orientem, & occidentem, quàm ad zenit: atqui terra magis vergit ad sydera existentia in ortu, & occasu, quàm in zenit: ergo terra magis vergit ad orientem, & occidentem, quàm ad zenit.

Minor pr. Terra magis vergit ad sydera quæ sunt illi propinquiora: atqui sydera existentia in ortu, & occasu sunt illi propinquiora, quàm existentia in zenit: ergo terra magis vergit ad sydera existentia in ortu, & occasu, quàm existentia in zenit.

Minor pr. Sydera eò sunt propinquiora terræ, quo ex ipsa conspecta apparēt maiora; atqui sydera existentia in ortu, & occasu conspectæ terræ apparent maiora, quàm existentia in zenit: ergo sydera existentia in ortu, & occasu sunt propinquiora terræ, quàm existentia in zenit.

Solutio: Sydera eò sunt propinquiora terræ, quæ ex ipsa conspecta apparent maiora per eadem medium, & eodem modo dispositum, Concedo. per medium diuersum, aut diuersimodè dispositum, Nego. atqui sydera existentia in ortu, & occasu conspecta à terra apparent maiora, quàm existentia in zenit, & medium est eodem modo dispositum, Nego. & est diuersimodè dispositum, Concedo.

Contrà. Medium, per quod conspiciuntur est aër: atqui aër est eodem modo dispositus manè, & serò: ac in meridie: ergo medium est eodem modo dispositum.

Solutio: Neganda est minor, & dicendum diuersam illam dispositionem esse maiorem. crassitiem. aëris qui pluribus abundat. vaporibus man-

pro TRACT. IV. PHYS. DISP. III.
nè, & serò, quàm in meridie, sicut enim nummus
conspectus à nobis intra aquam apparet maior,
quàm conspectus in aëre, quia illa est crassior isto;
ita sydera conspecta à nobis manè, & serò, per
aërem crassiorem interpositum, quàm sit in meri-
die, cernuntur à nobis maiora.

QVINTA CONCLUSIO:

Terra est immobilis.

TERRA nullo modo mouetur: ergo est
immobilis.

Antecedens pr. Motus, quo dici potest mo-
ueri est vel à centro, vel ad centrum, vel circa
centrum; atqui terra neque mouetur à centro,
neque ad centrum, neque circa centrum: ergo
terra nullo modo mouetur.

Prima pars minoris probatur.

Quod mouetur à centro ascendit; atqui
terra non ascendit: ergo terra non mouetur à
centro.

Minor pr. Corpus graue, & omnium grauiissi-
mum non ascendit; atqui terra est corpus gra-
ue, & omnium grauiissimum: ergo non ascendit.

*Secunda pars minoris superioris argumenti, non
moueri ad centrum, pr.*

Illud non mouetur ad centrum, quod in illo
est; atqui terra est in centro: ergo non mouetur
ad centrum.

Minor pr. Illud est in centro, quod est in infi-
mo loco; atqui terra est in infimo loco ex præ-
cedenti conclusione: ergo terra est in centro.

Tertia pars minoris superioris argumenti, terram non moueri circa centrum, probatur.

Moueri circa centrum est moueri motu circulari; sed terra non mouetur motu circulari: ergo terra non mouetur circa centrum.

Minor pr. Nulla pars eius, quod mouetur motu circulari manet in eodem loco, in quo antea erat; atqui partes terræ omnes manent in eodem loco, in quo antea erant: ergo terra non mouetur motu circulari.

Minor, robatur Non minus partes terræ manent in eodem loco, in quo erant antea, quam cacumen montis, ex quo, vel manu, vel instrumento alio homo proiicit lapidem rectâ sursum; atqui cacumen montis, ex quo homo proiicit lapidem rectâ sursum manu, aut alio instrumento, manet in eodem loco, in quo erat antea: ergo partes terræ omnes manent in eodem loco, in quo erant antea.

Minor pr. Quod est locus in quem recidit lapis ille rectâ sursum proiectus, manet in loco, in quo erat antea cacumen illud montis; atqui cacumen illud montis est locus, in quem recidit ille lapis: ergo cacumen illud montis, ex quo homo manu, aut alio instrumento proiicit lapidem rectâ sursum, manet in eodem loco, in quo antea erat.

Maiores pr. Quod manet in spatio, ex quo lapis ille fuit rectâ sursum proiectus, manet in loco, in quo erat antea cacumen illud montis; atqui quod est locus, in quem recidit ille lapis rectâ sursum proiectus, manet in spatio, ex quo lapis ille fuit rectâ sursum proiectus: ergo quod est

locus, in quem recidit ille lapis rectà sursum proiectus, manet in loco, in quo erat antea cacumen illud montis.

Minor pr. Ut quod est locus, in quem recidit ille lapis, non maneat in spatio, ex quo proiectus fuit rectà sursum ille lapis, debet aut non rectà cadere, aut aliò fuisse delatus inter ascendendum, aut descendendum: atqui & rectà cadit, & aliò non est delatus, neque inter descendendum; neque ascendendum: ergo quod est locus, in quem recidit ille lapis, manet in spatio, ex quo ille fuit rectà sursum proiectus.

Prima pars minoris probatur.

Corpus quod vi grauitatis descendit rectà descendit: atqui lapis iste vi grauitatis descendit: ergo rectà descendit.

Minor pr. Quod breuiori via descendit ad centrum rectà descendit: atqui quod descendit vi grauitatis tendit breuiori via ad centrum: ergo rectà descendit.

Ut probetur minor precedentis argumenti,

Suppono ventum vehementem flare in contrariam partem ei, versùs quam terra debet moueri, & sic argumentor:

Lapis non potest aliò deferri, quàm versùs partem, versùs quam terra mouetur: atqui versùs illam non deferitur: ergo aliò non deferitur.

Minor pr. Versus partē, versus quam terra mouetur deferri nō potest lapis ab alio, quàm vel à terra ipsa, vel ab aëre, quo ambitur, vel ab impulsu ipsi ab initio impresso, vel à grauitate cū descendit: atqui non deferitur eò neque à terra ipsa, neque ab aëre, quo ambitur, neque ab im-

pulsu ipsi ab initio impresso, neque à gravitate cum descendit : ergo lapis non deferatur versus partem, versus quam terra mouetur.

Minor probatur de terra, & aëre ambiente.

Vt lapis deferatur versus partem, versus quam terra mouetur à terra ipsa, aut aëre ipsum ambiente, necessarium est vt aër propria vi, aut impulsu à terra accepto eum eò deferat ; atqui aër, neque eò defert ipsum vi propria, neque impulsu à terra accepto : ergo lapis non deferatur versus partem, versus quam terra mouetur, neque à terra ipsa, neque ab aëre, quo ambitur.

Minor pr. Vt aër eò deferat lapidem propria vi, aut impulsu accepto à terra debet eò ipse moueri ; atqui eò ipse non mouetur : ergo aër eò non defert lapidem, neque propria vi, neque impulsu à terra accepto.

Minor pr. Aër non mouetur versus partem, versus quam terra mouetur cum ventus vehemens eum pellit in contrariam partem ; atqui in suppositione facta ventus vehemens eum pellit in contrariam partem : ergo aër eò nō mouetur.

Minor superioris argumenti de impulsu, & gravitate probatur.

Lapis non deferatur ab his versus partem, versus quam terra mouetur, quæ eum pellunt tantum recta sursum, aut tantum recta deorsum ; atqui impulsus ipsi ab initio impressus eum pellit tantum recta sursum, & gravitas eius cum descendit tantum recta deorsum : ergo lapis non deferatur versus partem, versus quam terra mouetur, neque ab impulsu ipsi ab initio impresso, neque à gravitate cum descendit.

324 TRACT. IV. PHYS. DISP. III.

Obijciatur. Illud non est immobile, quod mouetur motu circulari; atqui terra mouetur motu circulari circa centrum: ergo non est immobilis.

Antecedens pr. Ratio efficacior, quæ afferri potest cur terra nō moueatur motu circulari, est quia lapis rectā sursum proiectus ex aliquo loco in eundem recidit; atqui hæc ratio nulla est: ergo terra mouetur circa cētrum motu circulari.

Minor pr. Vt hæc ratio sit bona, debet motus circularis terræ impedire, ne lapis ille in eundem locum possit recidere; atqui hoc impedire non debet: ergo hæc ratio nulla est.

Minor pr. Non magis motus circularis terræ debet illud impedire, quàm motus naui ventis secundis ventis; atqui motus naui ventis secundis ventis, non impedit quominus lapis rectā sursum proiectus intra ipsam in eundem locum recidat: ergo motus circularis terræ impedire non debet, quominus lapis in eundem locum recidat.

Solutio: Non magis motus circularis terra debet illud impedire, cum ventus non fiat in contrariam partem, sed etiam ei fauet, quàm motus naui secundis ventis ventis, esto. cum ventus fiat in contrariam partem Nego. ergo motus circularis terra impedire non debet quominus lapis in eundem locum recidat, cum ventus non fiat in contrariam partē, esto: cum ventus fiat in contrariam partē, Nego. Ratio est, quia in naui cum agitetur aër, & moueatur versus partē, versus quam naui mouetur, potest utcumque intelligi quomodo lapis possit per illum versus illam eandem partem de-

ferri, maximè cum aër ille sit crassior, & inclusus intra cubiculum illud nauticum; at verò in terra cum aër saepe moueatur in contrariam partem, non apparet quomodo lapis possit deferri versus partem, versus quam terra mouetur, ut explicatum est in probatione conclusionis.

SEXTA CONCLUSIO:

Terra est rotunda.

TERRA non est plana: ergo est rotunda.

Antecedens pr. Terra non potest esse plana, nisi vel ab ortu ad occasum, vel à polo ad polum; atqui non est plana, neque ab ortu ad occasum, neque à polo ad polum: ergo non est plana.

Prima pars minoris probatur.

In terra plana ab ortu ad occasum sol non citius oritur iis, qui magis sunt orientales, quàm ijs, qui sunt occidentales; atqui sol oritur citius ijs, qui sunt magis orientales: ergo terra non est plana ab ortu ad occasum.

Maior pr. Sol non oritur citius ijs, à quibus prius non videtur; atqui in terra plana sol non videtur prius ab ijs, qui sunt magis orientales: ergo non oritur illis citius.

Minor pr. In terra plana sol videtur statim ac oritur ab ijs, qui sunt magis occidentales: ergo non videtur prius ab ijs, qui sunt magis orientales.

Antecedens pr. Sol videtur ex omni loco, ex quo ad ipsum duci potest linea recta, non impedita per corpus opacū; atqui ex omni parte terræ

526 TRACT. IV. PHYS. DISP. III.

plane duci potest ad solem cum primò oritur linea recta, non impedita per corpus opacum: ergo sol videtur statim, ac oritur ab iis, qui sunt magis occidentales.

Secunda pars superioris argumenti, terram non esse planam à polo ad polum, pr.

In terra plana à polo ad polum stellæ fixæ, quæ videntur ab iis, qui sunt versus vnum polum, videntur & ab aliis, qui sunt versus alium; atqui stellæ fixæ, quæ videntur ab iis, qui sunt versus vnū polum non videntur ab aliis, qui sunt versus aliū: ergo terra non est plana à polo ad polum.

Maior pr. Stellæ fixæ videntur ex omni loco, ex quo ad ipsas duci potest linea recta, non impedita per corpus opacum; atqui in terra plana à polo ad polum duci potest linea recta ad stellas fixas, non impedita per corpus opacum tam benè ab vno polo, quàm ab alio: ergo in terra plana à polo ad polum stellæ fixæ, quæ videntur ab iis, qui sunt versus vnum polum, videntur & ab aliis qui sunt versus alium.

Minor pr. Corpus opacum impediens productionem lineæ rectæ ad stellas fixas ab vno polo potius quàm ab alio, non potest esse nisi tumor terræ; atqui in terra plana à polo ad polum nullus est tumor: ergo in terra plana à polo ad polum duci potest linea recta ad stellas fixas, non impedita per corpus opacum.

Maior pr. Illud corpus opacum non potest esse nisi vel aër, vel ignis vel cælum planeticum intermedium inter nos, & stellas fixas, vel tumor terræ; atqui non est neque aër, neque ignis, neque cælum planeticum: ergo dicendus est esse tumor terræ.

Minor pr. Illa non sunt illud corpus opacum, quæ sunt diaphana; atqui aër, ignis, & cœlum planeticum sunt diaphana: ergo illud corpus opacum non potest esse aër, ignis, neque cœlum planeticum.

Obijciatur. Terra videtur à nobis spectantibus eam ex edito loco plana: ergo verè dici potest plana.

Solutio: *Terra videtur à nobis spectantibus eam ex edito loco, plana propter magnitudinem circuli quem efformat, Concedo, quod verè ita sit, Nego.*

Contrà. Corpus secans aliud in rectum per sui interpositionem inter illud, & nostrum oculum, est verè planum; atqui terra per sui interpositionem inter solem, & nostrum oculum illum secat in rectum: ergo est verè plana, & non tantùm apparenter.

Solutio: *Corpus secans verè aliud in rectum per sui interpositionem inter illud, & nostrum oculum est verè planum, Concedo, secans tantùm apparenter propter magnitudinem circuli, quem efformat, Nego, atqui terra per sui interpositionem inter solem, & nostrum oculum illum secat in rectum verè, & reipsa, Nego, apparenter tantùm propter magnitudinem circuli quem efformat, Concedo.*

Contrà. Corpus, quod secat aliud in rectum tantùm apparenter, & propter magnitudinem circuli, quem efformat, debet supponi rotundum; atqui terra non potest supponi rotunda: ergo non secat solem in rectum propter magnitudinem circuli, quem efformat.

Minor probatur. Illud corpus dici non potest rotundum in quo ingentes, & crebræ sunt depressiones, & maximi tumores; atqui in terra ingentes, & crebræ sunt depressiones vallium, & maximi tumores montium: ergo non potest dici rotunda.

Solutio: Illud corpus non potest dici rotundum in quo crebra sunt depressiones, & maximi tumores, si illi tumores, & depressiones notabiles sint, habita ratione magnitudinis illius corporis, Concedo. si non sint notabiles, & habeant se ad illud, ut se habent rima, & commissura ad pilam lusoriam, Nego. atqui in terra ingentes, & crebra sunt depressiones vallium, & tumores montium maximi, maiori parte notabili habita ratione magnitudinis terra, Nego. magnitudine non notabili, Concedo.

Certè tumores montium, & depressiones vallium, sunt quid minus respectu magnitudinis terra, quàm rima, & commissura a pila lusoria, comparata cum eius magnitudine, ac proinde sicut ista non impediunt pilæ rotunditatem: ita neque tumores montium censendi sunt obesse rotunditati terra.

SEPTIMA CONCLUSIO:

Centrum gravitatis terra, est idem cum centro magnitudinis uniuersi.

CENTRUM magnitudinis terræ est infimus locus; atqui centrum magnitudinis uniuersi, est etiam infimus locus: ergo centrū gravitatis terræ.

terre, est idem cum centro magnitudinis vniuersæ.

Minor pr. Centrum magnitudinis vniuersæ, est ille locus in vniuerso, qui magis distat à circumferentia; atqui infimus magis distat à circumferentia: ergo centrum magnitudinis vniuersæ est infimus locus.

OCTAVA CONCLUSIO:

Centrum gravitatis terre, & magnitudinis est etiam idem.

CENTRUM gravitatis terre est infimus locus; atqui centrum magnitudinis eius est etiam locus infimus: ergo centrum gravitatis terre, & magnitudinis est idem.

Minor pr. Infimus locus est ille, ad quem gravia cadentia in terram ad perpendicularum tendunt; atqui tendunt ad centrum magnitudinis terre: ergo centrum magnitudinis terre est infimus locus.

Minor pr. Illud tendit ad centrum magnitudinis terre, quod in illam cadens diuidit illam in partes æquales; atqui gravia cadentia in terram ad perpendicularum diuidunt illam in partes æquales: ergo gravia in terram cadentia ad perpendicularum tendunt ad centrum magnitudinis terre.

Minor pr. Illud terram diuidit in partes æquales, quod in illam cadens constituit angulos rectos sphærales; atqui gravia cadentia in terram constituunt angulos rectos sphærales: ergo gravia cadentia in terram diuidunt illam in duas partes æquales.

Tom. II.

Z

Maiores precedentis argumenti probatur.

Illud diuidit terram in duas partes æquales, à quo ducta linea recta transit per centrum magnitudinis terræ; atqui linea recta ducta ab eo, quod diuidit terram in duas partes æquales, transit per centrum magnitudinis terræ: ergo illud tendit ad centrum magnitudinis terræ, quod in illam cadens diuidit illam in partes æquales.

Minor pr. Linea tantum quæ est diameter, diuidit terram in duas partes æquales; atqui diameter transit per centrum magnitudinis terræ: ergo linea recta ducta ab eo, quod diuidit terram in duas partes æquales, transit per centrum magnitudinis terræ.

Obiicitur. In corpore rotundo, quod habet partes alias alijs grauiores centrum magnitudinis, & grauitatis eius non est idem; atqui terra est rotunda, & habet partes alias alijs grauiores: ergo centrum grauitatis, & magnitudinis eius non est idem.

Solutio: Centrum magnitudinis, & grauitatis non est idem in corpore rotundo, quod habet partes alias alijs grauiores, si partes illa minùs graues omnes sint pro vna medietate, & grauiores pro alia; Concedo, si non sint omnes pro vna medietate, sed earum aliqua pro vna, & alia pro alia. Nego. Certè globus partim ligneus, & partim laneus, sed ita, ut post vnâ partem ligneam sequeretur lanca, & post hanc lignea, & post istam lanca, & sic consequenter haberet partes inæqualiter graues, & nihilominus, quia leues omnes non se tenent ex vna medietate, & graues ex alia, centrum grauitatis, & magnitudinis eius esset planè idem

atqui terra est rotunda, & habet partes alias aliu grauiiores, & grauiiores tenent se omnes ex vna medietate, & leuiiores ex alia, Nego. & non se tenent omnes ex vna medietate, sed sunt permixta grauiiores cum leuioribus, Concedo.

Contrà. Partes terræ tectæ aquis, & partes eiusdem à sole exsiccantur sunt aliæ aliis grauiiores; atqui partes terræ aquis tectæ tenent se omnes ex vna medietate, & exsiccantur à sole ex alia: ergo partes terræ grauiiores tenent se omnes ex vna medietate, & leuiiores ex alia.

Minor pr. Partes terræ aquis tectæ sunt illæ, quæ latent sub mari, & exsiccantur à sole, quæ eo non teguntur; atqui partes terræ, quæ latent sub mari tenent se ex vna medietate, & quæ eo non teguntur ex alia: ergo partes terræ aquis tectæ tenent se omnes ex vna medietate, & exsiccantur à sole ex alia.

Solutio: Neganda est minor, quia diuidi non potest terra in duas partes aequales, ut patet satis ex globo terrestri, quin in unaquaque quomocunque illa fiat diuisa, sint partes aliqua tectæ aquis, & alia exsiccata à sole, ac proinde partes omnes tectæ aquis non se tenent ex vna medietate, & exsiccata à sole ex alia.

Contrà. Ita potest fieri ista diuisio in duas medietates, ut vna habeat multo plures partes tectas aqua, quam alia: ergo nulla solutio.

Solutio: Ita potest fieri ista diuisio terra in duas medietates, ut vna habeat plures partes tectas aqua quam alia, & in ista non fiet compensatio propter aquas in eius visceribus inclusas, & per eius meatus subterraneos discurrentes, Nego.

Et fiet compensatio, Concedo.

Contrà. Per aquas illas inclusas, & discurrentes non fit sufficiens compensatio: ergo nulla solutio.

Antecedens pr. Per aquas illas inclusas non potest fieri sufficiens compensatio, nisi illæ sint fere æquales illis, quæ tegunt partes terræ, atqui sunt longè minores: ergo per aquas inclusas, & discurrentes non fit sufficiens compensatio.

Solutio: *Per illas aquas inclusas non potest fieri sufficiens compensatio nisi illa sint fere æquales illis, quæ tegunt partes terræ, si in meatibus, per quos discurrunt, & in receptaculis, quibus asservantur non sit aër saepe multus supplens per suam levitatem id, quod deest ad sufficiens illam compensationem*, Concedo. *si sit aër*, Nego. atqui sunt longè minores, & non est aër in meatibus, per quos discurrunt, Nego. *Et est aër*, Concedo. Certe meatus isti non ita comprantur aquis fluentibus, ut omnino ab illis impleantur, nullusque locus sit aëri, qui ad vitandum vacuum succedit ut plurimum in spatia non occupata à terra, aut aqua.

NONA CONCLUSIO:

Aqua secundum superficiem convexam est rotunda.

MARE non est planū: ergo aqua est rotunda.

Antecedens pr. In mari plano signum in litore positum videtur tam facile à remotioribus, ac à propinquioribus; atqui signum positum in litore maris, non videtur tam facile à remotiori-

bus, ac à propinquiorebus : ergo mare non est planum.

Maïor pr. Signum in littore maris positum videtur ex omni loco, ex quo ad ipsum duci potest linea recta, non impedita per corpus opacum; atqui ex loco illo maris si supponatur planum in quo existunt remotiores, tam benè duci potest linea recta, non impedita per corpus opacum ad signum in littore positum, quàm ex loco in quo sunt propinquiore : ergo in mari plano signum in littore positum videtur tam facilè à remotioribus, ac à propinquiorebus.

Minor pr. Corpus opacum impediens ne duci possit linea recta ex loco, in quo existunt remotiores, non potest esse nisi tumor aliquis aquæ intermediæ; atqui non est tumor aquæ intermediæ : ergo in mari quod supponitur planum ex loco in quo existunt remotiores, tã benè duci potest linea recta, non impedita per corpus opacum, ac ex loco in quo existunt viciniore.

Minor pr. Illud corpus opacum non potest esse nisi aër interiacens, aut tumor aliquis aquæ intermediæ; atqui non est aër interiacens : ergo est aliquis tumor aquæ intermediæ.

Minor pr. Illud non est corpus opacum quod est diaphanum; atqui aër interiacens est diaphanus : ergo non est aër interiacens.

Minor pr. Illud est diaphanum, quod non impedit ne videantur ea inter quæ interponitur; atqui aër non impedit ne videantur ea inter quæ interponitur teste experientia : ergo aër interiacens est diaphanus.

DECIMA CONCLUSIO:

Aqua unicum facit globum cum terra.

QVOD facit globum, & non facit distinctum à terra, debet facere vnum cum illa; atqui aqua facit globum, & non facit distinctum à terra: ergo facit tantum unicum cum illa.

Minor pr. Globus distinctus efformatus ab aqua debet esse necessariò, vel superior, vel inferior, vel æqualis globo terræ; atqui globus distinctus non potest esse; neque superior, neque inferior, neque æqualis globo terræ: ergo aqua non facit globum distinctum à terra.

Prima pars minoris non esse superiorem, probatur.

Corpus graue, quod ex globo superiori accedit ad inferiorem faciliùs, & minori vi mouetur, quàm cum ex inferiori accedit ad superiorem; atqui corpus graue ex globo aquæ accedens ad globum terræ non faciliùs mouetur, quàm ex globo terræ accedens ad globum aquæ: ergo globus aquæ non est superior globo terræ.

Minor pr. Naues sunt corpus graue; atqui naues accedentes ex globo aquæ ad globum terræ, non faciliùs mouentur, quàm ex globo terræ ad globum aquæ: ergo corpus graue ex globo aquæ accedens ad globum terræ non faciliùs mouetur, quàm ex globo terræ accedens ad globum aquæ.

Minor pr. Naues accedentes ad littus accedunt ex globo aquæ ab globum terræ, & rece-

dentes è littore accedunt è globo terræ ad globum aquæ; atqui naues non faciliùs accedunt ad littus, quàm ab eo recedunt: ergo naues accedentes ex globo aquæ ad globum terræ non faciliùs mouentur, quàm ex globo terræ ad globum aquæ.

Secunda pars minoris, globum aqua non esse inferiorem, probatur.

Globus, qui est alio leuior, non debet eo esse inferior; atqui globus aquæ est leuior globo terræ: ergo non debet esse inferior illo.

Minor pr. Globus aquæ est leuior eo qui est omnium grauiissimus; atqui globus terræ est omnium grauiissimus ex tertia conclusione: ergo globus aquæ est leuior globo terræ.

Tertia pars minoris, globum aqua non esse æqualem globo terra, probatur.

Globus aquæ distinctus à globo terræ, isti non potest dici æqualis, quin proiciat distinctam umbram; atqui non proicit distinctam umbram: ergo non est æqualis globo terræ.

Minor pr. Globus aquæ proicit vnâ communem umbram cum globo terræ: ergo non proicit distinctam.

Antecedens pr. Talem umbram proicit globus aquæ, qualem videmus in eclipsi lunæ; atqui illa est communis cum illa globi terræ: ergo globus aquæ proicit vnâ communem umbram cum globo terræ.

Obiicitur. Globus aquæ est distinctus à globo terræ: ergo aqua non facit vnicum globum cum terra.

Antecedens pr. Globus aquæ est superior glo-

bo terræ : ergo globus aquæ est distinctus à globo terræ.

Antecedens pr. Globus aquæ est superior omni alio globo, qui videtur eo inferior; atqui globus terræ videtur inferior globo aquæ ab omnibus, qui eam intuentur ex alto mari: ergo globus terræ est inferior globo aquæ.

Solutio : *Globus aqua est superior omni alio globo, qui videtur eo inferior, quod verè ita sit, Concedo. propterea quod sit obscurior, & obscuriora apparere soleant depressiora, Nego.* atqui globus terra videtur inferior globo aqua, quod verè ita sit, *Nego. propterea quod sit obscurior, & obscuriora appareant depressiora, Concedo.* Certè pictores cum aliquid volunt representare depressius in tabella omnino aquali, non aliud adhibent quàm colorem aliquem obscuriorem eo, per quem representant aliud magis elatum.

Contrà. Globus terræ videtur inferior globo aquæ, non tantùm quod sit obscurior; sed quod verè, & re ipsa ita se habeat: ergo est verè eo inferior.

Antecedens pr. Globus terræ est verè inferior eo, quod Deus miraculosè continet ne effundat se super globum terræ; atqui Deus miraculosè continet globum aquæ, ne se effundat super terram: ergo globus terræ est verè inferior globo aquæ.

Minor pr. Illud Deus miraculosè continet ne se effundat super terram, cui in eum finem præfigit terminos, & limites; atqui Deus in eum finem præfigit terminos aquæ, ne se effundat super terram: ergo Deus miraculosè cōtinet glo-

būm aquæ, ne se effundat super terram.

Minor pr. Deus Iob trigesimo tertio inducitur ita alloquens mare, *huc usque venies, & infringes iumentes fluctus tuos, & alibi de eodem dicitur, posuisti terminos qui præteriri non poterunt: ergo Deus præfigit terminos aquæ, ne se effundat super terram.*

Solutio: Ergo Deus præfigit terminos aquæ, ne se effundat super terram, distinctos à receptaculis, & cauitatibus terra, intra quas Deus ab initio eam conclusit, Nego. non distinctos ab illis cauitatibus, Cōcedo. Ratione istarum cauitatum, verum est quod Deus posuerit mari terminos, & dixerit, hucusque venies, & ex his exire non poteris.

VNDECIMA CONCLUSIO:

Aër ambit terram, & aquam.

ILLUD ambit terram, & aquam quod ex omni parte est illis superius; atqui aër ex omni parte est superior terra, & aqua: ergo aër ex omni parte ambit terram, & aquam.

Minor pr. Illis aër est superior ex omni parte, cui illa superposita sponte se subiiciunt: atqui terra, & aqua vbiunque superponantur aëri, sponte ei se subiiciunt. teste experientia: ergo aër omni ex parte est superior terra, & aqua.

238 TRACT. IV. PHYS. DISP. III.
DVODECIMA CONCLUSIO:
Ignis est in concavo lunæ.

IN eo loco non est negandus esse ignis, in quo non est repugnantia cum esse, communis sensus ferè omnium dicit eum esse, & coniectura valdè probabilis id suadet; atqui nulla est repugnantia, quòd ignis sit in concavo lunæ, communis ferè omnium sensus dicit ibi esse, & coniectura valdè probabilis id suadet: ergo ignis est in concavo lunæ.

Probatur tertia pars minoris, alia enim clara sūt.

Coniectura valdè probabilis dicit ignem esse in magna mole alicubi; atqui illud alicubi est concavum lunæ: ergo coniectura valdè probabilis dicit ignem esse in concavo lunæ.

Maior pr. Existente elemento contrario ignis in magna mole, coniectura est valdè probabilis ipsum etiam alicubi existere in magna mole; atqui elementum contrarium ignis, aqua scilicet, existit in magna mole in mari: ergo coniectura est valdè probabilis, ignem existere alicubi in magna mole.

Maior pr. Non debet esse magnus excessus, & enormis in viribus, & actiuitate vnius elementi contrarij supra aliud; atqui existente vno elemento contrario in magna mole, aliud etiā in magna mole non existere est magnum, & enormem esse excessum virium, & actiuitatis primi supra secundum: ergo existente vno elemento contrario in magna mole, debet aliud quoque in pari mole existere.

Maior pr. Inter ea, inter quæ debet esse diuturna, & ferè cōtinua pugna, non debet esse ma-

gnus, & enormis excessus virium, & actiuitatis vnus supra aliud: atqui inter elementa contraria debet esse diuturna, & ferè continua pugna: ergo nõ debet esse magnus, & enormis excessus, in viribus, & actiuitate vnus elementi contrarij supra aliud.

Maior pr. Non est diuturna, neque continua pugna inter ea, quorum vnũ breui vincit aliud; atqui ex his, quorum vnum excedit valdè aliud, in viribus, & actiuitate, vnũ breui vincit aliud: ergo inter ea, inter quæ debet esse ferè continua pugna; non debet esse magnus, & enormis excessus virium actiuitatis vnus supra aliud.

Minor prioris argumenti probatur.

Eo modo debet esse pugna inter elementa contraria, quo ex ea fieri debent generationes, aut mixtorum, aut alterius elementi; atqui ferè continuò ex pugna elementorum fieri debent generationes mixtorum, aut alterius elementi: ergo inter elementa contraria debet esse ferè continua pugna.

Minor pr. Mixta non generata ex semine fieri debent ex pugna elementorum contrariorum; atqui huiusmodi mixta ferè continuò fiunt: ergo generationes mixtorum ferè continuò fiunt ex pugna elementorum.

Obicitur. Ignis non potest esse in concavo lunæ nisi in magna vi vel parua quantitate: atqui neutrum dici potest: ergo non est in concavo lunæ.

Respondeo esse in magna quantitate.

Contrà. Ignis in magna quantitate existens in concavo lunæ absumeret totum aërem: atqui

540 TRACT. IV. PHYS. DISP. III.
eum non absumit: ergo non est in magna quan-
titate in concavo lunæ.

Major pr Quod est maximè actiuum, & est applicatura in magna mole aëri, debet illum totum absumere; atqui ignis est maximè actiuus, & existens in cōcauo lunæ est applicatus in magna mole aëri: ergo ignis in magna mole existens in concavo lunæ, deberet absumere totum aërem.

Solutio: Atqui ignis est maximè actiuus; cum est in materia densa, Concedo. cum est in materia valdè rara, Nego. ergo ignis in magna mole existens in concavo luna, in materia valdè densa deberet totum aërem absumere, Concedo. in materia valdè rara, Nego.

Contrà. Nō potest dici esse ignis in materia, etiā valdè rara in cōcauo lunæ: ergo nulla solutio.

Antecedens pr Ibi non debet dici esse, & perseverare ignis ubi conservari non potest; atqui etiam in materia valdè rara conservari non potest in concavo lunæ: ergo ignis etiam in materia valdè rara esse, & perseverare non potest in concavo lunæ.

Minor pr. Ignis etiā in materia valdè rara conservari non potest sine pabulo; atqui in concavo lunæ nullū habet pabulū: ergo etiam in materia valdè rara cōservari nō potest in concavo lunæ.

Solutio: Ignis etiam in materia valdè rara non potest conservari sine pabulo si non sit in loco naturali, Concedo. si sit in loco naturali, Nego. atqui in concavo luna nullum habet pabulum, & concavum luna non est eius locus naturalis, Nego. & est eius locus naturalis, Concedo.

Contrà. Concauum lunæ non est magis locus naturalis ullius alterius ignis, quàm nostratis; atqui non est locus naturalis nostratis: ergo neque ullius alterius.

Major pr. Illud non est locus naturalis nostrati ignis, quò nullus pervenit; atqui nullus noster ignis pervenit ad concauum lunæ: ergo concauum lunæ non est locus naturalis nostri ignis.

Solutio: Illud non est locus naturalis nostri ignis, quò nullus pervenit. *si non impediatur eò pervenire* Concedo. *si impediatur*, Nego. atqui nullus noster ignis pervenit ad concauum lunæ. & non impeditur pervenire, Nego. & impeditur à contrariis agentibus ipsum in via opprimentibus, Concedo.

Contrà. Noster ignis non impeditur eò pervenire quò non conatur pervenire; atqui non conatur pervenire ad concauum lunæ: ergo eò non impeditur pervenire.

Minor pr. Eò noster ignis non conatur pervenire, quò non exigit pervenire; atqui non exigit pervenire ad concauum lunæ: ergo eò non conatur pervenire.

Minor pr. Noster ignis non debet dici exigere eò pervenire, ubi non esset illuminatus, nec illuminatiuus; atqui in concauo lunæ non esset illuminatus, nec illuminatiuus: ergo non exigit pervenire ad concauum lunæ.

Minor pr. Ignis qui dicitur esse in concauo lunæ non est illuminatus; nec illuminatiuus: ergo noster si esset in concauo lunæ non esset etiam illuminatus, nec illuminatiuus.

Prima pars minoris probatur.

Quod est illuminatum videtur à nobis cum inter illud, & nos non interponitur corpus opacum; atqui in concavo lunæ nullus ignis videtur à nobis, licet inter illum, & nos nullum interponatur corpus opacum: ergo in concavo lunæ nullus est ignis qui sit illuminatus.

Solutio: *Quod est illuminatum si sit densum, & habeat satis opacitatis videtur à nobis cum inter illud, & nos non interponitur corpus opacum.* Concedo. *si sit valde rarum & non habeat satis opacitatis.* Nego. & concessa minori: ergo in concavo luna nullus est ignis, qui sit illuminatus, densus, & habens satis opacitatis ad terminandam visionem, Concedo. qui non habeat satis opacitatis, Nego. Certe aer habet plus opacitatis, quam ignis, quippe minus rarus, & tamen non videtur à nobis, ut patet cum intuentes duorum montium cacumina inter qua est magna distantia, nihil existimamus ea distare, propterea quod solus aer inter illa medius nobis pateat.

Secunda pars minoris superioris argumenti, ignem non esse illuminatum, probatur.

Quod est illuminatum illuminat ea, quibus vicinum est; atqui ignis in concavo lunæ non illuminat ea, quibus est vicinus: ergo ignis in concavo lunæ non est illuminatus.

Minor pr. Ignis in concavo lunæ est vicinus lunæ; atqui non illuminat lunam: ergo non illuminat ea, quibus est vicinus.

Minor pr. Numquam magis dici potest ignis illuminare lunam, quam in eclipsi; atqui in eclipsi non illuminat lunam: ergo non illuminat lunam.

Solutio: Atqui in eclipsi non illuminat lunam

splendore accedente ad eum, quem accipit à sole, Concedo. alio minori, Nego. & eodem modo, consequens distinguendum est: Certe cum luna etiam in eclipsi à nobis videatur, negandum non est quin habeat lumen partim à se, & partim ab igne vicino.

SECTIO II.

De magnitudine elementorum.

PRIMA CONCLUSIO:

Terra est punctalis magnitudinis respectu firmamenti.

QUOD est minus eo, quod est tantum punctalis magnitudinis respectu firmamenti, respectu eiusdem est tantum punctalis magnitudinis; atqui terra est minor eo, quod est tantum punctalis magnitudinis respectu firmamenti: ergo terra est tantum punctalis magnitudinis respectu firmamenti.

Minor pr. Terra est minor stellis; atqui illæ sunt tantum punctalis magnitudinis respectu firmamenti: ergo terra est minor eo, quod est tantum punctalis magnitudinis respectu firmamenti.

Maiores pr. Quod est minus sole est minus stellis; atqui ex astronomis terra est longè minor sole: ergo est etiam minor stellis.

Maiores pr. Stellæ ex astronomis sunt longè ma-

544 TRACT. IV. PHYS. DISP. III.
iores sole : ergo quod est minus sole est etiam
minus stellis.

SECUNDA CONCLUSIO :

Elementa totalia non servant inter se proportionem decuplam.

TERRA, & aqua non servant inter se proportionem decuplam : ergo nec elementa.

Antecedens pr. Illa non servant inter se proportionem decuplam quoad magnitudinem localem, quorum vnum non est maius alio decies; atqui aqua non est maior terra decies : ergo aqua, & terra non servant inter se proportionem decuplam.

Minor pr. Illud non est maius alio decies, cuius diameter non est maior decies diametro alterius; atqui diameter aquæ non est maior decies diametro terræ : ergo aqua non est maior terra decies.

Minor pr. Diameter aquæ est minor diametro terræ : ergo non est maior decies.

Antecedens pr. Profunditas maris est diameter, aut ad minus semidiameter aquæ; atqui profunditas maris est minor, quam sit diameter, aut semidiameter terræ: ergo diameter aquæ est minor diametro terræ.

Minor probatur. Illud quod continet tantum tria millaria est minus eo, quod continet triginta octo, aut septuaginta septem milliaria; atqui semidiameter terræ continet triginta octo, & diameter septuaginta sex millaria, & pro-

funditas maris ex experientia certa nautarum
& vrinatorum tantum tria miliaria : ergo pro-
funditas maris est minor quam sit diameter,
aut semidiameter terræ.

SECTIO III.

*De virtutibus & principijs motibus ele-
mentorum, gravitate scilicet & lenita-
te, deque motu naturali gra-
uium, & leuium.*

PRIMA CONCLUSIO:

*Gravitas, & leuitas non sunt accidentia
specialia superaddita formis elemen-
taribus.*

GR A V I T A S nihil aliud est, quam vis pro-
ductiua motus deorsum, & leuitas sursum;
atqui nulla est necessitas admittendi huiusmo-
di vim productiuam esse speciale accidens: er-
go gravitas, & leuitas non sunt specialia acci-
dents.

Minor pr. Forma cum suo temperamento con-
naturali potest huiusmodi motus producere: er-
go nulla est necessitas admittendi huiusmodi
vim productiuam esse speciale accidens.

Antecedens pr. Quod potest producere vim:

546 TRACT. IV. PHYS. DISP. III.
productiuam illius motus, potest & ipsum motum; atqui forma potest producere in sententia contraria vim illam productiuam specialem illius motus, grauitatem scilicet, & leuitatem: ergo & producere potest ipsum motum.

Obijciunt. Grauitas, & leuitas non identificantur cum forma substantiali: ergo sunt accidens speciale illi superadditum.

Antecedens pr. Conuenit aliquid grauitati, & leuitati, quod non conuenit formæ substantiali: ergo grauitas & leuitas non identificantur cum forma substantiali.

Antecedens pr. Esse intensibile, & remissibile conuenit grauitati, & leuitati; atqui non conuenit formæ substantiali: ergo conuenit aliquid leuitati, & grauitati, quod non conuenit formæ substantiali.

Maior pr. Illud est intensibile in grauitate, & leuitate, quod modò magis, modò minùs grauitat: atqui multa sunt quæ modò magis, modò minus grauitant: ergo esse intensibile, & remissibile conuenit grauitati, & leuitati.

Maior pr. Modò magis modò minus grauitare est vel esse intensibile, & remissibile in grauitate, & leuitate, vel esse productiuum modò maioris, & celerioris, modò minoris, & tardioris motus deorsum; atqui non est hoc secundum: ergo est primum.

Minor pr. Debet afferri aliqua ratio, cur illud sit productiuum modò celerioris, modò tardioris motus deorsum; atqui nulla afferri potest ratio: ergo non est hoc secundum.

Minor pr. Non potest alia afferri ratio, quàm

quod forma modò sit productiua celerioris motus deorsum , modò tardioris: atqui forma non potest dici productiua horum motuum : ergo forma non est productiua modò celerioris motus , modò tardioris deorsum .

Minor pr. In speciebus Eucharisticis sunt illi motus ; atqui non producuntur à forma : ergo forma non debet dici eorum productiua .

Solutio: Atqui *non producuntur à forma, neque ab alio supplente eius absentiam* , Nego. *non producuntur à forma , sed alio supplente eius absentiam* , Concedo, ergo *forma non debet dici eorum productiua per se tantum* , Concedo. *per se , vel per aliud , supplens eius vires* , Nego.

Contrà. Illud supplens nō potest esse nisi Deus; atqui non est Deus : ergo hi motus non producuntur ab alio supplente.

Minor pr. Deus non supplet defectum formæ substantialis in productione motus deorsum præsepte grauitatē speciali qualitate; atqui in speciebus Eucharisticis est grauitas specialis qualitas : ergo Deus non supplet defectum formæ substantialis.

Minor pr. Grauitas in multis aliis rebus est specialis qualitas: ergo & in speciebus Eucharisticis.

Antecedens pr. In multis aliis rebus mutata forma substantiali manet eadem grauitas: ergo grauitas in multis aliis rebus non est forma substantialis , sed specialis qualitas.

Solutio : *In aliis rebus mutata formâ substantiali manet eadem grauitas substantialis , seu in actu primo* , Nego. *accidentalis & in actu secun-*

548 TRACT. IV. PHYS. DISP. III.
do, Concedo. ergo *grauitas substantialis*, seu in
actu primo non est forma *substantialis*, Nego. ac-
cidentalis, Concedo.

Contrà. *Gravitas* in actu primo est vis produ-
ctiua motus deorsum; atqui illa vis non est for-
ma *substantialis*: ergo nec *grauitas* in actu pri-
mo.

Minor pr. Manente forma *substantiali* muta-
tur vis illa productiua: ergo vis illa non est for-
ma *substantialis*.

Solutio: Manente forma cum suo tempera-
mento connaturali mutatur illa vis productiua,
Nego. sublatio eius temperamento connaturali,
Concedo. ergo *vis illa*, seu *grauitas* non est sola
forma *substantialis* sine temperamento connatura-
li, Concedo. cum suo temperamento connaturali;
Nego.

Contrà. Manente forma cum suo temperamen-
to connaturali non manet eadem *grauitas*: er-
go *grauitas* non est forma *substantialis* cum suo
temperamento connaturali.

Antecedens pr. In partibus viuentis est eadem
forma *substantialis*, & temperamentum ipsi con-
naturale; atqui non est eadem *grauitas*: ergo
non manet eadem *grauitas* manente forma *sub-*
stantiali cum suo temperamento connaturali.

Solutio: In partibus viuentis est eadem forma,
& temperamentum idem, Nego. diuersum, Con-
cedo. & concessa minori: ergo non manet eadem
grauitas manente forma cum suo temperamento
connaturali eodem, Nego. diuerso, Concedo.

Contrà. *Gravitas* in homine non est anima
rationalis, & eius temperamentum conna-

turale idem : ergo grauitas non est forma , & eius temperamentum connaturale quantumuis idem.

Antecedens pr. Grauitas est aliquid materiale; atqui anima rationalis non est aliquid materiale : ergo grauitas non est anima rationalis, & eius temperamentum connaturale idem.

Solutio : *Grauitas est aliquid materiale, secundum id totum, quod dicit, Concedo. sumpta tantum secundum partem eius, quod dicit, Nego.* atqui forma hominis non est aliquid materiale & est totum id, quod dicit grauitas . *Nego.* & est tantum pars eius , quod dicit , *Concedo.* Aliud, quod dicit grauitas est temperamentum , quod sine dubio est materiale, & consequenter etiam totum, quod constat cum altera parte quantumuis immateriali. Totum enim quod habet vel unam solam partem materialem est materiale , seu non habens independentiam à re impenetrabili.

SECUNDA CONCLUSIO :

Sicut terræ conuenit grauitas simpliciter, & aque secundum quid, ita leuitas conuenit igni simpliciter & aëri secundum quid.

GRAUITAS simpliciter est descensus infra omnia, & grauitas secundum quid descensus infra aliqua tantum; leuitas simpliciter è cōtrario, est ascensus super omnia, & leuitas secundum quid ascensus tantum supra aliqua; atqui terræ conuenit descensus infra omnia, & aque infra ali-

550 TRACT. IV. PHYS. DISP. III.

qua tantum; igni verò ascensus supra omnia, & aëri ascensus supra aliqua tantum: ergo grauitas simpliciter conuenit terræ, & aquæ secundum quid, leuitas simpliciter conuenit igni, & aëri secundum quid.

Minor pr. Illi verè cōuenit descensus infra omnia, quod superpositū aliis sponte descendit infra omnia, & illi tantum secundum quid, quod descendit tantum infra aliqua. Similiter ascensus super omnia proprius est illius, quod suppositum aliis sponte ascendit supra omnia, eius verò tantum secundum quid, quod ascendit tantum supra aliqua; atqui terra superposita aliis, descendit infra omnia, aqua verò tantum infra aliqua, similiter ignis suppositus aliis propria vi ascendit supra omnia, aër verò tantum supra aliqua: ergo terræ conuenit descensus infra omnia, & aquæ infra aliqua tantum, igni verò ascensus super omnia, & aëri ascensus supra aliqua tantum.

Minorem probat experientia.

Obicitur. Aquæ conuenit grauitas simpliciter: ergo non conuenit terræ.

Antecedens pr. Illi conuenit grauitas simpliciter quod velocius descendit; atqui aqua velocius descendit quam terra: ergo grauitas simpliciter conuenit aquæ.

Minor pr. Multum aquæ velocius descendit quam exiguum terræ: ergo aqua velocius descendit quam terra.

Solutio: Responderi posset primò cum aliquibus negando antecedens, cuius contrarium comprobare dicunt experientiam.

Respondeo secundò : *Mutuum aqua velocius descendit , quàm exiguum terra , & est aqualis molis , Nego. & est inaequalis molis , & maioris , Concedo: ergo aqua velocius descendit quàm terra in aquali mole , Nego. in inaequali mole & maiori. Concedo. hoc autem non sufficit ad excessum in gravitate , sed requiritur ut sit paritas molis , & aliorum , à quibus esse potest velocitas illa maior descensus.*

TERTIA CONCLUSIO:

Elementa , nec grauitant , nec leuitant in propriis locis.

AER , ignis , aqua , & terra non grauitant , nec leuitant in proprijs locis : ergo nec elementa.

Minor pr. Proprius locus terræ est esse infra alia elementa , aquæ esse super terram , aëris supra terram , & ignis in supremo loco ; atqui terra infra alia elementa non grauitat , nec etiã aqua supra terram , similiter aër supra aquam non leuitat , nec ignis in concavo lunæ : ergo in proprijs locis non grauitant , nec leuitant.

Minor pr. Grauitare est niti se subijcere corpori leuiori , leuitare verò niti supereminere grauiori ; atqui terra infra alia elementa , & aqua supra terram non nituntur se subijcere corpori grauiori , similiter aër supra terram , & aquam , & ignis in supremo loco nō nituntur supereminere grauiori : ergo terra infra alia elementa nō grauitat , nec etiam aqua super terram , & aër

352 TRACT. IV. PHYS. DISP. III.
supra terram, & aquam, & ignis in supremo loco non leuitant.

Minor probatur. Illud non nititur se subiicere corpori leuiori, quod nullum habet infra se leuius, neque illud supereminere grauiori quod nullum habet supra se grauius; atqui terra infra alia elementa, & aqua super terram nullum habent infra se leuius, aër etiam supra aquam, & ignis in concauo lunæ nihil habent supra se grauius: ergo terra infra alia elementa, & aqua super terram non nituntur se subiicere leuiori, sicut & aër super aquam, & ignis in concauo lunæ, supereminere grauiori.

Obijciatur. Terra grauitat in proprio loco; ergo & elementa.

Minor pr. Proprius locus terre est centrum mundi; atqui terra grauitat in centro mundi: ergo & in proprio loco.

Minor pr. Cum terra est in centro mundi partes eius superiores grauitant: ergo & ipsa terra.

Antecedens pr. Grauitare est niti deorsum; atqui cum terra est in centro mundi, partes eius superiores nituntur deorsum: ergo grauitant.

Minor pr. Quod distat à centro, & conatur se in illo ponere, nititur deorsum; atqui cum terra est in centro mundi partes eius superiores distant à centro mundi, & conatur se in illo ponere: ergo cum terra est in centro mundi, partes eius superiores nituntur deorsum.

Prima pars minoris clara est, & secunda probatur.

Quod exigit esse in centro conatur se in illo constituere; atqui partes terræ superiores exigunt

gunt esse in centro mundi : ergo conantur se in illo constituere.

Solutio : *Quod exigit esse in centro , secundum se immediatè , conatur se in illo constituere , Concedo. secundum totum quod constituit tantum, Nego. atqui partes terra superiores exigunt esse in centro secundum se immediatè , Nego. secundum totum quod constituunt , Concedo..*

Contrà. Non minùs partes superiores terræ exigunt esse in centro secundum se immediatè, quàm inferiores; atqui inferiores hoc exigunt: ergo superiores etiam idem exigunt.

Minor probatur. Inferiores non sunt indifferentes, vt sint in centro : ergo exigunt esse in illo.

Solutio : *Negandum est antecedens , quia & superiores, & inferiores nihil aliud exigunt, quàm vt totum quod constituunt , sit in centro mundi; inferiores enim si essent superiores, & superiores inferiores aequè contenta essent, & nulla fieret ipsius violentia.*



SECTIO IV.

De motu proiettorum, & natura impulsus.

PRIMA CONCLUSIO:

Proiecta mouentur à qualitate ipsis intrinseca, quæ vocatur vis impressa, aut impulsus.

PROIECTA mouentur vel ab illa qualitate, vel à proijciente, vel ab aëre, seu medio, vel à cœlo, vel à Deo solo; atqui non mouentur à proijciente, neque ab aëre, seu medio, neque à cœlo, neque à Deo solo: ergo mouentur à qualitate ipsis intrinseca, quæ dicitur vis impressa; aut impulsus.

Prima pars minoris probatur.

Proiecta non mouentur ab eo, quod non magis concurrat ad illum motum, quàm si non esset; atqui proijciens non magis concurrat ad illum motum, quàm si non esset: ergo non mouentur à proijcientē.

Minor probatur. Ille non magis concurrat ad illum motum, quàm si non esset, qui tunc interisse potest, aut otiosi, aut non esse illi approximatus; atqui proijciens potest tunc interisse, otiosi, & illi non esse approximatus teste experientia; ergo proijciens non magis concurrat

ad illum motum , quàm si non esset.

Secunda pars minoris superioris argumenti, proiecta non moueri ab aëre, probatur.

Aër non aliter dici potest causa illius motus, quàm quod eius partes vehant lapidem, cùm-que trahant; atqui falsum est aërem trahere, & vehere lapidem: ergo proiecta non mouentur ab aëre.

Minor probatur. Partes aëris non possunt vehere, & trahere lapidem nisi versus partem, versus quam mouentur; atqui non vehunt & trahunt illum versus partem, versus quam mouentur: ergo partes aëris non trahunt, & vehunt lapidem.

Vt probetur minor. Suppono ventum valde vehementem impellere aërem versus orientem, & proiici lapidem versus occidentem, & sic argumentor:

Pars, versus quam mouentur partes aëris est oriens: atqui partes aëris non vehunt, nec trahunt lapidem versus orientem: ergo partes aëres non trahunt, nec vehunt lapidem versus partem versus quam mouentur.

Minor pr. Eò partes aëris non vehunt, & trahunt lapidem, quò lapis non mouetur; atqui lapis non mouetur versus orientem: ergo partes aëris non vehunt, & trahunt lapidem versus orientem.

Minor pr. Quod mouetur versus occidentem non mouetur versus orientem; atqui lapis mouetur versus occidentem: ergo non mouetur versus orientem.

Minor pr. Eò lapis mouetur, quò proiicitur;

556 TRACT. IV. PHYS. DISP. III.
atqui proiicitur versus occidentem: ergo mouetur
versus occidentem.

*Tertia pars minoris superioris argumenti, cœ-
lum & Deum non esse causas motus proiectorū, pr.*

Causa vniuersalis non debet dici causa effe-
ctus nisi sit aliquid, quod exigat illum ab illa
producis atqui Deus, & cœlum sunt causæ vni-
uersales, & nihil est, quod illum postulet ab il-
lis produci: ergo neque cœlum, neque Deus
sunt causa illius motus.

Mihor probatur. Quod dici potest exigere illam
productionem, est vel materia, vel forma la-
pidis, vel aliquod eius accidens connaturale, vel
aliquid eum circumstans; atqui neque mate-
ria, neque forma lapidis, neque aliquod eius ac-
cidens connaturale, aut aliquid eum circum-
stans hoc exigunt: ergo nihil est quod exigat il-
lum motum ab illis produci.

Maior pr. Illud non exigat illum motum pro-
duci, quod est indifferens ad illum, & multo mi-
nūs id, cui ipse est contrarius; atqui materia
lapidis, & quæ eum circumstant, & accidentia
eius connaturalia sunt indifferentia ad illum
motum: ipse verò est sæpè contrarius formæ la-
pidis: ergo neque materia, neque forma lapidis,
neque aliquod eius accidens connaturale, aut
aliquid eum circumstans hoc exigunt.

Obiicies ex Aristotele. Medium est causa mo-
tus lapidis proiecti; atqui medium non est qua-
litas impressa: ergo motus lapidis proiecti non
est à qualitate impressa.

Solutio ex Aristotele. Medium est causa sæpè ad-
iuuans motus lapidis proiecti; Concedo, causa ca-

ialis, & adæquata. Nego. & concessa minori ergo motus lapidis proiecti non est à qualitate impressa semper ut à causa totali, & adæquata, cum qua nihil aliud concurrit, Concedo. ut à causa præcipua, Nego.

Contrà. Aër ordinariè est medium per quod proiicitur lapis; atqui aër est causa totalis, & adæquata motus lapidis proiecti: ergo & mediũ.

Minor pr. Partes aëris trahunt lapidem proiectum per aërem: ergo aër est causa totalis, & adæquata motus lapidis proiecti per aërem.

Antecedens pr. Non minùs partes aëris debent dici trahere lapidem proiectum per aërem, quàm corpora quæque gravissima in periculo vacui; atqui partes aëris trahunt corpora quæque gravissima in periculo vacui; ergo trahunt etiam lapidem proiectum.

Solutio: Neganda est maior, quia quando trahitur lapis per aërem non est periculum vacui, unde licet aër habeat vim cum est huiusmodi periculum trahendi corpora quæque gravissima, cum illud non est, similis vis non est ei concedenda.

Contrà. Lapis proiectus per aërem trahitur ab aliquo; atqui nihil est aliud à quo trahi possit commodiùs extra vacui periculum, quàm ab aëre: ergo trahitur ab aëre etiam extra periculum vacui.

Minor pr. Ille à quo trahi potest commodiùs, vel est quid intrinsecum, vel extrinsecum lapidi; atqui neutrum dici potest: ergo nihil est à quo trahi possit commodiùs.

Respondeo esse quid intrinsecum.

Contrà. Motus lapidis proiecti per aëra nō est

A 2 iij.

538 TRACT. IV. PHYS. DISP. III:
à principio intrinseco: ergo id à quo trahitur
non est ipsi intrinsecum.

Antecedens pr. Motus qui est à principio in-
trinseco est naturalis; atqui motus lapidis pro-
iecti per aëra non est naturalis: ergo non est à
principio intrinseco.

Solutio: Motus qui est à principio intrinseco
subordinato forma mobilis, & eius natura con-
formi est naturalis, Concedo. à principio in-
trinseco aduentitio praternaturali, & minimè
subordinato forma mobilis, Nego. & concessa
minori. ergo non est à principio intrinseco subor-
dinato forma mobilis, & eius natura conformi,
Concedo. à principio intrinseco aduentitio pra-
ternaturali, & minimè subordinato forma mo-
bilis, Nego. Impulsus enim non subordinatur
forma mobilis. Illam siquidem mouet in contra-
riam partem ei, ad quam est eius inclinatio.

SECUNDA CONCLUSIO:

*Impulsus distinguitur specie à gravi-
tate, & leuitate.*

SUBSTANTIA, & accidens distinguun-
tur specie; atqui grauitas, & leuitas sunt ex
parte substantiæ, ex prima conclusione sectio-
nis tertiæ, & impulsus merum accidens: ergo
distinguuntur specie.

Obijciatur. Potentiæ ordinatæ ad eundem a-
ctum non distinguuntur specie; atqui impulsus,
& grauitas, & leuitas sunt potentiæ ordinatæ ad
eundem actum: ergo non distinguuntur specie.

Solutio: Potentiæ ordinatæ ad eundem actum

adaquatum non distinguuntur specie, transeat, ad eundem actum inadquatum, Nego. atqui impulsus, & gravitas, & leuitas sunt potentia ordinata ad eundem actum adaquatum, Nego. inadquatum, esto.

Contrà. Actus adæquatus grauitatis est motus deorsum; atqui actus adæquatus impulsus mouentis deorsum est etiam motus deorsum: ergo impulsus, & gravitas, & leuitas sunt potentia ordinatae ad eundem actum adæquatum.

Minor pr. Impulsus ille non potest mouere sursum, neque ad latera: ergo eius actus adæquatus est motus deorsum.

Antecedens pr. Impulsus potens mouere sursum, deorsum, & ad latus, est indifferens ad omnem motum; atqui impulsus non est indifferens ad omnem motum: ergo impulsus non potest mouere sursum, deorsum, & ad latus.

Minor pr. Quod est indifferens ad omnem motum debet habere à quo determinetur hæc eius indifferentia; atqui impulsus nihil habet à quo determinetur eius indifferentia: ergo impulsus non est indifferens ad omnem motum.

Minor pr. Illud, à quo determinetur hæc eius indifferentia non potest esse nisi inflexio manus, aut instrumenti, quo res proiicitur; atqui non est inflexio manus, aut instrumenti, quo res proiicitur: ergo impulsus nihil habere potest, à quo determinetur eius indifferentia.

Minor pr. Illud non determinat indifferentiam impulsus, quod non facit vt moueat potius in vnâ partem, quàm in aliâ; atqui inflexio manus, aut instrumenti non facit vt impulsus mo-

neat potius in vnam partem, quàm in aliam: ergo quod determinat indifferentiam impulsus non est inflexio manus.

Minor pr. Illud non facit vt impulsus moueat potius in vnam partem, quàm in aliam, quo posito impulsus mouet in contrariâ partem; atqui posita tali manus inflexione, aut instrumēti impulsus mouet in contrariam partem: ergo inflexio manus aut instrumenti nō facit, vt impulsus moueat potius in vnam partem, quàm in aliam.

Minor pr. Cūm pila lusoria verbi gratia, projecta incurrit in corpus durum, mouetur in contrariam partem ei, in quam mouebatur; atqui tunc est posita talis manus, aut instrumēti inflexio: ergo posita tali manus, aut instrumenti inflexione impulsus mouet in contrariam partem.

Solutio: Atqui tunc est posita talis inflexio manus, aut instrumenti, & non superuenit ei aliud contrarium determinatiuum illius impulsus, Nego. & superuenit, Concedo. ergo posita tali inflexione manus, aut instrumenti impulsus mouet in contrariam partem, si non superueniat aliud contrarium aequè determinatiuum illius impulsus, Nego. si superueniat, Concedo. Contrarium illud superueniens est occurfus corporis illius duri, in quod incurrit.

Contrà Occursus corporis, in quod incurrit, non determinat vt moueat in contrariam partem: ergo nulla solutio.

Antecedens pr. Impulsus ab Angelo impressus mouet in vnam partem, potius quàm in aliam. atqui occurfus corporis, aut inflexio manus illum non determinat, vt moueat potius in hanc

partem quàm in aliam: ergo occurſus corporis aut inflexio manus, non determinat impulſum ut moueat potiùs in vnam partē quàm in aliā.

Solutio; Atqui occurſus corporis aut inflexio manus non determinat illum, ut moueat potiùs in hanc partem quàm in aliam, neque aliquid Angelis illis æquiualens, Nego. & aliquid Angeli illis æquiualens, Concedo. ergo occurſus corporis aut inflexio manus non determinat impulſum, ut moueat in hanc partem potiùs, quàm in aliam, cum non adest aliud illis æquiualens, quod hoc faciat, Nego. cum adest, & ipſa non ſunt, Concedo. Illud autem, quod in Angelo facit determinationem illam, eſt illud; quod contraria ſententia dicit facere, ut producatuſ diuerſus ſpecie impulſus, voluntas ſcilicet Angeli certo modo applicans ſuam potentiam motiuam.

TERTIA CONCLUSIO:

Cauſa impulſus eſt vis attrahētia, expulſiua, & loco motiua.

IMPULSUS producitur à vi attrahētia, expulſiua, & loco motiua: ergo vis attrahētia, expulſiua, & loco motiua eſt cauſa impulſus.

Minor pr. Vis attrahētia magnetis producit impulſum in ferro, quod trahit, & vis expulſiua medicamentorum in humoribus, quos expellunt, ac tandem vis loco motiua in rebus, quas proicit, aut loco pellit: ergo impulſus producitur à vi attrahētia, expulſiua & loco motiua.

QVARTA CONCLUSIO:

*Actio productiua impulsus distinguitur
à motu.*

ACTIO quæ habet terminum distinctum à motu, ab eo distinguitur; atqui actio productiua impulsus habet distinctum terminum à motu: ergo ab eo distinguitur.

Minor pr. Terminus motus est ubi, terminus verò actionis productiue impulsus, est ipse impulsus: ergo actio productiua impulsus habet distinctum terminum à motu.

QVINTA CONCLUSIO:

*Actio productiua impulsus est per se
instantanea.*

ILLA actio est per se instantanea, quæ per se fieri potest tota simul; atqui actio productiua impulsus per se fieri potest tota simul: ergo est per se instantanea.

Minor pr. Illa actio fieri potest per se tota simul, cuius terminus non habet contrarium, neque est necessariò connexa cum aliquo, quod fieri debeat successiue; atqui terminus actionis productiue impulsus non habet contrarium, nec est necessariò coniuncta cum aliquo, quod fieri debeat successiue: ergo per se fieri potest tota simul.

Prima pars minoris probatur:

Terminus actionis productiue impulsus est

ipſemet impuſus; atqui impuſus non habet contrarium: ergo terminus actionis productiuæ impuſus non habet contrarium.

Minor pr. Contrarium illud deberet eſſe grauitas, aut leuitas; atqui grauitas, & leuitas non ſunt contrariæ impuſui: ergo impuſus non habet contrarium.

Minor pr. Grauitas non eſt contraria illi, quod mouet deorſum, neque leuitas oppoſita illi, quod mouet ſuſum; atqui impuſus poteſt mouere ſuſum, & deorſum: ergo grauitas, & leuitas non ſunt contraria impuſui.

Minor pr. Illud mouere poteſt ſuſum & deorſum, quod eſt indifferens ad vtrumque motum; atqui impuſus eſt indifferens ad vtrumque illum motum: ergo impuſus mouere poteſt ſuſum, & deorſum.

Minor pr. Nulla eſt neceſſitas admittendi vnum impuſum poſſe mouere tantum ſuſum, & alium tantum deorſum: ergo impuſus eſt indifferens ad vtrumque illum motum.

Antecedens pr. Neceſſitas alia fingi non poteſt, quā quod non appareat, à quo determinari poſſit illa indifferentia impuſus; atqui non de eſt, à quo determinari poſſit illa indifferentia: ergo nulla eſt neceſſitas admittendi vnum impuſum mouere tantum ſuſum, & alium tantum deorſum.

Minor pr. Inflexio manus, aut instrumenti, quo res proicitur, aut voluntas certo modo applicas ſuam potentiam motiuā, ſunt ſufficienter determinatiua huius indifferentiæ impuſus, ex ſolutione obiectionis contra ſecundam conſolutionem: ergo non de eſt, à quo determinari poſſit illa indifferentia.

A a vj

564 TRACT. IV. PHYS. DISP. III.

Secunda pars minoris secundi argumenti, scilicet actionem productiuam impulsus non esse necessario coniunctam cum aliquo, quod fieri debeat successiue, probatur.

Illud successiuum, cum quo coniuncta posset dici necessario actio productiua impulsus, non est aliud, quam motus; atqui non est motus: ergo non est necessario coniuncta cum aliquo, quod fieri debeat successiue.

Minor pr. Illud non est necessario coniunctum cum motu, quod fieri potest sine motu; atqui actio productiua impulsus fieri potest sine motu: ergo non est necessario coniuncta cum motu.

Minor pr. Illa actio fieri potest sine motu, cuius principium cum illi dat esse manet immotum; atqui principium actionis productiue impulsus cum illi dat esse manet immotum: ergo actio productiua impulsus fieri potest sine motu.

Minor pr. Magnes est principium actionis productiue impulsus in ferro, quod trahit, & Angelus in alio Angelo, aut corpore quod mouet; atqui magnes manet immotus, & Angelus etiam si velit: ergo principium actionis productiue impulsus cum illi dat esse manet immotum.

SEXTA CONCLUSIO:

Impulsus destruitur per subtractionem concursus diuini conformiter ad eius exigentiam.

DEBET esse aliquis modus, quo destruaturs impulsus; atqui non est alius modus, quo destruaturs

impulsus, quàm per subtractionem diuini concursus conformiter ad eius exigentiam: ergo impulsus destruitur per subtractionem diuini concursus conformiter ad eius exigentiam.

Minor pr Alij modi destructionis rerum sunt per contrarium, defectum subiecti, aut causæ conseruantis, & desitionem termini; atqui impulsus non perit propter contrarium, defectum subiecti, aut causæ conseruantis, neque per desitionem termini: ergo non est alius modus, quo destruat, quàm per subtractionem diuini concursus conformiter ad eius exigentiam.

Prima pars minoris, non destrui propter contrarium, probatur.

Impulsus non habet contrarium: ergo non destruitur per contrarium.

Secunda pars minoris, non perire defectu subiecti, probatur.

Causa subiectiua impulsus est res proiecta, & conseruans Deus; atqui non deficit res proiecta, neque Deus: ergo non perit defectu subiecti, neque causæ conseruantis.

Tertia pars minoris, non perire per termini desitionem, probatur.


Sola relatio perit per desitionem termini; atqui impulsus non est relatio: ergo non perit per desitionem termini.

FINIS.

FACULTAS R. P. PRO-
uincialis.

EGO CLAVDIUS DELINGENDES,
Præpositus Prouincialis Societatis IESU,
in Prouincia Franciæ, iuxta Priuilegium ei-
dem Societati à Christianissimis Regibus
Henrico III. 10. Maij 1583. Henrico IV.
20. Decembris 1606. & Ludouico XIII.
14. Februarij 1611. concessum, quo Biblio-
polis omnibus prohibetur, ne libros ab eius-
dem Societatis hominibus compositos absque
Superiorum permissione imprimant; Con-
cedo, vt *Philosophia per argumenta breuiter ex-
plicata*, P. GVILLELMI CHABRON,
ex eadem Societate, iudicio trium eiusdem
Societatis Theologorum approbata, typis
mandetur à Gaspardo Meturas Bibliopola
Parisiensi Datum Parisiis, die 10. Octobris
1650.

CLAVDIUS DELINGENDES.



INDEX RERVM,

quæ in hoc secundo Tomo disputantur.

- A**CCIDENTIA sup-
ernaturalia quo
ad modum, & quoad
substantiam educuntur
ex potentia obedi-
entia subiecti.. 163
Accidentia non vita-
lia, & non modalia
inhærent immediatè
quantitati.. 157
Accidentia producunt
alia accidentia princi-
paliter vt plurimùm. 176
sunt causæ instrumẽ-
tales formarum sub-
stantialium.. 178
Accidẽtia localia nõ
sunt vbicunque est ip-
sorum subiectum. 327
non localia possunt
esse. 328
debita subiecto sunt
naturaliter vbicunque
illud est.. 328
indebita non ponun-
tur necessariò vbicun-
que est subiectum. 330
Actio est causalitas
causæ efficientis. 216.
distinguitur realiter
ab entitate causæ, &
effectus.. 217
omnis Actio non est
passio.. 222
Aër ambit terram, &
aquam.. 537
ei conuenit leuitas
secundùm quid. 549
Aqua secundùm su-
perficiem conuexam
est rotunda. 532.
vnicum facit globum
cum terra. 534
ei conuenit grauitas
secundùm quid. 549
Ars efficere potest ve-
rum aurum. 99
Astra differunt inter se
specie, & à cœlo. 489.

INDEX.

ex eorum aspectu, nō
possunt certò præcog-
noscī nostri effectus
liberi. 508

C

CAUSAE bene defi-
nitur principium,
per se influens esse in
aliud. 103

eius ratio causandi
distinguitur aliquan-
do ab ipsius entitate,
aliquando non. 105

eius causalitas distin-
guitur realiter ab eius
entitate. 107

eius diuisio in mate-
rialem, formalem, effi-
cientem, & finalem est
adæquata. 108

eadē res potest exer-
cere omnia causarum
genera respectu diuer-
sorum effectuum. 109

nulla res respectu e-
iusdem effectus exer-
cere potest omnia cau-
sarum genera. 110

omnia causarum ge-
nera non reperiuntur
in omnibus rebus crea-
tis 111

Causa in actu primo

nō est necessariò prior
tēpore suo effectū. 112
potest esse prior effe-
ctus tempore. 113

Causa in actu secun-
do est simul tempore
cum effectū. 114

Causa in actu secun-
do, est simul natura-
cum causalitate. *ibid.*

non possunt esse plu-
res Causæ intrinsecæ
eiusdem effectus. 118

possunt esse plures
Causæ totales eiusdem
effectus diuisim. 119

simul non possunt na-
turaliter. 123

possunt diuinitus. 125

Causa formalis non
potest esse causa con-
trariorum effectuum. 129

Causa materialis, &
efficiens libera possunt
producere contraria
successiue. 132

Causa finalis potest
esse causa contrariorū
effectuum. *ibidem*

causæ reales nō possūt
esse sibi mutuò causæ
quoad primū esse. 133

R E R V M.

folā Causa materialis
est id : ex quo aliquid
fit ita vt insit. 139

Causa materialis for-
marum substantialiū
est materia prima. 141

Causæ formalis cau-
salitas est vnio. 165

Causa efficiēs influit
esse in aliud , cui non
exigit vniri ex proprio
modo causandi. 167

Causalitas causæ effi-
cientis est actio. 216

Causæ exemplari so-
li conuenit esse id , in
quod inspiciens arti-
fex operatur. 235

ratio causandi causæ
finalis est obiectū. 243

omnis actus volun-
tatis sequens ex perfe-
cta cognitione ipsius
est eius effectus. 245

Causalitas causæ fi-
nalis respectu actuum
elictorum voluntatis
est actio, qua illi fiunt
dependenter à fine , &
respectu mediorum a-
ctio, qua illa executio-
ni mandantur ex in-
tentione finis. 254

non est causa physica.
257

Causa motus quo im-
peditur vacuū , est vis
tractiua indita singu-
lis corporibus, ad reti-
nendam contiguita-
tem cum aliis. 345

Cœlū est corpus cō-
positum ex materia, &
formā. 478

eius materia est eiuf-
dem rationis. eum su-
blunari. 480

Cœli sunt corrupti-
biles. 482

nō sūt animati. 487

differunt specie ab
astris. 489

sunt tantū tres. 491

habent figurā sphæ-
ricam. 495

mouentur ab intelli-
gentiis. 496

non mouentur simul
ab ortu in occasum, &
ab occasu ad ortū. 498

habent aliqua ex ac-
cidentibus. rerum sub-
lunarium. 501

non influunt necessa-
riō in omnes effectus
sublunares. 502

INDEX.

- agunt in hæc inferio-
ra per qualitates occul-
tas. 504
non agunt directè in
voluntatem humanã. 505
- Conseruatio non dis-
tinguitur necessariò à
prima productione 223
- In Continuo sūt actu
partes ante omnem di-
uisionem, & designa-
tionem. 394
- partes Continui non
sunt indiuisibiles. 396
- partes Continui non
sūt partim diuisibiles,
partim indiuisibiles.
403
- sunt diuisibiles. 408
- Corpora quanta duo,
aut plura non possunt
esse naturaliter in eo-
dem loco. 309
- possunt supernatura-
liter. 313
- Creatio, seu produ-
ctio rei ex nihilo sui,
& subiecti distinguitur
realiter ab entitate
causæ, & effectus. 226
- Creatura potest esse
causa instrumentalis
creationis. 231
- Creationis terminus
est substantia spirita-
lis creata, & materia
prima. 233
- ## D
- D**EVS cōcurrit im-
mediatè ad om-
nes effectus causarum
secundarum. 182
- Dei concursus in a-
ctu secundo, est idem
cum actione causæ se-
cundæ. 204
- Deus determinat cau-
sas secundas ad indi-
uiduum. 207
- Deus conseruat om-
nia. 224
- conseruat res creatas
diuerso modo. 225
- solus est causa prin-
cipalis creationis.
eius actus ad intra nō
sunt effectus finis. 248
- ipsius actus ad extra
sunt effectus causæ fi-
nalis. 249
- est in spatiis imagi-
nariis. 307
- Duratio est accidens
realiter superadditum
rei duranti. 357

R E R V M.

distinguitur realiter
à productione sui sub-
iecti. 362

Duratio creata per-
manens est possibilis.
366

quæ datur de facto
est successiva. 368

est in omni ente crea-
to quod non est dura-
tio, aut productio sub-
iecti ipsius. 370

membra in quæ diui-
ditur distinguuntur, &
illam exhaustiunt. 371

E

EVERTIO nō est pro-
ductio formæ ex a-
liqua sui parte præexi-
stente in materia. 144

Elementum est cor-
pus simplex sublunare.
514

Elementorum ma-
teria est eiusdem ra-
tionis cum illa mix-
torum. 515

sunt quatuor ele-
menta. 517

non servant inter
se proportionem de-
cuplam. 544

nō gravitant, nec le-

vant in propriis lo-
cis. 558

Ens creatum non
potest esse naturaliter
in pluribus locis to-
talibus. 316

potest supernatura-
liter. 318

Exemplar non est
cognitio, sed obie-
ctum. 226

non est causa phy-
sica. 239

reuoceatur ad cau-
sam efficientem. 240

eius causalitas est
actio operis facti, co-
gnitio illius, & volitio
operandi ad illius i-
mitationem. 242

F

datur **F**ORMA sub-
stantialis in
omnib⁹ cōpositis phy-
sics sublunaribus. 66

Forma substantialis
est substantia simplex,
& incompleta per mo-
dum actus constituens
totum naturale. 71

est productiua acci-
dentium in proprio, &
alieno subiecto. 171

I N D E X

G

GRAVITAS non est
accidens speciale
realiter superadditum
formis elementaribus.

545 I

IGNIS est in conca-
uo lunæ. 538

ei conuenit leuitas
simpliciter. 549

Impulsus est qualitas
intrinseca mouēs pro-
iecta. 554

eius actio productiua
non est motus. 562

est per se instantane-
a. *ibidem.*

destruitur per subtra-
ctionem diuini con-
cursus conformiter ad
eius exigentiam. 564

L

LEUITAS non est
accidens superficia-
le superadditum for-
mis elementaribus. 545

Locus est superficies
prima, & immobilis
corporis ambiētis. 284

Luna sola ex planeris
patitur eclipsim. 499

eius eclipsis est tan-
tū in plenilunio. 500

M

datur **M**A T E R I A
prima in
rebus naturalibus. 15

Materia prima est
substantia incomple-
ta. 17

est eiusdem speciei
in omnibus compositis
sublunatibus. 18

est ingenerabilis, &
incorruptibilis. 19

non est infimum ens.
21

non est pura poten-
tia obiectiua, seu lo-
gica. 22

non est etiam pura
potentia metaphysica.
25

est pura potentia
physica. 27

est potentia imme-
diatè receptiua forma-
rum substantialium. 28

nullam habet for-
mam substantialem sibi
coæquam, & insepara-
biliter unitam. 32

non potest esse natu-
raliter sine vlla forma
substantiali. 35

potest esse diuina-

R E R V M

- tus sine forma substantiali. 40
 conferuaretur eodem influxu sine forma, quo cum forma. 43
 non potest esse etiam diuinitus sine forma accidentali aliqua. 47
 quantitas est eius proprietas. 53
 Materia non potest habere simul plures formas substantiales; 1
 Materia prima est subiectum primum, & vltimum inhæſionis accidentium materialium non modalium. 153
 definitio Motus conuenit motui propriè dicto, & mutationi ſtriçtè ſumptæ. 263
 datur Motus ad quantitatem, qualitatem, & vbi. 264
 Motus diſtinguitur modaliter à ſuo termino intrinſeco. 269
 Motus eſt idem realiter cum actione, diſtinguitur tamen formaliter ab ipſa, & paſſione. 270
 eſt eſſentialiter ſucceſſiuus. 272
 eſt etiam eſſentialiter continuus. 272
 eius continuitas non eſt poſitiua. 274
 ſpecificatur ab agente ſubiecto, & termino ſecundum ſpeciem ſubſiſtis. 275
 ad vnitatem numericam requirit vnitatem numericam agentis ſubiecti, & termini, & continuitatem temporis. 280
 Motus illi ſunt contrarij, qui habent contrarios terminos ad quos. 282
 Motus localis ſucceſſiuus fieri poteſt in vacuo. 347
 Motus eius, quo impeditur vacuum, cauſa eſt viſ tractiua indita ſingulis corporibus, ad retinendam continuitatem cum aliis. 345
 Mundus eſt compages ex cœlo, & terra, & reliquis naturis, quæ intra hæc continetur. 449

INDEX.

Mundus est perfectus
secundum quid. 450
Mundus vnicus est.

452

plures Mundi sunt
possibiles. 453

Mundus incœpit in
tempore. 454

potuit esse ab æterno
secundum res perma-
nentes. 463

non potuit esse secun-
dum successiuas. 471

vt nunc est, non est æ-
ternū duraturus. 474

posset tamen durare
æternū. 475

Mutatio genericè sū-
pta est transitus subie-
cti præexistentis ab v-
no statu in oppositum.

260

N

sola **N**ATVRA est
principiū, &

causa motus, & quie-
tis eius, in quo est pri-
mò, & per se, & non se-
cundum accidens. 93

eius definitio conue-
nit materiæ, & formæ
substantiali. 96

P

omnis **P**ASSIO est
actio. 225

Prædeterminatio
physica non datur. 192

Principium est id vn-
de aliquid est, aut fit,
aut cognoscitur. 3

Principia intrinseca
rerum naturalium, non
fiunt ex se, nec ex aliis,
sed ex ipsis omnia. 4

tria sūt principia fie-
ri rerum naturalium,
quod est vera muta-
tio. 8

duo sūt tantum prin-
cipia rerum naturalium
in facto esse, & fieri ip-
sarum, quod non est
vera mutatio. 11

Priuatio proxima est
principium generatio-
nis, quæ fit modo na-
turali. 57

est principiū imme-
diatè ante introdu-
ctionem formæ. 58

Productio vnionis, &
productio formæ. rea-
liter distinguuntur. 146

Proiecta mouentur à
qualitate ipsis intrinse-

ea vocata impulsus,
aut vis impressa. 354

QUANTITATIS effectus formalis,
est impenetrabilitas
partium. 384

Quantitas distinguitur
realiter à materia.

389

eius proprietas est esse
æqualem, aut inæ-
qualem. 393

REs creatæ sunt ve-
rè actiue. 169

non possunt esse sine
vbi. 308

permanentes inci-
piunt per primum sui
esse. 381

& desinunt per vlti-
mum esse, vel per pri-
mum non esse. 382

successiue incipiunt
per vltimum non esse.

ibidem

& desinunt per pri-
mum non esse.

Res ab æterno pro-
ducta, æternū immu-
tata permaneret. 468

S

SITVS est accidens
constitutivum rei
quantæ in loco, cum a-
liqua partium coordi-
natione. 300

Spatium imagina-
rium, non est aliquid
reale positivum mate-
riale, neque negatio
corporum locatorum,
aut vbi ipsorum. 301

Spatium imaginariū
nō est possibilitas vbi,
nec capacitas recipiē-
de ybicationis. 302

est ens rationis. 303

Subiectum positū in
pluribus locis recipere
potest accidentia, quæ
non posset si esset tan-
tū in vnicō. 335

T

TEMPVS intrinse-
cum, est duratio
entis fluentis, & suc-
cessiui. 373

differt realiter à mo-
tu.

extrinsecum est nu-
merus motus, secun-
dū prius, & posterius.

375

INDEX RERVM.

istud potest reprodu-	tus.	346
ci.	Vbi distinguitur à re	
non potest reprodu-	locata, & spatio in quo	
ci.	est.	287
Terra est in infimo	neccssarium est om-	
loco,	ni enti creato, quod	
est immobilis	non est vbi, aut motus.	
est rotunda.	291	
centrū grauitatis e-	negationes illud non	
ius, & magnitudinis	habent.	294
est idem.	diuiditur in circum-	
est pūctualis magni-	scriptium, & defini-	
tudinis respectu fir-	tium.	295
mamenti.	Vbi definitium in-	
ei conuenit grauitas	diuisibile ratione sub-	
simpliciter.	iecti, est diuisibile ra-	
Totum physicum in-	tionē spatij.	296
cludit essēcialiter ma-	datur Vnio in com-	
teriam, & formam.	posito physico.	72
distinguitur realiter	Vnio non est intima	
inadæquatē à partibus	indistantia, & disposi-	
seorsim sumptis.	tionē in materia ad	
non distinguitur rea-	formam recipiendam.	
liter à partibus simul	73	
sumptis, & vnitis.	distinguitur moda-	
V	liter à materia, & for-	
VACVVM est locus	ma.	75
destitutus corpo-	vnica tantū est in-	
re, aptus eo repleri.	ter materiam, & for-	
non potest dari na-	nam.	79
turaliter.	recipitur subiectiue	
potest dari diuini-	in materia, & forma.	81

F I N I S.



